


Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.3.5.25





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.3.5.25



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.3.5.25



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.3.5.25

6
Ab. 3/5.



Ex Libris Joannis Nencini
1874

IVNIORIS LV-

DOVICI PARISETI REGIENSIS

DE DIVINA IN HOMINEM BE.

NEVOLENTIA, ATQVE

BENEFICENTIA

ORATIONES TRES AD VIROS

REGIENSES

HABITAE.



VENETIIS M. D. LII.



IVNIO RIS LV

DOVNI PARISATI REGIENSIS

DE DIVINA IN HOMINEM SA

RESENTIA, ATOVE

RESENTIA

ORATIONES TRES AD VIROS

REGIENSIS

HABITAE

ALDI

VENETIIS M. D. LII

2

AD IVLIVM III. PONT. MAX.

IUNIOR LVDOVICVS PARI-

SETVS REGIENSIS.

N ON visum est convenire, ut in tam
gravi opinionum dissidio quæramus
alium iudicem, censoremq; oratio=
num, quæ in publicum sint proditu=
re, quàm te; qui non acri minus iu=
ditio polles, quàm suprema potes autoritate. Cum
enim eiusmodi sis, ut siue iudicandi acumen, si=
ue approbandi autoritas perpendatur; inter mor=
tales sis maximus: non sumus arbitrati sine notæ
discrimine fieri posse; ut ad alium refferremus de no=
stris iudicium, atq; censuram, quàm ad te: quo fu=
turum sit approbante; ut nemo præterea ausurus
sit in iudicium provocare. Huc accedit etiam no=
strum in te præcipuum studium, nostraq; tuæ digni=
tatis, & autoritatis singularis observantia: qua
semper studuimus nihil prætermittere; quo tam di=
gnitas ipsa, quàm autoritas apud quosq; maxime
esset illustris, & comprobata: cui, quantum ad nos
pertinet, adeo deferendum iudicamus; ut nihil ei
prorsus opinemur exemptum, quod divinis institu=
tis cohæreat, & proficiendi publicæ respondeat ra=
tioni. Tibi igitur, quodcunq; id operis est, subiici=
mus expendendum; ut tua, si mereatur, munias
autoritate: sin minus, quodcunq; offenderit, sic

A ij

explodas, damnesq; ; ut nihil interim eius auctori
iudices imputandum : cuius fuit id consilium , ut
prodesse maxime , nullaq; in re pareret offendicu-
lum : & nisi quæ tibi probarentur , nullius cense-
ret esse habenda momenti .

Vale .

IVNIORIS LVDOVICI PARISETI
REGIENSIS DE DIVINA IN HO=
MINEM BENEVOLENTIA,
ATQVE BENEFICENTIA AD
VIROS REGIENSES
ORATIO PRIMA.

ELLEM nunc uiri Regienses, ciuesq;
mei, uniuerſum genus humanum,
V & omne mortalium genus capax ra=
tionis hic, ſi fieri poſſet, intereſſet: &
quæ uobis dicturus ſum, atq; expli=
caturus, eo, quod quondã Apoſtoliſ, loquedi munere
mihi conceſſo, audiret, atq; perciperet. Nimirum con=
ſiderem id rei, ſiue materiæ, de qua animo concepi=
mus agendum, ſicut omnibus mortaliũ animis uſui po=
teſt eſſe, et ad omnes aliqua cum utilitate pertinere:
ita non parum fruētus pariturũ, nec modicam fru=
gem allaturum. Cur enim ſummopere non eſt ex=
petendum; ut qui noſ eiſdem ſpeciei communione
contingunt; & qui eodem naturæ, atq; rationis
conſortio nobis coniunguntur; in ueritatis agnitio=
nem deueniant; & in ſalutis uiam deducantur?
cum præſertim poſſint eſſe quàm plurimi, quibus ſi=
æquè, ac nobis oblata eſſet occaſio ueri cognoscen=
di, & ſalutis aſſequendæ: non ſolum graue non ui=
deretur uiam Chriſti, ſanctorumq; tot hominum
ueſtigijs tritam inire: ſed inſtar beneficij, locoq; ma=
ximi muneris ſibi computarent: ut paruo, & pro=
pemodum nullo cum labore comparare ſibi poſſent

DE DIVI. IN HOMI. BENE.

ingentes felicitatis, æternæq; salutis thesauros, & absolutam, atq; perpetuam uitæ immortalis iucunditatem. Sed cum providenti, arcanoq; Dei consilio fiat, atq; permittatur: ut quæ ueritatis agnitio, & quæ salutis æternæ consequendæ oblata nobis est occasio: non æquè plurimis mortalium exhibeatur: qui ueræ religionis ignari, & tenebris uanæ superstitionis inuoluti nihil minus sciunt, quàm quid uerè pertineat ad salutis obtinendæ rationem, & ad uerum, perfectumq; humanæ naturæ finem assequendum: æquanimiter ferre nos oportet, si quod muneris diuinæ gratiæ beneficio, singulariq; Dei beneficii liberalitate nobis concessum est, non æquè cæteris mortalium impertiatur. Nostrum sanè fuerit, ut si speciali beneficio à Deo nos inter cæteros mortales affectos esse cõperimus: in eum animorum gratitudine nos ipsos cæteris propensiores præstemus: & peculiaris beneficii uim, conditionemq; agnoscentes non solum perpetuò gratias ei habeamus; sed totis etiam animis, totoq; cordium affectu inserviamus: & nihil prætermittamus; quod ad eius cultum, honorem, obseruantiam, gratificationem facere possit, atq; pertinere. Alioqui nihil est, quin arbitremur: certoq; credamus nobiscum actum iri peius, & durius, quàm cum Tyrijs, cum Sidonijs, cum Phœnicibus: quibus non tantum notæ, siue culpæ, quantum nobis, possit obijci, atq; adscribi: siue ingritudinis iuditium agatur, siue incuriæ. Quod quidem ne contingat, summopere nobis elaborandum est: & procurandum summo studio, ne quod beneficii

loco nobis oblatum est, nostra culpa, nostra incuria conuertatur, atq; cedat in maius nostrum detrimentum, pernitiemq; in nostram grauiorem. Ad quod sanè cauendum longè optimam, & summè conducentem rationem eam, ni fallor, esse existimo: cuius explicandæ causa & exponendæ huc conscendi. Quanto enim beneficij ratio, atq; dignitatis magis constiterit, & quanto benefici ipsius largitas, benignitas, charitas maior, uberiorq; apparuerit: tanto eos, quos contingit beneficio esse profecutos; par est magis affici, maioriq; amore, & cultu erga eum commoueri: quem suū amantissimum, sui studiosissimum omnino deprehenderint, atq; agnouerint. Quis fuerit animi tā agrestis, cordisq; tam horridi, qui cum nouerit se innumeris beneficijs, atque muneribus diuina liberalitate cumulatum; & nihil prætermissum Dei benignitate compererit; quod usui possit esse sibi, & salutis: & quod eximium, singularemq; Dei ipsius amorem in se ostendere ualeat: non ex aduerso aliquatenus in tam promptum largitorem, in tam liberalem exhibito rem, in tam beneuolum, amantemq; patrem gratitudine, cultu, amore, charitate commoueat? Quòd si quispiam ex uobis fuerit adeo, quod non reat, immitis animi, immanisq; propositi; ut se mea hac ditione nihil commoueri patiat: & quæ dicturus sum ad excitandos mortalium animos in Dei cultū, atq; charitatem maximè idonea, sine fructu cedere permittat: is tantò deniq; asperius iudicium sibi expetietur; tantoq; grauiorem condemnationem subi-

DE DIVI. IN HOMI. BENE.

bit: quantò maiorem culpam inde incurrerit; dum
se ab eis immotum præstiterit, quæ uel immanis-
simum quenq; , atq; immitissimum possint alioquî
commouere. Quin arbitror eum constitutum iri-
reum eius peccati, eiusq; culpæ: quæ propter perui-
caciem maliciam, propositumq; pertinax malè agen-
di nullam patiat, nec hic, nec uspiam alibi remis-
sionis, siue ueniæ rationem. Si præsentissimum, po-
tensq; remedium aduersus infirmitatem offeratur:
si tantum luminis, atq; splendoris inducatur: ut te-
nebræ ignorantia penitus discussæ, disiectæq; uide-
ri possint: non aspicio, non percipio, quid præte-
rea superesse queat; quod culpam imminuere, quod
condemnationem lenire, quod excusationem præ-
tendere ualeat. sola nimirum supererit pertinax
malicia, perditumq; , & contumax malè agendi,
atq; peccandi propositum: quod tam procul abest,
ut ueniam promereatur; ut ueniæ ipsi ex diame-
tro repugnet: & nihil minus admittat, quàm re-
missionem. Quapropter ciues mei carissimi peto,
rogo, obsecro; ne id mei officij, atq; laboris, quod
summo meo erga uos amore, præcipua mea in
uos charitate suscipio; & quod uestre utilitatis, uest-
ræq; salutis causa libenter, ac sponte subeo: pa-
tiamini non solum irritum, superuacaneumq; ca-
dere, sed in uestre culpæ atq; condemnationis gra-
ue augmentum succedere. Ea est rei, siue negotij,
de quo uobiscum aëturus sum, conditio: ut non ar-
bitrer solum uos, qui christianæ religionis albo es-
stis ascripti: & quos noui nec moribus immites, nec

ORATIO PRIMA. 5

rationi rebelles, commotum iri, atq; persuasum:
sed etiam opiner quosq; Thracas immanissimos, fer-
rissimos quosq; uita, & moribus Scythas posse, si
adsint, si me audiant, si me dicentem percipiant;
ab immanitate auerti, à feritate reuocari, & in
summi, ueriq; Dei cultum, honorem, charitatem,
conuerti, atque commoueri. Eiusmodi inquam est
ea, quam paramus ad dicendum materia: ut ne-
mo, qui se hominem esse consentiat, & naturæ hu-
manæ, atque rationis participem se non diffitea-
tur, contenturus sit; quin ab ea plurimum excite-
tur, atq; afficiatur. Quamuis putem iam uos an-
maduertere aliquatenus, & aliqua ex parte suspi-
cari, atq; agnoscere, quidnam sit id rei, siue mate-
riæ; cui tantum, & usq; adeo ad commouendos
hominum in Deum animos à deferatur: ne tamen
interea uobis ulla hæsitandi relinquatur occasio:
& ut planius, atq; certius cognoscatis, qua de re
agendum, & idcirco ad audiendum præbeat is uos
met deinde promptiores: primum totius diætionis,
tractandæq; rei propositionem afferam: deinde di-
ætionem ipsam rei; ipsius explicationem aggre-
diar: quam Deo auspice, & opitulatore futuram
eiusmodi spero: ut tandem nec pœniteat uos huc cō-
uenisse ad audiendum; nec me laborasse ad dicen-
dum. Dicturus igitur sum de magnis, & egregijs
beneficijs; quibus ingens, summaq; Dei bonitas ge-
nus humanum affecit. explicaturus sum mirificam
curam, maximum amorem, singularem charitatē:
qua prouidentissimi, amantissimiq; Dei benignitas

DE DIVI. IN HOMI. BENE.

homines prosequitur. id sanè materiæ continet in se arduam tam diuinæ, quàm humanæ rei rationē: & adeo longam, altamq; seriem habet: ut eam ab origine rerum, atq; mundi repeti sit necesse. Quæ propter pro ut multum frugis, atq; utilitatis potest afferre: ita plurimum diligentia exigit, & attentionis, tum à nobis, dum dicimus, tum à uobis, dum auditis. Nostri igitur fuerit officij rem quàm distinctissime, & clarissime complecti: & ne rerum multiplicitas, & copiosa exaggeratio tam me in dicendo, quàm uos in audiendo debilitet; ea tantum adducere, & recensere: quæ uisa fuerint intellectu faciliora, & ad rem ipsam magis conducantia: uestrum uerò fuerit, ciues mei, cura, studioq; incumbere diligenti; ne auditus audiendo relanguescat, & animus intelligendo remittatur. Si unquam uos oportuit tum audiendo attentè persistere: tum intelligendo perspicaciter animum aduertere: nunc maximè opus id esse existimetis: ubi de re adeo graui, seria, utili tractatur: ut de grauiori, de utiliori, de magis seria tractatum à quocumque non arbitrer uos hætenus audiuisse. Si unquam à uobis uel priuatim differendo, sermocinandoq;, uel publicè uerba faciendo impetraui attentionem audiendi, aut promptitudinem percipiendi: nunc me impetrare sinatis obsecro: quoniam mihi hætenus non contigit ulla de re nec publicè, nec priuatim differuisse, sermonemq; habuisse: quæ maiorem attentionem desideraret: audientiumq; animos promptiores, atq; exporrectiores expostula-

ret: & in qua cuperem magis, ut silentium custodi-
retur, murmurq; omne, atq; strepitus excludere-
tur. Sed cum iam uideamini satis prestare, quod
mihi à uobis exposcitur: nihil est, quin æquè con-
tendam, adnitarq; prestare quod uobis sum pollici-
tus. Rei itaq; explicationem attrectando, altiori-
paulò indagine generis humani rationem repeten-
do animaduertimus geminam existendi rationem
inueniri: quarum una est, qua significatur, quod
per se est, ex seq; existit, non aliunde, quàm ex se
ipso habens existentiam: cuiusmodi est Deus: alte-
ra, qua continentur ea, quæ cum ex se non habeât,
ut sint; nec obtineant existentiam, quæ unum sit
atq; idem cum eo, quod sunt; à Deo ipso existen-
tiam consequuntur: & quidquid habent, quo exi-
stant, ab eo suscipiunt: qui cum sui natura perfe-
ctus sit, nec ullius extrariæ rei, atq; substantiæ in-
digeat; et nihil minus admittat, quàm ut nature ne-
cessitate adductus agat, atq; operetur: quodcunq;
agit, quodcunque efficit, quodcunque creat, sua
simplici, atq; insigni bonitate, sua iibera, atq; li-
berali uoluntate agit, efficit, producit. Qui om-
nem perfectionem in se continebat: qui nulla re-
rum, atq; substantiarum creatione indigebat: qui
ad producendum, atq; creandum tot rerum gene-
ra, tot animantium species nulla necessitate ageba-
tur, nulla naturæ uii impellebatur: ultronea uolun-
tate, munificaq; bonitate adductus ex sinu, siue
gremio suæ inexhaustæ perfectionis, atq; essen-
tiæ effudit largiter: quod satis foret in rerum

DE DIVI. IN HOMI. BENE.

substantiarumq; omnium naturam creandam, atq;
 producendam. omnibus quidem Deus sua sponte,
 bonitateq; sua contulit, ut essent. hactamen in
 re varia ratione, varioq; tenore usus est: quando
 quidem non nulla ita esse voluit, ut vita omnino
 carerent; alia, ut uegetatione uiuerent; alia, ut
 sensu prædita essent; alia, ut ratione pollerent; al-
 lia, ut corpus haberent; alia, ut spiritu consta-
 rent; alia, ut perirent; alia, ut immortalitate po-
 tirentur. Et si pro rerum varia substantiarumq;
 natura, & conditione uariam existendi rationem
 licet animaduvertere: & si uarias rerum, atq; sub-
 stantiarum species patefcit ex Deo consecutas ua-
 rios differentesq; existendi modos: ut quibusdam
 contingat nobiliori esse modo, quibusdā uerò igno-
 biliori: tamen in omni rerum genere, omniq; sub-
 stantiarum cōditione nō licebit reperiri quidquam,
 quod adeo ignobili modo sit, ut si fieri posset, non
 foret attestaturum Dei in se beneficium, & non ef-
 set fassurum, se Deo ualdè esse obstrictum, à quo
 haberet, quòd esset, quòdq; existeret. Eiusmodi enim
 est existendi uis: ut si uel uitam in se non conti-
 neat, aut id uitæ genus in se comprehendat, quod
 miserijs circumsideatur, & quod malis, atq; mole-
 stijs refertum sit: nihilominus boni rationem re-
 tineat, & non possit non arguere eius bonitatem,
 eiusq; beneficentiam, à quo sit, à quo ue procedat.
 Si per poeticam prosopopœiam detur his columnis,
 detur huic rudi lapidum materiæ, ut loqui, & di-
 scernere possint: non ambigendum, quin sint as-

ferturæ Dei in se beneficentiam, & non solum re-
 laturæ, quod sint, quod uel existant, acceptum di-
 uinæ bonitati; sed etiam plurima cum gratitudi-
 ne sint prædicaturæ Dei in se benignitatem, Dei in
 se munificentiam. Si eadem poetices licentia æquè
 concedamus herbis, arboribus, pecudum generi,
 brutisq; animantibus loqui, & agnoscere, se se non
 solum, quod sint, sed etiam quod motum habeant,
 quod sensu polleant, quod uita potiantur, Dei mu-
 nere, Dei benignitate habere: quas gratias arbitre-
 mur agendas ab eis Deo, quam prædicationem diui-
 ni in se beneficij faciendam, quod testimonium be-
 neficentiae in se diuinæ præstadium, perhibendumq;
 Sed genus hominum, quod inter cætera animan-
 tia præclarissimam, atq; nobilissimam existentiae
 uim, conditionemq; Dei benignitate consecutum
 est; & peculiari rationis, atq; intellectus beneficio,
 ac munere affectum est: quo obligationis nexu ob-
 strictum, qua animi gratitudi ne addiæctum, qua
 amoris, atq; charitatis propensione affectum se præ-
 stare debet erga eum: à quo tantum beneficij sit cõ-
 secutum; à quo tantum doni, atque muneris habue-
 rit; & cuius deniq; tantum amorem, tantam bene-
 uolentiam, tantam charitatem in se expertum fue-
 rit, atq; deprehenderit? ingratus sanè nimium, atq;
 impudens homo fuerit, si, quod signum gratitudinis
 in Deum editurum, si daretur potestas, creditur
 quodcunq; inanimis naturæ est, & quodcunq; sen-
 sili, aut brutali uita est præditum: ipse prætermi-
 tat, qui rationis, atq; intellectus munere donatus

DE DIVI. IN HOMI. BENE.

est: quorum causa reliquis tantum præstat, atq; eminet, quantum divina humanis, & immortalia mortalibus antecellunt. Profecto si comparemus animata inanimatis, rationalia brutis; & in uno quoq; genere Dei munus, Deiq; beneficium perpendamus: tantum accepti meriti ratione ea inter se comperientur differre: ut uix ulla proportionis ratio excogitari possit. Vnde si infinito propemodum intervallo animata inanimatis antecedunt, & brutis rationalia: & si, prout unum quodq; contingit antecedere, ita beneficij à Deo suscepti maiorem cumulum præsefert: quis unquam satis explicare, satis comprehendere, satis imaginari queat, quantum divinæ bonitati obstringatur homo; quantum Dei in se meritis obligetur; quantum, si uel minima ex parte respondere uelit, teneatur instare præstando obsequio, exhibendo honori, procurando cultui eius: & quantum in eo demerendo, gratificando, amando studere debeat, atq; incumbere. Si totius naturæ à Deo creatæ rationem diligenter excutiamus: comperiemus sanè quidquid uitæ, quidquid naturæ generi unicuiq;, aut speciei distincte, et separatim concessum est, id omne in una hominis conditione Dei munere, atque beneficentia conuenire: & quidquid per totam propemodum rerum, atque animantium naturam diffusum, disseminatumq; est: in una hominis ipsius specie, siue natura ita contineri: ut nec inscite, nec incongruè senserint, quicumque eum microcosmon appellarent. Nam quod sit, existatq; respectu corporis ex

materia elementari compositi, id commune habet
 cum id genus mistis. quæ philosophi uocant imper-
 fecta. Quod huiusmodi corpore sit præditus, quod
 crescat, quod augeatur, quod moueatur, cum plan-
 tis, cum arboribus, cum genere rerum uegetatio
 conuenit. Quatenus sensu uiget, appetitu tangi-
 tur, corporea uoluptate afficitur: habet, continetq;
 quidquid brutis animantibus, irrationaliq; uiuen-
 tium generi proprium est, & naturale. Dum ra-
 tione pollet, & præstat intellectu, quoddam cum
 genere Angelico consortium, quandam cum sub-
 stantijs spiritalibus, intelligentijsq; cœlestibus ha-
 bet communionem. O præclaram, & speciosam
 hominis naturam: o admirandam naturæ huma-
 næ conditionem. Scitè admodum profecto, & ue-
 raciter ille priscorū Theologorum princeps Trisme-
 gistus Mercurius hominem appellauit ingens, &
 stupendum naturæ miraculum: in quo cum corpo-
 reum incorporeo, & mortali immortale coniun-
 ctum sit: & cum totius creatæ naturæ uis, ratioq;
 participata comperiatur: quis unquam satis queat
 eius compactionem, quis satis eius dignitatem na-
 turæ, atque præstantiam ualeat explicare? Existi-
 matote hic paulum ciues mei, quo honore afficere,
 qua animi propensione colere, quo amore, & qua
 charitate prosequi eum nos deceat, atque oporteat:
 qui nostrum genus in rerum natura condidit tanta
 cum dignitate, tanta cum præstantia. Considerato
 te, quantum par sit, atque decens, nos debere eius
 bonitati, eius beneficentiæ, qui in nostro genere

DE DIVI. IN HOMI. BENE.

condendo nihil rei prætermisit: quo naturæ nostræ ratio præclarius effici posset, atque locupletior. Et qui in conditura rerum, mundiq; tantam significationem præcipui in nostrum genus affectus, et charitatis prodidit: ut qui diligenter uelit animadvertere: non possit non facere, quin admirando obstupescat, et considerando confundatur. O' propensum in creatione hominis Dei studium. O' admirandam erga genus humanum diuinæ uoluntatis affectionem. Postquam cœlum, sidera, plantas, animalia produxit Deus: hominem postremo, cuius causa tanquam finis cætera omnia condiderat, formaturus protulit. Hominem faciamus ad imaginem, similitudinemq; nostram. Cur hominem Deus conditurus, ut in reliquis producendis, non dixit fiat homo? cur diuinus uir ille Hebræus, cui Dei spiritu suggerente, atque dictante, huiusmodi rerum creatio explicata est, et prodita memoriæ, non æquè scriptum reliquit: Deus creauit hominem: sicuti scriptum reliquerat, creauit Deus cœlum, et terram? O' arcanum sensum, o' mysterium non absquè ope diuina explicandum. An non satis per imaginis: similitudinisq; significatum uidebatur exprimi, demonstrariq; Dei cum homine consortium, atque coniunctionem: nisi ex ipsa uerborum conceptione, loquendiq; forma, siue modo aliquid præterea accederet: unde præcipua Dei erga hominem uoluntas, affectio, charitas argueretur, atque constaret. Cum cætera rerum corpora, reliquasq; animalium species ita Deus produxisset, ut in eis relinqueret

ORATIO PRIMA 9

queret quandam impressionem, quæ cuiusdam in-
star esset uestigij: quod aliquo modo causam in ef-
fectu referret, atque repræsentaret: in condendo
homine singulari quadam usus est beneficentia: cui
non impressionem tantum uestigij, sed intellectus,
animæq; rationalis munere imaginis affirmationem
contulit. Imaginem suam Deus in homine ita uo-
luit esse impressam: ut non eiusdem naturæ ratio-
nem haberet in homine, quam haberet in filio:
qui cum patris ipsius sit perfecta imago, eiusdem
cum patre naturæ est: sed ut contineret, atq; præ-
seferret in se naturæ diuinæ, specie tenus similitudi-
nem: quæ eatenus refertur, atque repræsentatur:
quatenus ratione existentie, ratione uitæ, ratione
intellectus Deum homo exprimit, & ui rationalis
animæ imitatur. Sed quò clarius, atque apertius
agnoscatis ciues: quid Dei imago homini impressa
differat ab imagine, quæ Dei patris est in filio; id
exempli accipite: & existimate Dei imaginem ita
propemodum in filio esse, sicut accidit Regis alicu-
ius imaginem in filio existere: & ueluti eiusdem
Regis imaginem contingit esse in æs, aut in lapide
excisam, ita in homine Dei ipsius impressam esse
imaginem. Verum homo ui rationalis animæ non
solum imaginem naturæ diuinæ refert, sed etiam
diuinam trinitatem, diuinarumq; personarum tri-
plicitatem repræsentat. Quatenus enim homo est,
patris imaginem repræsentat. quatenus se nouit es-
se, imaginem filij refert. quatenus autem suam es-
sentiam, suæq; essentie cognitionem amat, sancti

DE DIVI IN HOMI. BENE.

spiritus præsefert imaginem. Cum cogitatione poleat homo, cum cogitando uerbum concipiatur: cum tam ex cogitatione, quàm ex uerbi conceptione quidam mutuus amor, atque affectus prodeat, atque exultet: nullus non uidere potest imaginem trinitatis diuinæ in rationali hominis natura repræsentari. Cum mens hominis, cui omnis diuinæ imaginis repræsentatio innititur, natura complectatur, memoriam, iutelligentiam, uoluntatem: cumq; memoria ita intelligentiam, & uoluntatem contineat: ut tamen tam ab intelligentia, quàm à uoluntate ipsa contineatur: cumq; uoluntas, atque intelligentia ita sese uicissim respiciant: ut non solum singulæ singulas comprehendant, sed etiam à singulis omnes comprehendantur: nemo, qui modò nouerit sub una Dei substantia, siue essentia tres personas contineri: quarum singulæ ita reliquas respiciant: ut nulla ex eis sit quæ reliquas essentiæ ipsius ratione non complectatur: animaduertere non poterit imaginem diuinæ trinitatis ita in hominem aperte cadere, ut nullo pacto, siue modo possit inficiari. Hinc iam constare potest non ab re, nec immerito ueracem, fidelemq; Dei interpretem Moſen Hebræum: cum uellet significare imaginem Dei homini impressam tam respectu trium diuinarum personarum, quàm unius diuinæ naturæ, induxisse Deum in condendo homine dicentem, Faciamus hominem ad imaginem, & similitudinem nostram. sed cum iam satis arbitrer esse dictum de imagine Dei in homine: superest, ut æque de simi

litudine loquamur: quæ cum eodem sub complexu
uerborum concludatur, non minus quàm imago,
ostendenda est continere tam trinitatis, quàm natu-
ræ unius diuinæ representationem: sed priusquam
id tentemus; ne rei, de qua agatur, uis, significa-
tioq; non satis cognita totam intelligendi rationem
perturbet: diligenter scrutari oportet, quid inter-
sit inter imaginem, de qua meminimus, & simili-
tudinem, de qua dicendum proposuimus. Circum-
scripta igitur omni, si fas modo est, aliorum, quos
uiderim, interpretatione, similitudinem ab imagi-
ne sic differre opinamur, ut imago, seruata eius,
cui adest, specie, siue forma, perdi nequeat, aut
aboleri: similitudo uerò quandam rei qualitatem si-
gnificans perdi possit, & abesse à re, rei ipsius na-
tura, atque specie superante. Quapropter homi-
nem, cum conditus est, existimo similitudinem Dei
respectu naturæ diuinæ adeptum, quatenus per-
petuo poterat uitam agere; quatenus nihil habe-
bat, unde pateretur, atque doleret omnis expers
tam corporis, quàm animi ægritudinis, atque mor-
bi; & quatenus denique felicitate, atque beatitu-
dine potiebatur summa in tranquillitate constitutus,
& rerum omnium copia cumulatus. Dum uerò in
res omnes, animantesq; uniuerfas dominationem,
atque imperium consecutus est, & potestatem obti-
nuit non solum reliquis dominandi, sed se ipsum
etiam moderandi: similitudinem quandam uidetur
habere cum patre, cui potestas omnis attributa est,
& dominatio. Sed dum intelligendi exactam per-

DE DIVI IN HOMI. BENE.

spicaciam, rerumq; omnium scientiam, atque cognitionem habuit: & diuina gratia ita affectus est: ut in nullis percipiendis, atque cognoscendis falli posset, aut decipi: similitudinis cuiusdam cum filio communem rationem tenuisse censendus est. Spiritus sancti similitudinem præferre inde poterat uideri, quod cum rectitudine uoluntatis ita conditus est, ut procliuis in omne boni genus arbitri foret: & tam integra bonitate, atque iustitia polleret: ut Deo ratio ipsa penitus subiceretur, rationi inferiores, siue sensiles animæ partes parerent: animæ uero ipsi corpus inseruiret, atque obtemperaret. O beatam, atque diuinam hominis conditionem. O mirificam Dei in hominem beneficentiam. Non solum Deus hominem multiplici, uariaq; naturalium bonorum copia ornauit, atque dotauit, sed etiam ex fonte sue diuinæ gratiæ hauriens ei contulit: ut præter omnem naturæ rationem nihil doleret, nihil perturbationis sentiret, nihil læsionis aut corruptionis pateretur. Condidit enim Deus ita hominem, ut nisi peccaret, peccandoq; gratiæ diuinæ beneficio semetipsum spoliaret: posset ullo sine dolore corporis, ulla sine perturbatione animi uiuere, & se ab omni perniciæ illæsum, ab omniq; mortis, atq; corruptionis discrimine liberum custodire. Ea erat in rerum ac animantium genere uis, atque dispositio: ut cum iussu, atque uoluntate diuina omnia producta essent, quo hominis utilitati, & commodoinseruirent: nihil ei noxium, nihil perniciosum, nihil mortiferum omnino afferre possent.

ORATIO PRIMA. C III

Pro ea enim lege naturæ, ordinisq; ratione, qua Deum omnia respiciunt. Deoq; ipso authore aguntur: fieri non poterat: ut quandiu homo ratione Deo se subderet, Deiq; uoluntati cohæreret: aliquid sibi noxium experiretur, aut perniciosum ex illis: quæ naturæ ui nihil possent, quod aut Deo disideret, aut à diuinæ legis ordine semel rebus in dicto deuiaret. Sicut Dei beneficio consecutus erat homo, ut nihil extrarium sibi noxium, aut rebelle haberet: ita obtinuerat: ut proprios sensus peculieresq; sensuum motus ea moderatione, eo temperamento sese habentes experiretur, ut nihil repugnantia, nihil rebellionis molirentur aduersus ipsam rationem. Quàm putatis ciues fuisse tunc hominis felicitatem: qui tum ratione animi, tum corporis causa ea indemnitate, ea sospitate, ea incolumitate erat: ut nihil sibi aliunde sentiret, aut formidaret damni, atq; incommodi: nec in se quidquam haberet, quod uel animo perturbationem, atq; sollicitudinem, uel corpori detrimentum afferret. Ameno enim, ut sacra testatur scriptura, ac delitioso in loco homo collocatus à Deo, ea tranquillitate, & pace animi fruebatur; ea corporis sospitate, & prosperitate potiebatur: ut nihil sibi deesse incunditatis, nihil sibi deficere uoluptatis, atq; delectationis experiretur. Inter cæteras eo loco consitas arbores arbor aderat uitæ: quæ felici fructuum ubertate, & copia germinans. atq; nitescens homini sufficiebat abunde: quo uiueret, & quo cibatus, atq; exatiatus animi cum corpore societatem, atq; coniun-

DE DIVI. IN HOMI. BENE.

Etionem perpetuò custodire, & immortalitati suæ
 optimè posset consulere. O speciosam, & poten=
 tem arborem. O diuinos, & salutare arboris fru=
 ctus: qui cum tantum uirtutis, & efficacitæ in se
 haberent, ut decerpentem, comedentemq; homi=
 nem perpetua in uita, perenni in fœlicitate, conti=
 nua tam animi, quàm corporis in sospitate, & inco=
 lunitate posset custodire, tueri, conseruare: nihil
 est, quin existimari ea debeat, aut uim, uirtutemq;
 diuinam in se continuisse, aut potius diuinæ ipsius
 uirtutis symbolum extitisse. Constitutus igitur ho=
 mo ea in loci salubri amœnitate, & uitalis arboris
 suauibus fructibus uescens Deum uidebat, non sub
 ænigmate, neq; in rudi, atq; obscuro rerum corpo=
 raliū, atq; sensilium speculo, sed in lucida, & per=
 spicua, rerum, atq; effectuum relatione: Dei, &
 Angelorum præsentia fruebatur: Deum ipsum lo=
 quentē audiebat: Deiq; ipsius monitis atq; sermoni=
 bus instituebatur. Cum enim tot, tantisq; beneficijs
 in hominem collatis necdum Deus existimaret suæ
 bonitati esse satisfactum: & cū iam cogitaret post
 aliquot temporum spacia de felici huiusmodi uitæ
 statu ad alium longè feliciorē, longèq; prestan=
 tiorem uiuendi statum transferre hominem: ne in=
 terea ipse homo sibi deesset, aut sua aliqua cul=
 pa, atque incuria occasionem felicioris uitæ con=
 sequendæ amitteret: interpellauit eum, enixeq;
 admonuit: ut in fide consisteret: & quem felici=
 tatis statum semel adeptus esset, studiose custo=
 diret: quousque ratio temporis, suæq; providen=

tiæ examen exigeret: ut transferretur ad longe
 beatiorē uiuendi conditionem: à qua nullo pa-
 cto, atque modo deinde posset excidere. Quapro-
 pter ei interdixit, ne quid ex arbore cognitionis bo-
 ni, & mali degustaret: mādauitq; aut ab eius arbo-
 ris fructu comedendo caueret omnino: nisi uellet nō
 solū ab eius felicitatis, qua frueretur, conditione ca-
 dere, sed etiam occasione priuari multo maioris,
 multoq; pfectioris felicitatis, facta deniq; translatio-
 ne assequēdæ: cumq; inibi non solum arbor uitæ es-
 set, cuius fructu abundē posset uti ad tuendā felici-
 tatē, atq; immortalitatem, sed etiam complures aliæ
 arbores: de quarum fructibus sibi cibum parare pos-
 set, qui plurimo foret usui: solummodo manus ab-
 stineret: seseq; prorsus cōtineret ab eius arboris fru-
 ctu; cuius degustatio non solum eius felicitatem per-
 dere, sed etiam mortem, corporisq; corruptionē pos-
 set afferre. Præterea consideraret, admonuit, nul-
 lam fore rationem uel felicitatis, quam adeptus es-
 set, tuendæ: uel societatis animæ cum corpore con-
 seruandæ: reliquorumq; bonorū, quæ gratiæ suæ be-
 neficio esset cōsecutus, retinendorum: nisi suis pare-
 ret mādatis: & nisi toto uoluntatis, atq; animi affe-
 ctu obsequentem se præstaret. Exposuit quoq; quem
 admodum eius causa condiderit omnia; quæ mun-
 do cōtinerentur: ipsum uerò creauerit, quò sibi in-
 seruiret: nō quòd eius seruitio aliquatenus indige-
 ret; inuariq; aliqua ratione posset: cum in se omnē
 perfectionem comprehendat: sed ut seruiēdo ipse fe-
 liciter uiueret, beatitudineq; immortalī frueretur:

DE DIVI. IN HOMI. BENE.

et longè plus inde boni cōsequeretur, & cōmodi: dū
sibi inseruiret, quā dum cæteris imperaret: cum si
bi inseruire, sit regnare: & mera servitus sit ea do
minatio: quæ suæ gratiæ consortio immunis, &
à servitio sibi præstando sit aliena. Subiunxit etiam,
hinc fieri, ut non solum, quæ propter ipsum condi
ta sint, eius incommodum tendant, eius bonum re
spiciant: sed etiam id, propter quod ipse sit condi
tus: & tantum abesse, ut quidquam, quod sit,
quodq; existat, alio, quā ad bonum eius uergat,
utilitatemq; eius pertineat: ut omnia tum superio
ra, tum æqualia, tum inferiora eius commodum
respiciant, eiusq; beneficio destinata sint: in primisq;
fateri, semetipsum, quo nihil superius esset, nihil ex
isteret eminentius: eius ita esse, ut planè perfrui
possit: spiritus etiam Angelicos, quibus tum ratio
ne intellectualis substantiæ, qua præditus esset: tum
futuræ felicitatis, futuriq; status causa uideri possit
adæquari, eius ita esse: ut uno cum illis conuictu,
eadem cum illis consuetudine sit potiturus: inferiora
uerò eius ita deniq; esse: ut non solum ad usum
eius, & commoditatem spectent: sed etiam eius im
perio, eius dominationi subiiciantur: & seruitijs
eius, atq; obsequijs sint addicta, atq; mancipata.
Hinc quæso ciues mei animaduertite, quā stu
diosè procurarit, quā amanter affectauerit De
us, ut homo in ea, in qua conditus esset, innocen
tia animi, & corporis incolumitate persisteret: &
nihil committeret, quo de felicitate in miseriam, de
uita in mortem corrueret. putatis ne quempiam in=

ter uos hic inueniri patrem, qui adeò salutis filij sui studiosus, adeò incolumitatis eius amans, & sollicitus sit: ut studium, sollicitudinem, affectum Dei in hominem uel aliqua ex parte coæquet? Absit ut putetis: quandoquidem nimis absurdum foret putatu, & creditu nimis incongruum: ut qui in filio nihil suæ operæ agnosceret, nisi aliquatenus causa corporis: affectu, studio, charitate se parem præstaret ei, qui in creando homine tam animæ, quàm corporis extiterit author: ut omittamus interea id, quo constat, multò efficacius quid semper in causa, quàm in effectu reperiri. O ingratum tanti studij, tanti meriti, tantæ charitatis hominem. si nihil etiam mali, atque detrimenti ex diuini mandati transgressione sibi contracturus fuisset homo: etsi impune etiam potuisset Dei monitis, Deiq; uoluntati aduersari: & nullo cum suo malo, nullaq; cum sua pernitie committere: quod ei displiciturum sciret: eiusq; animum offensurum: debuerat omni studio conari, omnibus uiribus contendere: ne quid omnino ageret, ne quid omnino perpetraret, quod posset uideri esse uel uoluntati contrarium, uel studio aduersum eius: à quo tot beneficij esset affectus: & cuius beneficentiam erga se tam liberalem, tamq; copiosam foret expertus. Sed cum non solum homo frangendo præceptum Dei, eius uoluntatem offenderit: cui pro beneficijs, muneribusq; acceptis obsequentissimum se debuerat præstare: sed etiam grauissimo cum suo damno, & detrimento id ipsum perpetrauerit:

DE DIVI. IN HOMI. BENE.

quid est id, Dij boni, non solum ingratitude er-
ga benemerentem, sed odij, & inimicitie aduer-
sus semetipsum? O capitalem sibi, suæq; saluti ini-
micum hominem. Dum Dei monitis non satis adhi-
bita fide, sibi spiritus, atq; animi elatione permo-
tus coepit placere: & inde rem suam posse fieri me-
liorem suspicatus, unde peiorem futuram prædixe-
rat Deus, sese ab ipso Deo, à quo totius boni, atq;
felicitatis suæ causam trahebat, auertit: & ratio-
nem, quam in Deum directam, Deoq; subiectā con-
tinere debebat: conuertit ad rerum corporalium, et
sensilium amorem: & cui dominari oportebat, ap-
petitui subiecit: eam subito, quam cum Deo simi-
litudinem retinebat, amisit: & de statu felicitatis,
in quo fuerat conditus, corruens, & ab immorta-
litate, quam, Deo cohærendo, perpetuò poterat tue-
ri, decidens in barathrum miseriarum sese conie-
cit, & moriendi necessitatem sibi contraxit, atque
accerpsit. Quandiu enim homo cohæsisset Deo,
Deoq; ipsi subditam habuisset rationem: uis illa,
quam præter naturam diuina uirtute, diuināq; gra-
tia inditam habuerat animæ: poterat corpus ab om-
ni corruptione, atque ægritudine arcere: eiq; im-
mortalitatem, uitamq; perpetuam conseruare. sed
cum se distraxit à Deo, rebusq; corporalibus ani-
mum, cogitationēq; applicauit: confestim uis illa su-
pernaturali destituta anima, quam habuerat pote-
statem tuendi ab interitu corporis, atq; corruptione
amisit omnino, et quidquid prærogatiuæ, atq; doni
uirtute diuinæ gratiæ consecuta fuerat tum in sui

ipsius, tum in corporis beneficium, perdidit. O gra-
 uem, et insignē animæ iacturam. quæ modò potesta-
 tem habebat corporis perpetuò uiuificandi: quæ mo-
 dò uirtute pollebat se ipsam tuendi, atq; custodien-
 di illæsam, intactāq; ab omni affectu, atq; pertur-
 bationū infestatione, et molestia: iam nō habet, non
 solum quid opis, & subsidij possit corpori impende-
 re, sed sibi ipsi non sufficit etiam à malis tuendæ.
 Postquàm homo aduersus mandatū Dei, fructum,
 siue pomum ex arbore cognitionis boni, atq; mali de-
 cerptum degustauit: quam cognitionem boni, et ma-
 li sibi profuturam crediderat ad assequendā Dei si-
 militudinem, ea in causa fuit: ut quidquid similitu-
 dinis cum Deo ex creatione fuerat consecutus, amit-
 teret. cui enim mirum uideri debet, qui se rerum
 corporalium studio tradiderit: seq; sensuum moti-
 bus, irrationaliq; appetiui subiecerit: in quibus ui-
 detur omnis corporeæ, animalisq; uoluptatis, atq;
 molestiæ uis, atq; potestas consistere. eum reddi Deo
 tantò dissimiliorem, quātò boni, quod in corporis,
 & sensuum uoluptate, & mali quod in contrario
 affectu collocatur: scientiorem, cognoscentioremq;
 se præbuerit? Quandiu homo in summi, uniuersa-
 lisq; boni cognitione perstitit, & in eo contemplan-
 do, amando, perfruendo perseverauit: tandiu nec
 particularis boni rationem, nisi quatenus uniuersa-
 le bonum respiciebat: nec mali cuiuspiā notitiam,
 aut cognitionem habere potuit: cum omnis malī
 ratio ex boni alicuius constitutione prodeat: cum
 eius priuatio, siue carentia mali rationem ui-

DE DIVI. IN HOMI. BENE.

deatur continere. Qua causa effectum est: ut cum primum homo non habita summi, uniuersalisq; boni ratione, se conuertit ad bonum particulare: & illud tanquam finem sibi proposuit cognoscendum, atque fruendum: subito in mali cognitionem incideret; & ea se priuaret mali ignorantia: quam consequebatur ex ignorance boni particularis, cognitioneq; ex ipsa, atque adhesionem summi uniuersalisq; boni. Mira admodum, & perceptu difficilis est hæc humanæ conditionis immutatio: ut uix quidquam aliud in rerum humanarum consideratione mihi se soleat offerre: quod æquè me tum admiratione afficiat: tum ad percipiendum hebetem, tardumq; reperiat. Res sanè hæc ex sacra constat scriptura, & maiore comprobatur testimonio, atque fide: quàm fas sit contra aliqua uti exceptione. Demodo autem tenoreq; rei, quemadmodum transacta sit: & si æquè eiusdem historiæ documento uideri potest apparere: dum Demonem sub specie serpentis tentantem, foeminam serpenti consentientem, uirum denique ipsi foeminæ annuentem continet: nihilominus res adhuc ipsa uidetur altiori explicatione indigere, & subtiliori posse indagine peruestigari. de quo quidem, quia loci huius, aut temporis nō est, ut scrutemur ulterius, & ratiocinemur: uerbis amplius faciendis supersedebimus, dilata fortasse huiusmodi negocij discussione, atque tractatu in aliud tempus aptius ad differendum, & in aliam occasionem ad ratiocinandum, atque speculandum op

portunior. Postquam igitur homo parti inferiori animæ consentiens, & à spiritu ad carnem, siue sensum deficiens à Deo descivit; Deiq; uiolato mandato prohibita arboris fructum degustauit; boni, & mali cognitionem ita adeptus est: ut quæ prius ignorauerat mala, iam sentiendo, patiendoq; experiretur: & cuius nuditatis corporeæ Deo deditus nullam rationem habuerat, iam studio corporis, sensuumq; illecebris correptus de ea cœpit esse sollicitus: & hinc ex nuditate pudorem concipiens, indeq; corporis nudi incommodum sentiens; consuit sibi, quo se, pudenda uē operiret perizonia. Id nimis nobis documento esse potest, atque exemplo, nihil nobis fore curæ, nil nos curaturos eorum, quæ corporis commoda, studiumq; respiciunt: quæq; sensuum motibus applaudunt, atq; deseruiunt: si Dei cultu penitus detineamur: si Deum totis animis suscipiamus: si tota deniq; mente, plenoq; studio Dei religioni, atque contemplationi instamus. Quæ Dei sunt, & quæ mundi: quæ spiritus sunt, & quæ corporis, ac sensuum: adeò inter se dissident, adeò uicissim discrepant: ut nullam mutuò consensionem admitant: nulloq; pacto, aut ratione unà conuenire possint. Nihil minus effici potest, quàm ut quis Deo, & mundo inseruire; Spiritui, & corpori satisfacere queat. Tantum abest, ut quis ualeat Deo placere, simulq; mundo, ut qui se uni addixerit, amicumq; se præstiterit, alteri infensus, inimicusq; sit, oporteat. Tam procul est, ut qui corporis curam gerit, corporiq; curando in-

DE DIVI. IN HOMI. BENE.

cumbit, spiritu polleat, spiritu inualeſcat: ut fieri non poſſit, quin procuratio, amorq; corporis ſpiri-
tui interitum afferat, aut ingens detrimentum ap-
portet. Hac ratione euenit, ut ſimulac homo in-
dulgentia corporis affectus eſt, & ſenſuum appeti-
tu ſe pellici permiſit: aſpectum Dei, cum quo libere
loqui, & cuius præſentia frui ſolitus erat, horrue-
rit, atque extimuerit adeo: ut eius in paradifo de-
ambulantis uocem cum audiſſet, ſubtraxerit ſe, at-
que abſconderit: ne conſpiceretur ab eo. O formido-
loſam peccati conſcientiam; O ſecuram, & auden-
tem innocentie conditionem. Qui modò in ſtatu in-
nocentie conſtitutus, & à labe peccati immunis collo-
quium Dei expetebat: coram Deo aſtabat: Dei aſpe-
ctu fruebatur: iam peccati reus, iam commiſſæ cul-
pæ conſcius uocem Dei horret: aſpectumq; eius ſub-
terfugit, atq; reformidat. qui modò audacter ſe co-
ram Deo habebat, qui modo ſe erga Deum confiden-
ter gerebat; iam pauore affectus: iam rubore, uere-
cundiaq; ſuffuſus quærit latebram, qua ſe Dei cõſpe-
ctui ſubtrahat: latibulum procurat: quo Dei præſen-
tiam fugiat. Quamuis homo tum propter offenſam,
quam in Deum commiſerat, uiolando præceptum e-
ius: tum propter ingratitudinem: cuius ſe maxime
reum conſtituerat, ab eo ſe auertendo, atq; ab alie-
nando: à quo tot beneficijs affectus fuiſſet: mereba-
tur ut Deus non ſolum curam eius penitus dimitte-
ret, auerſantemq; auerſaretur: ſed etiam nulla mo-
ra eum perderet, eumq; peſſundaret: tamen diuina
ingens bonitas nec dereliquit fugientem, nec quæ-

rentem latitare deseruit: sed eum insecuta est, non ut perderet, sed ut seruaret: eum quæsiuit ut inuaderet, non ut profligaret. Quis satis hic ciues queat explicare miram, stupendamq; Dei bonitatem? Quis satis admirari eius eximiam in hominē benignitatem possit? Quem sui mandati contemptorem, quem suis monitis rebellem, quem beneficiorum ingratum, quem sibi iniurium deprehenderat; eum ultrò quærit latitantem, ultrò compellat fugientem. Quis fuerit ex uobis, quicumque hic adestis parentes: qui, si filium, quem omni genere beneficiorum sit persecutus: sibi ingratum experiatur, suis monitis auersum reperiatur, omnis cultus, iurisq; paterni uiolatorem deprehendat: non eum à se propellat, ab eiusq; consuetudine, & alloquio non abhorreat: eumq; tandem hereditate non relinquat exhæredem? si quis seruum habeat sibi pretio non uili comparatū. quem rei familiari præfecerit; & cui liberam rei domesticæ, peculiq; administrationem concesserit: cuiq; potestatem sui adeundi, sui alloquendi fecerit: si comperiat eum non solum tradita rerum administratione abuti: sed eò insolentiæ etiam, atq; arrogantia præuehi, ut mandatis illudat, monita subsannet: ut contempto deniq; iure gentium, atq; seruitutis, fuga se subtrahat seruitio: temperabit ne huiusce modi serui dominus penitus ab ira? cōtinebit ne se, quominus inuentum coerceat catenis, uinctumq; duriter abdat ergastulo: & eum indignum sua præsentia ratus releget in tenebras, suisq; adeundi, suiq; alloquendi potestate penitus interdicat? Nihil minus

DE DIVI. IN HOMI. BENE.

arbitror existimandum, quàm quenquam ex his,
seu patrem uelis, seu dominum, contenturum esse
quo minus genus omne seueritatis exerceat, & eò
iusta indignatione permotus procedat ultionis: ut
uel paternæ in filium charitatis, uel dominicæ in
seruum benignitatis nullam rationem habuisse com-
periatur. At Deus pater hominis, idemq; dominus
non indignatione motus curam eius, à quo contem-
ptus, à quo offensus fuerat, dereliquit: Sed mise-
ratione affectus, charitatisq; ardore succensus, abs-
condentem se ultrò quæsiuit, & colloquium detre-
ctantem ultrò compellauit, ubi esset, ubi deliteret,
interrogans: à quo cum peccati confessionem acce-
pisset, & peccandi causas audiuiisset, non ultra quid
pœnæ illi intulit, quàm quod ipse sibimet peccando
acciuerat. Tantum abest, ut quid homini pœnæ
Deus ultrò intulerit: ultionemq; aliquam de eo ul-
tro expetiuerit: ut dum pœnas cōmemoraret, quas
sibi accersiuisset peccando contigerat: ultrò prouoca-
rit ad peccati pœnitudinem, & ad contracti mali
remedium aliquod suscipiendum inuitarit. Nihil
æquè peccati pœnitudinem, odiumque inducit,
quàm pœnarum recordatio, quæ causa commissi
peccati sint subeundæ. Vnde commemoratis à Deo
pœnis, quæ homini subeundæ essent propter admis-
sum, et explicatis malis, quæ imminerēt ei commissæ
culpæ causa: quorum etiam nonnihil iam sentiebat,
eò adductus est homo: ut peccati graui pœnitudine
tangeretur: & in admissam culpam sic capitali or-
dio moueretur: ut si eam uel grauissimo quoq; or-
nere

nere posset diluere, libenti id animo foret subiturus. Sed odio, pœnitudinēq; peccati, in quam homo tum Dei compellatione, tum pœnarum, malorumq; explicatione adductus est: tantum ab ipso homine profectum est: ut longè maius, longeq; potentius remedium aduersus mala, pœnasq; peccati obtinuerit denique ope diuina post pœnitudinē, quàm ante suo pte marte, suapteq; natura connitens adeptus fuisset. Homo enim, qui post peccatum, prius quàm à Deo compellaretur, ad pœnitudinēq; prouocaretur, aduersus nuditatem, peccatiq; incommoda sibi perizoma ex folijs ficulneis consuerat, compellatus à Deo, peccatum confessus, peccati pœnitudine affectus, loco perizomatis ficulnei, tunicam pelliceam, qua indueretur aduersus nuditatem, Dei opera, Dei q; munere consecutus est. Hinc profecto non modica diuinæ in hominem peccati reum benignitatis, commiserationisq; significatio colligi potest: dum cum eo post peccatum sic egit Deus, ut compellaret ad confitendum peccatum, habendamq; peccati pœnitudinē: qua habita consequeretur eiusdem Dei opera, atque munere aduersus nuditatem, peccatiq; incommoda longè tutius, longè commodius, longe præstantius remedium, quàm illud esset, quod sibi ipse confecerat: quodq; ut dum taxat naturæ suffultus adhibuerat. Quæ enim incommoda oportebat solo naturæ patientis adnixu, atque conatu ferri, sustineriq;: Deo prouocante, atque eliciente, peccati pœnitudine consecuta, red ditus homo est idoneus: qui in tolerandis fortiter,

DE DIVI IN HOMI. BENE.

atque æquanimitèr peccati pœnis, atque incommo-
dis ope diuina iuuaretur, & in perferendo Dei ope-
ram, Deiq; gratiam auxiliatricem, atq; opitulatri-
cem experiretur. Inualidum sanè, atq; debile ad-
uersus mala, pœnasq; peccati futurum erat remedi-
um homini ui, potestateq; naturæ competens; ut fa-
cilè succumbere potuisset: nisi Dei beneficio acces-
sisset remedium longe ualidius, longeq; potentius:
quod fide constans, atque spe, longanimitatem af-
ferret: & mala leuiora reddens facilem induceret
tolerantiam. Præterea ne quemadmodum contige-
rat homini ex oblata facultate sumendi fructum
ex arbore cognitionis boni, maliq; atque comedèn-
di: ei æq; eueniret decerpto ex arbore uitæ fructu,
atque degustato: ut unde sibi boni occasionem con-
ciperet: inde mali, pœnæq; exortum experiretur: ui-
sum est Deo, prohibere ei aditum paradisi: et destina-
to uitæ arbori custode cum gladio flammeo, atq; uer-
satili arcere eum ab eiusmodi arboris fructu decer-
pendo, atque degustando. Futurum enim anima
duerterat Deus pro ea, qua homo tangebatur cupi-
ditate recuperandæ, quam amiserat, immortalitatis:
ut occasione oblata, ad fructum arboris ui-
tæ manum iniiciendi, se omnino non contineret;
sed degustato arboris fructu suam cōditionem mul-
tò deteriore redderet. Quod quidem contigisset:
quoniam quæ mala homini subeuntur tam cau-
sa corporis, quàm animæ, quatenus corpori coniun-
cta est: cum morte secuta, disunctioneq; ani-
mæ à corpore facta, sinem consecutura sint, atque

termi-
fructu
rasset.
serijs
que c
& n
char
clar
casi
ma
tia
sibi
tion
sum
di. C
cum
adem
exci
ration
rum
teret
quin
mita
bor
ris
la ca
qua
nis
nier
Ver

terminum : ea sibi perpetua homo ipse effecisset : si fructu arboris uitæ comesto immortalitatem recuperasset . Vnde ne perpetuam , & immortalem in miserijs , ærumnisq; uitam ageret , & ne miseram , atque calamitosam immortalitatem incureret homo : & ne forte præcipua , opportunaq; occasio diuinæ charitatis , & beneficentiæ in genus humanum declarandæ , & testificandæ intercideretur : prouidit , cauitq; Dei immensa bonitas , circumspectaq; animaduersio : ne homo sua imprudentia , atque inscītia tum sibi amplius noceret , grauioremq; cladem sibi accerseret : tum perturbaret conceptam iam rationem generis humani ad salutem , beatitudinemq; summa cum diuinæ gratiæ significatione restituendi . Cuius quidem consilij , & prouidentie diuinæ cum inscius esset homo : non poterat non ægreferre ademptam sibi potestatem fructus ex arbore uitæ excipiendi , & immortalis uitæ recuperandæ . Quæ ratione felicitatis amissæ memor , experiensq; malorum , quæ urgerent assidue : licet fide in Deum niteretur , spēsque uigeret : non poterat tamen facere , quin tristitiam animo conciperet , quin dolore animi tangeretur , quin mœrendo , conquærendoq; laboraret . Id præterea eius animo plurimum mœroris adiciebat , & tristitiæ : quod quæcunq; mala causa peccati ipse contraxisset tam uitæ respectu , quàm mortis , quadam ueluti traduce generationis in posteros , nascituramq; generis humani progeniem profluxura , transituraq; animaduvertebat . Versabat enim animo , quàm execrabile , & detestabile

DE DIVI. IN HOMI. BENE.

standum foret, quantum impietatis, & atrocitatis
 contineret commissum à se crimen, cum virus eius,
 eiusq; labem contractura esset omnis posteritas; &
 nullus futurus esset ex posteris, qui eiusdem mala,
 poenas, detrimenta non esset subiturus. Percense-
 bat secum, nimis se male meritum de genere huma-
 no, deq; sua posteritate: quæ cum nihil mali, unde
 plectatur, inuenta fuerit commisisse; alieni tan-
 tum flagitij, alienæq; culpæ poenas datura sit: &
 subitura detrimenta: quæ nullo suo facto prome-
 ruerit. His, huiuscemodiq; animi molestijs non diu
 passa est hominem affici Dei benignitas: quando-
 quidem aperto diuini consilij arcano indicatum est
 homini, quemadmodum futurum erat, ut tam ipse,
 quàm eius posteritas tandem liberaretur ab omni
 malorum calamitate: & non solum in felicitatis;
 pristiniq; status conditionem restitueretur: sed etiam
 ad longè beatiorē, multoq; perfectiorem uitæ ra-
 tionem promoueretur. O mirificum salutis huma-
 næ mysterium. O conditionem hominis à Deo pluri-
 mi aestimatam: detexit enim Deus homini, reuela-
 uitq; fore: ut sicuti contigerat ex arbore, siue ligno
 periclitatum esse eum, eiusq; posteros, ita unus ex
 posteritate eius exoriretur: qui uirtute ligni, lignoq;
 interueniente redimeret eum, eiusq; posteritatem
 ab omni uitæ calamitate, mortisq; miseria. Quanti
 Deus fecerit hominem, quanti aestimauerit, hinc ma-
 xime censerī, animaduertiq; potest: quòd non so-
 lum salutare remedium excogitauit, atque præpa-
 rauit contra mala causa peccati contracta: sed etiam

quo interea eum solaretur, releuaretq; aliquatenus animi solitudine atque molestia: rationem omnem futuræ salutis ei adaperuit: adeoq; eum constituit, atque obfirmavit in spe perditæ felicitatis recipiendæ, amissiq; boni recuperandi: ut nihil minus dubitaret, quàm de restitutione: cuius faciendæ ministrum, siue authorem cum reputabat fore unum ex sua posteritate, tantum solati excipiebat; tanta uoluptate corripiebatur: ut præ animi gaudio, atque incunditate exiliret: & eam quam peccando amiserat animi hilaritatem, atque lætitiā, propemodum adæquaret. Sed cum restitutionis faciendæ; salutisq; recuperandæ tempus diuinæ providentiæ secreto præstitutum ignoraret: pro ea, qua detinebatur felicitatis fruendæ cupiditate, & pro eo quo maxime afficiebatur desiderio salutis obtinendæ: longè propinquiorem existimabat fore restitutionem, promissiq; diuinum successum: quem omnino dilatum iri diutius non arbitrabatur. Vnde cum totam rem, & quidquid à Deo accepisset, editis filiis explicuisset: & cum postmodum inter filios orta æmulatione, atque inuidia unum ab altero ligni stipite percussum, occisumq; animaduertisset; credidit, sperauitq; diuinum promissum ex percussu ligno filij morte effectum sortiturum, & filio authore sibi, posterisq; partem à malis liberationem, atque salutem. Quod æque ipsi filio credi potest fuisse speratum: cum diuinæ promissionis conscius fratrem sibi conspexit ligni stipite imminentem, mortemq; inferentem. Sed dum eius, quod impen-

DE DIVI. IN HOMI. BENE.

se optabant, successum facile crediderunt: & quacumq; ex occasione suspicati sunt, contigit eos longe, lateque opinione fuisse deceptos: quandoquidem ratio temporis nondum divini promissi successum permittebat: & diluendae labis conditio, malorumq; ex peccato conflatorem qualitas ea erat: ut eis abolendis, atque soluendis nulla naturae humanae vis, atque opera sufficere posset. Absurdum nimirum fuit, & incongruum existimare, posse fieri: ut cum peccati labe tota generis humani natura infecta esset, & corrupta: quisquam, qui eiusdem naturae conditione contineretur, & nihil amplius haberet, quod meri hominis, naturaeq; humanae rationem excederet: posset totius naturae vitium corrigere: & malum tam fusum, tamq; potenter impressum emendare. sicut enim nimis id erat tribuere homini, atque deferre: dum crederetur sola hominis opera posse totius naturae humanae peccatum dilui: & quidquid unius culpa in omnes aequae homines profluxisset, sanari: ita naturae humanae dignitati, divinaeque erga eam charitati detrahi plurimum contingebat: dum putaretur quempiam merum hominem sufficere ad eam redimendam à malis, atque liberandam: & in ea liberanda, atque redimenda nihil exigi, quod illustrem Dei operam testaretur, & quod divinae charitatis erga ipsam contineret praecipuam, singularemque significationem. Sed ut plurimum aberat: ut mors hominis, & si pijs, atque integri, à fratre invidia actò perempti ligno contineret divinae promissionis

successum: & naturæ humanæ liberationem affer-
 ret à peccati iugo: ita id rei, siue euentus signum
 quoddam, siue symbolum continuisse eius, quod
 pro liberanda natura humana, & pro implenda pro-
 missione diuina erat euenturum, tam procul ab-
 est, ut ambigendum rear: ut uel diuino consilio,
 atque constitutione id opiner ea sub specie, eoq; sub
 tenore accidisse: quo præferret, & multo ante
 tempore induceret testimonium rei ipsius, siue my-
 sterij denique futuri. Cum itaq; Deus ita se haberet,
 ita se gereret cum homine: ut interpellando, admo-
 nendo, instruendo ei non deesset, & cum præscri-
 pta lege rationis, atque naturæ tradidisset cultum
 religionis, suiq; obseruantiam: & indicasset, quem
 admodum se habere deberet in uiuendo, atque ope-
 rando tam respectu sui ipsius, quàm aliorum: fie-
 ri tamen non potuit: ut homo ipse staret legibus: con-
 tineretq; se à malo, & abstineret ab impietate. Qua
 propter eleuata religione, commissis parricidijs: &
 eis, qui studio religionis, cultuq; Dei detineri sole-
 bant ad incontinentiam prolapsis, & in uoluptates
 sensuum, atque carnis conuersis, eò peruentum e-
 rat nequitie, & impietatis ab homine: ut rectæ ra-
 tioni, Deiq; spiritui in eo amplius locus non esset ul-
 lus. Quin adeo à ratione boni, Deiq; obseruantia de-
 scitum erat; adeo ab humanitatis, & rationalis na-
 turæ instituto deuiatum: ut nihil cogitando, nihil
 operando prætermitteretur ab homine: quod mali-
 tiam contineret, quod obseruantie Dei aduersare=

DE DIVI. IN HOMI. BENÉ.

tur, & quod afferre posset dedecus, atque ignominiam humanæ, rationaliq; naturæ. Tanta hominem coeperat sui ipsius obliuio, suæq; conditionis: tanta appetitus impotentia, & indulgentiæ temeritas eum obsederat: ut cum nihil nisi brutale uiuendo, operandoq; saperet: nihil tamen, nisi diuinum, se efferendo, sibiq; arrogando affectaret. Abdicato enim quod rationalis fuerat naturæ, & brutali uiuendi conditione arrepta eò processerat audaciæ, & temeritatis, ut quæ Dei essent, sibi usurpare tentaret, & non minus sibi tribueret, & arrogaret: quàm si, ueluti ex humana, rationaliq; in brutalem uitam se coniecerat, ita ex rationali, & humana natura in diuinam se transtulisset. O prauum, & improbum genus hominum: qui cum infra brutalem naturam se deiecissent: & uoluptati, atque uentri solum indulgentes nihil minus uiuendo præstarent, quàm quod suæ, rationalisq; naturæ proprium esset: nullum tamen tenere modum in sibi tribuendo, atq; placendo contra Dei summi cultum, atq; decus sciuerunt. Hi profecto fuere Gigantes; de quibus non solum in sacris monumentis, Mosisq; Hebræi libris proditum est memoriæ; sed etiam Græcorum antiquitas, non sine multo translationis, atque figmenti sale fabulata est. Scita illa sanè, & docta Græcorum antiquitas, quæ fabularum, figmentorumq; inuolucris rerum tum diuinarum, tum humanarum rationem, atq; naturam magna ex parte conclusit: scriptum reliquit Gigantes magni, proceriq; corporis fuisse homines: qui cum ter-

ra orti essent, & pedibus anguineis incederent, bel-
 lum Dijs immortalibus inferre ausi sint: & conge-
 stis montium molibus sedes Deorum impetere, cœ-
 lumq; ipsum aggredi tentauerint. Quicunq; igitur
 magnitudine corporis ita pollent: ut spiritus pusilli-
 tate, animiq; inualiditate laborent: quicunque or-
 ti terra, & anguineis incedentes pedibus nihil, ni-
 si terrenum cogitant, aguntq;: nihil, nisi quod bru-
 talis naturæ est, curant uentri inservientes, atque
 libidini: & quicunque denique ualiditate corpo-
 ris confisi, rerumq; corporalium, & opum copia, at-
 que cumulo adnixi tollunt cristas, capita exerunt,
 uerticibus cœlum petunt, nullam nec Dei, nec homi-
 num rationem ducentes: hi sunt planè Gigantes il-
 li: quos Moses Hebræus memorat terras habitasse,
 quo tempore Deus mundo intulit aquarum diluui-
 um. Cum igitur Deus prospexisset malitiam, præ-
 uitatemq; hominum adeò excreuisse, eoq; cumuli
 peruenisse: ut nihil sceleris, atque turpitudinis in-
 expertum: nihil uiolationis, atque nefarij impe-
 tus prætermisum relinquerent: & nulla iuris diuini,
 atque humani ratione habita omnia perturba-
 rent, prophanarent, confunderent, eò brutis, ir-
 rationaliq; natura fœdius, turpiusq; uiuentes, quò
 nefandiora, execrabilioraq; rationis abusu perpe-
 trabant: eò animi, propositiq; adductum eum sa-
 cræ testantur historiæ: ut conditi hominis pœnite-
 ret: cuiusquidem pœnitentiæ affectus cum in De-
 um ipsum propter immutationem naturæ cadere o-
 mnino non possit: intellectum, interpretationemq;

DE DIVI. IN HOMI. BENÉ.

accipiet: ut sentiamus adeo hominem à fine, cuius
 causa conditus à Deo fuerat, declinasse: adeoq; à
 scopo, in quem natura, Deiq; proposito dirigeba-
 tur, destinabaturq; deviasse: ut uideretur satis ur-
 gentem causam pœnitentiæ afferre potuisse. in quen-
 cunque id caderet affectus: & nihil exequendo e-
 ius, quod esset tam ex uoluntate conditoris, quàm
 ex ipsius finis ratione, materiam opportunam, oc-
 casionemq; idoneam alioqui præstare poenitendi:
 si quid, qui condidit pœnitentiæ, huiuscemodiq; affe-
 ctus pati, expeririq; posset. Quannuis ita se gesse-
 rit homo turpiter, scelesteq; uiuendo: ut non mi-
 nus à sui finis ratione decedendo, quàm Dei propo-
 situm fallendo, mereretur inducere conditionis suæ
 pœnitentiam: tamen cum nulla cadere in Deum
 pœnitentia queat: mentio pœnitentiæ in libro Mosis
 facta ingentem quandam designat hominis depræ-
 uationem, & à fine, Deoq; ipso defectionem. Si-
 cuti flagitijs, sceleribusq; suis homines nequiuerunt ef-
 ficere, ut eius, quod fecisset Deus, pœnitentia cor-
 riperetur: ita nec potuere in eo iram, cuius natura
 est expers commouere. etsi ea hominum prauitas
 erat, atque impietas, ut mererentur cuiusque acer-
 rimæ, atque ardentissimæ iræ ad satietatem usque
 ultionem experiri: non tamen cum eis egit iracun-
 de Deus: nullaq; aduersus eos indignatione usus est.
 Quòd si nec ira, nec indignatione commotus est
 Deus: ut aquarum diluuium terras summergeret: &
 paucis quibusdam seruatis uniuersum genus huma-
 num perderet: quo animi ductu, quo proposito a-

gente id effecisse sentiendum est? O' iustitiæ, chari-
tatisq; diuinæ inexolubilem nexum. O' inexplica-
bilem diuinæ consilij cathenam. Iustitia, quam sibi in-
natam habet Deus: & charitas, quam sibi natura
inditam tenet, in causa fuere: ut diluuium aquarum
in terras illato sceleratum, nefariumq; genus ho-
minum interimeret. Iustitia enim exigebat, ut quæ
modum peccandi, delinquendiq; ullum nescirent:
pœnas denique luerent: mortisq; supplicio affice-
rentur. Charitas item, qua mirifice genus ho-
minum Deus prosequitur, suadebat, seu potius ef-
flagitabat: ut terminus delinquendi, maleq; agen-
di eis illata morte statueretur: & prohiberetur: ne
dum diutius impune peccare permetterentur, peio-
res euaderent, atque deteriores. Quæ enim ma-
ior charitatis diuinæ in genus humanum posset ef-
se significatio: quàm prohibere, ne mali diutius ui-
uendo, impune que peccando tum peiores reddan-
tur ipsi: suamq; conditionem deteriorem efficiant:
tum bonis obsint, bonorumq; conditioni, atque
uitæ contagione officiant? Hinc licet existimare,
nihil à Deo fieri, nihil immitti: quod si recte iu-
dicetur: & ad libram exactæ rationis rediga-
tur: iure queat alicui iræ, indignationi, odio ue
adscribi: quandoquidem tantum abest, ut quid-
quam, quantuncunque humano affectu iudica-
tum uideatur noxium, atque perniciosum: De-
us agat, immittat' ue, nisi summa cum iustitia
pari cum charitate coniuncta: ut quod sensuum in-
ditio malum, nocuumq; uidetur: re ipsa comperia

DE DIVI. IN HOMI. BENE.

etur tandem summè utile, ualdeq; salutare. Hinc nos miseri sensuum, appetitusq; corporis iuditio nimis indulgentes: & quæ sunt corporis, miseræq; huius uitæ commoda solum æstimantes, numeroq; bonorum adscribentes nostram felicitatem metimur his, quæ corporis inservire uoluptati, & uitæ huius fragilis incolumitati conducere uideantur. Nihil minus considerâtes, quàm quæ sint uerè bona, nihil minus reputantes, quàm quæ sint spiritus, conquerimur, nobiscum malè agi iudicantes, quoties aliquid noxium corpori, aliquid rebus damnosum, aliquid huic uitæ infestum, atq; perniciosum contingit. O cæca hominum iudicia. O Crassas, atque hebetes nostras cogitationes. Ob eam, qua laboramus in discernenda bonorum ratione, inscitiam: ob eamq;, qua detinemur maxime, incredulitatē, diuinæ erga nos charitatis, & providentiæ: quidquid aduersi, quidquid incommodi, quidquid detrimenti tam rerum, quàm corporis causa nobis euenit, ægre ferimus, dolemus, in Deum reiicimus tanquam nobis infensum, atque iniurium. O miseram deceptionem. Quod summam nostram utilitatem uerè continet: quod nobis ueri, summiq; boni acquirendi, atque fruendi aperit fenestram, præbetq; occasionem: quod Deum in nos beneficium, in nos liberalem, nostri studiosissimum arguit, atque comprobât: id nobis malum, damnosumq; arbitramur: & diuino in nos odio, atque indignatione immissum opinamur. Si boni, beneficiq; patris officio cum fungi consentimus: qui filium, quem

uideat secus, atque deceat, agentem, uiuentemq;
 admoneat, increpet, uerberet, flagris cedat: fas
 fuerit censere Deum, qui studio, & charitate erga
 nos longè omnem superat affectum patris in filium:
 dum nos aduersis percellit, iacturis rerum afficit,
 corporis incommodis affligit: id agere alia ratione,
 quàm nostri boni, nostræ utilitatis, nostræ salutis
 gratia? boni ne medici officio utetur quis? quis ne
 medicus se studiosum ægotantis, eiusq; salutis cu-
 pidum ostendet? Si appetitui, & corruptis eius sen-
 sibus obsequens præbeat, quæ noxia norit, & con-
 traria sanitati recuperandæ: & abstineat præbendis
 medicinis, quas sciat fore usui, & remedio ægri-
 tudini fugandæ, sanitatiq; restituendæ: dum ama-
 ritudine, atque austeritate earum formidat offen-
 dere gustum ægotantis, & ingrata potione pertur-
 bare? Ad curam ulcerosi cuiuspiam accitus chirur-
 gus censebitur ne boni chirurgi operam præstare, ar-
 tisq; chirurgicæ rationi, atque instituto satisfacere:
 si dum timet ulcere laborantem dolore afficere: con-
 tineat manus, nec curet scarificare, secare, incide-
 re, urere? Quapropter fit, ut non solum temerari-
 um, sed etiam impiū dijudicem, credere à Deo quid-
 quam fieri, quidquam ue immitti, siue id sit dam-
 nosum rebus, siue corpori, uitæq; huic exitiosum ui-
 deatur: quod boni nostri ueram aliquam rationem
 non habeat: & ab eius in nos propensione, atque
 charitate non proueniat. Si beneuolentiam, chari-
 tatemq; Dei erga nos experimur, etiam dum affli-
 gimur, torquemur, interimimur: quid dum uale

DE DIVI. IN HOMI. BENE.

mus corpore, animo conquiescimus, vitæ incolumitate potimur, existimandum est? Quæ ratione conficitur, concludi quæ est necessarium, Deum immisso aquarum diluvio, summersis quæ; uniuersæ terræ regionibus, non minus charitatis in genus hominū, quàm iustitiæ expressisse: siue eos quos perdidit, considerare mus: siue quos paucos seruauit, intueamur. Nihil enim prohibet, quin Deus eodem facto, eadem quæ; rei patratiōe pro diuersa hominum conditione, et meritis possit diuersos proferre effectus eiusdem tamen iustitiæ, et charitatis ratione, atque tenore conseruato. Qui diluvio aquarum sceleratos, impios quæ; homines perdidit Deus: perdendo quæ; abundans edidit testimonium suæ iustitiæ, et charitatis: idem pios, probos quæ; ab eodem diluvio incolumes conseruauit: conseruando quæ; iustitiā suam, et charitatem abunde declarauit. Quin ipse Deus immisso diluvio tripliciter benemeritus est de genere humano, triplici quæ; modo suam in genus hominum charitatem testatam fecit: tum quos perdidit, prohibendo, ne peiores euaderent: tum quos seruauit, efficiendo, ut uiuendo proficerent: tum qui futuri erant, prospiciendo, procurando quæ;, ut ex probis, pijs quæ; orirentur. Sed non magis propemodum suam erga naturam humanam charitatem ostendit Deus, seruando à strage diluuii pios, probos quæ;: ex quibus deinde propagaretur nouum genus hominum, et melior soboles in lucem ederetur: quàm in modo, atque ratione, qua usus est in eis seruandis ostendisse comperitur. Quem enim patrem cum tribus filijs non minus integritate ani-

mi, quàm omni genere uirtutum præstantem in-
 uenerat dignum, qui seruaretur superstes: & ab
 impetu, inundationeq; diluuij liberaretur: eum
 amice interpellauit: summaq; cum charitate admo-
 nuit eius, quod propter scelera hominum, corru-
 ptamq; omnem bene uiuendi rationem facere desti-
 nauerat. Quapropter mandauit ei: ut arcã ligneam
 construeret, in quam ipse cum filijs, cum uxore, et nu-
 ribus se recipiens seruaretur ab imminente diluui-
 o: & in quã etiam reciperentur animantia generatim,
 quæ pro unaquaq; specie sufficerent conseruanda.
 Arcæ præterea faciendæ formam, rationemq; præscri-
 psit: quam memorare hic non arbitramur oportere:
 cum satis longa id rei indigeat uerborum explicatio-
 ne: & ex libro Mosis cuiq; uel facile possit innotesce-
 re. Vir bonus ille, atque integer, memor promissio-
 nis illius diuinæ, quæ primo homini post peccati
 pœnitentiam facta seriatim per singulas generatio-
 nes patefiebat, & à parentibus tradita filijs singula-
 tim reuelabatur: cum primum arcæ ligneæ à se fa-
 bricandæ mandatũ à Deo accepit: in qua tam generis
 humani, quàm cæterorũ animantium species conser-
 uandæ essent: spe maxima adductus est, ut crederet ar-
 cæ à se cõstruendæ opera redemptũ iri, atq; liberatum
 genus humanum ab omni miseria, atq; pœna: quam
 ex peccato primi hominis cõtraxisset. ut id crederet
 eò etiam adducebatur, quòd meminerat patrem sibi
 prædicentem, siue ominantem, quòd futurus erat ip-
 se, qui allaturus esset suis requiem ab operibus, à la-
 boribus manuum, & ab omni terræ graui exercitio.

DE DIVI. IN HOMI. BENE.

Sed sicut diuino consilio erat constitutum: ut ipse es-
 set, qui constructæ arcæ adminiculo generis humani
 extinctionem prohiberet: & ab excidio diluuij exi-
 meret, ex quibus inde uniuersa generis humani fu-
 tura esset propagatio: ita minime Dei providentia
 permittebatur: ut quo authore redimendum esset
 genus humanum, & cuius officio, atq; opera natu-
 ra humana à labe peccati, & morte foret liberanda,
 alius esset, quàm qui cælo mitteretur, & qui tã diu-
 nâ, quàm humanæ naturæ rationē in se contineret.
 Sanè ueraciter sensisset ille, si pro ut generis humani
 liberatorem se fore existimauerat; & sperauerat li-
 gno constructæ arcæ se authorem fore, ut à uitæ in-
 commodis, & peccati pernicie genus humanum uin-
 dicaretur: ita censuisset, quendam typum præsefer-
 re, symbolumq; quoddam representare eius: qui re-
 dimere à morte, qui liberare à pœnis, qui uindica-
 re à peccato ligno interueniente genus hominum, na-
 turamq; humanam deniq; debebat. O congruum ty-
 pum, o symbolum conueniens, & opportunum. Vir
 pius, atque iustus monitu, præceptoq; Dei fabrefecit
 arcam: quâ genus humanum omnino perituum
 ab excidio liberaret: & incolume ab imminente ca-
 lamitate conseruaret. Dei filius uerus, uindex, &
 liberator patre Deo suadente, atque agente consti-
 tuit, ædificauitq; Ecclesiam, in quam receptum ge-
 nus humanum à diluuiō uitiorum, & à summersio-
 ne peccati liberaret. liberaret inquam arca cōstrueta,
 Ecclesiaq; condita adhibito ligno genus hominum, na-
 turamq; humanam ab omni mortis detrimento, &
 ab

ab omni peccati colluvie: quæcunque à prima origine trahebatur. Possem hic singulas arcæ à viro Hebræo fabricatæ partes recensere, & ostendere ex sacrorum authorum interpretatione non solum quàm concinnè, quàmque appositè viro Hebræi conditio, atque operatio exprimat, repræsentetq; nostri liberatoris, atque vindicis operam, atque conditionem, sed etiam quàm perfectè, quàmq; examussim arcæ constructæ ratio respondeat, atque consentiat (siue formam siue materiam consideremus) conditæ, constitutæq; à Christo Ecclesiæ. Sed quia non satis operæpretium esse ducimus, res quæ cuique possent esse obuiæ, & cognitæ ex complurium scriptorum lætione, longa qua omnino opus esset, dicendi serie prosequi: prætermittendo, quæ facile per uos adipisci potestis legendo, et ex scripto facile percipere: nec terendo temporis multum in alienis, quæ præcipuè lectu, & cognitu facilia sunt, recensendis, & commemorandis: aliquid nostræ operæ, & considerationis super hac re impendemus: & in medium afferemus, quid allegorice nobis se suggerat ex huiusce modi arcæ contemplatione: quod quidem si uisum fuerit aliquid salis, aut conditurae habere; nolim mihi id laudi cedere, sed Deo omnipotenti tribui, cuius bonitate, atque benignitate fateor, testor, etsi fas est, adiuro, si quid boni, aut sani sentiam, aut intelligam: id me habuisse, id me accepisse, id me imetrasse. Tantum abest, ut quidquam boni, saniq; sensus confidam me habere, quod eius gratiæ, & benignitati acceptum non sit referendum: ut quòd sim

DE DIVI IN HOMI. BENE.

quod uiuam, quod spirem, id me totum debere eius largitati, & beneficentiæ non solum consentiã: sed assidua etiam memoria teneam, repetam, conuoluam. Propter eam, quam uniuscuiusque rei natura rationem habet communem cum Deo: à quo cuncta prodeunt, cuncta gubernantur, cuncta continentur: euenit, ut nihil rei sit, quod, quatenus pro ui, conditione q; suæ naturæ respicit Deum, atq; attingit, cum cæteris æquè, uel diuersa ratione, tam propioris, remotiorisq; quàm maioris, minorisq; participationis respectu, Deum respicientibus, atq; attingentibus aliquam communicationem, seu participationem nō habeat. Quò fit, ut nihil in rerum natura reperiatur: quod pro ea, quam tenet cum pluribus, & uarijs causa eiusdem principij, atque authoris communicatione, ad plura, uariaq; exprimenda aptari, accommodariq; aliqua similitudine non possit. Vnde reor in rerum successibus, illis præsertim, qui Dei religionem respiciunt, nihil adeo rudis esse materiæ: nihil adeo expositum, obiectumq; esse sensibus corporis: quod aliquam relationem non habeat ad animam, ad intellectum, ad spiritum: cum quidquid etiam traditur in religione de sacris materiale, & sensile, signum sit omnino, & symbolum alicuius nec materialis, nec sensibus corporeis expositi, sed intellectuæ, spiritalisq; mysterij. Quapropter in hac arcæ consideratione si quid sensus, aut interpretationis afferemus, quod forte uideatur ab historiæ negotio diuertere, & à symbolo Christi, atque Ecclesiæ aliquatenus declinare: non

idcirco tamen existimamus eleuandam esse fidem hī
 storīæ: nec allegoricū de liberatore nostro, nostrāq;
 redemptione passim sacris scriptoribus comprobatū
 arbitramur esse reiiciendum: quod sanè adeo pium,
 uerum, conueniens nobis uidetur: ut nefas ducere=
 mus aliquid interpretationis ultra adferre: quod
 posset tam mystici, tamq; diuini sensus rationem
 perstringere. Non igitur eleuando fidem Hebrææ hī
 storīæ, nec discedendo etiam à uero, pioq; represen=
 tatæ salutis humanæ interpretamento: quæ profe=
 èto, admissa etiam nostræ interpretationis ueritate,
 nihilominus uera esse, & persistere possunt: pro ut
 constare potest ex eis, quæ modò dicebamus, & pro
 ut etiam, ex dicendis amodo, atque explicandis pa=
 tescet illustrius. Historiam igitur arcæ sic quoq; alle=
 goricè posse interpretari cogitabamus: ut cōstructor,
 fabricatorq; arcæ esset animus humanus: qui cum di=
 luuio uitiorum, atque uoluptatum summergendus
 foret, nisi sibi consuleret, admonitu Dei, & gratia
 præuertente interpellatus construxit arcam, id est, ra=
 tionem, quam potentia, seu potius habitu retinebat,
 ad actum deduxit: per quem rationis actum sese tue=
 retur ab urgenti uitiorum impetu, & se liberaret à
 diluuiō, mortiferiq; peccati discrimine comitatum
 tribus masculis, & quatuor fœminis. O pulchrum,
 & fidele humani animi sodalitiū. Tres masculi,
 tres sunt sacræ, mysticæq; uirtutes: quas Theologi=
 cas uocant: quæ quidem tantò cæteris quatuor, quæ
 fœminarum symbolo comprehensæ politicæ, siue mo=
 rales appellantur; uī, uirtuteq; præstāt: quanto ma

DE DIVI. IN HOMI. BENE.

sculum genus muliebri præstare compertū est. Sicut
humanus animus se indemnem, incolumemq; à flu-
etibus uitiorum, morteq; peccati seruare non po-
test; nisi secū has uirtutes conseruatas habeat, et con-
seruatis his uirtutibus uitam sibi tueatur: ita huius-
modi uirtutes, seu contineantur natura hominis tan-
quam habitus, seu superent, excedantq; naturam ei-
us, tanquā inditæ diuinitus, atq; infusæ, in homine
ipso non nisi cum animo cōseruantur, non nisi socie-
tate animi uitam, consistentiamq; sibi tuentur. Sed
his uirtutibus unā cum animo tuendis, atq; conser-
uandis, porrigit adminiculum, operamq; præstat ip-
sa ratio: quæ cum ab animo ex habitu in actum de-
ducta discernit bona à malis. Et finis naturam di-
scutit: in causa est, ut animus dirigatur, ordineturq;
in Deum summum bonum, uerumq; finem, et unā
cum uirtutibus tam sacris quā moralibus: sine qui-
bus ordo, directioq; in Deum cōstare non potest, con-
seruetur incolumis, et morte peccati, uitiorūq; per-
nitie liberetur. Nihil prohiberet, si experirer, quin
ostenderem cætera omnia tam contemplatione arcæ,
quā contentorum congruenter posse ad hanc
nostram interpretationem accommodari. Et non dif-
fiderem, si diligēter excuterem, huic nostræ interpre-
tationi, non solum quæ latitudinem, longitudinem,
altitudinem, quadrata ligna, ostium, fenestras, pro-
portionemq; partium arcæ respiciunt, congrua sym-
boli, rei; aptitudine applicare, sed etiam ex patris,
filiorum uxoris, nuruū personis aliquid elicere, quod
uideri posset satis cōuenire, et optime quadrare. Sed

ne nimis ambitiose hac in re agere uidear, & curiosiori indagatione uti, quàm pro rei natura conueniat: & ne in id, quod antea uitare professus sum, imprudenter offendens longiori tractatu agam, quàm ex rei propositæ instituto sit, libens id negocij prætermittam: quod planè à me exigeret plus diligentiae, & laboris in dicendo, quàm uobis afferret utilitatis in audiendo: cum quæ explicata sunt, uideri possint esse satis ad principalis nostri instituti rationem comprobendam. Quapropter cum nihil repugnet, quominus superstitæ etiam historia tam sensus representatæ humanæ salutis: quæ futura erat ex Christo, Christiq; Ecclesia: quàm nostra de humano animo Dei beneficio, operaq; rationis ad meliorem uitæ rationem restituto interpretatio, ueritatem commodè, signatèq; continere possint: superest, ut ex propositi nostri ratione uos interpellem ad cogitandum, & considerandum, quantum in genus humanum curæ, & charitatis specimen ediderit Deus: dum perdendi illato diluuii, seruandi mandata arcæ constructione eius rationem habuit: dumq; huiusmodi rei symbolo uoluit eidem innotescere futuram liberationem ab ærumnis, & morte: & dum deniq; quos prospexerat nisi consuleret, periclitaturos diluuii, eos gratiæ suæ beneficio excitauit in id cogitationis: ut rationis opera ad studium uirtutum, & religionis conuerterentur, & mortiferi peccati pernitiem deuittantes, in cultu sincero religionis, alacriq; uirtutum studio degerent, atque conquiescerent. Singularem quidem aduersus hominem charitatem ostendit Deus, dum demon-

DE DIVI. IN HOMI. BENE.

strato tam benignè, tamq; amanter euadendi reme-
dio eum liberauit à clade diluuij : ut si res ipsa exa-
ctè consideretur, non minorem propemodum chari-
tatis, & benignitatis significationem uideatur edi-
disse in eo conseruando, quàm in eo ediderit conden-
do, atque creâdo. Hoc tamen interest inter creatum,
seruatumq; hominem, quòd cum creatus esset beatio-
ris, indemniorisq; uiuendi conditionis, ingratiorem
se tamen præstitit : cum uix accepto uitæ, & felicitatis
beneficio, aduersus eum, à quo acceperat, pecca-
uit grauiter, & ab eo nihil minus, quàm beneficij
memor desciiuit, atque rebellauit: seruatus uerò uix
se liberatum comperijt, uix se periculo exemptū con-
spexit; cum beneficij maxime memor, & acceptæ li-
berationis impense gratus ara constructa, erectoq; al-
tari, sacrificiū, holocaustumq; ei obtulit summa cum
gratiarū actione, à quo liberationis sumpserat bene-
ficiū. Quò factum est, ut animum, uoluntatemq;
Dei adeo demereretur, sibiq; conciliaret : ut obtine-
ret habere posteritatem : quæ eò infectionis, & corru-
ptionis uitæ nō esset peruentura : ut amplius opus es-
set diluuiū ad eam abolendam, atq; exterminādam:
cuius quidem obtentionis, atq; impetrationis imple-
ndæ, atq; exequendæ signum, argumentumq; perpe-
tuum cœlo, nubibusq; edidit Deus, arcūq; Tauman-
ticum constituit; qui fœderis, pactiq; à Deo cum ho-
mine initi, percussiq; fidem perpetuam faceret: cō-
stāsq; ferret testimonium apud omnem posteritatem:
in quam qua affectione, qua charitate moueretur
Deus, uel inde constare potest : quod eam propagatu

ris bis mandauit, bisq; ardenti præcepto iniunxit: ut liberis operam darent, ut augendo, multiplicandoq; hominum generi incumberent. Quid salubria documenta referam? quid sanctos, utilesq; monitus recenseam? quid ea, quæ animorum sanitati conducerent, quid ea, quæ corporum sospitati conuenirent concessa, exhibitaq; commemorem? Quæ omnia nimirum arguunt, atque comprobant, tam copiosam Dei erga hominum genus benignitatem, tamq; liberalem in omni genere beneficiorum præstandorum uoluntatem: ut qui paulò diligentius consideret, non minus erga eum amoris, quam de eo ipso admirationis sit concepturus. Post cladem itaq; diluuij, hominibus ex præcepto Dei suscipiendis liberis, augendoq; humano generi enixe incumbentibus, Deoq; ipso felicitatem abunde suggerente iam effectum erat: ut nulla propemodum terræ pars, seu regio esset, quæ suos incolas, suosq; habitatores nō haberet alijs alia loca petentibus, alioq; se transferentibus: prout ratio excrecentis, multiplicantisq; generis exigebat. Iam ex tribus illis conditoris arcæ liberis tanta multitudo hominum profluxerat, tot populi prodierant, tot nationes emerferant: ut nec insulis, nec continenti deessent: à quibus colerentur, habitarentur, frequentarentur. Iam pro diuersitate nationum diuersi inualuerant mores: iam diuersa linguarum genera inoleuerant: iam quod unum terræ fuerat labium, diffisum erat, & diuerso uerborū sono confusum: quādo Deus alto prouidentiae suæ consilio, & arcano uoluntatis suæ arbitrio usus elegit

DE DIVI. IN HOMI. BENE.

certum genus ex reliquis. quod peculiari favore prosequeretur: & ex quo naturæ humanæ rationem, & humani corporis condituram traheret, quem missurus erat cælo. & quo ministro, siue authore usus erat ad liberandum, redimendumq; uniuersum genus humanum à potestate mortis, & seruitute peccati. Id nempe est genus Hebræorum: qui ex primo genito conditoris arcæ originem trahentes, ab eius abnepote id nominis consecuti sunt. Quamuis Dei benignitas, Deiq; cura extendatur non solum generatim in quoscunq; populos, in quascunq; nationes hominum, sed etiam singulatim in quoscunq; homines: ut nullus sit adeo humilis cōditionis, abiectæq; sortis: quem sua cura non respiciat, suaq; benignitate non complectatur, & favore: tamen peculiari quodam, atque speciali præter cæteros mortales studio uidetur genus Hebræorū fuisse prosecutus: quippe quos non solum circuncisione distinxit à cæteris, & inter cæteros sibi præcipue acceptos ostendit sacram, legumq; traditione: sed etiā elegit ex quorum genere, atq; semine humanam carnem, hominisq; naturam assumeret: qui salutis humanæ futurus esset author, & libertatis peccato amissæ uindex, atque assertor. Id quamam causa, quamam uer ratione egerit Deus, perscrutari, etsi uidetur audacis esse nimis, atque arrogantis: cum quæ nullis literarum monumentis appareant, & quæ pro difficultate sciendi, & obscuritate intelligendi reijci tutius possint in arcanum Dei consilium: uelle indagare, & uestigatione persequi sit cuiusdam nimie

curiositatis: & humane modestie rationem egrediatur: tamen, quia nihil arduum adeo esse inuentu, perceptuq; difficile opinari debemus: quod saltem aliqua ex parte non possit diuina gratia opitulante intellectui humano innotescere, deesse non debemus: quin ingenium, atque intellectum difficili palestra exerceamus: ut si ueritatem ipsam pertingere non potuerimus, aliquam saltem ueritatis imaginem, aut adumbrationem assequamur: & talentum, quod nobis est à Deo traditum, sic exerceamus: ut si sorti lucrum æquare non liceat, saltem illud deffodisse non redarguamur. Cum temporis omnis ratio locum sibi uendicet, consistatq; in eis, quæ mutationi subiecta sunt: corruptioniq; destinata: & cum quidquid præteriti, aut futuri est, non cadat nisi in ea, quæ motui sunt supposita, mutationiq; addicta: in Deum, qui non solum ab omni corruptione est alienus, sed etiam nulli motui est subditus, nulliq; mutationi obnoxius: cadere omnino non potest ulla temporis præsentis, aut futuri ratio: nec eius respectu, siue contemplatione aliquid temporis possumus effingere, aut imaginari. Ea est enim Dei æternitas: ut nullam rationem temporis in se admittat, nullam proportionem ad aliquod tempus habeat: nullum ductum, siue ambitum temporis in se patiatur. Licet in naturæ, atque artium ratione nihil excogitari possit, quod aliquid ueræ, expressæq; similitudinis retineat cum eorum aliquo: quæ Dei sunt naturæ: tamen ea ex Mathefi deducta similitudo: qua exprimitur habitus: qui est æ-

DE DIVI. IN HOMI. BENE.

ternitatis ad tempus, non inepta planè fuerit, aut incongrua. sicut indivisibile aliquod, quod ita se iunctum sit à continuo, ut non sit terminus, siue pars continui, se habet ad ipsum continuum: cui licet non insit, tamen semper est: dum contingit esse aliquid ex eis, quæ insunt, quæq; continuum conficiunt: ita æternitas pariq; propè modo se habet ad tempus ipsum: cui licet non insit: cum motum nesciat: quo tempus omnino constat: tamen cum nunquam deficiat, semper etiam est. Dum tempus est: id'ue est, quod tempori inest. Vt id rei magis patefcat, clarioremq; ut cunq; perceptionem admittat: exemplum afferri potest ex circuli ratione. punctum enim, quod inest circumferentiæ, licet indivisibile sit: tamen non contingit esse: dum aliud est eiusdem circumferentiæ punctum situ differens: cuius quidem situs ordine continuatio ipsius circumferentiæ constat. punctum uerò, siue centrum, quod à circumferentiâ se iunctum est: æquè semper, & indifferenter se habet ad quodlibet punctum in circumferentiâ existens. Non alia propemodum est ratio siue habitus æternitatis ad tempus. Nam nihil est in quacunque temporis parte: quod æquè æternitas non respiciat: & ad quod indifferenter sese non habeat. Et licet temporis partes successione inter se differant, ut præteriti, futuriq; rationem constituent: tamen æternitas cum successionis sit omnis expers: & quancunq; partem temporis semper æquè respiciat: & ad quodcunq; eius punctum, siue instans indifferenter se habeat: nec futuri ali-

quid, nec præteriti in tempore agnoscit: & nihil in
temporis successione, seu perduratione continetur:
quod ei præsens siue instans non sit. Cum igitur
Deus ex suæ æternitatis specula omnia, quæ tempo-
rum successione sunt subiecta: & quæ curricu-
lis temporum, atque dimensionibus transiguntur:
præsentia semper habeat, & exposita: non mirum,
si rerum successus perspectos, si hominum actiones
cognitas habet, priusquam temporis successio, cui
subiectæ sunt, patiatur eas oriri, sensibusq; innotef-
cere humanis. Semper nouit in æternitate sua Deus
quidquid successurum, quidquid agendum in hu-
mana natura foret ab origine rerum, mundiq; usq;
ad finem. Perspectum semper habuit, atque cogni-
tum: si in omnes æquæ tam nationes, quam popu-
los beneficium se præstaret, & benignum: & omni-
bus gratiæ suæ ineundæ, bonitatisq; suæ fruendæ
occasionem offerret: copiamq; faceret: quinam ho-
minum oblatis boni conditionem essent accepturi: &
factam copiam non forent dimissuri, neque contem-
pturi. Qua ratione id genus hominum elegit Deus,
quos peculiari favore prosequeretur: quos singula-
ribus beneficijs afficeret: in quos fauorem non fru-
stra exercitum iri, nec beneficia malè iri colloca-
tum sciret. quos enim nouerat beneficij oblatis ratio-
nem habituros, & boni assequendi occasionem non
prætermisso: in eos se maximè liberalem præbuit:
in eos se præcipue beneficium præstitit. quos uerò
scierat oblata bona non accepturos, nec occasionem
consequendi beneficij arrepturos: eos non curauit

DE DIVI. IN HOMI. BENE.

adeo peculiariter fovere, nec beneficijs adeo libera-
liter prosequi: ne eorum causam tantò deteriore
redderet: quantò pluribus beneficijs accideret eos
frustra fuisse affectos, atque prouocatos. Quò fit,
ut non solum de eis quos in offerendis beneficijs pe-
culiari ratione complecti uideatur: benemereri sit
censendus: sed de eis etiam, quos non oblatis adeo
peculiariter beneficijs arcet ab occasione grauius pec-
candi, deterioremq; suam contemptis beneficijs con-
ditionem faciendi. O stupendam diuinæ bonitatis,
atque providentiæ rationem. Summum quidem bo-
nitatis suæ testimonium fert Deus: dum quos nouit
sui fore studiosos, beneficiorumq; oblato-
rum ratio-
nem habituros, se præbet eis ultrò, beneficia offert:
peculiariq; fauore indulget: Quos uero cognitos ha-
buit: qui nec benefici, nec beneficiorum ullam ra-
tionem forent habituri: eis nec sese ultrò obtulit,
nec se peculiari beneficio liberalem ostendit. Ex uo-
bis hic fortè quispiam obiiciet, & quæret: cur, si
Deus, qui propter summi, uniuersalisq; boni ratio-
nem, quam in se continet, præcipuus, perfectusq;
est scopus humanæ uoluntatis: quæ naturaliter bo-
num expetit, se peculiariter habuisset cum cæteris
mortalibus: uti se habuit cum gente Hebræorum:
& eis tum monendo, docendoq; tum bonam uo-
luntatem tribuendo non defuisset, pro ut nec defuit
Hebræis: existimandum non sit, eos æque, uti He-
bræi in uitæ integritate, cultuq; ueræ religionis fuis-
se profecturos. Hic animaduerto magnæ discepta-
tionis, arduæq; difficultatis campum aperiri: in

quo cum ueteres sacrarum literarum interpretes
tum contendendo enixe, tum luctando uiriliter la-
borarint multum, atque desudarint: indecorum
fortasse non esset nobis, qui nec arte adeo pollemus,
nec uiribus; si arena cederemus, & ualidioribus la-
certis id genus palestræ relinqueremus subeundum.
Sed quia pium, & religiosum duco, unumquemque
pro facultatibus suis, atque opibus aliquid muneris,
atque pecuniæ in gazophylatium, sacrumque æra-
rium deferre: non uerebor interim, neque erubescam
exemplo uetulæ illius, & pauperis euangelicæ pro
mea ingenij, & facultatis exili substantia aliquid
quoque conferre: quod licet ærarij rem non mul-
tum iuuat, neque locupletet: tamen meam teste-
tur in diuinam religionem uoluntatem: cuius prom-
ptitudinem, atque studium non dubito, quin beni-
gnè Deus sit respecturus: cui quadrans uetulæ pro-
dantis uoluntate, atque paupertate gratior fuit,
atque acceptior omni grandi diuitum pecunia. In
huius itaque rei difficultate discutienda, atque dis-
soluenda oportet animaduvertere, quæ nam sint par-
tes Dei in mouenda uoluntate hominis, & quæ nã
sint ipsius hominis: quo liberi arbitrij ratio persistat,
& necessitas omnis à uoluntate excludatur. Intelli-
gi planè potest Deum mouere uoluntatem hominis
duplici modo, uno quidem, dum propter rationem
boni, quam in se continet, uoluntatem hominis,
quæ natura bonum expetit: mouet tanquam sco-
pus: altero uerò, dum uim, potestatemque tribuit
uolendi: quæ potestas uolendi sic interpretatur: ut

DE DIVI. IN HOMI. BENE.

uoluntas hominis, quæ bonum natura expetit, dirigatur, exciteturq; interiori quodam motu ad id bonum expetendum: quod finis rationem obtineat, & quod summum uniuersaleq; bonum sit. Partes hominis in uolendo consistunt, dum dirigenti, excitantiq; Deo uoluntatem ipsius alioqui natura bonum expetentis, ad boni summi studium, & affectionem assentitur: & sinit se duci: quod natura etiam uergit. Quod si sensu agatur, & appetitu in id boni genus expetendum, quod nec summi, nec uniuersalis boni rationem habeat: et quod nulla summi boni, atque uniuersalis habita ratione expetatur: suas etiam partes in uolendo exequitur, atque implet homo. Quauis Deus sit causa bonæ uoluntatis homini: quatenus eum excitat, atque commouet ad uolendum, expetendumq; perfectum, uniuersaleq; bonum; tamen, quatenus homo huiusmodi commotioni non repugnat, sed se sinit deduci ad ueri, perfectiq; boni expetitionem, atque consecutionem: tam meriti ratio constitui, quam liberi arbitrii potestas sustineri deprehenditur. Hinc etiam omnis necessitatis, siue coactionis ratio cessare uidetur, non solum quatenus consentitur, ubi dissentiri poterat: & non opponitur obex, ubi poterat opponi; sed etiam quatenus diuino motu uoluntas hominis eò ducitur, quod deduci ipsius hominis natura, quæ bonum appetit, non abhorret: quandoquidem nulla coactionis ratio potest habere locum: cū quid agitur eò, siue ducitur, quod natura eius uergit, atque inclinatur. Vergit quidem, atque intenz

ditur homo natura ad bonum expetendum: sed cum maxime moueatur corporeis, sensuumq; appetitui subiectis: enenit, ut non habita ratione summi, uniuersalisq; boni, quod spiritu constat, & intellectu: adhæreat particulari, corporeoq; bono. Quò fit, ut relicto perfecto, ueroq; animi bono, sensibus obsequens, & rationem appetitui subiiciens homo, id tantum sub ratione boni ducat, & id solum tanquam bonum uelit, atque expetat: quod præsentaneam corpori uoluptatem afferat, & sensuum appetitui satisfaciât delectando. Author itaq; istius præpostera, atque peruersæ uoluntatis sibimet est homo: quam dum prosequitur, fouet, corroborat: se reddit auersum ab eius bonæ uoluntatis succeptione: quæ Deo authore tribuitur. Cum itaque Deus propter præsentiam uniuersarum rerum, atque ætionum suæ æternitati obiectam perspectum haberet, & cognitum, quem consensum gens Hebræorum motui bonæ uoluntatis præstatura esset, & quem obicem oblatae ueri boni expetitioni non foret oppositura: cæteras mortalium rationes tam consensum non præstaturas, quàm obicem etiam obiecturas: gentem Hebræorum elegit: quam peculiari magis fauore prosequeretur: & cui magis docendæ, atque instituendæ studeret, quàm cæteris: ne beneficij, boniq; oblata ratio periret: & noxam culpam uel peccantium grauiorem redderet. Ne uerò alicui uideamur Dei bonitati, Deiq; liberæ in eligendo uoluntati detrahere, & causam electionis meritis hominum adscribere: animaduertendum est dili

DEI VI. IN HOMI. BENE.

genter, cuiusq; rei causam re ipsa priorem esse, uel tempore, uel natura: ideoq; non posse fieri: ut electio quæ ab æterno est, & à Deo fit: causam sui habeat ex meritis humanis, quæ sunt in tempore, & ab homine procedunt. Qua ratione licet electio causam sui non sortiatur ex meritis hominum, sed ex mera bonitate, liberaq; uoluntate Dei: tamen nihil obsistit quin Deus, quos elegit, eos sciuerit, quatenus ad se pertineret non repugnaturus, electionemq; non frustraturos. Quod Deus gentem Hebræorum monuerit, docuerit, instituerit, beneficijs affecerit: id egit summa sua bonitate, liberaliq; sua uoluntate: qua uult omnes pie uiuere, salutisq; suæ in primis rationem habere. Quod uero se æque in cæteros mortales non gesserit: id euenit, quia nouerat in eis docendis, monendis, instituendis, beneficijsq; id genus afficiendis lusurum operam. Qua benignitate, qua liberalitate usus est Deus erga Hebræos, eadē quoq; erga cæteros mortaliū usus fuisset: si æque in eis se nouisset fuisse profecturum. Sed cum nouisset, quæ beneficia pro singulari sua in omnes benignitate, & beneuolentia alioqui omnibus æque esset oblaturus: ea in uacuum non casura, si Hebræis offerrentur; nullius uero frugis futura, si cæteris mortalibus exhiberentur: elegit Hebræos cæteris mortalium prætermittis, quibus conferrentur, quibus exhiberentur. Quemadmodum si quis princeps, qui pro sua animi liberalitate, & pro sua beneuola in subditos uoluntate paratus sit æque in omnes benefici, & liberalis officium exercere:

cere: pacto aliquo, siue modo cognouerit aliquos
ex subditis fore, in quos si exerceat beneficentiam,
malè collocaturus sit: beneficam liberalemq; ma-
num ab eiusmodi cohibendo, cæteris porrigeret:
quos nosset non abusuros huiusmodi beneficentia,
nec situros, ut officium liberalitatis in se exercitum
à principe uideri possit malè collocatum: non aliter
Deus, qui pro sua bonitate, & munifica uoluntate
paratus erat se beneficum æquè, & liberalem om-
nibus præstare, continuuit se, quo minus beneficium
præstaret: munificaq; manu uteretur erga eos: quos
nouerat beneficium susq; deq; habituros: & bene-
ficam, liberalemq; manum extendit in eos solū: qui
bus acceptum fore beneficium, & liberalitatem non
ingratam nec irritam animaduuerat. Subditorum
promptitudo in accipiendo munere, atque beneficio
à principe in causa non est ipsi principi, ut se mun-
ficum præstet, atq; beneficum: sed cum suapte spon-
te, suapteq; natura liberalis sit, & beneficus: accidit,
ut qua beneficentia alias usus fuisse erga omnes:
si omnes æque beneficii studiosos, & munus acceptu-
ros agnouisset, utatur duntaxat erga eos: quos nos-
uit fore, ut promptè accipiant: & bene utantur ac-
cepto; prætermittis illis, qui non minus contempturi
sint beneficium, quàm liberalitate principis in se ab-
usuri. pari igitur modo Deo ipsi, qui fons totius bo-
nitatis, & beneficentiæ est: & qui causam om-
nem continet in se bonitatis exercendæ, & benefi-
cij, atque muneris conferendi, in causa non fuit
promptitudo Hebræi generis, siue consensio, quam

DE DIVI IN HOMI. BENE.

nouerat futuram in accipiendis beneficijs, & admit-
tendis muneribus: ut erga eos se beneficium præbe-
ret: sed sua genuina bonitate motus, sua libera, be-
neficaq; uoluntate inductus, quidquid collaturus ex-
rat omnibus, eis duntaxat contulit: quos nouerat
non contempturos, neque insolenter, aut ingrati
detrectaturos. Id rei siue tractationis arbitror illu-
strius quoq; effici posse quadam alia similitudine,
siue exemplo: quod ualde appositum, ni fallor, &
congruum fuerit ad indicandum, atque significan-
dum: quemadmodum tam omnis electionis, quam
prædestinationis etiam ratio: quæ beneficijs in ho-
minem conferendis constat, & in felicitate atque
salute homini tribuenda cōsistit: causam propriam,
genuinamq; trahat, atque deducat non ex meritis
aliquibus hominum, sed ex mera bonitate, benefi-
ciaq; uoluntate summi, magniq; Dei. Licet nihil rei,
nihil intellectus humani sufficiat diuinæ gratiæ, at-
que prouidentiae exprimendæ, atque significandæ:
tamen pro ea, quæ est in effectu quoque efficientis
ipsius, causæq; agentis similitudo, siue uestigium: ex
his quæ obiecta sunt uisui, & quæ humanis sensi-
bus oblata sunt, possumus quādoq; in aliquam Dei,
diuinarumq; rerum cognitionē peruenire: & aliquid
consequi; quo intellectus curiositas aliquatenus con-
quiescat, & importunæ ingenij humani inuestiga-
tioni aliqua ex parte satisfiat. Sicuti uidemus hunc,
quem mundi oculum uocat, atque regem Orpheus
ille: & quem filium Dei appellat Plato, omnem cau-
sam luminis atq; splendoris in se continere, & suæ

pte natura, suapteq; proprietate illustrare, illumina-
req; omnia, & si qua sint, quæ ab illius splendore
abhorrentia non illustrentur, non ideo quæ exposi-
ta illuminantur, in causa esse, ut illuminentur:
cum omnis illuminationis causa ab ipso proveniat:
licet quandam sui illuminandi occasionem uidean-
tur præstare, quatenus exponuntur lumini, & à lu-
mine, cum possint, non se subtrahant: cur non eo-
dem modo arbitramur in electione agēda, in lumine
sue gratiæ cōferendo, in prædestinatione ad salutem
facienda se habere Deum: ut sua mera bonitate &
liberali uoluntate, quidquid boni, atque beneficij
eligendo, illuminando, prædestinando confert ho-
mini, intelligatur conferre: licet ex parte hominis
exigatur occasio effectus in se producendi ministran-
dæ causæ. Postquam difficilem, periculosumq; uorti-
cem ope diuina iam enatauimus: eò reuertamur:
ubi seriem nostri instituti reliqueramus. & prosequa-
mur explicare Dei largam, beneficamq; in genus ho-
minum charitatem: cuius quidem declarandæ, atq;
significandæ cum maior occasio præstita sit ab Hebræ-
is, procedendo ulterius solum in genere Hebræorum
uersabimur: cæteras mortalium nationes: in quas
non adeo peculiarem, non adeo apertam, testatamq;
monumentis beneficentiam Dei, atque charitatem
habemus, interim prætermittendo: donec ad rei
cardinem perueniatur, in quo appareat uniuersi
generis, omniumq; gentium æquè habitam à Deo
esse rationem: & maximam, singularemq; in om-
nes mortales Dei extitisse charitatem. Diffuso igitur

DE DIVI. IN HOMI. BENE.

per varias mundi regiones hominum genere: linguarum, loquendiq; varijs constitutis modis, Deus genus Hebræorum, quod præcipue foveret, peculiariq; favore prosequeretur, elegit. Electionis huiusmodi initium licet referri forte posset ad eum, à cuius nomine Hebræi sunt appellati: tamen evidens electionis testimonium nullū apparet, nisi cum Deus, quem virum Hebræum non minus fide, & constantia, quàm pietate spectatum de fornace Chaldæorum liberaverat: amicè eum, familiariterq; appellando iussit ex regione Chaldæorum, siue ex Mesopotamia concedere in terram Canaan. Pollicitus est ei domo paterna, laribusq; patrijs decedenti se effecturum: ut tantum posteritatis, & progeniei ex eo prodeat: ut in populum numerosum, & in gentem summè copiosam ea sit evasura: se curaturum, ut nomen eius & gloria inter mortalium genus sic innotescat, ut summa celebritate pariq; honore afficiatur: & denique cum eo sic se acturum: ut non solum ei sit bene, rebusq; eius, sed etiam omnibus, quicunque ei bene optarint, beneq; fecerint, sit bene eventurum: contraq; malè eis, quicunque contra eum malè fuerint animati, & studio nocendi agentur. O egregiam, & magni amoris, atq; benevolentie diviniæ erga hominem indicem pollicitationem: quæ cum tam corporis & animi, quàm rerum contineat prosperitatem: nullū genus bonorum sit reliquum: quod in se non comprehendat, atque complectatur. Paruo post tempore cum uir Hebræus regione, quam iussu Dei accesserat, relieta, urgente fame, cogen-

reque rei frumentaria penuria petisset Aegyptum, pollicitationis diuinae quatenus minabatur malum, a quibus male foret habitus, successum cepit experiri: quandoquidem Rex ille Aegyptius, qui uxorem eius interceperat, cum grauem ei ignominiam moliretur, grauiter percussus a Deo male habuit: ut coactus sit una cum uxore inuiolata eum incolumem dimittere. Hunc ex Aegypto reuersum adeo ditauit Deus, adeo omni rerum copia referfit, ut siue greges omnium censerentur, siue auri argenti que copia perenderetur, quosque uel ditissimos aequaret facultatibus. Cum propter sedandas pastorum factiones, pasceudosque commodius greges, facta potestate nepoti in quam uellet regionis partem, secedendi: habitaret seorsum: eum conuenit Deus, conuentumque iussit ex loco, in quo erat, usquequaque prospicere tam in orientem, et occidentem, quam meridiem, atque aquilonem uersus: et indicauit fore, ut omnes, quas ex omni parte orbis prospiceret, oculisque lustraret regiones: subicerentur eius potestati, eiusque semini subderentur: quod adeo numerosum esset futurum: ut puluerem terrae, arenamque maris prope modum esset numero adaequaturum. Postquam liberato ex captiuitate nepote contra hostes uictoriam opere diuina adeptus fuit: et principem sales, eundemque sacerdotem factum sibi cum pane, et uino obuiam decima manubiarum parte honorauit: et ceteris tum quorum fuerant restitutis, tum inter socios diuisis, nihil prorsus sibi praedae retinuit: domum reuersus Deum audiuit adhortantem ut confideret: et

DE DIVI. IN HOMI. BENE.

pollicentem, se fore eius protectionem, atq; mercedem: nec ulla in re ei defuturum. Cum uerò, quid mercedis, quid rei daturus esset, requireret, quod orbitatem solari posset: & quod sibi non susceptis liberis satisfacere quiret: Caelum Deus iussit ut suspiceret, & stellas si posset, numeraret: & quot illæ essent, speraret omnino tot de semine suo prodituros homines. Qui ter iam audierat à Deo factam mentionem sui seminis, qui iam plurimam gentem hominum esse progressuram ex se Deo attestante acceperat: qui progeniem instar arenæ, terreniq; pulueris numerosam sibi fore Deo promittente intellexerat: non prius plenam fidem Dei uerbis adhibuit, nò prius diuinæ promissioni perfecte credidit, quam quartò eiusdem rei admonitus est: eductusq; foras, iussus est Caelum suspicere, Cœliq; stellas recensere. O arcanum sensum, o reconditam humani profectus, & diuinæ gratiæ rationem. Cum nòdum sua terra, sua cognatione egressus esset uir Hebræus: promissioni diuinæ de semine propagando non crediderat. cum adhuc transiret, peregrinareturq; per terram Canaan: admonitus sui seminis fidem non adhibuerat. Cum ex loco, in quo erat, directâ acie prospicere terræ plagas iussus est, de semine suscitando, multiplicandoq; pollicitationi fidem non præstiterat. Cum uerò eductus foras, iussus est suspicere Caelum, stellasq; Cœli recensere: tum credidit omnino, tum plenam fidem adhibuit: quæ quidem fides, atq; credulitas in causa fuit, ut iustitiam, perfectamq; animi rectitudinem consequeretur. Non prius firmiter credi-

dit, non prius solidam fidē adeptus est, qua iustitiam consequeretur: quā quaternio uitæ profectu promotus, & quadruplici diuinæ gratiæ motu interpellatus, non solum quæ seminalis, corporeæq; propaginis tantum uideri poterat, promissionem accepit: sed etiam intellexit suspecto Cælo, quæ futura esset spiritalis propaginis ex se ratio. Si quid fidei, ter seminis propagandi admonitus contraxerat superante adhuc spe aliqua, pro sua uxorisq; conditione suscipiendæ sobolis: cum eius rationis non esset, ut penitus ex Deo penderet: penitusq; causam à promissione diuina traheret: non mirum uideretur, id si procedente tempore, ingrauescente ætate, corroborata sterilitate efflueret omnino, atq; deperiret: & prout etiam pendens aliunde nihil firmi, atq; solidi ex diuina promissione ab initio contraxisset: ita nec iustitiam ullo pacto parere posset. Postquam uerò omni humana ope destitutus, & rem promissam diffusus posse amplius opera sua, atq; coniugis succedere, propagandi seminis adhuc promissionem fieri, repetiq; à Deo animaduertit: se totum ita Deo addixit: ita totam mentem, atque animum in Deum direxit, ita in promissionem Dei omnino intendit: ut certò crederet, quod ei placeret, omnino euenturum: & firmam, perfectamq; fidem conciperet: qua iustitiam consequeretur. Animaduertite quæso hic paulū mei ciues, quam curam gesserit, quo studio usus sit Deus erga hunc hominem: quò participem suæ perfectionis, & gratiæ efficeret. Cum semel, bis, terq; admonitum eum esse non uideret sufficere ad fidem

DE DIVI. IN HOMI. BENE.

in eo perfecte formandam, iustitiamq; ex fidei perfectione constituendam, manu sua acceptum eduxit foras: coelumq; iussit suspicere. O speciosum rei mystice indumentum. Non poterat homo continens se domo corporis, tectoq; domestici, corporeiq; sensus obductus, coelum suspicere: & quæ Dei sunt agnoscere, atque assequi. Ope diuina, diuinoq; ductu domo egreditur: & de tecto foras, sub diumq; & in lucem educitur: ut possit coelum intueri: & quæ cœli, atque Dei sunt, nullo impediēte contemplari: & ut intuendo, contemplandoq;, fidei perfecte diuino munere facta adeptione, consequatur iustitiam: quæ Deo cohæreat: Deoq; ipsi, quatenus humana naturæ ratio patitur, similis efficiatur. Apprehenditis ne hinc ciues mei, cuiusmodi esse, & qualem se præstare oporteat hominem: cui perfectam fidem inesse meritò queat existimari? Agnoscitis ne, quali fide, qua fidei perfectione opus sit homini: ut iustitiam consequatur? Quisquis adhuc domi est, & sub tecto uiuit, nec se eductum foras comperit: ut liberè possit coelum suspicere, & speculari: decipitur planè: si putet eam se fidem habere: quæ ad iustitiam constituendam sit necessaria. Cum multiplex ita sit fidei ratio: ut alia sit informis, alia ruditer, alia ineptè, alia fucatè effigiata, siue conformata: non alia profecto ex fide contingit iustitiam parari homini, quàm ex ea, quæ sit liberalis, absolutèq; formæ. Quò fit, ut si quis, qui licenter uiuat, uoluptatibus inserviat, impotenti affectu agatur: iactet esse sibi fidem: qua iustitiam consequi ualeat: eum nò solum

existimem ea carere fide, qua iustitia paratur, sed nec ullam ream habere, quæ forma sit prædita: nisi infirmi quoque eum carere consentiam. O impudentem hominum audaciam, o temeritatem insolentem. Cum nihil agant, quod non arguat ventris indulgentiam, libidinis obsequium, superbæ tumorem, audent tamen fidem suam iactare, fidem suam inculcare: qua possint iustitiam consequi, similem fungo propemodum fidem facientes: qui quæcunque ex terra tam amara, quam dulci, tam rara, quam densa proveniat; ex tempore, & nullis radicibus actis oriatur, & auferatur nihil immutata solidi facie. Quid minus fieri potest, quam ut, qui studio corporalium detineatur, idem curet spiritalia, & qui deseruiat sensibus corporis, idem rationem ducat spiritus? Quid dictu, cogitatuque est absurdius, quam ut quis Deo confidere censeatur, Dei promissis præstare fidem existimetur, qui nihil minus curet, quam quorum causa confidere posset: nihil minus agat, pendatque: quoniam quorum gratia fidem præstare uideri quiret? si fides consistit in his quæ tradita promissaque sunt à Deo, credendis atque sperandis: quid minus arguere potest fidem, quam nihil eorum agere, quæ à Deo constituta sunt agenda: quo promissa succedant, & tradita comprobentur. Postquam uir Hebræus fidei munere consecutus est iustitiam, perhibetur Deus eo ultra compellato percussisse fœdus, pactoque inito promississe se ei, eiusque posteritati perpetuo futurum amicum, bene uolum, propitium, nec unquam defuturum opem;

DE DIVI. IN HOMI. BENE.

fauore, consilio, patrocinio: exegisse uerò ab eo, quod esset inditium acceptati fœderis, & testimonium præstiti pæcto consensus: ut tam ipse, quàm mascula eius omnis posteritas circuncideretur. Nescio propemodum ciues, & si diligenter considerem, plus ne in huiusmodi pæcto, seu fœdere diuinæ benignitatis, atque charitatis erga hominem appareat, atque ostendatur: quàm mysterij, moralisq; arcani contineatur, atque delitecat. Egregiam sanè benignitatem, singularemq; charitatem ostendit Deus hoc fœdere erga hominem: cui non solum se ultrò obtulit amicum, & fautorem: sed etiam spon- dit nullum genus officij præteriturum, nihil studij, curæ, operæ se prætermisurum, quod possit esse ei u- sui, commodo, saluti. Non tamen idcirco minus mysterij, arcaniq; moralis reor abscondi: quando- quidem fœdus, pæctumq; Dei cum homine initum: qui ex fide iustitiam sit consecutus: nihil aliud indi- cat, quàm consensum, quàm commercium, quàm societatem quandam: quæ Deo reperitur esse cum homine: qui rectitudine animi sit præditus, & quæ sita ex fide iustitia polleat. Huiusmodi homini qui si- militudine quadam Deum exprimat; Deumq; ip- sum quadam affinitate attingat: quis nesciat, quis dubitet, Deum fore amicum, propitium, beneficum, nec ei ullo modo defuturum, nec eius posteritati, si- ue progeniei, quæ eum uita referat, & moribus: quoniam diuinæ promissionis ratio non tam eos, qui sanguinis uinculo, quàm qui uitæ similitudine co- nuncti sint, respicere omnino intelligenda est.

Circuncisio, quæ continere perhibetur testimonium
 diuini fœderis ab homine acceptati: symbolo conue-
 nienti, atque appposito cum designet ratione mem-
 bri, in quo fit, decisionem eorum, quæ tum ex ge-
 neratione infecta contrahendo: tum nimis indul-
 gendo sibi, incontinenter committit homo: quis non
 intelligat fœdus cum Deo non habere ratum: nul-
 lam cum Deo præferre conuentionem: quicunq;
 neglecta circuncisione se libidini dedat, se luxui im-
 pendat, se uitiorum fœditate contaminet? fœderi
 tam benigne, tamq; amice à Deo proposito pater ille
 futurus multorum consentiens, uix se circuncide-
 rat, cum beneficentiam Dei, & charitatem fœde-
 re promissam expertus est: & suscepto ex uxore fi-
 lio, quem iam fide conceperat, promissionis factæ suc-
 cessum animaduertit inchoari. Sed quia perspicio
 sacrum Mosis monumentum non tam pulchram hi-
 storæ explicationem, quàm diuinorum arcanorum
 significationem continere: non grauabor hic tum hi-
 storæ seriem recensere, tum quæ mystica significen-
 tur, enucleare. In conualle Mambre apparuit De-
 us Abraamo ad hostium tabernaculi confidenti sub
 ipso diei feruore: qui simulac extulit oculos, tres
 conspexit sibi appropinquantibus: quibus consurgens
 perexit obuiam: & summissus, adoransq; dixit. Do-
 mine siquid uis mihi gratificari, ne progrediare ulte-
 rius: sed diuertens apud nos officium, hospitiumq;
 serui tui ne detrectes. Sinite id saltem à uobis impe-
 trari: ut tandiu moremini, quousq; ablutis pedi-
 bus, & allatis cibarijs uos fessos de itinere paulisper

DE DIVI. IN HOMI. BENE.

recreato : quod quidem per uos si mihi licuerit , per
me licebit uobis postea , ut eatis , quò magis libue-
rit . Qui precibus rogantis annuentes , simulac lauto
conuiuio accepti comederunt : quæsiuerunt , ubinā
uxor eius esset : & ubi acceperunt eam esse in ta-
bernaculo , perhibentur dixisse . De hinc annum re-
uertens te inueniam auctum filio , quem suscipies
ex uxore : quod dictum ubi uxor mariti , suiq; con-
scia risu excepisset : conuersus ad eum Dominus di-
xit: Reuertar huc inquam ad condictum tempus ,
& inueniam uxorem tibi peperisse filium : nec est ,
cur ideo rideat uxor , tuam , suamq; ætatem respi-
ciens , quoniam nihil inuenitur , quod Deo possit es-
se difficile . Quibus auditis cum negaret uxor cor-
repta timore se risisse : redarguta est à Domino , &
conuicta mendacij . Deinde surrexerunt uiri : qui
cum direxissent oculos aduersus Sodomam : hospiti,
qui eos deducebat , dixit Dominus : non placet ex
his , quæ gesturus sum , quidquam te celare : quo-
niam noui te futurum , qui filios , domumq; tuam
doceas , nostro cultui inseruire , nostrasq; uias custo-
dire . Non longiori , quàm necesse sit , historiæ nar-
ratione utar , nec ulterius progrediar prosequendo
tenorem historiæ , quàm nostri instituti ratio postu-
let , & explicandorum arcanorum occasio requirat.
Non tamen conuallis Mambres interpretationem
prosequar : non ostij , non tabernaculi , non meridia-
ni feruoris symbolo explicando insistam , sed solum
unitatis diuinæ , triumq; diuinarum personarum in-
dicatum mysterium attingam : & nostri seruatoris

conceptum multa, congruâq; similitudine adumbratum explicabo. Cui Dominus apparuit confidenti: eidem attolenti oculos apparuerunt tres uiri. Quia Deus unitate naturæ uel cuilibet leuiter intuenti unicus apparet: idem perspicacius consideranti tribus constare personis comperitur. Qui unum Domini nomine compellauit orando, inuitandoq;: ut ad se diuerteret, apud seq; maneret: is mox offerendo officium, atque præstando, tres indicans pluraliter appellauit. sicut Dei omnes actiones tam hominis, quàm reliquorum causa exteriores unius naturæ, atque substantiæ rationem respiciunt: nec distinguuntur, separanturq; ratione habita personarum: sic pietas hominis erga Deum, sic reuerentia religiosi cultus expostulat: ut tres agnoscantur personæ, & in exhibendo officio, præstandoq; obsequio diuinarum personarum trinitas admittatur. Sed quia actiones, quæ alioqui unitatem diuinæ naturæ respiciunt, & ideo communes sunt trium personarum: quadam peculiari ratione, & proprietate distinctæ, separatimq; uidentur tribui personis: ac ratione fit: ut cum tres accepti conuiuio comederint, tres de uxore quæsiuerint, tres consurrexerint, aduersusq; Sodomam respexerint: dumtaxat tamen unus memoretur fuisse, qui suscipiendum filium prædixerit; qui risum uxoris redarguerit, atq; mendacium: & qui deducenti, comitantiq; hospiti protulerit, se nihil celaturum eorum, quæ gesturus esset. Diuinæ unitatis, & trinitatis symbolo exposito superest: ut æque diuini conceptus symbolum ape-

DE DIVI. IN HOMI. BENE.

riamus: quo nihil eorum, quæ proposuimus, præ-
termittatur, quo minus exequamur. Ab eo, qui
non solum Deo ipsi credendo consecutus erat iusti-
tiam, sed circuncisione usus omnem libidinis affectum
in se exciderat, & omnem intemperatæ concupis-
centiæ stimulum resecurat: concipitur ex uxore ste-
rili, atque annui filius. Ex uirgine, carnalis concupis-
centiæ exclusa omni opera, diuini spiritus ui, uirtu-
teq; duntaxat agente, atque operante concipitur i-
tem filius. Quæ uirgini naturaliter est concipiendi
impotentia, eadem ferme, similis'ue est annui, atq;
sterili. Quæ ratio est sterilis, anusq; concipientis,
eadem ferme est uirginis. Quæ filij conceptio facta
est uiro operante, qui recisa libidinis cura, & im-
potenti Veneris æstu restincto ageret: apte nimi-
rum, & congruè indicat, designatq; eam concep-
tionem, quæ diuino spiritu operante confecta est nul-
la intercedente libidinis opera. Huic symbolo mul-
tum adiicitur similitudinis, & congruentiæ, qua-
tenus quæ prædictio concipiendi filij facta est sterili,
eadem ab Angelo facta est uirgini: & quæ orta est
uirgini propter humani concubitus ignorationem
dubitatio, siue incredulitas futuræ conceptionis: ean-
dem risu præsetulit, atque expressit anus sterilis: nō
minus annositatis, sterilitatisq; suæ habita anima-
duersione, quàm mariti, suaq; ipsius ab immondo
Veneris concubitu auersione, atque abstinentiæ cō-
siderata. Ex sacræ, quam retulimus historiæ tenore,
nihilominus & magnum specimen colligitur be-
nignitatis, charitatisq; Dei erga hominem: qui non

solum ei se ostendit, sed etiam ad eum diuertit, apud eum comoratus est: cum eo discubuit, ei suscipiendum filium prædixit: & denique eorum omnium quæ gesturus erat puniendo sceleratos, admonuit: quatenus ea poterant uel ipsi esse usui, uel soboli eius, generi ue instituendo siue, admonendo expedire. Nec paruum tulit testimonium suæ erga hominem beneuolentiæ, & charitatis Deus cum, Abrahamo exquirente declarauit se temperaturum ab excindendis populis Syriæ flagitiose uiuentibus, si contineret ex eis inueniri decem homines, qui probate uiuerent, & integritate uitæ præstarent. Cum tot populis, tamq; numerosæ hominum nationi, à quibus omni genere iniuriarum lacesitus, omni scelerum colluue provocatus fuerat ad ultionem, suppliciumq; sumendum, parsurus esset causa decem hominum: qui reperirentur apud eos pie integræq; uitæ: non ne aperte comprobauit, testatumq; reliquit? quanti apud se foret conditio hominis: quantum defferret ipsi homini; cuius amore, siue causa de tot iniurijs, quibus affectus fuisset: de tot offensis? quas acceperat, ultionem prætermisurus esset. Sed cum ex tot unus duntaxat pietate præditus, & probitate præstans inuentus esset, eo liberato, conseruatoq; genus illud hominum nefarium, capitaliq; inimicitia sibi infensum deleuit penitus: & urenti perdidit excidio. Qui propter decem probos, iustosq; homines parsurus erat quinque ciuitatibus comburendis: idem uni æquæ conflagrandæ pepercit propter eum, qui uitæ probitate liberatus ab

DE DIVI. IN HOMI. BENE.

incendio in eam se receperat. Hinc duco ciues nobis maxime esse laborandum : ut tales euadamus uiuendo : ut non solum nosipsi digni simus amicitia , patrociniq; Dei : sed etiam nostri causa , nostriq; amore Deus parcat nostris : qui uel communione legum nobis coniunguntur , uel eiusdem religionis agnitione nos attingunt . Quod si eo nequitia atq; prauitatis peruenimus nos , ut inueterata male agendi consuetudine detenti nolimus à uitjs , & ab iniquitate interim desistere : saltem aliquam rationem habeamus eorum , qui uitæ integritate spectati , & religionis obseruantia insignes Deo maxime cari sunt , atq; accepti : quorum præcibus , & obsecratione permotus Deus uindicem manum contineat à nobis , & ab ultione delictorū nostrorum iustitiæ arceat flagellum : quousq; uel eorum exemplo meliores euadamus , uel cumulatis eorum precibus , & meritis fiat ; ut leuiorem , mitioremq; Dei ultionem subinde experiamur : et aliquid grauioris : quod nostrapte culpa alioqui mereremur , supplicij à Deo remissum diminutumq; sentiamus . Sed ne scio qua inscitia animorum , & cæcitate fiat : ut cum per nos minus studeamus eiusmodi effici , qui possimus ulticem Dei manum declinare , nihil minus curemus , quàm consuetudinem , atque commercium eorum : qui tum monitis , & exemplis possint ad meliorem uitæ rationem nos alicere : tum meritis , & obsecrationibus ab imminetibus diuinæ ultionis flagellis , si non penitus , saltem magna ex parte liberare . At huiusmodi hominum consuetudinem non solum nō quaerimus,

rimus, sed eos auersamur, ut angues: eos maledi-
ctis incessimus, iniurijs afficimus, prosequimur o-
dio, deridemus, subsannamus. Quod quidem tot
noxijs alioqui accedentibus tantum abest, ut arbi-
trer impunè diutius processurum fore: ut mihi non
aliam propemodum uidear uidere, nisi resipiscamus,
imminere cladem, ac fuit illa: quæ illata scribi-
tur eis, qui domum iusti, pūq; hominis ausi sunt
impetere: & in grauem eius iniuriam, atque con-
tumeliam ius hospitalitatis uiolare. Sed ne fortè ui-
deamur præter instituti nostri rationem à beneficen-
tia Dei ad ultionem pertransire: illud præclarum fa-
cinus, & mirabile adgrediemur explicare: cuius ra-
tionem, atque tenorem nunquam ferè memoria re-
peto, reuoluoq; intellectu: quin nisi quidquid bo-
ni, præclariq; continet, agitq; homo, referendum o-
mnino Dei benignitati acceptum arbitrarer: hæsitau-
rus essem: maiorem ne suæ erga Deum obseruan-
tiæ, & affectus parendo significationem edidisset ho-
mo: an suæ erga hominem ipsum beneficentiæ, &
charitatis Deus præcipiendo. Præcepit Deus homini;
ut filium sibi immolaret. O' spem magnā obseruan-
tiæ, & amoris: quam conceperat Deus de homine.
Nunquam enim Deus eò adductus fuisset: ut peteret
ab homine filium sibi holocausto offerri: nisi nouis-
set hominis in se eam obseruantiam esse, eam amo-
ris propensionem: ut nihil esset detrectaturus, ni-
hil recusaturus, quo sciret se ipsi gratificaturum.
Alioqui foret nimis absurdum petere à quoquam ac-
liquid, quod impetrari posse nulla uel amicitiae uis,

DE DIVI IN HOMI. BENE.

uel obligationis ratio suaderet. Quò fit, ut quan-
tò quid magis arduum est, & difficile præstatu: tan-
tò magis de eius, à quo id petatur præstari, amicitia
in se, & benevolentia confidere censeatur is, qui pe-
tit. Ut quis, quantum de alio sibi polliceri possit, re-
cte diiudicet: necesse est, ut diligenter consideret,
quantum sibi debeatur ab eo: & quæ nam sit ratio
beneficiorum collatorum: & quo animo, quo'ue a-
moris affectu erga eum ipse sit: & quantum si se offe-
rat occasio pro eius utilitate, & commodo præstatu-
rus sit. Metiri diligenter omnia oportet: & cau-
endum maximè est, ne quid à quoquam quis exigit,
quod ipse ex aduerso non foret concessurus: si exi-
geretur ab ipso: nec præstari sibi petat quidquam
quod ipse, si peteretur præstaturus non esset. Quam
obrem ratio rei siue facti, quod petitur, quandam
rationem habet, & præ se ferre uidetur significan-
di, & ostendendi, quæ nam sit uoluntas eius, &
benevolentia, qui petit, aduersus eum, à quo peti-
tur. Vnde argumentari licet, nullam propemodum
à Deo potuisse fieri maiorem suæ benevolentie, &
charitatis erga hominem significationem: quàm ab
eo id exposcere: quod inter ea, quæ cara, & acce-
pta maxime haberet: carissimum esset, & acceptis-
simum. Quo enim animo, necesse est, fateatur,
qua uoluntate opus est, consentiat se esse Deus erga
hominem: à quo non dubitet, à quo non erubescat
petere filij immolationem? conscius suæ erga homi-
nem charitatis Deus, & suæ beneficentie memor in
eum exercite, non dubitauit, neq; erubuit petere,

quod ab eo sciret non posse denegari: nisi ingratus haberi uellet: qui cum nosset se nihil habere; quod non accepisset; recusaret in aliquo satisfacere eius uoluntati, à quo recepisset: & pateretur eum frustrari fiducia, siue spe, quam ex sua beneficæ charitatis conscientia conceperat, obtinendi quæcunque flagitaret. Sicut itaq; Deus petendo ab homine, ut sibi filium immolaret, pro concepta fiducia, & pro rei petite conditione arguit in se eximiam erga hominem animi propensionem: promptumq; ei beneficiendi propositum, & uoluntatem: ita uidetur ferre abundans testimonium obseruantie, & amoris: quem crederet esse homini erga se: à quo tantum rei auderet exposcere, & exposcendo confideret impetrare. Sed quam planè creditam hominis erga se obseruantiam, & amorem, comprobatur Deus petendo, atq; imperando: eam concedendo, obsequendoq; sic testatam, sic manifestam reddit homo: ut palam prorsus se habeat, omninoq; constet, & nullo probationis alio genere magis indicari, aut clariùs ostēdi possit. A Deo interpellatus homo, iussusq; ut filium, quem unicum haberet, quem ex uxore sterili, anuq; senex ipse suscepisset: quem sperarat fore sui generis propagatorem, immolaret, holocaustoq; offerret: nihil ingemuit, nihil hæsitauit, nihil commotus est, sed promptus, & intrepidus strato asello, concisis in holocaustū lignis accessit una cum filio locum sibi à Deo præscriptum ad sacrificandum: ubi lignis in struem, rogamq; congestis: & arrepto, alligatoq; instar uictimæ filio & altari, struiq;

DE DIVI. IN HOMI. BENE.

lignorum imposito, correptum manu gladium iam
 extenderat: ut Deo obsequens perderet filium, atq;
 trucidaret. O singularem hominis erga Deum ob-
 servantiam. O constans, ardensq; Deo obsequendi
 desiderium. Cui viscera affectu non commoveantur?
 cui animus admiratione non obstupescat? si conside-
 retur patrem nulla habita ratione paternæ pietatis
 in filium, nullo naturalis affectus in sobolem habi-
 to respectu gladium corripuisse, manuq; correptum
 extulisse: ut filium percuteret, filium obtruncaret,
 filij sanguine sese conspergeret: quò Dei petitioni sa-
 tisfaceret, quò Dei præcepto obtemperaret. Discite
 hinc uiri Regienses, agnoscite hinc ciues mei, quan-
 ti à nobis fieri oporteat præceptum Dei: quantum
 conari debeamus, ut Dei uoluntati pareamus: cui
 quò pareret, atque obsequeretur, nouimus eum,
 quem pro paterno iure, quo ei obstringimur spiri-
 tali, tenemur imitari, non fuisse parsurum filij ui-
 tæ, non fuisse temperaturum à fundendo filij san-
 guine. Hunc imitando, huius exemplo inherendo
 procuremus: ut nihil antiquius, nihil affixius ani-
 mo habeamus, quàm Deo obsequi, Dei uoluntati
 obtemperare: cui ut rem gratam faciamus, non so-
 lum rei familiari, opumq; facultati parcere non de-
 bemus: sed etiam, si opus sit, filios perdere, patri-
 am prodere, uitam prodigere paratos nosmet præ-
 stemus oportet. Cur enim par non fuerit, cuius be-
 neficio, & quo authore, atque datore, res, faculta-
 tes, liberos, patriam, uitam deniq; ipsam habeamus,
 omnia hæc impendere, perdere, profundere,

eo exigente, eo præcipiente? Quod enim nõ solum temeritatis, sed ingratitude etiam maius esse potest argumentum; quàm ut ei, qui non solũ, quod habemus, contulit: sed etiam quotiescunq; sibi libuerit, potest nobis inuitis, quæcunq; dedit, auferre: petenti, exposcenti; à nobis quidquam denegemus, & liberalitatis utendæ occasionem, & gratitudinis animi ostendendæ oblatã opportunitatem graui cum dedecore, grauioriq; cum damno prætermittamus? si oblatio filij instar uictimæ facta à patre, quæ poscente eo, qui dederat, & auferre poterat, nõ ualebat sine uitio ingratitude prætermitti: tam magnam admirationem parit, tam ingens testimonium fert obseruantie, & benenotentie hominis erga Deum: quantò maiori admiratione digna fuerit: quantò maiorem probationem fecerit charitatis, & beneuolentie diuinæ erga hominem filij illa oblatio, quæ facta est à Deo causa hominis: quæ non solum sine nota aliqua ingratitude poterat prætermitti, sed nec etiã sine nimie indulgentie Dei erga hominem declaratione ualuit præstari: de qua quidem oblatione loquendi quia nondum appetiit tempus opportunum, mentionem solummodo facere eatenus sufficiet, quatenus symboli ratio exiget explicandi. Symbolum id sanè congruũ est, & appositum, quatenus pater homo unicum habens filium, eumq; immolaturus refert patrem Deum: qui unicum filium tradidit immolandum, & pro expiatione generis humani perimendum, atq; occidendum: & quatenus filius, qui à patre immolandus erat, lignis impositus

DE DIVI. IN HOMI. BENE.

repræsentat nostrum Servatorem Dei filium: qui pro salute, & libertate nostra immolatus est, ligno crucis impositum. Ratio symboli multum differt à ratione rei, quatenus pater homo, quod facturus erat immolando filium, deferebat voluntati eius, et præcepto: cui omni beneficiorum genere obstrictus erat: & cui non solum filium, quem immolaturus erat, debebat: sed reliqua omnia, uitâq; ipsam acceptam referebat: pater uero Deus sua sponte, suaq; ultro-nea uoluntate actus, quod fecit immolando filium: detulit necessitati, salutiq; generis humani: cui tantum aberat, ut quidquam deberet, aliquo'ue meriti genere obstringeretur: ut cum multifariam, multisq; rationibus de eo benemeritus esset: multis tamen, uarijsq; modis offenderetur ab eo, iniuriâq; afficeretur. Præterea symbolum continet paratam à patre filij immolationem non perfectam tamen: in filio, Deo prohibente, sed in ariete: quem cornibus, capiteq; inter uepres hærentē post terga prospexit immolator. Quod in re uno duntaxat absoluitur: in signo siue symbolo duobus constare comperitur. Quæ futura erat nostri Servatoris immolatio, tum filij, ut immolaretur, parati: tum arietis ipsius immolati typo comprehensa fuit, & repræsentata. Postquā audito Dei nuncio elatum manu gladium continuit pater à percussione nati: & intellexit omnino sibi abstinendum ab immolatione filij: conuersis retrò oculis prospexit arietem uepribus caput inuolutum, qui foret immolandus. O præclarum mysteriū; O symboli arcanam rationem. Qui maiorum suorum tradi-

tionem acceperat futuram generis humani à morte redemptionem : & in pristinum uitæ statum , ex quo peccati causa deciderat , restitutionem : postquam filij immolationem , de qua iam conceperat animo exultaturam generis humani liberationem , prohiberi sibi à Deo audiuit : spe cadens , propositoq; frustratus , & de ea , quam futuram acceperat , generis humani liberatione hæsitans retrò aspexit : & post terga uidens arietem constitutum , qui foret immolandus , animaduertit Deo suggerente , atq; indicante , nõ morte sui filij , nec immolatione querendam esse generi humano liberationem atq; salutem , sed postea futurum , qui destinatus immolationi esset : & qui sua morte post opprobria , post iniurias , post contumelias non dignas homine acceptas , toleratasq; : & post circunnuolutum , coronatumq; tum ludibrij , tum tormenti causa uepribus , spinisq; caput redempturus esset à seruitute peccati genus humanum , & à morte . Quapropter spe ualidiori iam cõfirmatus homo : quippe qui Deo indicante generis humani liberationem nihilominus futuram agnouerat , sospitatem filij gratanter Dei benignitate attribuit , & diuinam beneficentiam , atq; charitatem erga se , genusq; humanum ualde admiratus est . Homo quidem in conseruato sibi filio beneficentiam erga se diuinam mira animi gratitudine agnoscebat : & gratias iugiter agendo , cogitabat assidue , uersabatq; animo : si quid agere , si quid præstare posset : quod suæ gratitudinis erga Deum testimoniũ aliquod ferre posset : & quo beneficentiæ in se diuinæ , diuinorumq; erga se me-

DE DIVI. IN HOMI. BENE.

ritorum aliquo pacto se ostendere posset memorem. Non tamen id genus officij passus est Deus ab homine se superari. O immensam Dei bonitatem; O infinitam benignitatem. Cui dedisset omnia quæ haberet: cui substantiam, cui filium, cui uitam tradidisset: ei quia sibi poscenti filium immolari se paratū obtemperare præbuerat, & decreuerat exequi: quod sine nota, uitioq; ingratitudinis prætermittere non poterat: se debere profitetur; gratias agere sustinet, & summam erga eum animi gratitudinem retinere se protestatur: & tanquā ingens, summumq; beneficium accepisset ab eo: pollicetur, iureiurandoq; promittit, se ei, eiusq; posteritati semper futurū beneficium, nullumq; genus officij, atq; beneficij præteriturum: quo sciat se posse ei, eiusq; posteris prodesse. Hinc animaduerti potest abundè ciues mei, qua beneuolentia, & charitate in nos afficiatur, qua benemerēdi de nobis promptitudine agatur Deus: qui quācunq; uel tenuem occasionem captat, quod nobis prodesse, quod nos beneficijs afficere merito uideri possit. Nihil prætermittitur ab eo, quod possit spectare, atq; pertinere ad reddendos nos idoneos accipiendis beneficijs; & ad efficiendū, ut indigni omnino non uideamur: quibus conferantur beneficia: & in quos beneficentia, & largitatis officium exerceatur. Quidquid sit, agiturq; à nobis, quod aliquam boni rationē habeat, licet in causa sit ipse, licet id ipsius gratia sit tribuendum: tamen nobis adscribit merito, & creditores nos cōstituens imputat sibi debito: quo beneficijs nos iustius possit afficere: & ne prorsus immerentes,

atq; indignos beneficentia, præmijs' ue prosequi ui-
 deatur. Postquam pater multarum gentium ex co-
 gnatione sua uxorem filio accersuit, et iam grauis
 annis, & ætate ualde prouectus, bonorum, facul-
 tatumq; suarum relicto hærede filio uita decessit: De-
 us tum paternæ in se obseruantie, paterniq; erga se
 obsequij memor: tum pro insita sibi bonitate, atque
 benignitate hominis maxime studiosus, & amans,
 id curæ, id studij, id beneuolentiæ erga filium exer-
 cuit: ut nihil ommitteret: quo suam erga eum be-
 neficam, beneuolamq; uoluntatem testari posset, at-
 que ostendere. Vix pater decesserat, cum ei benè
 imprecando, benè ominando, benè dicendo effecit:
 ut dignus euaderet, qui habitaret ad puteum uir-
 uentis, atque uidentis: et tantum proficeret uirtu-
 te animi, & sanctitate, ut diuinorum uisione frue-
 retur, & nullo penè bonorum, quæ solari in hac
 uita hominem, & beatum ut cunque reddere pos-
 sint, genere defficeret. Idcirco diximus nullo penè
 bonorum genere, quæ hominem beare possint defe-
 cisse: quoniam ad summam bonorum id uideba-
 tur deesse, quòd carebat liberis, sterilemq; uxorem
 habebat: quod diuino planè consilio contigisse exi-
 stimandum est. Diuino inquam consilio existiman-
 dum est contigisse: ut quam uxorem duxerat, steri-
 litate laboraret. Quo maior suppeteret opportunitas,
 & aptior sufficeretur occasio beneficentiæ diuinæ er-
 ga hominem ostendendæ: & comprobaretur eam
 esse Deo erga hominem uoluntatem: ut nihil gra-
 tius, nihil acceptius sibi propemodum ducat posse

DE DIVI. IN HOMI. BENE.

contigere, quàm ut occurrat occasio de eo benemendi, testandiq; suam erga eum benevolentiam, & charitatem. Multa contingunt naturæ impedimenta: multa uim, potestatemq; naturæ sic retundunt, consternantq;: ut aliquando non possit solitæ operationi incumbere, & impedita non ualeat exequi: quæ sibi propria ratione conueniant. Verum quæcunque naturæ impotentiam, debilitatemq; arguentia eueniunt: eadem plerumq; deseruiunt Dei immensæ potestati ostendendæ, & beneficentiæ, benignitatiq; diuinæ erga hominem significandæ, atque declarandæ. Immolatoris filius nõ eam in se Dei beneficentiamprehendisset, non eam erga se benignitatem expertus fuisset: quam deprecando fœcunditatem uxoris expertus est, & agnouit: si natura producendo nihil impedimenti sustinuisset: & quam sterilem impotens, impeditaque tulit, custodita consuetudine sua, atque proprietate fœcundam protulisset. Vix pro fœcunditate uxori impetranda fuderat preces maritus: uix quid optaret, quid expeteret in uxore, rogando explicauerat: quod sensit, quem rogabat exoratum, & quod optabat impetratum. Quidquid enim uitij, defectus ue impotens pertulerat natura, Dei potestas impedimenti nescia passa non est perseuerare, sed hominis precibus, desiderioq; consentiens, quod impedimenti naturæ operanti inciderat, repulit omnino, atque disiecit. Impedimentum naturæ illatum ita disiecit, ita amouit Deus: ut quæ uitium sterilitatis euasisse uideri satis poterat unum pariendo, eius fœcundis

tatis reddita sit : ut uno partu geminos eniteretur .
 Mariti rogantis preces ita exaudiuit Deus : ita homi-
 nis uoto , atque desiderio abundè satisfecit : ut qui
 forte satis sibi concessum iri putasset , si liceret unum
 filium ex uxore suscipere : duos susciperet : & Dei
 benignitate , atque largitate plus longe impetraret :
 quàm impetrare desiderasset . Quapropter nihil est
 ciues , cur dubitemus quidquam petere , exposcere ue
 à Deo : cui tam propensa est nobis benefaciendi
 uoluntas : cui tam promptum est suæ erga nos bene-
 ficentiæ exercendæ propositum , siue desiderium : ut
 summopere expetat , summopere ambiat , ut petam-
 us . Tantum abest , ut Deus pro sua in nos benigni-
 tate : & liberalitate quidquam à nobis agreferat
 peti , atque efflagitari : ut quanto audentius , quan-
 toq; maiori cum fide petiuerimus : tanto libentius , tã-
 toq; efficacius petitis sit , uotisq; nostris assensurus .
 Quàm cupiens , quàm studiosus sit Deus , ut petam-
 us : non ne conpertum fecit , & manifestum testi-
 monio filij : qui pro ut Euangelicis constat monumē-
 tis , nos suadet , nos adhortatur , nobis præcipit , ut
 petamus confidenter , & pulsemus : promittens fo-
 re ; ut si petierimus , impetremus : si pulsauerimus ,
 admittamur . Sed plurimum refert ad impetrandum
 quod petimus : cuiusmodi sit quod petamus : & quo
 affectu , quòue proposito petamus . Plerunque enim
 contingit pro ea , qua boni , maliq; ignoratione labo-
 ramus , & pro ea , qua sensuum , appetitusq; illece-
 bra agimur : ut petamus à Deo , à Deo impetrare cu-
 piamus : quod si concederetur : in grauem nobis per-

DE DIVI. IN HOMI. BENE.

nitiam cederet, & nobis ingentem calamitatem apportaret. Hinc evenit plerunque: ut longe amicior se nobis præstet Deus negando quod petimus: quam nosmetipsos nobis petendo præstiterimus. Hinc etiam fit: ut quanto magis diuinæ in nos benignitatis, atque beneficentiæ, non impetratis, quæ petierimus, arbitramur esse detrahendum, atque derogandum: tanto Deum in nos benigniorem, beneficentiorēq; experiamur: dum nostræ ignorantie, atque inscitie compatiens non sinit id à se impetrari, quod petamus non alioqui successurum: nisi cum magna nostra pernitie, insigniq; petitionis poenitudine. In petendo igitur à Deo aliquid, oportet primò plurimū cōsiderare rationē, naturamq; eius quod petitur: & deinde diligenter excutere quo animi affectu, quo'ue proposito petatur. Quòd si id, quod petimus comperiamus uirtutis rationi consentire, & perfectioni, salutiq; animæ conuenire: confidere debemus, & sperare, Deum nos uoti compotes facturum: dummodo pio, fideiq; proposito agamur: & dum quantum in nobis est, quantumq; nostræ potestati, atque operæ competit enixe urgeamus, & studiose elaboremus. Ut sterilitatem ab uxore amoueret, ut sobolem sibi concederet, orauit Deum filius immolatoris, eo animi proposito affectus, eo mentis studio ductus: ut mandatum Dei, quo ampliatio generis humani continetur, exequeretur: & ut ex se prolem suscitarret: quam pie edocetam, religioseq; institutam cultui Dei, & obseruantie addiceret: & huius rei causa magis Deum

demereretur. O pium suscipiendæ sobolis desiderium. O dignam exauditu hominis precationem. Orauit, deprecatusq; est sibi dari sobolem, non ut eam in delicijs aleret, in luxuq; nutriret: non ut ei ambiret, redimeret'ue primos in ciuitate honores: non ut eam deniq; multis per fas, nefasq; congestis facultatibus ditatâ, locupletatamq; relinqueret: sed ut impleto mandato Dei eam pie institueret, caste erudiret, religionis studium doceret, & tanquam ansam quandam haberet, qua benemereri de Deo, remq; Deo gratam facere posset. Quæ sterilis fuerat, sic munere diuino, Deiq; beneficio fœcundata est; ut cum sensisset collisum quendam, exultatumq; in utero, uicissim tumultuantium, & super hac re consulisset Deum, responsum acceperit, duplicem gentem in utero contineri, & duos populos ex utero prodituros: qui mutuo contendant ita, ut maior superatus cedat minori, & minor uictoria potitus in maiorem exerceat imperium. Huiuscemodi quidem responsi diuini uariam multiplicemq; tum allegorice, tum moraliter possemus hic asserre interpretationem: & seu uellemus id symboli Hebræo, & Gentili populo applicare, seu sinagogæ, & Ecclesiæ, seu appetitui, & rationi, seu uitio, & uirtuti; commode sanè, & apposite id possemus, nî fallor, efficere. Sed quoniam id explicationis forte nos nimis diuersurum foret ab instituti nostri ratione, & à propositæ nobis materiæ orbita longius dâ ducturum: non arbitramur fore inconueniens, si tam longo rerum, atque uerborum præterito diuer

DE DIVI. IN HOMI. BENE.

ticulo coeptam uiam prosequamur: & prætermis-
 siss, quæ non nimis ad propositi nostri rationem faciant,
 & quæ aliunde hauriri facile possint; ea adgredia-
 mur, atrectemusq; quæ rem nostram propius respi-
 ciant: & quæ nostri studiij aliquid, atque operæ cõ-
 modius, atque utilius ualeant admittere. Sed sicu-
 ti existimamus non esse immorandum in explican-
 da, interpretandaq; duorum fratrum maioris subie-
 ctione, minorisq; ditione: ita non nihil ducimus at-
 tingendum, tractandumq; de eorum uario corpo-
 ris habitu, eorumq; diuersa uitæ ratione, diuersoq;
 Dei erga eos affectu sacris literarum monumentis
 attestato. Maior itaq; ex fratribus hispido corpore,
 in moremq; pellis belluinæ hirsuto rubebat: minor
 contra, glabra cute, totoq; læui corpore nitebat.
 Maior agricolationi operam dabat, uenandiq; stu-
 dio detinebatur: minor uerò simplex moribus, &
 uitæ quieti deditus degebat in tabernaculis. Maio-
 rem Deus auersabatur, eiq; ualde infensus erat; mi-
 norem uerò plurimum diligebat: summaq; bene-
 uolentia prosequabatur. Adeò inter se gemini fra-
 tres differebant: ut non solum aliquid similitudinis
 in se non retinerent, sed etiam contraria tam corpo-
 ris, quàm uitæ conditione mutuò dissideret. Vi qui-
 dem naturæ, cœli potestate, secundarum causa-
 rum efficacia contingere, fieriq; potest; ut fratres
 habitudine corporea inter se differant, & contrarijs
 uitæ studijs, diuersaq; morum ratione dissideant.
 Quòd autem Deus unum auersatus fuerit, odioq;
 persecutus: alterum dilexerit, plurimoq; amore com-

plexus sit : unde id contingere potuerit non facile explicatu , nec leue cognitu existimari solet : cum diuinæ paginæ testimonio uideatur apertius constare , quàm ut queat inficiari quidquid auersionis, odiq; diuini in maiorem fratrum, & quidquid dilectionis, & beneuolentiæ in minorem perhibetur, conceptum fuisse prius, quàm uel maior quidquam mali commisisset, unde sibi auersionem, odiumq; Dei contrahere posset : uel minor aliquid boni fecisset, cuius causa sibi diuinum fauorem, atque amorem conciliaret. Si enim ea est bonitas Dei, Deiq; benignitas : ut se præstet beneficium in omnes : & uelit omnes æque seruari, suæq; beneficentiæ, largitatisq; fieri participes : quoniam pacto fieri potest, ut sua sponte, nulla laceffitus hominis nequitia, atque prauitate ipsum hominem auersetur, odioq; habeat? Tantum abest, ut Dei bonitas patiaturs quenquam hominem à se haberi odio ; ut eum etiam à quo iniuria afficiatur, à quo offendatur à quo contemptui habeatur, & odio : studeat iuuare, cupiat seruare, procuret beneficio afficere. Si nostra culpa fiat, si nostra nequitia committatur : ut nolimus à Deo iuari, recusamus à Deo seruari, renuamus à Deo beneficijs affici : nihil est, cur ideo detrahamus diuinæ in nos bonitati : Deūq; putemus ultro beneficentiæ suæ potentē manū contrahere à nobis : cū simus nos in causa peccādo, nos metq; ipsos à Deo auertendo : ut beneficentiæ diuinæ peculiari munere non potiamur, nec largitatem Dei in nos promptam, paratamq; experiamur. Alio qui si Deus hominem, à quo etiam odio habeatur,

DE DIVI. IN HOMI. BENE.

à quo offendatur, auerſetur, odioq; mutuo proſe-
quatur: quonam modo comperietur ſeruare quod
nobis tradidit, præcepitq; ſeruandum ore filij: qui,
ut Euangelicis ſcriptis continetur, præcipit nobis, ut
inimicos noſtros diligamus, et qui odio nos proſequun-
tur, amemus: beneficijsq; afficiamus? Quapro-
pter ſentiendum eſt Deum ipſum nihil aliud odiſſe
in homine, nihil aliud auerſari, quàm peccatum,
quàm uitium: quæ cum ſuæ bonitati, ſuæq; ſan-
ctitati contraria, aduerſantiaq; deprehendat, ea non
poſteſt non odio habere, atque ualde non auerſari.
Quò fit, ut ſi ſacræ ſcripturæ authoritate comprobe-
tur, maiorem ex duobus fratribus odio habitum
à Deo, priuſquàm etiam quid peccaſſet, mali'ue
quid comiſiſſet: intelligi debeat, id odij concepſſe
Deum aduerſus peccatum, aduerſusq; malitiam:
quæ licet nondum foret contraëta ab homine, ta-
men pro ſuæ æternitatis conditione, in qua nec præ-
teriti, nec futuriratio diſtinguitur, & in qua cun-
ctæ futura ſunt præſentia: eam contrahendam aſpi-
ciens Deus, & perinde ac ſi contraëta eſſet anima-
duertens, non mirum, ſi priuſquam contraheretur,
memoretur odio habuiſſe, auerſatusq; fuiſſe. Non
enim Deus, ut ſciat, quæ ſint agenda, indiget alie-
qua agentis opera: ſed priuſquam exiſtat qui agat:
in æternitate ſua nouit, quæcunque ſint agenda:
& de eis iudicat, perinde ac ſi agantur: & in eis
ſe habet perinde atque ſi eſſent aëta. Quòd ſi quis
fortè non adeo deferendum exiſtimet naturæ, ſecun-
disq; cauſis: ut in cauſa poſſint eſſe, ut fratrum ma-

ior tam

ior tam dispari, tãq; exorti corporis habitu sit condi-
tus : argumentariq; ideo uelit Deum uideri exercu-
isse odium aduersus eum, priusquam omnino pec-
casset : non arbitror existimandum, quenquam ha-
bitum corporis quantumlibet deformẽ, exortem' ue
posse arguere aliquid diuini odij in eum, cui contin-
gat ; quoniam, siue concedamus corporis id genus
habitum cedere malo hominis, hominisq; conditio-
ni aliquid detrachere, siue negemus : nunquã licue-
rit quidquam diuini odij in ipsum hominem inde
coargui. Si quidem negemus : nihil est cur quid-
quam odij inde arguatur. Sin concedamus, nihil æ-
quẽ fuerit, cur id genus mali, siue detrimenti in ali-
quod Dei aduersus hominem odium reijciamus. Cui
igitur rei, siue causæ : si neque is, qui sic affectus
est, neque parentes eius peccauerunt, id mali adscri-
bemus ? nihil sanẽ peccauere parentes, cuius causa
censeri queat filius id mali corporis habitus contra-
xisse. Nihil adhuc peccarat filius, nihil adhuc mali-
tiæ, nequitia' ue contraxerat. Id non negamus, id
non diffitemur. Nõ planẽ peccato alicui, quod com-
misisset, neq; nequitia' cuipiam, quam exercuisset,
sed peccato committendo, nequitia'q; exercendæ tri-
buendum est. Non idcirco tamen effectum quen-
quam causa ipsa priorem consentio : sed arbitror
non secus, ac in morbis corporum euenit : qui prius-
quam sese efferant, corporaq; male habeant, quæ-
dam eorum signa, & symptomata apparent : quod
mali, exortisq; habitus corporei ante peccatum com-
missum, nequitiamq; exercitam accidit, id fuisse ue

DE DIVI. IN HOMI. BENE.

luti quoddam præuium symptoma, quod argueret peccatum committendum, prauitatemq; animi contrahendam, atq; exercendam. Quin adeo non est existimandum, Deum quidquam aliud in homine ordisse, quàm peccatum: ut pro benignitate sua, atq; charitate erga hominum genus semper propemodum ei, quem prospicit peccaturum, aliquid iniici permittat, atq; procuret, quò peccatum leuiori noxa perpetretur: & quò uoluntas in peccando habeat aliquid humanæ fragilitatis admixtum: quò mæra, peruicacisq; nequitia, & consultæ, deliberatæq; malitiæ reatum euadat. quod quidem potest existimari Dei benignitate, atq; providentia cõtigisse maiori ex fratribus: qui cum primatum generationis, iusq; primogenituræ edulij auiditate uenditurus esset fratri, effectum est, ut uenderet: cum de uenatione fessus, & de labore famescens prætereuntem terat auiditati aliquid necessitatis humanæ: & qui cum futurus esset inimicus fratri, fratremq; ipsum odio capitali foret persecuturus: accidit, ut eulogium, quod ei destinatum fuerat à patre, astu obtinens minor natu, feliciore quidem prouentu, quàm quo fuisset ille consecuturus, causam aliquam indignitationis in se, & odij concipiendi ei sumministraret. Sed fratre maiore derelicto, qui suis peccatis, suaq; prauitate se reddidit indignum, quem Deus peculiari fauore, atque charitate prosequeretur: minorem natu fratrem accipiamus, qui cum Dei gratia se non subtraxerit, sed ab ea illuminari se permiserit: seq; paratum præstiterit ei suscipiendæ: tan-

ORATIO PRIMA. 150

tum benignitatis, tantum beneficentiæ, tantum cha-
ritatis in se diuinæ expertus est, ut id uix ulla arbi-
tror loquendi ratione completi, uix ulla dicendi fa-
cultate posse explicari. Quis credat, quis confidat
ulla dicendi ui, siue copia posse satis exprimi illam
singularem benignitatem, illam stupendam bene-
uolentiam, & amorem: quem erga minorem ex
fratribus ostendit, declarauitq; Deus: cum iussu pa-
tris tenderet in Mesopothamiam uxoris ducendæ gra-
tia? cum enim appellente nocte diurno itinere defa-
tigatus requiescere uellet: & uno ex lapidibus, qui
circum strati iacebant accepto cervical capiti prostras-
set: & procumbens humi sub dio iaceret resupinus:
somno uix correptus, scalas aspexit à terra ad cœ-
lum pertingentes: Angelosq; Dei partim scalas ip-
sas conscendentes, partim descendentes, supremæq;
scalarum parti inhaerentem, summisq; gradibus in-
nitentem Deum: à quo compellatus est hisce uerbis.
Scias uelim, me esse Dominum, Deum que aui,
patrisq; tui: qui tibi, tuisque posteris hanc om-
nem terram, in qua nunc dormiendo iaces, habi-
tandam, possidendamq; sum daturus, effecturusq;
ut instar arenæ numero, atque multitudine sese ha-
beat tua posteritas: quæ sic excrescet, adeoq; dif-
fundetur: ut non minus orientem, occidentemq;
quàm meridiem, atque septentrionem sit occupatu-
ra. Tua causa, tuiq; seminis contemplatione bene
habebunt, nostriq; eulogij munere potentur om-
nes tribus, gentesq; terræ. Interea tibi me custodem
fore polliceor, quocunq; locorum perrexeris: dedu-



DE DIVI. IN HOMI. BENE.

camq; te, quousq; denuò reuertaris in hanc regionē:
nec te dimittam, tibi ue deero : donec executus fue-
ro, quacunque dixi, pollicitusq; sum me facturum.
O egregiam Dei erga hominem beneuolentiam: O
mirificam curam, & beneficentiam: O plus quàm
paternam sedulitatem & studium. Præter magna,
singulariaq; beneficia: quibus eum Deus prosecutus
rum se pollicetur: ei custodem, pedagogumq; prope
modum se exhibet: & non à quibus deducatur, co-
miteturq;: spòdet se traditurum, sed se offert ipsum,
qui eum deducat, atque comitetur. Maximam
quidem, atque singularem Dei erga hominem
propensionem, & charitatem licet agnosci, depre-
hendiq; ex huiusmodi uerbis, quibus Deus ipse ho-
minem allocutus est: quibusq; homini tantum mu-
neris, & beneficij obtulit ultrò. Verum non mino-
rem planè diuinæ in hominem affectionis, & bene-
uolentiæ significationem colligemus: si uisæ scalæ
rationem inierimus: & huiusmodi typi, siue sym-
boli interpretationem, atq; mysterium excusseri-
mus. Quandam profectò, si modò mystica profanis
fas est comparare, similitudinē uidetur retinere hui-
usmodi scala cū cathena illa: quæ Græco poetæ per-
hibetur demitti cælo usq; in terras, Iouisq; opera su-
stineri: quæ quidem cum totius mundi, rerumq; na-
turalium mutuam quandam connexionem significet,
& indicet omnium rerum quandam seriem ab
uno, eodemq; principio propendentem: scitè admo-
dum, & appositè excogitata est: sed longè minus
rei, significatiq; in se continet, quàm scalæ nostræ

typus
demq;
nexio
mano
scen
pule
scal
du
inf
&
soli
difi
par
mod
esset
lo de
& h
addu
nis co
nap
& co
quid
quid
num
petu
aper
tione
ficer
diti
am

typus : quo non solum rerum omnium ab uno, eodemq; Deo dependentium, procedentiūq; mutua con-
 nexio continetur, sed etiam significatur diuinæ, hu-
 manæq; naturæ copulatio. & Dei ad hominem de-
 scensus, hominisq; ad Deū ascensus designatur. O'
 pulchram scalæ huiusmodi uisionem. Hoc sanè typo
 scalæ ostendit Deus homini non solum quemadmo-
 dum ipse immobilis, hærensq; suam uim, uirtutemq;
 infunderet, immitteretq; per uarias rerum naturas:
 & eas prout uirtutis suæ capaces essent, uarijs non
 solum gradibus uicissim differentes, sed d se quoq;
 distantes constitueret: sed etiam quali mynisterio se-
 paratarum substantiarum uteretur in gubernandis,
 moderandisq; rebus: & quonam pacto effecturus
 esset, ut natura diuina humanæ coniuncta, qui cœ-
 lo descendisset Deus Angelis comitatus, idem Deus,
 & homo secum homines instar Angelorū in cœlum
 adduceret. O' felicem hominem; O' nobilem homi-
 nis conditionem: cui tot rerum humanarum arca-
 na patuerunt; tot diuinorum mysteria innotuerūt;
 & cui non solum detectum, reuelatumq; est, quid
 quid erat de uerbi aduentu arcani; sed etiam quid-
 quid id erat, tendere, pertinereq; ad eum, huma-
 num'ue genus à morte liberandum, & in uitæ per-
 petuæ felicitate constituendum. Agnoscitis'ne ciues
 apertè iam, quale ferat testimonium, quam proba-
 tionem edat diuinæ in hominem charitatis, & bene-
 ficentiæ symbolum conspectæ scalæ? quo nō solum
 diuinorum arcanorum ratio ei patuit, sed salutis eti-
 am consequendæ, felicitatisq; adipiscendæ spes om-

DE DIVI. IN HOMI. BENE.

nino certa constituta est. Postquam homo somno ex-
perrectus: & sensibus, à quibus divina uisione ab-
alienatus fuerat, restitutus coepit animo repetere,
quæ uidisset, quæ percepisset: admiratione obstupuit,
& pro admiratione ipsa pauore quodā correptus est:
tulitq; subinde lapidem illum, quem capiti supposue-
rat quieturus: lociq; eius, uisionisq; memoriæ super
infuso oleo consecrauit sempiternæ. Hic est lapis ille
mysticus: qui cum reiectus esset, & reprobatus tan-
quā inutilis ab architectis, ædificatoribusq; sinago-
gæ: appositus est angulo ædificandæ Ecclesiæ: & pri-
mum, præcipuumq; locū in sacro adeptus est Ecclesiæ
ædificio. Hic lapis oleo perfusus, est ille, illūq; refert,
qui cum diligeret iustitiā, & ab omni iniquitate ab-
horreret, meruit, inter omnes alios, qui participes fo-
rent eiusdem speciei, ut à Deo lætitiæ oleo perunge-
retur: sanctiq; spiritus oliuo perfunderetur. Hic est
ille quadratus lapis: cui quicunque cadens, offen-
densq; incubuerit, concutitur, consternaturq;: &
quem quicunque passus fuerit in se cadentem, com-
minuitur omnino, atq; obteritur. Hic lapis inunctus
oleo refert, representatq; domum Dei uiuentis,
sacramq; Christi Ecclesiam, in qua is oliui est usus:
ut nihil propemodum salutaris sacramenti sine eo
conficiatur, atque expediatur. Iam frater natu mi-
nor iussui paterno obtemperans, peruenerat in Me-
sopothamiam: ibiq; complures commoratus annos,
ob seruitium, operamq; præstitam auunculo in pa-
scendis gregibus, obtinuerat ab eo, ut geminas, quas
habebat filias, sibi locaret: & iam auctus liberis, &

facultatibus supramodum Dei propitiatoris bene-
 ficio non minus soceri, quàm sobrinorum cœperat
 in se inuidiam contrahere: cum repetendi domum,
 in patriamq; ad patrem reuertendi tempus esse ra-
 tus, compositis rebus, coactisq; gregibus unâ cum
 coniugibus, & liberis iter in patriam uersus corripu-
 it: in quo quidem itinere non solum, sicuti spon-
 derat, Deus se præstitit ei comitem, & tutatus est
 eum ab inuidia soceri persequentis, & ab odio fra-
 tris occurrentis: sed etiam fertur luctatus cum eo: à
 quo non ante dimissus memoratur, quàm neruo fe-
 moris eum debilitatum reddiderit: eulogij munere
 affecerit. Proh Deum atque hominum pater. quid
 nam id luctæ est, quid nam est id femoris debilitati?
 Rogate, orate, obsecrate mei ciues, ne diuina ope
 hic destituatur, ne deficiam spiritu: quo, si unquam,
 nunc maximè est opus, huius excellētis, arcaniq; sym-
 boli enodandi, explicandiq; causa: cui aperiendo
 cum uires humanas omnino animaduertam non suf-
 fecturas: nihil est, cur sperem ullo pacto, aut confi-
 dam me posse quidquam proferre, aut eloqui: quod
 tam mirifico rei arcano dignum sit: & quod tanti
 mysterij rationi explicandæ conueniat: nisi diuinus
 Dei spiritus nobis peculiariter aspirarit, & gratiæ di-
 uinæ uis ingens, atq; potestas maxime nobis hac in
 re succurrerit, opitulata uerò fuerit. Postquam homo
 uadum luctationis cum sensuum irrationali appeti-
 tu in itæ traiecit: & superato uitiorum, affectuq;
 humanorum flumine, se uirtutum moralium, ex-
 piatricumq; consortio non continuit: sed ulterius

DE DIVI. IN HOMI. BENE.

progreſſiens, ſe q; numero eximens conſtitit ſolus: & uirtutes purgati animi aſſecutus eſt: colluctatus eſt cum Deo, non ſtudio contendendi, ſed imitandi: ut quemadmodum Deus iuxta naturæ diuinæ rationem perfectus eſſet, ita ipſe naturæ humanæ inſpecta conditione foret perfectus. Sed cum homo huiusmodi perfectionis ratione lucretur cū Deo ita, ut minime ſuperari iudicaretur: effectum eſt diuina largitate, & beneficentia: ut ſupra rationem humanam tolleretur: & eneruato femore, debilitatoq; corpore propius accederet ad rationem diuinæ naturæ apprehendendam: qua comperta infinita uirtute pollere, infinita perfectione præſtare lucretur dimiſit: & quatenus immenſum perfectionis cumulum deprehendit: ceſſit ultro, uictoremq; eum dimiſit: & huiusmodi perfectionis contemplatione non ſuſtinuit aliquo pacto cum eo colluctari, nec imitando ſimilitudinem aliquam aut comparationem affectare. O expedientem & ſalutarem homini lucretur: qui dum femore debilitatur, & corpore eneruatur: animo inualeſcit: & roboratur ſpiritu: & dum ſuperatur, naturæ ſuæ rationem ſuperare ſe intelligit: & ſui ipſius ſe uictorem fieri animaduertit. Sed quia nihil ferè arcanioris ſymboli arbitror inueniri in ſacris Hebræorum monumentis: quod ſi diligenter excutitur, aliquam rationem non contineat exprimendi, ſignificandiq; myſterij: quo parta ſalus eſt humano generi: & quo facta eſt humanæ naturæ cum diuina coniunctio: idcirco experiar, tentabo que

diuina
admod
uolent
unius
ret h
qua
inwi
pra
uit
tan
cor
aff
cum
debi
rei, m
rute
us ho
plata
Dei e
bile
ſuan
ſtare
dem
auſo
hom
nis,
tura
eo p
cor
bu

diuina ope, aurâ que confusus explicare: quem
 admodum id symboli, referre, exprimere que
 ualeat Christi seruatoris nostri conditionem: qui cū
 unius personæ complexu duplicem naturam contine
 ret humanam uidelicet, & diuinam: ita expertus
 quandoque est humanam diuinæ repugnantem: ut
 inuicem colluctari: & quandam luctæ speciem re
 presentare uiderentur. Quæ quidem lucta perdura
 uit, quousque debilitato femore, & corporeo, quo
 tangebatur affectu morte ipsa retinēto, resurrexit
 corpore immortalis, impatibilisq;: & nulli corporis
 affectui amplius obnoxius. Non prius luctam, quā
 cum diuinā agebat, humana natura dimisit, quā
 debilitato femore, morteq; secuta, quidquid corpo
 rei, mortalisq; affectus habebat, diuina omnino supe
 rante natura amisit. Cōmissa, peractaq; luctatione De
 us homini nomen immutauit: qui cum à uitij sup
 plāandis supplantator uocaretur, Dei uisor, siue
 Dei correignator appellatus est. O speciosum, & no
 bile nomen: quod indidit Deus homini: ut in primis
 suam erga eum benignitatem, & beneficentiam te
 staretur: deinde etiam comprobaret strenuam eius
 dem constantemq; in luctando operam. Sicut non
 ausim affirmare de huiusmodi cum Deo luctatione
 hominem mortali uita ad huc præditum eō cognitio
 nis, eoq; perfectionis peruenisse; ut potuerit Dei na
 turam, Deiq; essentiam uidere, & apprehendere
 eo pacto: quo licet apprehendi ab intellectu beato,
 corporalisq; materiæ experti: ita crediderim eum a
 bundanti diuinæ gratiæ lumine affectum, atque il

DE DIVI. IN HOMI. BENE.

lustratum uidendo, apprehendendoq; eò pertigisse:
ut omnem humanæ cognitionis, quæ speculo rerum
constet, rationem excefferit, atque exuperauerit:
Et eam intelligendi, percipiendiq; potestatem, do-
numq; adeptus sit: ut si puri, beatiq; intellectus in-
star diuinam essentiam non apprehenderit: saltem
aliquatenus supra rationem humani intellectus di-
uino lumine promotus, eam tanquã per cancellos, &
transennam uiderit, atque prospexerit: ut merito
potuerit asserere, se palam coramq; Deum uidisse,
& collata ad faciem facie conspexisse. Sed quò præ-
terea uis, efficaciaq; beneficentiæ, providentiæq;
Dei erga hominem appareat, atque innotescat, sacræ
prosequamur tenorem, seriemq; historiæ. Cum ita
que minor fratrum ex Mesopothamia regressus in
patriam esset, & non minus liberis, quàm faculta-
tibus abundaret: effectum est diuino consilio, diui-
nãq; providentia euenit, quo ei caueretur, eiusq; fa-
milie consuleretur incolumitati: ut unus ex eius li-
beris, quem maxime diligebat: quemq; iam matu-
ra ætate susceperat, odio fratrum, atque inuidia uẽ-
deretur negociatoribus: qui eum in Aegyptum con-
ducerent: qui quidem adolescens cum non minus in-
genuus esset forma corporis, quàm animi uitæq; pro-
bitate integer: accidit, ut cum à negociatoribus Ae-
gyptio cuidam regij exercitus principi uenditus, recu-
sasset libidini heræ consentire: tantum inde odij sibi
conflaret: ut ab ea falso deferretur ad dominum:
& libidinosæ interpellationis, cuius ipsa erat rea, ar-
denter incusaretur, atque indignanter. Qua accus-

satione commotus dominus adolescentem coniūci iussit in carcerem : in quo tandiu permansit , quousq; regio pincerna indicante somniorum coniectōr compertus , ad regem adductus est , de quibusdam somnijs anxium ualde , & sollicitum : cui cum plurimū , interpretando somnia , satisfecisset : & rei successu iam aliqua ex parte interpretamenti ueritatem comprobasset , id auræ , & beneuolentiæ apud eum sibi conciliauit : ut non solum regiæ domus administrationi præficeretur , sed etiam uniuersæ Aegyptus , totiusq; imperij gubernationi præponeretur . Quæ propter cum ex tenore somniorum tempora fertilitatis accessissent : in regia horrea tantum frugum , frumenti q; curauit congerendum : ut commodè futura , quæ expectaretur , penuriæ tolerandæ possent sufficere . Cum uerò subinde septennæ fertilitati , septennis æquè sterilitas , ut ex somnijs coniectatum fuerat , successisset : non solum ex omni Aegypto cōcurrebatur ad regia horrea causa comparandi frumenti , sed undiq; etiam ab externis regionibus confluebāt homines in Aegyptum : quò sibi uictum , alimentaq; redimerent . Quæ ratione cum fratres quoque , qui fratrem negociatoribus uendiderant , penuria uictus , & fame coacti , ut frumentum emerent , Aegyptum petiuisent : oportuit eos fratrem adire : qui non solum rei frumentariæ præerat , sed etiam curam omnium , quæ ad regij prouentus rationem pertinerent , gerebat . Hi quidem fratrem minus agnoscentes , à fratre sunt agniti : qui non modò impetrarunt , ut Aegypto exportarent frumentum ,

DE DIVI. IN HOMI. BENE.

sed etiam pecuniam, quam comparando frumento obtulerant, inuenerunt postea saccis frumentarijs iniectam, sibiq; latenter restitutam. Vrgente rei frumentaria inopia secundo Aegyptum petiuerunt fratres: qui cum accepti conuiuio, & perhumaniter habiti à fratre fuissent; non prius eum agnouerunt, quàm se quis esset indicauit: quo quidem cognito cum memores illatae ei iniuriae, & commissi aduersus eum criminis grauitimore essent perculsi, & uehementer exterriti: quidquam loqui, aut hincere cōtra non sunt ausi: sed frater eis suadens benignè, nihil pauerent, & iubens bono animo essent, nihil minus aegrè ferre, quàm se uenditum ab eis esse attestabatur: cum uenditio eiusmodi in causa fuerit, ut ad id honoris, & authoritatis, qua praeſtaret in Aegypto, perueniret: & hac causa posset suis opitulari: quorum incolumitati, atq; saluti, non erat futurum, unde in tam diuturna frugum sterilitate cōsuleretur: nisi diuino consilio, & providentia effectum fuisset; ut ipse uenundatus in Aegyptū deduceretur: Quapropter eos admonens sterilitatis, quae adhuc quinquennium perduratura esset, dimisit multis, uarijsq; cum muneribus in patriam: ut patrem in Aegyptum adducerent: & secum tam liberos, coniugesq; quàm uniuersa quae haberent, referrent. Spopondit sua opera, curaq; effectum iri, ut omnes quocunq; essent, commode uiuerēt in Aegypto: & nihil inopiae causa uictus sustinerent. Id sanè negotij, siue successus arguit eximiam Dei curam de homine, et providentiam: qua effectum est,

ut quæ uidebatur habere speciem miseriæ, atq; in-
 fortunij, uiam sternerent, aditumq; pararent felici
 fortunæ, maximæq; felicitati. Qui enim à patre
 putabatur mortuus, à ferisq; interemptus: is adeo
 interemptus non est, adeo non est mortuus: ut à
 morte patrem redimeret, & patrem, suosq; om-
 nes mori fame prohiberet. quem uenundatum fra-
 tres iugo seruitutis premi, asperamq; seruire seruitu-
 tutem existimabant: is adeo seruire non est repertus:
 ut latè populos regeret: populisq; latè dominaretur:
 & eos sibi seruire paratos haberet, à quibus traditus
 seruituti fuisset. Hinc nobis reor addiscendum
 ciues: quàm non sit diffidendum unquam diuinæ
 bonitati, atque beneficentiæ: à qua tantum abest, ut
 destituamur: ut cum uidemus aliquid aduersi, siue
 calamitosi se se offerre, tunc maxime debeamus
 accessum felicitatis sperare, magniq; alicuius bo-
 ni euentum expectare. Hinc exemplo possumus edo-
 ceri, quàm non sit in aduersis etiam à uirtutis uia,
 atque honestatis declinandum: nec committendum,
 ut ulla uoluptatis, atque utilitatis oblata species ita
 nos transuersos agat; ut imprimis recti, honestiq; ra-
 tionem non habeamus. Quod si fecerimus, non est
 dubitandum, quin quidquid inanis uoluptatis, fu-
 cataq; utilitatis, uirtutis tuendæ, honestiq; conser-
 uandæ causa reiectum, contemptumq; fuerit: aliqua
 solida uoluptate, ueraq; aliqua utilitate reficiatur,
 magnoq; cum fœnore resarciatur. Hebræus adole-
 scens reiecta uoluptate, contemptaq; utilitate omni,
 quæ sperari poterat: si patratione adulterij sibi amo-

DE DIVI. IN HOMI. BENE.

rem heræ conciliaffet: noluit ullo pacto committere: quod aduersaretur honestati, & uirtuti repugnaret. Sed passus se falso accusari, & indicta causa in carcerem detrudi, quidquid erat aduersi, æquo animo, speq; confidenti pertulit: donec de carcere liberatus, & à seruitute uindicatus eò peruenit honoris, & existimationis: ut non solum obtineret in Aegypto nomen Proregis: sed palam diceretur etiam, atq; appellaretur mundi uindex, atq; seruator. Hic idem generis Hebræi homo poterit esse nobis documento: quemadmodum habere nos ipsos debeamus erga eos: à quibus iniurijs simus affecti: & quos nobis infensos simus experti: quibus quidem tantum non debemus iniuriam rependere, & legalionis ulciscendo respondere, ut etiā debeamus eos, si suppetat occasio, inuare, beneficijsq; prosequi. Benignitas sanè, & beneficentia, qua usus est hic uir Hebræus erga eos, à quibus odio habitus, iniurijsq; affectus esset: & id nominis, quod sibi comparauit non modò Aegyptum, sed complures alias gentium regiones sua opera tueudo à famis discrimine, & ab exitio penuriæ liberando: admonent nos maxime, atque interpellant, ut credamus omnino, & arbitremur eum gerere typum, & ferre symbolum seruatoris nostri Christi: qui nullum benignitatis, beneficentiæq; genus prætermisit exercere aduersus eos, à quibus malè haberetur, iniurijsq; afficeretur: & qui genus humanum seruauit ab interitu peccati, & liberauit ab exitio pœnæ. Sunt aliæ præterea appositæ, accomodæq; similitudines, quæ ar-

guunt comprobantq; Hebræum hunc hominem quo
 dam typo præseferre Christum : nam sicut odium ,
 inuidiamque fratres aduersus fratrem concepe-
 runt inde , quòd intellexerunt se ab eo accusatos
 de crimine pessimo : & quòd eum patri cariorem ,
 gratioremq; agnouerunt : & quòd eum dum som-
 nia sua interpretaretur , audiuerunt innuentem fo-
 re , ut fratribus imperaret , & tam à parētibus , quàm
 à fratribus adoraretur . Non aliter Pharisei Hebræo-
 rum , primatesq; synagogæ odium , inuidiamq; ad-
 uersus Christum contraxerunt : dum se ab eo hypo-
 crisis accusari ægreferunt : & dum eum miracula
 edendo Deo se cariorem , acceptioremq; comprobare
 animaduertunt : & dum deniq; audiunt prædican-
 tem se Regem , Deiq; filium : qui in nubibus cœli uen-
 turus sit , & ab omnibus tam suis , quàm alienis a-
 dorandus . Veluti fratres uiginti argenteis fratrem
 uendiderunt negociatoribus Madianitis ; ita Chri-
 stum unus ex illis , qui cooptati erant in fratrum , di-
 scipulorumq; collegium triginta argenteis tradidit , at
 que uendit negociatoribus iniquitatis & contradi-
 ctionis Phariseis , scribisq; Hebræorum . Quemadmo-
 dum ex tetro carcere eductus , & propemodum exci-
 tatus homo Hebræus honoris sibi plurimum parauit
 apud Aegyptios , & summa in existimatione , ac no-
 minis celebritate est habitus : sic Christus simulatq; ex
 sepulchro excitatus est , atque eductus : apud homi-
 nes passim cœpit summo in cultu haberi : & summa
 ueneratione , atque honore ubiq; à mortalibus affici .
 Postquam fratres Aegypto abeuntes in patriam per-

DE DIVI. IN HOMI. BENE.

uenere: patri, quæ gesta essent, explicuere, eiq; mu-
nera nomine filij, quem iam tanquam peremptum
luxerat, obtulere: qui tanquam graui somno exci-
tatus, animo subito reuiguit: & ingenti gaudio per-
fusus bene secum, feliciterq; actum esse attestatus
est; cui priusquam moreretur, liceret eum quem a
deo diligeret filium uidere, compellare, amplecti.
Quare nihil immorandum ratus compositis omnibus
iter arripuit Aegyptum uersus unâ cum liberis, uni-
uersaq; progenie: qui quidem cum esset in itinere,
& Deo mactatis uictimis holocaustum obtulisset:
gratiasq; pro beneficijs acceptis ex animo egisset: no-
tate intempesta audiuit Dei uoce se compellari, adhor-
tariq;: ut bono fidenti; esset animo: quoniam id itine-
ris bene ei cessurum foret: & nihil minus dubitaret,
quàm se unquam ei, eiusque progeniei defuturum.
senex pater beneuola, amanti; Dei compellactione,
& adhortatione cumulator gaudio effectus, in Ae-
gyptum peruenit: ubi cum filij opera, Regisq; Aegy-
ptij beneficentia non solum tempus imminens steri-
litas, & penuriæ traduxisset lætè, & feliciter, sed
complures etiam ulterius annos summa cum quie-
te, & tranquillitate degisset: animaduertens diem
mortis adpetere, acciri iussit, coramq; adsistere quos
habebat duodecim filios: ut unus quisque eorum ac-
ciperet, quidnam sibi, posteritatiq; suæ futuris tem-
poribus esset euenturum. Non uidetur mihi prope-
modum aliter allocutus pater duodecim filios ante or-
bitum suum, quàm perhibetur Christus duodecim
discipulos peracta cœna, imminenteq; morte allocu-
tus

tus : quibus cum indicasset fore: ut ab uno ex eis tra-
deretur in manus inuidorum, inimicorumq; : ab alio
audacter, & perfrieta fronte ter abnegaretur:
ab omnibus ita desereretur, ut nullus in fide persisteret:
prædixit, uaticinatusq; est amussim, non solum
quidnam post obitum suum eis esset obuenturum:
sed etiam quid eorum successoribus, & posteris acci-
surum. Quis non uideat, quàm typus huiusmodi
quadret, atque conueniat, non modo uaticinii, præ-
dictionisq; factæ causa, sed etiam numeri, personarum,
temporis gratia? quibus accedit etiam id simi-
litudinis: quòd non aliter ferè per duodecim Christi
discipulos ampliatum est genus, nomenq; Christianum:
quàm per hos duodecim Israelis filios genus
Israeliticum, atque nomen fuerit auctum, atq; pro-
pagatum. At non solum tota huiusmodi typi series
rem Christi, religionisq; Christianæ successum desi-
gnat, sed etiam, quod sanè magis est admiratu di-
gnum, quod uaticinii, quod prædictionis à patre fa-
ctum est Iudæ filio, id totum signanter adeo Chris-
tum exprimit, remq; Christi adeo apertè indicat, &
repræsentat: ut nihil aptius effingi, nihil illustrius
indicari posse putem. & rear id solum posse suffice-
re ad illuminandos oculos uespertilionum, & ad ob-
turandum os improbum importunis, inauspicatisq;
cornicibus: quæ dum rauca uoce crocitant inter se
constrepunt: quid cygni concinant, non patiuntur
audire: & malūt sibi importunis stridoribus applau-
dentes rudibus balanis, & agresti glāde uesci, quàm
tundendo iuglandium testas dulcem, sapidumq; ci-

DE DIVI. IN HOMI. BENE.

bum eruere. O pertinacem hominum ignorātiā.
O extremam, miseramq; cæcitatem. Quod cæteri omnes mortales uiderunt, nouerunt, approbarunt, hi soli suis monumentis fidem non adhibentes, suorumq; hominum, suorumq; patrum testimonia eleuantes non uident, non agnoscunt, non approbant. Quin fucum facientes, præstigijsq; operam nauātes, à luce abhorrent: et tenebris delectati instar nocturnum nihil minus curant, quàm prodire in lucem, & radios solis usquequaque collucentes intueri. Sed suis in tenebris, suaq; in pertinaci ignorantia hos miseros relinquamus, non interim diffidentes, quin aliquando sint ex tenebris in lucem potenti manu Dei educendi, & de peruicaci ignorantia ad ueritatis agnitionem extrahendi. Nos uero, qui nec lucem detrectamus, nec à luce abhorremus, diuini senis uaticinium, quod sub Iudæ filij typo de Christo seruatore nostro edidit, perscrutemur aliquantum, & quid inde lucis exeratur ostendere ex uiribus adnitamur. Dum prædixit senex pater Iudæ filio, ex cuius genere, siue stirpe proditurus erat Christus, fore, ut à fratribus summopere lauderetur, & tanto in cultu, & ueneratione haberetur: ut ab eis adoraretur: indicare Christum uoluisse nemo non agnoscit; qui animaduernerit, quæ Iudæ dicuntur euentura, non Iudæ, sed Christo ex genere Iudæ descendenti euenisse: qui nō modo apud suos, sibiq; genere coniunctos, sed apud externos etiam tantum sibi laudis, & gloriæ comparauit: ut summo in honore, singulariq; in ueneratione habeatur, & cultu

adorationis afficiatur. Quisnam est ille catulus leonis, quem memorat senex uates ascensurum ad prædam, nisi Christus: qui lignum crucis ascendendo genus humanum peccato captiuum ex manibus, potestateq; Diaboli eripuit, atq; liberauit? Qui sanè non ab re leoni comparatur, leonisq; symbolo designatur: dum doli omnis expers, & liuoris, cuiusmodi perhibetur esse leo, sic animi generositate, sic naturæ dignitate ceteros homines anteceffit, sicut cætera animalia antecedere leo existimatur. Quis est hic qui dicitur à sene prophetante requieuisse, accubuisseq; uelut leo? nisi hunc intelligamus esse Christum: qui generosi instar leonis sæuientium in se Hebræorum tela contempsit: & forti pectore, impauidoq; animo persistens adeo nullum fugiendi signum dedit: ut constanter, & animosè se morti obiecerit. Tam quis præterea non est, cui id uaticinijs possit competere, aut accommodari: ut quæ senis uerba indicent eundem qui requieuerit moriendo, uti leo se ipsum esse excitaturum à morte: nulli alij, præterquam Christo ipsi omnino conuenire, quadrare'ue possint. Dum senex uaticinando protulit non fore, ut sceptrum, iusq; dominandi auferretur Iudæ, atque posteritati; donec adueniret; qui mittendus esset: & qui accipiendus foret à gentibus, ueluti si magna in expectatione apud eos extitisset: de quoquam alio putandus non est sensisse, quàm de Christo seruatore nostro: cuius paulò ante aduentum imperio Romano subiecti Hebræi desiderunt habere Regem ex tribu, posteritateq; Iudæ: & quo interempto mox extremam cladem passi sunt:

DE DIVI. IN HOMI. BENE.

qua non solum patriam, patriosq; lares amiserunt, sed etiam templi, sacerdotūq; possessione, & iure priuati sunt: & extorres facti qui cædibus superfuerāt, eiekti sunt, & dispersi per uarias mūdi plagas: quod quidem genus hominum adeo nihil tam longo temporum spatio potuit ueteris iuris, & antiquæ possessionis recuperare; ut adhuc disiectum, dispersumq; sine focis, sine laribus miserabili uiuat in exilio: & eo odio habeatur ab omnibus: eiusq; ignominia sit apud quasq; mundi nationes: ut instar sit abominationis, & non secus propemodū à reliquo hominum genere habeatur; quā sit ab eo Christus habitus. O congruam sceleris punitionem. O iustam Dei ultionem: quam indicatam, prædictamq; à sene patre sub typo duorum filiorum: quos uti homicidas, & maleficos sit auersatus, & quorum consilium nequam, furoremq; pertinacem detestatus, nemo non agnoscere potest, qui uaticiniū uerba expendat, quibus omnino indicatur futurum: ut quorum malefico consilio, & pertinaci furore sæuitum sit in necem hominis: hi disiciantur inuicem, & misere dispersantur. Quo adueniente auferendum erat Iudæis ius dominandi, & tam sacra, quā profana potestas adimenda: ex senis æquæ uaticinio idem erat futurus, qui ad uineam deligaret asinæ pullum, & ad uitam uineæ asinam. Sed quænam uinea est hæc? qui nam pullus asinæ? quænam hæc asina? Vineam typum gerere Ecclesiæ: pullum asinæ symbolum esse Ethnici populi: asinam referre Hebræorum sinagogam, neminem, qui uel mediocriter in sacris literæ

rum monumentis exercitatus sit, arbitror ignorare. Quæ ratione licet facile animaduvertere Christum senis uaticinio ideo dici futurum, qui alliget ad uineam, siue uitem asinam, pullumq; asinæ: quoniam ipse Christus fuit, qui tam populum Ethnicum, quam Hebræorum gentem unius Ecclesiæ consortio cōstrinxit, & unius, eiusdemq; ueræ religionis præceptis, & obseruantia alligauit: qui etiam idcirco dicitur abluturus in uino stollam suam, & in sanguine uuæ pallium, aut amictum: quoniam qua patibili humanitate indutus erat, & qua erat mortali carne amictus, eam moriendo, sanguinemq; effundendo ita eluit, defecauitq;: ut mox resurgeret humanitate impatibilis, & carne, corporeq; immortalis: cuius fuluos oculos memorat omni uino pulchriores, & cuius dentes omni lacte asserit candidiores fatidicus senex, eundem esse, de quo cætera prædixerat, tum ratio uaticinii, ipsaq; uerborum series aperte comprobant: tum quæ symbolo oculorum, dentiumq; designantur in perfectione hominis, interioriq; homine, coarguunt: quandoquidem Christi seruatoris nostræ fuerunt animi cogitationes, mentisq; intentiones: ut omni uini fuluore, atque nitore nitidiores, pulchrioresq; essent: & eiusmodi extiterunt sermones, locutionesq;: ut munditie, castitate, candore superarent percolati, defecatiq; lactis quancunq; munditiæ, atque candorem. Volo ciues mei ex hoc uaticinio eliciatis duplex benignitatis, & charitatis erga hominē diuinæ testimoniū: unum quatenus homini huic seni detexit, et aperuit Deus quicquid pro salute

DE DIVI. IN HOMI. BENE.

humani generis, quem missurus erat, filius acturus, passurus, executurus esset: alterum quatenus quæ futura de Christo essent; multo ante tempore designas, indicansq; nullum de eo, simulatq; uenisset, hæsitadi locum occasionemq; reliquit hominibus: quò certius ueritatem agnoscerent, ueritatemq; agnoscendo, fidēq; ei adhibendo facilius, atq; cōmodius se seruaret: seruandos uē se offerrent, atq; præstarent. Postquam Israelitæ illis uita defunctis, quorum gratia benè habebantur ab Aegyptijs, & in Aegypto indemnes, tutiq; degebant; multiplici sobole adeo excreuere numero: ut se eis cessuros facile multitudine, nisi cauerent, Aegyptij animaduernerent, ideoq; suspicarentur sibi ualde timendum ab eis: quos numero superiores denique haberent: & quibus multitudine superarentur: cœperunt iussu regis Aegyptij duris, uarijsq; laboribus affligi, & graui præstandarum operarum seruitio premi: ut dum laboribus attriti, & assiduo operarum seruitio oppressi detinerentur, minus haberent, unde darent operam liberis; & propagando generi incumberent, atq; deseruirent. Sed cum nihilominus numero excreverent, atq; etiam tanto maiori sobolis fœcunditate abundarent, quanto grauioribus premerentur laboribus: quod consilij & cautionis initum fuerat, animaduertens Rex Aegyptius nihil proficere, tum iussis obstetricibus ut necarent masculos, tum misso publicè edicto, ut quicumq; ex Hebræis nascerentur masculi flumine mergerentur: decreuerat omnino cauere, ne gens Hebræorum amplius excrecendo posset pro multitu

dine hominum aliquid timoris, atq; periculi Aegyptijs afferre: & iugum seruitutis, uinculumq; subiectionis excutere. Sed qua benefica cura, & prouida charitate usus fuerat Deus erga genus hoc hominum: dum ne fame periret, penuriaq; uictus periclitaretur, deductum fuit in Aegyptum: eam multo studiosius, multoq; ardentius praestitit, atque exercuit: quò liberaretur ab Aegypti seruitute, Regisq; Aegyptij dura, immaniq; subiectione exolueretur. Sicuti Deus in liberando huiusmodi hominum genere à famis interiectione, penuriaq; exitio usus est opera, officioq; eius. quem uenditum negotiatoribus, in Aegyptumq; deductum eò prouexit potestatis, & auctoritatis, ut facile, commodeq; suis posset succurrere: ita pro eodem ex seruitute Aegypti liberando delegit hominem, cuius opera et officio uteretur: quem quidem cum infans fuscilla conditus, & in ripa fluminis positus esset periturus; regiae filiae repertum, educationiq; traditum seruauit ab edicto Regis incolumem, & tanto fauore, tantaq; familiaritate prosecutus est: ut nò minus suis esset uenerationi, quàm externis terrori atq; formidini. Hic est ille Moses à deo sacris monumentis celebratus, adeo rebus gestis, Deiq; obseruantia clarus: ut ambiguum uideri possit, fuerit ne benemeritus magis de hominibus, an Deo ipsi familiaritate magis coniunctus extiterit. Is sane uix dum ex materna aluo eductus peculiarem Dei in se beneficentiam, amoremq; expertus est: & toto uitæ tempore adeo beneuolum, beneficumq; in se Deum habuit: ut nulla uideatur à Deo pratermis-

DE DIVI. IN HOMI. BENE.

sa occasio suæ erga eum benevolentia testanda, beneficentiaq; ostendenda. Sic beneficum planè atq; beneuolum se ostendit Deus erga hunc huminem: ut tamen non minus propemodum benevolentia ostendisse, minus ue beneficentia exercuisse uideatur erga eos: quos huius opera, atque officio à seruitute liberauit. Cum itaque Israelitæ homines ab Aegyptijs malè haberentur, & ab Aegypti Rege graui seruitute premerentur: ut plerumque conqueri, gemere, indolere cogerentur: nolens Deus id ferre indignitatis, & nimis ægreferens, quam gentem plurimum diligebat, misera, calamitosaq; seruitute detineri, quem expositum ad fluminis ripam, & periturum seruauit: quem de manu Regis infensi liberauerat: hunc oues soceri pascentem, & coacto ad interiora deserti nemoris grege petentē diuini montis solitudinem, de rubo ardenti, qui tamen igne nō consumeretur, amicè compellauit: iussitq; adire Aegypti Regem, & procurare, ut Israelitæ dimitterentur, Aegyptoq; excedere permetterentur. Cui officio cum se imparem Moses assereret: se ei affuturum Deus admonuit: à quo cum posceretur, quo nomine esset, responsum fuisse perhibetur, Ego sum, qui sum. Qui iam ei, cum quo luctatus fuerat, exposcenti nomen suum indicare recusauit, eiusmodi esse asserens, ut fando exprimi nequiret: nunc Mosi petenti consentit aperire. O singularem diuinæ erga hominem familiaritatis significationem: cui tantum defertur, cui tantum tribuitur: ut obtineat impetrare notitiam nominis, quod alioqui tam magnum est, ut uer-

bis complecti nequeat, & tam arcanum, ut intellectu non ualeat aliquatenus apprehendi.

O nos felices, o nos beatos, si quid hoc nomine contineatur, significeturq; percipere possemus: & una cum Mose diuinum solitudinis montem conscendentes quiremus apprehendere istius nominis rationem. Cui id nominis competit, is intelligendus est per se existere: à nullo esse, omnibus in causa esse, ut sint. Qui nominis huius est, ita est, ut esse queat quouam alio non existente: sine eo tamen nihil esse queat. Hoc nomine continetur omnis ratio bonitatis, perfectionis, uitæ, substantiæ. Nihil hoc nomine excogitari potest: quod aptius sit, & efficacius ad referendam, representandamq; naturæ diuinæ simplicitatem cum ui, potestateq; uirtutum omnium coniunctam. Nihil minus in se complectitur id nominis, quàm complectatur quatuor literarum illud sacratissimum nomen: cuius ea uis, uirtusq; esse cõsetur, ut nihil non effici, præstariq; in rerum natura possit ab eo: qui eius cognitionem perfectam habeat, eiusq; plenam calleat interpretationem. Vnde qui cum Deus esset, quæ Dei erant, efficiebat, dictus est Momis recutitis quatuor literarum suppilato nomine effecisse: qui sanè suppilatione reiecta uideri possent non mentiti, quãdoquidem cum Deus esset, & seruator: qui nomine literarum quatuor designatur: huiusmodi nominis uirtute non ab re existimari potest effecisse, quodcunq; mirabiliter edidit, & insigniter operatus est. O mirificam, salutaremq; istius nominis uirtutem: quo salutis humanæ ratio,

DE DIUI. IN HOMI. BENE.

uerbiq; diuini uis designatur omnis: & quo gratia
omnis, & beneficentia diuina plenitudo continetur.
Huius salutaris nominis efficaciam, atque uim indi-
cavit Deus Mosi, cum interrogatus de nomine, cuius
authoritate posset uti in liberandis ab Aegypti serui-
tute Israelitis; respondit Ego sum, qui sum. Qui
iam sub typo rubi igne succensi, ab ipsoq; igne inui-
olati conceptu diuini uerbi ex muliere inuiolata uirgi-
nitate faciendum prospexerat: & qui iam Dei ad-
monitu calciamentis exutus, & crassis, corporeisq;
cogitationibus, atque affectibus expoliatus, propius
acceserat ad rubum inspicendum, mysterium de
coniugatione diuinae, humanaeque naturae futurum:
is tum perfectam seruatoris futuri, salutisq; huma-
no generi afferendae cognitionem consecutus est: &
plenam fidem, spemq; constantem futurae humanae
liberationis obtinuit: cum a Deo, quo nomine esset,
accepit; & quid tanti nominis sacramento contine-
retur, diuina gratia illuminatus intellexit. Quapro-
pter iam euidenter agnoscens gentis Israelitae libera-
tionem a seruitute Aegypti fore, quae praeseferat, ty-
poq; indicet liberationem generis humani de seruitu-
te peccati, mortisq; subiectione denique futuram:
animaduertit se quoque, cuius opera, atque officio
uti uelit Deus in Israelita gente liberanda, relaturu,
typoq; representaturum eum, qui coelo proditurus,
deq; sinu Dei patris descensurus esset in terras, quo
sua opera, suo officio, sua uirtute redimeret a ser-
uitio peccati genus hominum, & naturam huma-
nam iugo mortis exolueret, & liberaret ab immi-

nenti noxæ detrimento. Qua mentis hilaritate, quo animi gaudio, qua cordis exultatione putatis affectum hunc hominem ciues: cum nouit se Dei benignitate electum, cuius opera, & officio de seruitutis afflictione liberandi forent Israelitæ, & cuius typo exprimeretur qui futurus deniq; esset humani generis liberator? Hinc effectum est, ut qui modò aduersus Dei consilium, decretumq; quo electus indicabatur: qui populum Israelitam educeret ex Aegypto, suæ authoritatis debilitatem excusauerat, & suæ tenuitatis, atque ineptiæ exceptione usus fuerat: iam promptus animo, iam paratus officio se Deo præstet obsequentem, & nihil hæsitans suscipiat mandata Dei peragenda. Quapropter conuenito fratre, eiq; indicatis Dei monitis, atque consilijs, unà cum eo Israelitæ gentis seniores adiuit: qui simulac uisis, agnitisq; diuinæ ad se legationis signis, sunt certiores facti de benignitate, beneficentiâq; Dei erga se, letati sunt mirificè, & summas gratias agentes Deo, qui populi Israelitæ miserijs, & calamitatibus compatiens decreuerit grauis seruitij uinculum, nexumq; soluere: obtulerunt se paratos obedire dicto fratrum, & diuinæ uoluntati obtemperare. Cum primum diuinæ legationis officio functi sunt fratres apud Israelitas, Regem æque, pro ut mandatis continebatur, Aegyptium conuenere: cui simulac Dei uoluntatem exposuerunt, indicaruntq; ex mandato Dei dimittendum esse populum, gentemq; Hebræorum: quò sacra facere, holocaustaq; ei offerre liberè posset: non modo non persuaferunt,

DE DIVI. IN HOMI. BENE.

ut mandato, uoluntatiq; Dei pareret: sed effecerunt,
ut laborem labori adiici iuberet, & Israelitas homi-
nes lōgè grauiori operarum exactione affligeret. Ad-
deo Dei mandatum Rex pessimus nihil curauit, adeo
nullam uoluntati diuinæ obtemperandi ratio-
nem duxit: ut quibus ante, quæ præstare possent
facile, imposuisset: ab eis accepto Dei mandato lon-
gè grauiora exigeret, quàm quibus enitendo possent
sufficere. Qua rei indignitate commoti præfecti,
primoresq; Hebræorum cum Regem adiissent, gra-
uiterq; indoluissent apud eum conquerentes maiora
populo Hebræo onera imponi, quàm quæ ferri, to-
lerariq; possent; & cum nihil deniq; indolendo, con-
querendoq; omnino profecissent: in Moſen, fra-
tremq; eius ira grauius exarserunt, indignatiq; ac-
riter sunt: eosq; conuentos de curioso nimis in se,
& importuno officio redarguerunt, eisq; exprobra-
uerunt, quòd dum spem libertatis consequendæ pro-
ponerent, grauiorem seruitutis conditionem effeci-
sent, & in causa essent, ut qui alioqui satis æqua,
tolerabiliq; seruitute detinebantur, concitato in se
Rege, infensiori; reddito, subiicerentur duræ adeo,
& asperæ seruituti, ut eam diffiderent omnino pos-
se tolerari. Non aliter propemodum contigit Hebræis
à seruitute liberandis, quàm solet contingere homi-
ni morbo corporis aliquo laboranti: cui quemadmo-
dum curando, sanandoq; adhibita medicina mor-
bum exasperat, & dolorem, afflictionemq; adau-
get: ita Hebræi adhibito liberationis à seruitute re-
medio, non incongruum fuit, neque inconueniens;

ut exasperatam aliquatenus seruitutem sentirent :
 & maiorem seruitutis in liberatione ipsa molestiam
 experirentur. Primorum Israeliticæ gentis expostula-
 tione ualdè commotus Moses , ad Deum se se conuer-
 tit : eumq; consuluit , quidnam sibi agendum foret :
 ut id , quod mandasset negotij , ad exitum perduce-
 retur : & ut spe , quam ex eius uerbis concepissent
 Israelitæ liberationis accipiendæ , non frustrarentur :
 cui quidem Deus rei perficiendæ rationem , modūq;
 tradidit , & totius negocij successum aperuit ita : ut
 non minus ei Regis peruicacitatem , qua usurus es-
 set in prohibendis , quo minus Aegypto abirent, He-
 bræis indicaret : quàm suam declararet curam atq;
 potestatem : quam exerciturus esset tam contra Re-
 gem , quàm Aegyptios : quò liceret populo Hebræo-
 rum tutò abire : & quò ipse uellet , iuberetq; conce-
 dere. Iussit itaque Deus Mosen ipsum unà cum fra-
 tre rursus Regem Aegyptium adire , suoq; nomine
 eum interpellare ad dimittendum ex Aegypto popu-
 lum Hebræorum : & quoniam sciret id minus Re-
 gem facturum , tradidit potestatem , ostenditq; ra-
 tionem edendi signi , comprobandæq; ostento iussio-
 nis suæ , atque uoluntatis . Ex iussu igitur Dei fra-
 tres Regem rursus adeuntes , adeo nihil impetrarūt ,
 adeo non obtinuerunt , ut dimitteret quos Dei no-
 mine dimittendos peterent : ut nec multi Deum fa-
 ceret ; nec eis signa diuinæ iussionis edentibus fidem
 adhiberet . Iam ter fratres conuenerant Regem , iam
 ter editis uoluntatis , iussionisq; diuinæ signis uniuersa
 Aegyptus ranarum multitudine obsidebatur : cum

DE DIVI. IN HOMI. BENE.

Rex fratribus spondit, se siturum Aegypto abire
Hebræos: si de medio auferretur noxiarum mul-
tudo. Cui quidem fratres cum Dei opera satisfacis-
sent, oblatam tamen ipse promissionem renuit ad
implere: quideinde cum nihilominus facta toties
dimittendi populi sponse impetrasset, ut cynipes,
cynomyæ, pestis, ulcera, grando, locustæ, tene-
bræ auferrentur: semper irritam promissionis fidem
fecit: semperq; ab implenda sponse destitit: quo
usq; Deus potenti, ualidaq; manu interemit nocte
media omne primogenitum tam humanæ, quàm
brutalis naturæ, quod Regis foret, atque Aegyp-
tiorum. Sed priusquàm id exitij immitteret Deus,
cuius causa sciret Regem dimissurum Hebræos: ad-
monuit Moysen, fratremq; Aaronem eius, quod esset
acturus, & eis iniunxit: ut nomine suo admo-
nent, certioresq; facerent Israelitas futura actutum
liberationis: procurarentq; ut priusquàm Aegypto
excederetur, in una quaque domo, siue familia im-
molaretur agnus: qui ferret testimonium sui ad li-
berandos à seruitute Aegypti Israelitas transitus: &
ex agni immolati sanguine conspergeretur ostij su-
perliminare, geminiq; postes cuiuscunq; domus,
in qua contingeret Hebræos habitare: ut hoc inditio
siue signo, cum percussurus Aegyptios accederet: ad-
monitus manum arceret, atque temperaret ab offen-
sa, siue læsione. Iussit præterea Deus fratres suo no-
mine suadere Hebræis, ut commodatò peterent ab
Aegyptijs, unus quisque à suo uicino, siue amico
uasa argentea, uasa aurea, uestem, supellectilemq;

pretiosam: & secum afferrent, atque exportarent, cum Aegypto excederent. Cum omnia quæ ex Mo-
se, Mosisq; fratre Dei iussu sibi peragenda accepe-
rant Israelitæ tam agni immolandi, sanguineq; con-
spargendi superliminaris, & postium, quàm commo-
datò accipiendæ supellestilis præciosæ ratione peregris-
sent diligenter, & executi essent: nocte in tempesta
Deus ad conditum tempus percussit Aegyptios, &
nullum in Aegypto primogenitum reliquit, quin ster-
neret, atque occideret. Ex tot Dei rebus contra Ae-
gyptios, Regemq; Aegypti gestis pro liberanda à ser-
uitute gente Hebræorum, licet deprehendere multi-
pliciter, atque cognoscere diuinam erga genus id ho-
minum beneficentiam & charitatem: quæ quidem
nescio, si pluribus, an illustrioribus signis, testimo-
nijsq; ostensa sit, atque declarata. Variæ, multipli-
cesq; Regis interpellationes factæ pro liberandis He-
bræis: & multa, uariâq; signa, atque ostenta edita
tam pro fide diuinæ uoluntatis facienda, quàm pro
inducendo, compellendoq; Rege ad dimittendos He-
bræos non plura, quàm illustriora ferunt testimo-
nia diuinæ erga genus id hominum charitatis, & be-
neuolentiæ: Cum tot incommodis, tot damnis, tot
pestibus, tot cladibus causa Hebræorum affecerit De-
us Aegyptios: & cum ipsos Hebræos eisdem locis, eis-
dem urbibus habitantes illæsos, intactosq; ab eiusmodi
omnibus seruauerit: non tam multiplex, quàm il-
lustre tulit testimonium suæ erga huiusmodi homi-
nes beneficentiæ: quam sanè testatam reddidit non
solum, quatenus eos incolumes seruauit, seruituteq;

DE DIVI. IN HOMI. BENE.

liberatos cum suis omnibus indemnes abire Aegy-
pto fecit: sed etiam quatenus curavit, ut rebus ab
Aegyptijs commodatò acceptis abirent cum præmio
servitutis qua laboriosè servierant, & cum mercede
operarum, quas in conficiendis lateribus præstiterāt.
Nec mediocre illud fuit specimen curæ diuinæ, &
benevolentiae erga Hebræos: quatenus ne cuiquam
fortè eorum contingeret periclitari, & quò memo-
riam liberationis affectuæ quotannis solenni sacro re-
nouantes, conseruantesq; haberent, unde sæpius
uoluptatem, delectationemq; caperent servitutis ex-
cussæ, receptæq; libertatis: & quò deniq; facilius in-
gratitudinis vitium euitarent beneficium liberatio-
nis celebri memoria repetendo, & solenni observa-
tione receptum beneficium testando: singillatim sunt
iussi per quasq; domos, atque familias immolare a-
gnum, postesq; sanguine intingere: & tempus di-
uini transitus solenni repetitaq; quotannis observa-
tione agnoscere. quæ quidem res, iussioq; Dei licet
referat magnum ingensq; probamen curæ, & bene-
volentiae, magnamq; æquè beneficentiae rationem,
declarationemq; habeat: tamen quidquid typo hui-
usmodi designatur, tantò maiorem beneficii ratio-
nem in se continet; tantoq; maius refert, & insi-
gnius documentum, curæ, benevolentiae, charitatisq;
diuinæ erga hominum genus uniuersum, nedum
Hebræos: quantò maiori interuallo superat huma-
ni boni rationem, uitæq; mortalis commoditatem di-
uini boni conditio, uitæq; æternæ, & immortalis cō-
moditas. Cum enim agnus ille masculus, & imma-
culatus

culatus iussus immolari designet typo, referatq;
symbolo Christum seruatorem nostrum: qui tam uirili,
masculaq; omni uirtute præditus, quàm candore uitæ nitens,
& ab omni peccati, uitijq; labe immu-
nis occisus est, & immolatus: sanguineq; suo
genus humanum ab Aegypti exitio, peccatiq; mor-
te seruauit, illæsumq; reddidit ab imminente Aegy-
ptijs, peccatisq; clade pernitali: quis non intelligat,
quis non perspiciat ex huiusmodi agni immolatione,
Christiq; sanguine effuso: quo salus humano
generi parta est; & quo æternæ uitæ, felicitatisq;
perpetuæ adipiscendæ omnibus oblata est occasio, at-
que commoditas: tam magnam, tamq; egregiam
diuinæ in genus hominum beneficentiæ, & chari-
tatis exuberantiam, copiamq; colligi, & comproba-
ri: ut nullo uerborum ambitu explicari, nulloq; in-
tellectus conceptu, siue captu percipi, comprehēdiq;
possit. Cuius mors designatur agni immolatione, e-
iusdem à morte surrectionē referre, indicareq;, qui
perhibetur transitus Domini censendus est: quando
quidem cum mortuus esset, uitam assumendo, aptè,
congrueq; asserti potest ex morte ad uitam transisse:
& à mortali conditione ad immortalem gloriā tran-
situm fecisse. Quod si forte quis nos hic interpellat,
dicatq; cōstare satis, & apparere Dei erga hominem
benignitatem, & beneficentiam: si consideretur,
quemadmodum se gesserit erga Hebræos: quos ua-
rijs modis declarauit sibi caros, amicosq; esse: &
quos multiplici beneficiorum genere reperitur pro-
secutus: nihil uerò minus argui, colligiq;, quam be-

DE DIVI. IN HOMI. BENE.

nevolentiam ullam, aut beneficentiam Dei erga hominem: si perpendatur, quonam modo se habuerit aduersus Aegyptios: quos uarijs cladibus affecisse comperitur, & quos potius odio, quàm beneuolentia persecutus fuisse comprobatur. Huc accedit etiam quod sacra monumenta testantur, quod quidem maximum uidetur odij inditium, Regis Aegyptij obduratum pertinacia animum ab ipso Deo fuisse, ut nullis signis, ostentisq; induceretur ad dimittendos ex Aegypto Hebræos: cur enim eum odio habere, eiq; ualdè infensus esse non est existimandus Deus: in quem propter pertinaciam animi, cordisq; duritiam, quam ei ipse intulerit, clades immittat, & penè genus omne malorum exerceat? Nihil est idcirco ciues mei, cur possimus quidquam diuinæ erga genus hominum benignitati, & beneuolentiæ derogare. Nihil est planè, cur promptam, paratamq; in hominum genus Dei beneficentiam omnino non agnoscamus: si perpendamus diligenter tam rerū, quàm uerborum rationem, & diuinæ providentiæ tenorem: ordinemq; accurate consideremus. Cladibus affecti sunt à Deo unà cum Rege suo Aegyptij, quò respiscerent, & cessarent ab iniquitate exercenda contra eos, à quibus nullis lacefferentur iniurijs: nec prohiberent contra rationem iuris tam diuini, quàm humani eos abire, quocunque liberet: quos nullo iure seruitutis, nulloq; uinculo obligationis obstrictos, obnoxiosq; haberent. Si Deus uolebat pro sua in hominum genus benignitate, & beneuolentia prohibere: ne innoxios Aegyptij affligendo delin-

querent, ne contra ius, fasq; committendo deteriores se redderent: clades quæ inferebantur, quo ab huiusmodi detererentur committendis: nihil omnino est cur diuinæ erga eos propensione, & benevolentia non sint ascribendæ. Cum enim nihil uerè noxium sit homini, nisi quod eius rationi, eiusq; fini aduersatur, & contrarium est: quidquid à Deo immittitur, quod causa sensus, corporisq; intuitu speciem mali, noxiq; habere uideatur: si quidem tendat ad prohibendum peccatum, seu reprimendum hominem à peccato: quod solum uerè noxium est, & perniciosum homini: cum rationi eius finiq; aduersetur: non quia non censeretur, non potest non iudicari ex summa erga hominem Dei beneuolentia, & beneficentia procedere. Quod uerò sacris monumentis affirmatur opera Dei effectum, ut Rex peritina obduresceret, & peruicaci retinendi Hebræos, quominus Aegypto excederent, obstinatione corriperetur: id quoque non mediocriter arguit diuinam erga hominem benignitatem, & beneuolentiam: quandoquidem lenitas, longanimitasq; quibus usus est Deus erga Regem: quem desiderabat pro sua in genus hominum charitate resipiscere, accepto quàm fieri posset minimo detrimento, in causa fuere, ut Rex corde obduresceret, & obstinatio animo redderetur. Abusus enim Rex Dei in se benignitate, & lenitate, tantò pertinacior fiebat in retinendis Hebræis; quantò leniorem, indulgentioremq; Deum experiebatur erga se, uel in cladibus immitendis, uel in eis auferendis, quacunque dimittens.

DE DIVI. IN HOMI. BENÉ.

di facta promissione. Quòd si peccatum uerè noxi-
um est, et pernitosum homini: & solum rationem
mali habet in homine: cur lenitas Dei, & longani-
mitas non est censenda fuisse noxia, pernitosaq; Re-
gi: cum ferret occasionem ei grauius peccandi, &
in peccato diutius perseuerandi? O providentiæ Dei
absconditam rationem: O cõsiliij diuini prouidum,
arcanumq; ordinem: quem prorsus indagare uelle
non minus arrogantis, curiosiq; nimis est, quàm pa-
rum cauentis laborem terere, operamq; incassum
consumere: in quem profecto dici possit illud Apo-
stoli Pauli: Quisnam es homo adeo audax, & impu-
dens, qui exactam uelis à Deo rationem quorũcun-
que, quæ ab eo agantur, exigere: nunquid à figu-
lo licet ollis, aut urceis exposcere, cur sic confectæ,
cur sic compactæ sint, & conformatæ? Ne tamen
interea existimetur Deus lenitate, & longanimita-
te usus erga Regem Aegyptium, ut ei grauius pec-
candi ansam porrigeret, occasionemq; præberet; a-
nimaduertendum est, Deum pro sua in genus homi-
num charitate, & pro sua naturæ benignitate, at-
que bonitate se lenem præbuisse, longanimumq; se
præstitisse erga Regem: quo corrigendi se, suiq; er-
roris, & criminis agnoscendi occasionem haberet:
qui si pro sua nequam uoluntate, maleq; agendi de-
stinato proposito, unde agnoscendi criminis, emen-
dandæq; iniquitatis oblatam occasionem habebat, in-
de sibi ansam arripuit grauius delinquendi: nihil
est, quod idcirco imputari possit Dei operæ: qui tan-
tum abest, ut uelit quenquam hominum perdere,

cuiquamq; mortalium obesse, peccandiq; ansam præstare: ut pro sua immensa bonitate, & pro sua ingenus humanum benigna, beneficaq; uoluntate optet summopere, atque expetat omnes homines saluos, beatosq; effici: & sic uiuere; seq; ipsos cauendo peccata sic præstare: ut possint esse suæ gratiæ capaces, & suæ beneficentiæ palam uolentibus quibusq; uti oblata, atque expositæ participes. Quin tam procul abest: ut cuiquam hominum uelit esse Deus causa mali, siue peccati: aut cuiquam uolenti desit benefaciendo: ut nihil prætermittat, quod possit hominem arcere à peccando: & se uel in inuitos præbeat beneficium: & nonnihil beneficentiæ etiam in peccantes, quatenus de eis sumit pœnas, sustineat exercere. Nam dum punit ita, ut potestatem adimat amplius peccandi, in causa est, ut deteriores non euadant, maioremq; noxam non incurrant: quod sanè beneuolentiæ non paruum est inditium, nec modicam beneficij rationem præsefert, in seq; continet. Huc accedit etiam quòd dum peccata punit, de reisq; sumit supplicium, non potest in huiusmodi, qui peccarunt, peccandoq; se reos fecerunt, non uideri, non iudicari ideo beneficus: quia eos elegit, eosq; dignos duxit: qui exemplo testimonioq; suo exactam diuinæ iustitiæ rationem comprobarent: & tam posteritati, successuroq; generi, quàm etiam tum uiuentibus documento forent, & admonitioni: quantum referat peccata cauere: & quantum expediat Deum non offendi. Huiusmodi nempe beneficentiæ genere usus est Deus erga Aegy-

DE DIVI. IN HOMI. BENE.

ptios, Aegyptiorumq; Regem: quos dum peccato-
rum, delictorumq; causa tum cladibus afflixit, tum
morte affecit: non minus prohibuit fieri deteriores,
quàm constituit, elegitq; qui reliquis exemplo fo-
rent, ferrentq; diuinæ iustitiæ testimonium: & ar-
guerent peccati perniciosam conditionem, & diui-
næ offensionis debitas, destinatasq; calamitates. Pos-
semus hic quidē cives id tyrannidis Aegyptiacæ mo-
raliter interpretari, & apte congruaq; typi simili-
tudine Hebræum populum comparare interiori ho-
mini, exteriori uerò Aegyptium: qui cum regem
appetitum habeat, non audit rationem, quæ inte-
rioris hominis à seruitute liberandi curam gerit: do-
nec ratio ipsa conatu ualido usa non consternarit po-
tentiam sensuum: quibus exterior homo constat: re-
gemq; sensuum, qui est appetitus contuderit. Qui-
remus item conuenienti typi similitudine explicare,
quemadmodum Rex Aegyptiorum referre queat pa-
trem illum peccati, regemq; uitiorum Diabolum: qui
cum studeat hominem, genusq; hominum in serui-
tute peccati detinere, & à Dei cultu, atque obser-
uantia auertere: à cœptis tum desistit, speq; fru-
stratus rem deserit: cum ad Deum conuersus homo:
Deiq; gratia, atque ope suffultus in libertatem se
uendicat; & à tyrannide uitiorum, seruituteq; pec-
cati se refert in libertatem spiritus: sibiq; Dei gratiam
gratum Deo ipsi hominem facientem, consequitur.
Sed quoniam id rei non satis ad institutum nostrum
exequendum pertinere uidetur, nec satis expe-
dire propositæ initio nobis materiæ expediendæ: id-

circo aliquid obiter sufficiat attigisse, & transeun-
do breuiter perstrinxisse. Pro negotij propositi ratio-
ne expedienda plura adhuc supersunt, quam ut o-
pporteat immorari diutius in his, quæ ab orbita di-
uertere, & ab instituta uia possint non mediocriter
abducere. Primogenitis Aegyptiorum omnibus ope-
ra Dei percussis, interfectisq; nō solum potestatem
fecit Rex Hebræis liberè abeundi: sed etiam Aegyptij
urserunt, acceleraruntq; abitum eorum sibi ue-
hementer ab eis timentes, eorumq; moram in Ae-
gypto sibi nocuam, exitiosamq; nimis suspicantes.
Qui numero duo & septuaginta Israelitæ Aegy-
ptum adierant, sic ex Dei beneficentia, & promiss-
sione aucti sobole, generisq; propagatione augmēta-
ti fuerunt quadringentorum trigintaq; annorū cur-
riculo: ut ad sexcenta uirorum millia Aegypto exce-
derent, non adnumeratis mulieribus, & liberis, ge-
nereq; uulgi promiscuo, quod penè præ multitudi-
ne numerari non posset. Quò tutò abirent Israeliti-
tæ, & quò uiam ab omni hostilitate tutam tenerēt,
se præbuit eis Deus ductorem, exploratoremq; ita,
ut diurno tempore in columna nubis præiret, noctur-
no uerò in columna ignea præcederet. O singula-
rem Dei de homine curam: quem die, noctuq; co-
mitatur: cui se ducem, præambulonemq; præstat:
ne ei gradienti, peregrinantiq; aliquid mali infera-
tur, aliquid ue incommodi, detrimentiq; ex hoste
contingat. Iam deduxerat Hebræos Deus ad litora
maris: cum rex Aegyptius pœnitentia actus, quòd
Hebræos dimisisset, ut eos rursus in seruitutem re-
-

DE DIVI. IN HOMI. BENE.

uocaret, insequi cum curribus, equis, magnaq; militum, atque armatorum multitudine deprehensus est: qui cum iam appropinquaret, impressionemq; facere moliretur, secedere aquas maris, perq; medium ponti pelagus aperiri, sterniq; uiam Hebræis transitoris iussit Deus: quos quidem transeuntes, traijcientesq; sicco pede cum eadem uia persequerentur Aegyptij: Dei opera perfectum est: ut cum primum Hebræi in continentem peruenissent, confluentibus unâ aquis, & reuerso in solitam æquoris speciem pelago, obruerentur insequentes Aegyptij: & unâ cum toto equitatu, atque exercitu Rex ipse submergeretur: qui cum nesciret habere modum delinquendi, abutendiq; Dei patientia, morte interceptus, non est permissus diuina beneficentia, & charitate eò peruenire noxæ, et peruersitatis: quod peruenisset, si incolumis adhuc perstitisset: & pro incolumitate, quam toties delinquendo nihilominus retinisset: audacior euasisset ad delinquendum, & pertinacior ad conspirandum contra Deum, Deiq; mandata, & uoluntatem. Quis satis queat hic admirari beneuolentiam, quam ostendit, & beneficentiam quam exercuit Deus erga Hebræos: quos non solum liberos, incolumesq; seruauit ab impetu, persecutioneq; hostili, sed etiam eis siccum strauit iter per mare gradientibus. Zoili Græcorum, Momi'que philosophantium diuini facti miraculum eleuare cupientes id rei adscribant, ut lubet, naturali causæ: dummodo falsi, erroris'que conuincantur: quatenus causarum quas afferunt, ratio

minus patitur ; ut tam diu diductis aquis uiam mare admiserit : quousq; tanta hominum multitudine pertransiret : cum etiam diuini miraculi testimonium abundè ferant uestigia curruum , rotarumq; orbitæ etiam num, ut perhibent, qui uiderunt, superantes non solum in litore , sed etiam in medio maris profundo . Is nempe transitus maris , quo seruati sunt Israelitæ ab hostili Aegyptiorum manu, arguit typo satis habili , & congruo sacri lauacri mysterium, quod Christi traditione institutum genus humanum liberare creditur à manu, tyrannideq; Diaboli, & à seruitute, uinculoq; peccati. Non aliter sacri lauacri salutare mysteriū refert transitu maris parta incolumitas : quàm immolati agni comestio, quæ prohibetur alienigenis, & incircuncisis, & quæ ita fieri debet, ut quidquam carnis extra domum, forasq; non efferatur : & quidquam ossis non comminuetur, neq; confringatur ; referat sacrum illud salutare : quod post cœnam cum discipulis ætæm Christus seruator noster instituit , à cuius quidem sacri comestione tam arcetur quisquis alienus est ab institutione, uitæq; Christi : & circuncisus non est uitæ atque peccatis , quàm prohibetur , ne quid sacræ carnis foras efferatur : & ad exterius aliquod , corporeumq; commodum referatur : quæ sanè caro tota ipsi homini ad internam animæ sustentationem, salutemq; sic sumenda est, sic comedenda : ut nihil ossis ex ea , nihil ex ea uirtutis, & efficaciæ uitio hominis comminuetur . Postquam mare incolumes egres si sunt Israelitæ , desertum habitatoribus , cultoriæ

DE DIVI. IN HOMI. BENE.

busq; locum intraverunt : & iam per agrestem loci
solitudinem tribus diebus iter fecerant , & nihil a=
quarum , quibus sitim , sedare possēt , ad huc invene=
rant : cum peruenientes in Maram , fontem reperie=
runt : cuius aquas cum poturi deprehendissent ama=
ras , indignabundi Moſen redargutione incessive=
runt , & questu graui impetētes ab eo expostula=
runt : unde uellet sibi in potum aquam hauriri , cum
siti grauiter adeo laborarent . Qua de re cum Dei o=
pem , auxiliumq; Moſes implorasset , Deo ostenden=
te , lignum excepit , quod aquis immissum dulcorē
indidit , amaritiemq; omnem abstulit . O miram di=
uini ligni uirtutem ; o efficacem potestatem , qua ef=
fectum est , ut omnis quæ aquis inerat amaritudo e=
lueretur , & mira dulcoris suauitas infunderetur .
Quidnam typi , quidnam symboli posset aptius , &
congruentius indicare salutare diuinæ crucis lignū,
salubremq; ligni crucis uirtutem , potestatemq; refer=
re ? quo sanè peccati amarities omnis ablata est , &
diuinæ gratiæ suauis dulcedo allata est hominum ge=
neri . Huius nempè symboli ratio congruentior eò ,
& concinnior apparet : quò expressiorem imaginē ,
& propiorem ipsi rei similitudinem gerit : quæ ne=
scio si maior , propiorq; exprimi , effingi q; posset :
quàm dum non solum specie conuenit cum re ipsa
symbolum , sed etiam uirtutis similem quandam ra=
tionem habet , & quidquid in re effectus est , & ef=
ficatiæ : refert , representatq; accomoda , aptaq; simi=
litudine . Quis undiq; quadratē , cōueniētemq; undiq;
symboli rationē non intelligat , qui cogitet , quemadmo

dum Deus ostenso, indicatoq; ligno: quo dulcore allato
 exigeretur amaror, cōmemoratur praecepta populo cō
 stituisse: quæ si custodiret, futurum esset ut omnis lā
 gor, atque ægritudo, quibus affecti fuissent Ae=
 gyptij, abesset ab eo: & se medicum, sanatoresq;
 ei fore promississe. O benignum medicum: o benefi
 cum, amantemq; sanatores, qui ligni uirtute ex=
 pressa peccati amaritiae edulcauit uitam hominis in=
 star aquæ fluentem: & genus humanum tristi affe=
 ctuum, cogitationumq; uanarum amaritudine de=
 tentum, dulci spe salutis æternæ affecit: & diuinæ
 charitatis dulcore suauiter temperauit. Ostenso dul
 cedinis ligno, patefactaq; omnibus publice ligni e=
 dulcantis ratione se præstat, seq; offert Deus medi=
 cum: se promittit, seq; exhibet sanatores omnium
 langorum, atque ægritudinum, quæ nobis possint
 contingere: dummodo nosmetipsos ex aduerso præ=
 beamus eius studiosos, eiusq; præceptis obtemperan=
 tes. Abscedentes Israelitæ à Mara: ubi Dei opera,
 uirtuteq; ligni, ex amaris aquæ dulces sunt effectæ,
 peruenerunt in Elim, ubi duodecim fontes dulcium
 aquarum reperti sunt scaturire: & ubi septuagin=
 ta palmæ dulci fructuū copia inuenta sunt abunda
 re. Quod continetur his symbolis, quam conue=
 niat, quàmq; respondeat superioris symboli inter=
 pretationi, nemo non agnoscere quiuerit, qui secū
 reputarit duodecim fontes dulcium aquarum nihil
 aliud referre, quàm duodecim seruatoris nostri di=
 scipulos: & quæ septuaginta recensentur palmæ, se=
 ptuaginta electos, qui doctrina, exemplo, sanctitate

DE DIVI. IN HOMI. BENE.

non tam fructus protulerunt in religione Christi inducenda, per uniuersumq; orbē propaganda, quā palmam, palmariumq; quæsiuerunt in eiusdem religionis inimicis conuincendis superandisq;. O generosos, fortesq; uictores, qui palmarum instar nulli grauitati persecutionum cedentes, nulliq; laborum oneri succumbentes sic contra Tyrannorum impetus sese habuerunt, sic contra hostes acriter pugnauerunt, ut superstitē uita sese non receperint, nisi obtenta, partaq; uictoria. Non hic arbitror tempus mihi conterendum in recensendis, enumerandisq; singulis quibusq; locis, in quæ peruenerint Hebræi, dum per uastam Eremi solitudinem peregrinarentur: sed prosequar solum Dei beneficia ab eis accepta; & attingam signa, testimonia que diuinæ erga eos beneuolentiæ edita, dum sunt peregrinati: quæ quidem tot, & tam magna, tamq; præclara fuere: ut qui ea non agnouerint, gratosq; se non ex aduerso præstiterint, censendi sint in humani prorsus, & ab omni lege rationis, & humanitatis fuisse alieni. Cum fame laborarent, ideoq; obstreperet aduersus Moysen, beneficio diuino tam magnam costurnicum copiam consecuti sunt, ut abundē saturari, ciboq; expleri largē potuerint. Nec satis id ad suam erga eos beneuolentiam ostendendam ratus Deus, conglobatum rorem, cibumq; instar similaginis melle compactæ candidum, dulcemq; de cœlo misit: quo cibi delicato genere nunquā eis defuit, quousq; in Eremi solitudine fuerunt: & donec in loca sedibus destinata peruenerunt. O diuinum, cele-

steq; ho
niq; fr
bris d
erga e
benef
huius
gnat
dem
ben
hu
do
He
de
dum
uato
net a
tuera
ad a
stodi
quor
cum
ne in
ni ex
qua
quo
uig
exili
bus
greg
Dei

steq; hominis alimentum. O cibum omni carne, omniq; fruge deliciarum. Id nempe cibi genus Hebræis abundè cœlitus sufficiendo Deus singularem erga eos benevolentiam declarauit, & suæ erga eos beneficentiæ uim expressit abundanter. Sed quod huius cibi tam suauis, tamq; delicati symbolo designatur, id traditum, exhibitumq; homini ad comedendum, longè maiorem fert diuinæ erga hominem benevolentie significationem: & diuini erga genus humanum beneficii uim declarat abundantius: quãdoquidem quod cibi genus cœlitus à Deo tradebatur Hebræis: tendebat ad uitæ fragilis, mortalisq; tuendæ rationem: & ad corpus uiuificandum, nutriendumq; pertinebat: quod uerò cibi Christi nostri seruatoris institutione homini concessum est, non pertinet ad corporis, sed animæ uiuificationem, non ad tuendam fragilem, mortalemq; uitam spectat, sed ad æternam, immortalemq; parandam, atque custodiendam. Vix Dei benignitas cibi causa Hebræis, quousq; in desertis, sterilibusq; locis essent, cauerat; cum causa potus se quoq; rursus obtulit occasio diuinæ in eos benevolentie ostendendæ, beneficiiq; diuini exercendi. Cum enim eò locorum peruenissent, quæ arida, petrosa; nihil omnino aquæ haberent, quo sitim restinguere possent: à Mose Deus iussit uirga percuti petram: qua percussa tantum aquæ exiliuit, emanauitq;: ut largiter sufficeret tot millibus hominum potandis tot pecudum, animantiumq; gregibus, armentisq; adaquandis. O speciosum Dei miraculum: O typi miram, arcanamq; ratio=

DE DIVI. IN HOMI. BENE.

nem. Ex petra eductæ aquæ, aquas referentes, quæ de petra erant profluxuræ spiritali, quarum haustu non tam uita ferretur, quàm saties bibendi immortalis constitueretur. Hæc est illa petra, qua mysticus Psalter memora exaltatū, sublimatumq; cum ab extremo terræ margine corde anxius, animoq; sollicitus clamasset ad Dominum, Deiq; auxilium, beneficiumq; implorasset. Hæc est illa petra, in cuius foramen humana anima sponsa Dei, & amica inuitatur uoce sponsi, & accersitur ad requiescendum. Hæc inquam petra illa est, in quam perhibetur homini dari tutum à Deo refugium, securusq; receptus à periculis, hostiliq; à discrimine. Hæc planè petra symbolum gerit eius, eumq; typo habili refert: qui suæ doctrinæ largo mirabiliq; fluente potum suggerit abundantem uniuerso hominum generi; & charitatis suæ, atque gratiæ profluenti iugiter uena sitim restinguere humanorum affectuum, & rerum corporalium siticulosas cupiditates temperare, sedareq; potest. O mirabilem, efficacemq; diuinæ petræ uenam: quæ sedandæ, restinguendæq; tot hominum siti sufficit: & quæ nullo quantumuis copioso, frequenti; haustu, potuq; ualet exhaustiri. Ex hac petræ abundanti uena proponebatur aqua haurienda Samaritiæ mulieri: qua quidem hausta, nulla amplius sitis molestia sentienda foret, nulla; esset superfutura bibendi cupiditas, aliunde; sitis restinguendæ causa aquam hauriendi. Beneficio Dei in usus uitæ commodos, necessariosq; abundantem aquam consecuti Israelitæ, mox etiā

eiusdem opera, beneficioq; uictoriam contra insi-
dias, impressionemq; gentis Amalachytæ, brutiq;
populi obtinuerunt: quem quidem superarunt, pro-
fligaruntq;: cum Moses manum, qua uirgam Dei
detinebat elatam, sublimemq; sustineret. Hæc pro-
spera nimirum, felixq; uictoria: quam sunt Dei
ope, & beneficio adepti Israelitæ aduersus gentem
Amalachytam, populumq; brutum: cuius typo de-
signari irrationalium uoluptatum, brutorumq; ui-
tiorum aciem, turbamq; si considerauerimus, longè
maiorē diuini beneficij utilitatem, uimq; collige-
mus: cum longè maior, potiorq; eius sit beneficij ra-
tio: quo fit, ut ab hostibus animorum superiores eua-
damus: quàm quo efficitur, ut indemnes, incolu-
mesq; corpore, & uita hac fragili ab hostili impetu
nosmetipsos seruemus. Sed cum iam temporis siue
diei conditio uideatur exposcere: ut coetus soluatur,
& interim à dicendo supersedeatur: hic sistemus,
& in proposita materia ulterius non progrediemur,
quàm uel temporis ratio permittat, uel uestra in au-
diendo commoditas, & nostræ in dicendo uires tole-
rare posse uideantur. Superest ut cras redea-

tis, hucq; conueniatis unà, non minora

quàm acceperitis, audituri de

Dei in hominem beneuo-

lentia, atque bene

ficentia docu-

menta.

IVN

RE

1

corpe

7507

NETS

stere

tion.

1947:

tion.

9400

the p

4127

СОУП

44:

cebi

Vc/

73

IVNIORIS LVDOVICI PARISETI
REGIENSIS DE DIVINA IN HO-
MINEM BENEVOLENTIA, AT-
QUE BENEFICENTIA AD
VIROS REGIENSES

ORATIO SECUNDA.

I diligēter viri Regienses, ciuesq; mei
expendamus, quæ de diuina in ho-
minem, siue Hebræos charitate, &
beneficentia hætenus à nobis prodita
sunt, atq; explicata: ea uideri possunt
corporis quandam præcipuè cautionem respicere, &
non minus in uitæ tuenda incolumitate, quàm in ge-
neris augendi ratione, prosperoq; rerû successu consi-
stere. Quæ supersunt, non adeo, nec præcipuè ad cau-
tionem, incolumitatemq; corporis pertinere uiden-
tur: sed animi instituendi, moderandiq; in primis ra-
tionem continere: quæ complectatur non solum
quod expediat pro recto uiuendi instituto ab homi-
ne præstari, sed etiam quonam pacto homo ipse debe-
at erga hominem se habere. Quantò animi, quàm
corporis incolumitas pluris facienda est, & æstiman-
da: tantò rationem diuini amoris, & beneficentiæ li-
cebit hinc pleniorē, uberiorēq; animaduvertere.
Vestrum idcirco fuerit ciues eò acrioribus animis in-

K

DE DIVI. IN HOMI. BENE.

cumbere, quò potiore agendum est à nobis ratione de diuinis in hominem beneficijs, & charitate. Vnde seriem, quam cœpimus prosequentes diuinarum legum, atque præceptorum traditionem suscipiemus explicandam: & singula quæque, prout ordo suggeret historiæ, complectemur testimonia diuina in Hebræos propensionis, atque beneuolentiæ. Cum iam Deus animaduerneret gentem Hebræorum degenerare ab illa maiorum suorum integritate, continentia, religione: paulatimq; recedere ab usu rationis: & igniculos naturæ rationalis, quibus homini innotescit, quid nomine boni agere, quid euitare nomine mali debeat: praua agendi consuetudine, & nimia cupiditatis indulgentia sensim in se restringere: existimauit fore usui, si quæ agenda, aut uitanda à maioribus eorum naturæ iure, legeq; rationis fuissent cognita, & perinde ac si tabulis inscripta, propositaq; habuissent: animis conseruata, custoditaq; extitissent: in scriptis relata, & monumentis literarum commendata memoriæ proponerentur publicè agnoscenda, obseruandaq;: & quæ fas, nefasq; continerent, tanquam ex albo, edicto'ue prætorio omnino innotescerent. Quò uero præceptorum, legumq; latio maiorem obseruantia rationem, uimq; haberet: & plus authoritatis, ac fidei sibi uendicaret apud Hebræos, non solum præsentiam suam Deus in monte palàm testatus est tonitru, fulgure, fumo, igne, buccina, sed etiam uoce sua sacrum decalogum promulgauit: oreq; suo decem præceptorum legem edidit ita, ut ab omni popu

lo undiq; audiretur. Deinde accito in montem Mose
perhibetur decem præceptorum legem sua manu, su
isq; digitis conscriptam duabus in tabulis lapideis ei
tradidisse proponendam Hebræis, atque lectitanan
dam. O magnum diuinæ erga Hebræos beneuolen
tiæ argumentum: O clarum, illustreq; specimen di
uinæ erga id genus hominum benignitatis, & cu
ræ. Leges quas pro tuenda pietate, pro seruanda
integritate, pro pacis, societatisq; mutue iure cu
stodiendo obseruare deberent, tradidit Deus Hebræ
is suo ore promulgatas, suisq; dextræ digitis conscri
ptas. Sed cum nosset hominum genus in malum fa
cile uergere; & fieri posse, ut qui alioqui uirtutis
amore, studioq; honestatis ad sanctas, piasq; legis
traditiones obseruandas non inducerentur, pœna
rum formidine inducantur: accersito Mose leges
constituit, quas uellet obseruari in puniendis, ple
tendisq;, quicunque in decalogum commisissent,
deliquissentq; contra sanctam, piamq; præcepto
rum legem. O cautam Dei curam, maximiq; er
ga hominem amoris indicem. Non solum tradidit
homini præcepta Deus, quibus obseruatis bene ha
beat, beateq; uiuat: sed etiam obicem, ne quæ pro
hibeantur facile fiant, opposuit, attulitq; impedi
mentum, ne secus quàm par sit, agatur in eis, quæ
præcipiantur agenda. Præterea cum rerum earum
maxime memoriam retineamus, tenaciterq; animo
impressam cogitationem seruemus: quarum sym
bola singulis quibusque nostris in operationibus, &
actibus proposita, obuiaq; habeamus: ideo Deus tra

DE DIVI. IN HÓMI. BENÉ.

didit Hebræis pro sua in eos benignitate, beneficoq;
 consulendi eis studio tertium legum genus: quibus
 uterentur in peculiari tam sacrificandi, quàm uiuen-
 di, uescendiq; ratione. Ex huiusmodi legum gene-
 nere nulla, ut arbitror, si diligenti studio inuestige-
 tur, fuerit lex, quæ speciem aliquam typi, atque
 symboli non habeat cum eis, quæ decalogo cōtinen-
 tur, uel ad decalogi rationem pertinent: ad quam
 planè genus omne uirtutum spectare, poterit faciliè
 cognoscere quicumque tum resoluendi, tum compo-
 nendi benè cognitam habuerit rationem. Id genus
 legum, quæ symbola erant obseruandi decalogi, &
 typos, signaq; gerebant uitandorum uitiorum, quæ
 reuocandarumq; uirtutum, atque exercendarum: con-
 ueniens fuit abrogari, simulatque Christus, qui in
 se omnem decalogi rationem, omnesq; omnium uir-
 tutum species complectebatur: & non solum erat
 archetypus ipsius decalogi, sed etiam omnium uir-
 tutum, omnisq; perfectionis exemplar existerat:
 proposuit se imitandum mortali hominum generi;
 & conuersatus apud nos tum doctrina, tum exem-
 plo, & tam docendo, quàm agendo genuinam fac-
 ciem omnium uirtutum nobis ostendit, & perfectio-
 nis omnis modum, rationemq; explicuit: cuius qui-
 dem assequendæ non modo apertum modum, cer-
 tamq; rationem tradidit, sed in ea etiam assequen-
 da eam, quæ prius affuerat hominum generi diffi-
 cultas, atque impotentia, suæ uirtute gratiæ, suiq;
 sanguinis effusi efficacia abstulit: effecitq; pro sua
 in genus humanum benignitate, & charitate, ut

quorum prius symbola ægrè præstari poterant ab Hebræis, ea reapse efficaciter, potenterq; denique præstari possint à nobis. O Christi meritum in nos eximium: O diuini uerbi benignam, potentemq; gratiam erga genus humanum exercitam. Quæ grauis Hebræis symbolorum præstatio, atque obseruatio esse uidebatur: & quæ uirtutum signa, & uirtutum symbola seruatu, uitatuq; graua esse uidebantur, & difficilia: Christi gratia aspirante, Christi uirtute succurrente, eis tanquam superuacaneis, nihilq; amplius necessarijs posthabitis, rebus ipsis præstandis accingimur, & sufficimus ita, ut cum quorum symbola præstita graua sint uisa, eorum reapse præstatio uideri possit grauiissima: plurimum tamen inde suauitatis sentiamus, & iucunditatis experiamur: cum Christi merito, atque uirtute fiat, ut quod alioqui latu grauiissimum uideri posset, & sensu asperum, amarumq;: id adeo nihil habeat laboriosi oneris, adeo nihil afferat asperitatis, & amaritudinis, ut uel leuissimum sit portatu, & suauissimum, iucundissimumq; existat sensu, atque gustatu. Nihil erat, cur speraremus pro fragili, & in malum prona conditione nostra posse nos præstare rem ipsam: cuius signum satis exequi nequiuisent antiqui Hebræorum: nisi Christi gratia maximè iuuaremur: & Christi uirtutem propitiam, salutaremq; experiremur. Quidquid non potuerunt Hebræi uirtutis, & perfectionis assequi, licet eius symbola in uiuendi, sacrificandiq; ritu assidue proposita haberent: nos symbolis amplius non indigentes,

DE DIVI. IN HOMI. BENE.

quibus admoneamur uirtutis quærendæ, uitijq; ca-
uendi, cum Christum habeamus uirtutis omnis, &
perfectiōis archetypum assidue nos sua doctrina,
& exemplo admonentem, & interpellantem, dan-
temq; uim, & potestatem ad quæ nos interpellat,
ea præstandi: acquirere possumus atque adipisci.
Multa sanè continentur in hoc legum genere ter-
tio: quæ Christi uitam, conditionemq; referat: quæ
Christi Apostolos indicent: quæ sacræ Ecclesiæ institu-
tionem, potestatemq; significant: quæ quidem ne
nimis in huiusmodi prosequendis uidear curiosus,
omnino prætermittam: & quæ possint ferre testi-
monium diuinæ erga hominem beneuolentiæ: quæq;
arguant, contineantq; aliquod beneficium Dei erga
genus Hebræorum, ea persequar, non tamen idcir-
co statuens singula quæque singillatim attingere:
quoniam id propemodum foret immensi operis, &
laboris infiniti. Tantummodo ea enumerabo, inta-
ctaq; non relinquam: quæ maioris uisa fuerint mo-
menti, & maiorem diuinæ beneuolentiæ, & bene-
ficentiæ significationē habuerint. Nam possem non
solum recensere, quoties Deus cum Mose fuerit, Mo-
sen allocutus sit, Mosi se ostenderit; quod ingens est
argumentum diuinæ in hominem beneuolentiæ: sed
etiam exponere, seriatimq; proferre: quemadmo-
dum se uidēdum septuaginta populi senioribus per-
miserit: quot signa clara suæ præsentiae palam om-
nibus ediderit: quoties uocem uulgo audiendā pro-
tulerit: quoties manum ab ultione continens pecca-
tum condonarit, remisitq; placatus poenas noxis

apparatas. Quæ quidem omnia, ne tractatus propo-
siti explicatio modum excedat: duco prætermitten-
da: & ad ea arbitror transeundum, quæ non mi-
nus fusam latè diuinæ beneficentiæ rationem præfe-
rant, quàm contineant beneuolentiam Dei aliqua
cum maiori, euidentiori; utilitate expressam, at-
que declaratam. Non insistam in beneficio nubis il-
lius explicando: quæ desuper obtenta, iniecta; ta-
bernaculo fœderis indicabat, quando conduceret,
expediret; aut loco manere, aut esse demigran-
dum. Non suffectas in mensem integrum carnes
commemorabo: quarum quidem suffectio, prout
arguit Dei in Hebræos indulgentiam, beneficenti-
am; ita in eis expetendis impotens, importuna;
ipsorum Hebræorum aduersus Deum exposulatio
in causa fuit, ut non minus impiæ ingratitude,
quàm exortis, nimia; concupiscentiæ pœnas darèt.
Non percusso silice emanantes aquas, non putei de-
tecti largam ad bibendum aquarum oblatam copi-
am, non uictoriam de Cananæis relatam pluribus ex-
plicabo. Illud porro beneficij non æquè perstringen-
dum, aut silètio prætereundum arbitror: quod du-
plicem diuinæ beneficentiæ rationem continet, & ge-
minam salutis consecutionem comprehendit. quate-
nus enim in sua specie, sua; conditione accipitur,
salutem corporis, restitutionem corporalis sanitatis,
liberationem ab interitu corporis continere comperi-
tur. Quatenus uerò rationem symboli habet, ty-
pum; gerit, longè maiorem beneficentiæ uim con-
tinet, longè potiore beneuolentiæ diuinæ erga ho-

DE DIVI. IN HOMI. BENE.

minem significationem refert: quandoquidem non corporis, sed animæ ipsius salutem, sanitatem, liberationem, à morte complectitur. Cum uehementer Hebræi à uirulentis serpentibus infestarentur: & eorum mortiferis moribus plurimi periclitarentur: Deus à Mose imploratus auxilio iussit ab eo serpentem æneum conflare, eumq; palam attolli, publiceq; apponi prosigno: in quem quicumque serpentū moribus oblesi respexissent, indicauit fore, ut sanarentur omnino, & sospites euaderent omni mortis periculo liberati. Simulatque Moses, quod præceperat Deus, executus est; confiebat, ut nullus, qui morfu serpentum laboraret, in arrectum, expositumq; serpentem respiceret, quin sanaretur à morfu, & ab interitus discrimine exolueretur. O miram stupendamq; conflati serpentis uirtutem: in quem respiciendo, in quem contuendo, quisquis uenenofo serpentis morfu infectus esset, & lethifero uirulenti reptilis ictu laboraret, confestim sanesceret, incolumisq; redderetur. Quis iam non uideat, quis non agnoscat serpentis huiusmodi conflati typo designari Christum seruatorem nostrum: qui non semine hominis, neque opera effigiatus, fabrefactusq; sed diuino spiritus flamine conflatus, uirtutem, uimq; habuit sanandi genus humanum morfu serpentis, peccatiq; ueneno infectum: fecitq; potestatem omnibus recuperandi sanitatem: quæ in primo homine serpentis morfu perdita fuerat: & mortem deuitandi, quæ ex infectione, opera serpentis, naturæ humanæ illata immineret: dummodo ipse plena fide, ui-

tæq; imitatione respiceretur. Hic est ille salutaris ser-
 pens: qui cum morsu non polleat, & omnis expers
 sit ueneri, compotes sanitatis omnes efficit, & à
 mortis discrimine liberat: qui à serpente icti, &
 morsu peccati infecti sese ad ipsum plena fide con-
 uerterint, ipsumque contuendo factis, uitæq;
 fuerint imitati. Huius serpentis symbolo designa-
 ri seruatorem nostrum adeo non est ambigendum:
 ut præter sapientiam, prudentiamq; specie ser-
 pentis designatam: qua inter cæteros homines
 non aliter ferè præstitit Christus, quàm perhibetur
 serpens inter irrationalis generis animantia præsta-
 re: & præter solidam, constantemq; uirtutem, quæ
 in Christo existens æris nomine indicatur: id acce-
 dat etiam efficacis argumenti: quod ipsemet Deus
 id genus ænei serpentis iussit poni pro signo, & in
 symbolum constitui, indicans manifestè fore, qui
 symbolum impleat, symboloq; referatur: quem fuis-
 se alium quàm Christum qui crederet, is omni talis
 pa cæcior esset, & nihil minus animaduerneret,
 quàm quæ generi humano præstiterit Christus ad sa-
 lutem obtinendam, sanitatemq; recuperandam. Be-
 neuolentiam quoque Dei erga Hebræos non magis
 testatur illæ uictoriæ: quas eius auspicijs contra A-
 moreos, contra Basannitas, contra Madianitas obti-
 nuerunt: quàm uatis, arioliue à Rege Moabitari
 acciti; quod execraretur Hebræos prohibita execra-
 tio, qui sanè uates non solum Dei iussu tempera-
 uit ab execrandis Hebræis, sed eis etiam ter benè o-
 minatus est, ter feliciter est imprecatus. Qui merz

DE DIVI. IN HOMI. BENE.

cede proposita à Rege conductus erat ad execrandum : is Deo iubente, Deoq; urgente benè imprecatuſ est, & feliciter ominatus. Tantum abſuit, ut poſſet huiusmodi uates, ſive ariolus ſatisfacere Moabitæ Regi execrationem contra Hebræos exigenti : ut non ſolum eis Dei opera benè imprecari ſit coactus, ſed etiam uaticinatus ſit palmas, uictoriasq; , quas adepturi eſſent non tam contra Moabitas, quàm cōtra gentium nationes alias : quibus expulſis, proſtigatisq; , benè, beateq; eſſent uicturi. Quin eò proceſſiſſe ariolus Deo ſuggerente comperitur, ut de noſtri etiam ſeruatoris proſpero, ſalutariq; ortu ex genere Hebræorum futuro uaticinaretur. Quò ſit, ut appareat nullam à Deo prætermiſſam occaſionē ſuæ erga nos beneficentiæ declarandæ, ſuiq; in nos beneficij demonſtrandi: ne fortè contingeret id à nobis ignorari, & graui cum noſtra pernitie non agnoſci, atque acceptari. Ex ore arioli, ex ore hominis aliqui gentilis, & profani uoluit Deus nobis etiam conſtare, nobisq; innotefcere ſalutis noſtræ authorem, & beneficium felicitatis nobis oblata: ne genus ullum probationis, aut teſtimoniij relinquere tur, quo beneficij ratio non illuſtraretur: & ne apud genus aliquod hominum ſuper'eſſet occaſio uila dubitandi, uel ignorandi. Cum Hebræi, ſimulac exceſſerant Aegypto, per quadraginta annos, & amplius in uaſta Eremi ſolitudine fuiſſent, & in deſertis habitatoribus locis degiſſent ita: ut non minus Deo ſuppeditante, quæcunq; uictui forent neceſſaria, habuiſſent: quàm Dei beneficio conſeruafſent

illæsa, & incorrupta, quæcunq; tegendi, induen-
 diq; corporis secum ex Aegypto attulissent: tandem
 Deo duce, & auspice peruenerunt ad fines regio-
 nis, terræ ue eius, quam lacte manantem, & mel-
 le fluentem Deus idem pro sua benignitate, & be-
 neficentia promiserat eorum maioribus, se datu-
 rum habitandam, possidendamq; futuræ ipsorum
 posteritati, uenturisq; nepotibus. Priusquam uerò
 promissæ regionis loca ingrederentur, defuncto Mo-
 se datus est Dei cura, & providentia, qui loco Mo-
 sis esset eorum dux, & qui suo ductu, atque ope-
 ra tam procuraret eos in fide Dei, eiusq; mandato-
 rum obseruatione continendos, quàm introducen-
 dos in regionis promissæ possessionem. O' triumphan-
 tem, gloriosumq; ducem, qui meruit, quod non
 potuit Moses, suo ductu, suisq; auspicijs in terram,
 regionemq; omni copia rerum abundantem, & nō
 minus soli ubertate, quàm cœli salubritate pollens-
 tem deducere populum Israelitam: eumq; post tam
 longam seruitutem Aegypti, post tot uastæ solitudi-
 nis, desertiq; loci errores, & post tot annorum an-
 xiam, periculosamq; peregrinationem, felicitis, amæ-
 næq; regionis constituere possessorem, habitato-
 remq; loci, siue terræ, in qua non minus sospes, in-
 columisq; esset uicturus, quàm quiete, tranquill-
 tateq; fruiturus, omniq; rerum copia abundaturus.
 Si quis fortasse ex uobis ciues est, qui cupiat huius-
 modi ducis sibi nomen indicari: ne quid alicui re-
 linquatur ignotum, quod ad rem pertinere possit:
 sciendum est id ducis esse nomen: quod cum duo-

DE DIVI. IN HOMI. BENĒ.

bus competat, euenit ut de utro sentiatur, adeo ni-
hil referre existimem: ut de utroq; sentiendum esse
omnino arbitrer. Duci nomen est Iesus. de Iesu Na-
ues, pro ut historiae tenor indicat, si sentiamus, is
nempe dux fuit Hebraeis: ut in terram, regionemq;
palestinam inducerentur. de Iesu uero Nazareno,
prout diuini mysterij ratio exigit, si intelligamus:
is nimirum fuit, quo duce, quo auspice, quo au-
thore genus humanum post longam peccati seruitu-
tem, post uarios, multiplicesq; uitae errores, & post
anxiam, periculosamq; à Dei gratia peregrinatio-
nem nobis aditum parauit, uiamq; adaperuit. qua
possimus in destinatam, promissamq; homini Dei be-
nignitate, & liberalitate coelestem regionem ingre-
di, & terram, de qua Psalte diuino attestante ue-
ritas oritur, adire, perpetua in quiete possidendā,
& summa cum felicitate, bonorumq; omnium co-
pia colendam, atque habitandam. O terram omni
felicitate foecundam, omniq; bonorum genere re-
fertam: quae cum antiquis Hebraeorum patribus,
eorumq; posteritati sub symbolo palestinae regionis,
promissa sit à Deo perpetuò colenda, atque posside-
da: tam purae intelligentiae lacte manat, quam iu-
cundae, dulcisq; charitatis melle scaturit. Haec est il-
la quieti transigendae, uitaeq; beatè traducendae de-
dita regio, quam ingredi non possumus nisi Chri-
sto Iesu duce, atque auspice, simulatque recesserim-
us ab Aegypto, uitiorumq; ergastulo: & per hu-
iusce mortalis, laboriosae, omniq; quietis genere ca-
rentis uitae spatium perexerimus: & omnes constā

ter progrediendo, tolerandoq; fortiter superauerimus labores, pericula, ærumnas peregrinationis huiusmodi, in qua uiuimus, uitamq; hanc trahimus. Eia igitur ciues mei promptos, alacresq; sumamus animos, & recedentes ab Aegyptijs, uitiorumq; seruitute toleranter transigamus, & constanter perferamus labores, & quasq; molestias breuis huius peregrinationis: quò demum possimus Christi auspicijs, Iesuq; duce ingredi felicem regionem, salutaremq; terram, in qua perpetuò quietem agamus, & perenni uitæ felicitate fruamur. Ne diffidamus ullo pacto nos posse liberari à seruitute quamlibet arcta, & longa Aegypti, atque uitiorum: quoniam Deum propitium, fautoremq; habemus, & summo opere studiosum, cupidumq; nostræ liberationis: cuius potenti, ualidaq; manu accedente, nihil est, quod effici præstariq; non possit. Ne deficiamus animis in hac misera, plenaq; laborum peregrinatione; in qua tantum abest ut Deus pro sua in nos beneuolentia, & charitate desit: ut se nobis assiduū comitem præbeat: & nullo in periculo, nullaq; in necessitate nos sinat à se desertos, siue derelictos. Qua ratione nihil est, cur diffidamus, nisi fortè nobismet ipsis desimus, ingressuros nos duce Christo Iesu terram cœlestem, beatamq; regionem: quam spondit Deus se concessurum omnibus: qui spiritus ratione, non sanguinis habituri essent cognationem cum illis Hebræorum maioribus, quos non minus probitate uitæ, quàm fide, obseruantiaq; erga se spectatos, probatosq; nouerat. Defuncto itaque

DE DIVI. IN HOMI. BENE.

Mose, eiusq; loco Dei iussu, atque uoluntate suffe-
cto Iesu Naues, Hebraei terram, regionemq; pale-
stinam ingressuri ad ripam Iordani constiterant, me-
ditantesq; quonam modo traiecturi essent, hærebāt:
cum Dei opera conspexerunt aquas fluminis superio-
ri ex parte sisti, contineriq; ita: ut quæ inferiorem
fluminis alueum occupabant aquæ, ex more defluē-
tes relinquerent siccum, tutumq; iter Hebræis tran-
seuntibus. Vix id admirandi facinoris ediderat Deus,
quo suam mirificè erga Hebræos animi propensione
testatus fuerat: cum nihilominus alio admirando,
stupendoq; facinore suum in eos amanter declara-
uit studium, & uoluntatem. Cum enim prout præ-
ceperat, sublata arca fœderis septimo die urbem
Hiericonem circumirent Hebræi, & septem bucci-
nis sacerdotes uehementer clangerent: effectum est,
ut urbis mœnia subito casu corruerent, facerentq;
potestatem ingrediendi ad hostes: hostibusq; ipsis po-
tiundi. Id sanè rei, atque casus plurima admiratio-
ne dignum est, plurimumq; studiij, beneuolen-
tiæq; diuinæ in Hebræos arguit: sed longè plus ad-
mirationis meretur, longeq; maiorem declarat in
genus hominum Dei beneuolentiam, quidquid hu-
iusmodi symbolo continetur arcani, siue mysterij.
Quis enim qui cogitet, animaduertatq; symbolo ar-
cæ significari sacram Christi Ecclesiam, & septem
buccinis septem Ecclesiæ sacramenta designari: qui-
bus dum clangunt sacerdotes Ecclesiæ: eisq; exercen-
dis, ministrandisq; incumbunt: Dei opera, Christiq;
merito efficitur, ut hostilis urbis, sensilisq; concupi-

scientiæ, quæ rationi, spirituiq; obsistit: mœnia, uiresq; corruant: non apertè intelligat, non manifestè comprehendat, id diuini facti, quod fauori Hebræorum cessit, nullo pacto equiparandum tam causa editi miraculi, quàm ratione declaratæ beneuolentiæ cum Dei effectu, Deiq; opere: quod erga nos operatur opera sacramentorum: quæ quidem si tam re, quàm signo sumantur: nihil est, quin arbitremur partam omnino contra hostes esse uictoriam: & nihil amplius hosti superesse: quo se tueri, seq; aduersum dare possit. O uim non magis mirificam, quàm beneficam sacramentorum Ecclesiæ: quorum opera non solum hostes debellantur, subiguntur, trucidantur: sed etiam sospitas, quies, felicitas, salusq; homini æterna paratur. His nempe sacramentis nostri capitalis inimici Diaboli franguntur uires; & omnis uitiorum hostilitas superatur, atque expugnatur. Aduersus hæc sacramenta subsistere nequeunt uitiorum propugnacula, nullum robur peccatorum, nullaq; aduersantis concupiscentiæ ualet potestas resistere. Vt innumeras penè Ciuitates Dei opera, atque auxilio captas, expugnatasq; ab Hebræis: ut quamplurimos Reges debellatos, trucidatosq; præteream: quantum fuit id miraculi, quantum fuit id beneficii, quo usus reperitur erga Israelitas Deus: cum quinque potentes, bellicososq; Reges, qui confœderati unâ conspirarant aduersus eos, in manus eorum tradidit patibulo suspendendos, crucibusq; suffigendos: & quo plenior, expeditiorq; de hostibus uictoriam consequerentur, atque reporta.

DE DIVI. IN HOMI. BENE.

rent: grandine lapidum instar de caelo missa, quam plurimos interemit: & uoto, precibusq; Iesu ducis annuens stitit lunam: & à cursu repressit solem: donec duplicato die penitus profligarentur, dissiparenturq; hostes. O factum admirabile, & nunquam haëtenus in rerum natura auditum. efficaces nimirum fuere illæ hominis preces: quibus impetrari potuit, ut luna consisteret, & sol à cursu suo tam certa lege, stabiliq; ratione præscripto sese contineret. Quo facto potuisset uideri Deus plus homini deferre, quàm quo naturalem cœli motum continuit: et uariavit naturæ ordinem: mundi q; præscriptam legem suspendit: ut eius uoto deferret, eiusq; petitioni satisfaceret? O indulgentem erga hominem Deum: o Dei bonitatē homini studiosam satisfaciendi. Nihil rei, nihil miraculi Deus pro sua in hominem propensione, & beneuolentia recusat efficere: dum sciat serem ei gratam, utilem q; facturum: & dummodo quod petitur, intelligat ab eo summa cum fide, speq; obtinendi peti. Cur enim mirum uideri debet, si cuius causa, & beneficio elementa, mundum, cœlum condidit Deus: & certa lege, ratione q; constituit: eius ut honesto uoto satisfaciatur, eius ut commodo, utilitatiq; consulat: naturæ, mundi q; ipsius legem abrumpat: & cœli, elementorum q; rationem, ac ordinem euariet. Sed quoniam quæ conspiciuntur, quæq; constant corpore: sunt omnino argumenta eorum, quæ consistunt in animi, intellectusq; ratione, & quæ minus sensibus possunt apprehendi: ideo tam solis consistentia, dieiq; protrahit

Elia

Etio, quàm quinque Regum debellatio, internetioq;
 spiritalis, incorporeaq; rei sensum aptè admittit.
 Qua ratione fit: ut quinque Regum confœderatio
 aduersus Israelitam gentem aptè indicet quinque sen-
 suum irrationalium conspirationem aduersus ratio-
 nem: quæ Dei gratia adiuta, suffultaq; eos expu-
 gnat, debellatq;: & captos, suamq; in potestatem
 redactos necat, & interimit. Solis illa consistentia,
 dieiq; productio impetrata à Deo precibus, petitio-
 neq; ducis Israelitæ Iesu designat, quidquid abun-
 dantioris gratiæ, quidquid potioris illuminationis
 ex Deo in genus hominum deriuatum, deductumq;
 est Christi Iesu merito: qui cum Deus, & homo es-
 set: sese medium habuit ita inter Deum, & homi-
 nes: ut diuinæ gratiæ capaciorem hominem effice-
 ret: & maioris lucis, illustriorisq; ueritatis partici-
 pem redderet. Nisi Christus Iesus generis humani
 dux tanquam homo impetrasset à Deo, uel tan-
 quam Deus effecisset: ut sol diuinæ gratiæ diffusi-
 us irradiaret hominem, & abundantiori ueritatis
 luce, seu radio illuminaret; non esset, ut sperari
 posset opera, uiq; rationis omnino debellatum, ex-
 pugnatumq; iri irracionales sensus: quos cum per
 se satis nequeat ratio expugnare, accedente diuinæ
 gratiæ adminiculo sic expugnat, sic superat: ut
 eos prorsum perdat, atque enecet. Longè magis con-
 ducere ad obtinendam de hostibus animæ uictoriam
 Dei opem, Deiq; gratiam, quàm conatum ullum
 hominis, humanæq; rationis ullam uim, indicatur
 abundè symbolo grandinis de cœlo instar lapidum

DE DIVI. IN HOMI. BENE.

cadentis : qua maiorem hostium editam stragem,
quàm pugna , uirtuteq; Hebræorum sacra contine-
tur historia . Tantum enim abest ut sine adminicu-
lo diuinæ gratiæ possimus aliquid boni , perfectiq;
exequi , aut operari : ut nec ullo pacto cauere ma-
la , nec ullo modo abstinere à uitijs ualeamus : nisi
eam nobis adstantem habeamus : quæ sanè sem-
per , iugiterq; adsistit , nisi ultro repellatur , ultroq;
à nobis arceatur . Nec minus diuinæ gratiæ uis , po-
testasq; comprobatur : quàm testimonium de Dei er-
ga hominem beneuolentia perhibetur : quatenus sa-
cris ex monumentis apparet opera Dei , atque au-
xilio septem gentium magnas , numeroq; copiosas
nationes in manus Hebræorum deuenisse . Quanam
sunt hæ septem nationes gentium ; quæ ope diuina
ab Hebræis debellatæ sunt , & omnino expugnatæ,
profligatæq; fuerunt , priusquam Hebræi ipsi ter-
ram lacte , & melle manantem adipiscerentur : &
quiete frui , tranquilleq; uiuere possent ? Si ratio-
nem historiæ habeamus , sunt Ethæa , Gergesæa , A-
morraea , Chanaanæa , Pherezæa , Euæa , Iebusæa .
Sin sensus moralis rationem ita habeamus , ut nunc-
merum respiciamus : septem sunt noxæ lethiferae :
quibus ab homine non fugatis deletis'ue , nulla po-
test haberi ratio quietis , tranquillitatis , salutis . Sin
autem non tam numeri , quàm nominum ratio-
nem ducamus , sunt formido , uiolentia , tristitia ,
æmulatio , dissensio , nequitia , turpitudine . Si exis-
timaretis ciues mei huiusmodi malis affectibus , ui-
tijsq; non fugatis , eiectisq; posse homini contingere

quidquam in hac uita latum, quietum, tranquil-
lum: non minus propemodum falleremini, quam
si crederetis eisdem non profligatis, expugnatisq;
hominem posse ingredi terram, regionemq; coele-
stem, uitæq; felicitatem, atque salutem consequi.
Quid putatis poetam illum Græcorum non minus
oculatum intellectu, quam cæcum oculis indicare
uoluisse, cum scripsit uirum Ithacensem post uari-
os longi temporis ætos errores, & post multas labo-
rum, bellorumq; calamitates toleratas, & post plu-
rima uitæ euitata discrimina tandem in patriam ap-
pulisse: in qua quietè uiueret, summaq; tranquil-
litate frueretur? Quid arbitramini latinæ poësis prin-
cipem uoluisse innuere? dum Phrygium Heroem
inducit post innumeros penè terra pelagoq; exhau-
stos labores, post ingentia, plurimaq; obita tum de
pugnando, tum peregrinando pericula peruenisse
in Latium, ubi ex fatorum promissione sedes quie-
tas acciperet, & superatis laboribus, atque pericu-
lis uitam securam ageret, & dulci, iucundoq; o-
tio potiretur? Hi sanè duo poësis utriusque princi-
pes suis huiusmodi thematibus uoluerunt non so-
lum indicare uirtutem, in qua quies, tranquill-
tasq; humana constituta est, parari non posse ho-
mini, nisi multis obitis laboribus, multisq; supera-
tis calamitatibus, atque periculis: sed etiam innue-
re, ab homine transiri non posse, neque commeari
ad immortalem uitam, uitæq; immortalis felicitate-
tem, & quietem, nisi uitijs in hac mortali fragiliq;
uita forti, multipliciq; pugna superatis: & sensus

DE DIVI. IN HOMI. BENE.

irrationalis retuso impetu : uiribusq; appetitus im-
probi expugnatis . Postquam non solum Hebræo-
rum exemplo , sacræq; historiæ testimonio , sed eti-
am gentilium hominum , profanorumq; scriptorum
documento , atque attestatione apparet , non tan-
tum in hac uita quietem , tranquillitatemq; parari
ex studio uirtutum , debellatiōe q; uitiorum , sed et-
tiam non posse perueniri ad immortalis uitæ condi-
tionem , perfectæq; felicitatis , & æternæ salutis con-
secutionem : nisi uiriliter profligatis uitijs , & con-
stanti certamine expugnatis : quid adhuc nos ani-
mis hæremus ciues ? quid inertī , segni q; otio torpe-
mus ? quin prompti arma rationis assumamus , &
loricam diuinæ gratiæ excipientes animose , intrepī
deq; pugnemus aduersus inimicos corporis affectus ,
& acre bellum uitijs indicentes , inferentesq; , tam
diu persistamus pugnando , atque decertando : quo
usque felicem , letamq; palmam referamus : & ef-
fecti uictores triumphum agamus , non tam letè , pa-
cificeq; hac in uita degentes , quàm spe certa expe-
ctantes , ut ad meliorem beatiorēq; uitæ rationem
traducamur . An non agnoscitis , an non uidetis ci-
ues quidquid curæ , laborisq; alibi collocatis , quàm
in profligandis uitijs , acquirendaq; uirtute non so-
lum aliquid quietis , tranquillitatisq; uobis non affer-
re , sed in causa esse : ut semper anxij , semper solis-
citi sitis , atq; uiuatis . Quòd si ea , quæ uideri pos-
sunt aliquo pacto ad rationem huius uitæ pertine-
re : ei q; lætius , commodiusq; agendæ conducere : ni-
hil adeo meliorem eam , lætiorēq; reddunt , ne

hil adeo ei commodius, feliciusq; agenda condu-
cunt: ut quantò magis augeſcunt, ſucceſſumq; ex
deſiderio ſortiuntur: tantò maiorem homini ſolici-
tudinem pariant: tantoq; grauiorẽ animo curam,
moleſtiamq; afferant: quantò minus cenſenda ſunt
conferre futuræ uitæ felicitati, futuræ uitæ tran-
quillitati, & ſaluti: ad cuius rationem tam nihil
eorum, quæ curari ſolent in hac uita, quæq; uitæ
huius commodis uidentur inſeruire, pertinere po-
teſt: ut nihil ei magis repugnare, nihilq; minus ei
conferre comperiatur: ſi rectè, diligenterq; ani-
maduertatur. Cum itaque inſtitutum omne huius
uitæ uergere, ſpectareq; debeat ad futuræ uitæ ra-
tionem tãquam finem: & cum quidquid ad finem
ſpectat, ad finisq; aſſequendi rationem pertinet: o-
por-teat quandam communem rationem habere:
quandamq; conuenientiam retinere cum fine ipſo:
fieri nullo modo poteſt: ut quæ futuræ uitæ quieti,
felicitatiq; acquirendæ minime comperiuntur con-
ducere: poſſint, ualeantq; aliquid quietis, felici-
tatisq; huic præſenti uitæ conferre. Qua ratione ci-
ues ſi ſtadium, operamq; noſtram exerceamus ali-
ter, quàm in uitis expugnandis, acquirendaq; uir-
tute, qua futuræ uitæ felicitas, futuriq; ſtatus qui
es paratur, atque conſtat: nihil eſt, ut magis ſpere-
mus in hac uita aliquid quietis, felicitatisq; nos poſ-
ſe obtinere, quàm in ea quæ nobis futura eſt uita.
Quòd ſi nihil aliud, quàm uitiorum expugnatio,
uirtutumq; adeptio poteſt tam uitæ huius quieti,
tranquillitatiq; proſpicere, quàm futuræ felicitati,

DE DIVI. IN HOMI. BENE.

salutiq; consulere : quid posthabita cura , studioq;
 quærendæ uirtutis nihil minus curamus , quàm ua
 nos corporis , sensuumq; affectus à nobis arcere, &
 uitij , appetitusq; irrationalis consortium summoue
 re . Quid imprudentiæ , quid amentiae est id ? ut
 tantum studij impendamus , tantum curæ , atque
 laboris collocemus in eis , quæ adeo nihil quietis, &
 felicitatis tam præsentis , quàm futuræ uitæ respe-
 ctu afferunt : ut non minus præsentem hanc uitam
 perturbent, angantq; , quàm futuram miseram, in-
 felicemq; reddant . Ne frustra laboremus ciues , ne
 frustra curam , studiumq; conteramus : sed uim om-
 nem, conatumq; nostrum conuertamus ad studium
 uirtutis , uitiorumq; pugnam , in qua superiores
 nos Dei opera , & beneficio euasuros esse , nihil est
 cur dubitemus , modò nostra pro uirili incūbamus:
 & nihil committamus , quo possimus nobismetipsis
 uideri defuisse . Quòd si Dei gratia , Deiq; benefi-
 cio eò peruenerimus : ut uideri possimus in studio
 uirtutis profecisse , & uictoriam ex uitij retulisse:
 cauendum maxime fuerit : ne remittamus aliquid
 diligentiae in Deo colendo : Deiq; mandatis , placiz-
 tisq; obtemperando : quoniam cuius gratia , & be-
 neficio uitia expugnata , uirtutisq; possessio acquisi-
 ta sit : ab eo si diuertamus paulum , si recedamus
 aliquatenus , euenit , ut non minus uitiorum rebel-
 lationem experiamur : quàm uirtutis ipsius amif-
 sionem incurramus . Non minus enim propemodum
 indigemus Dei ope , Deiq; gratia in custodienda uir-
 tutis possessione , parteq; aduersus uitia uictoriae

gloria, quàm in paranda ipsa uirtute, uitijsq; ipsis expugnandis. Quod sanè licet exemplo Hebræorum animaduertere: qui cum ope diuina, atque beneficio uictoriam de hostibus essent consecuti: & quietem, securitatemq; uiuendi adepti, deserentes Deum, à Deoq; desciscientes non solum, quam deuictis hostibus quietem, securitatemq; adepti fuerant, tueri non potuerunt: sed maximis incommodis, damnisq; affecti, in hostium potestatem deueniunt: & graui seruitute pressi quidquid libertatis, & quietis Dei beneficio obtinuerant, amiserunt. Cum primum à Deo se auerterunt Hebræi: & mandata eius deserentes, se impietati dederunt: in manus Syrii Regis inciderunt: qui cum non minus in Deum impius esset, quàm in homines teter, et inhumanus; eos ita malè habebat, durâq; ita, & aspera seruitute affligebat: ut eos iam pœniteret deseruisse Deum, à quo tum se, tum maiores suos nouerant toties fuisse adiutos, calamitatibusq; liberatos. Hebræi itaque, qui diuertentes à Deo se in manus hostium coniecerant, & in tetram Regis impij seruitutem deciderant: simul atque reuerterunt ad Deum, Deiq; auxilium implorauerunt, liberati fuerunt à seruitute ducis eius auspicijs, qui tam tribus, de qua prodierat, quàm nominis, quo censebatur ratione aptum mirum in modum typum gerere existimatur nostri seruatoris Christi: qui suo ductu, suisq; auspicijs liberauit humanum genus à tenebrosa peccati iniquitate, & ab impia, tetraq; eius seruitute: qui propter sublimitatem, quam contra

DE DIVI. IN HOMI. BENE.

Deum affectavit : dum sedem in aquilone appetijt;
Regis Syrii nomine congruè designatur. Nec minus
typum servatoris Christi præfert dux ille divino
beneficio Hebræis traditus : cuius opera liberaren-
tur ab iniqui Regis Moabitæ servitute : in quâ cum
sua culpa , suaq; à Deo auersione incidissent , pro
Dei tamen in se benignitate , & propensione obti-
nuerunt , ut impetrarent liberationem ducis opera:
qui interpretato nomine peccatorum deuorator ap-
pellaretur : quæ quidem appellatio quàm concinnè,
quàm accommodè Christo, qui sua opera, suaq; virtu-
te peccata nostra deuoravit, attribuatur, quadretq;
nemo non agnoscere potest: præsertim cum gladij il-
lius ancipitis: quo perhibetur confossus , traiectusq;
à duce Israelita Rex iniquus, conditio arguat, indi-
cetq; omnino uerbum Dei , diuinumq; sermonem:
qui ancipitis instar gladij penetrare memoratur.
quæ duce fatidica muliere Delbora , quæ comitem
adsciuit sibi hominem pro liberandis à Regis Chana-
næi servitute Hebræis : facta est liberatio, non ma-
gis indicat Dei erga genus Hebræum promptam, be-
neficamq; uoluntatem : quàm symbolo refert eam,
quam Christi, uerbi'ue sui opera Deus generi huma-
no beneficè amanterq; contulit liberationem. Si e-
nim nomen prophetidis, & eius, qui prophetidi ad-
scitus est comes, interpretemur : clarum, illustrèq;
typum deprehendemus Christi servatoris nostri:
in quo diuino sermoni, diuinæque elocutioni co-
mes adscitus homo , ueræ sapientiæ, scientiæque
detecta ratione, genus humanum liberauit à uana,

profanaq; mundi sapientia, atque scientia; quæ detinebatur implicitum, & ueluti quadam anxia, molestaq; seruitute irretitum. Christus homo instar fulguris diuina comitatus sapientia; & diuini sermonis uirtute præditus humanam sapientiam emulationis, & inuidiæ parentem contriuit, debellauitq;: & aduersus eius falcatos currus, spineasq; ratiocinationes, & argumenta sic se habuit pugnando; fascisq;: & fulgura uerborum immittendo: ut tam ratiocinationum falcatis curribus contritis, quàm duce ipso curruum, uentosaq; gloriæ cupiditate fugata, extinctaq;: genus humanum anxia seruitute exoluerit, atque liberarit. O congruam, aptamq; typi speciem. O speciosum, mirificeq; conueniens Christo, Christi operationi exprimendæ symbolum. tam nomen, quæ historico symbolo continentur facta interpretatione: quàm rerum, successuumq; æquè contentorum habita ratione: nihil est omnino: quod ualde christi conditioni non conueniat: Christiq; beneficium summè non exprimat; quo genus humanum affecit: dum uanis humanæ scientiæ, atque sapientiæ inuolucris, fallacijsq; reiectis, atque exterminatis, studium ueræ sapientiæ tradidit; ueritatisq; agnoscendæ, atque percipiendæ apertam uiam, rationemq; demonstrauit. Cumq; omnis sapientiæ ratio in Dei cognitione, cultuq; religionis consistat, & omnis uera scientia sit finis ipsius, atque eorum, quæ ad finem pertinent: omnem tam sapientiæ, quàm scientiæ tractatum, atque materiam sic explicauit: ut nihil intactum

DE DIVI. IN HOMI. BENE.

reliquerit, nihil indiscussum præterierit, quod uel sapientiæ acquirendæ, uel scientiæ consequendæ expediens, necessariumq; cognouerit. Hinc me apta interpellat occasio: ordoq; præstitutus exposcit, ut illud dictu admirabile Dei beneficium attingam, quo populum Hebræum persecutus est: cum duce Gedeone, trecentorumq; pugnatorum manu liberauit eum ab imperio Madianitum: quos tot numero fusos, fugatosq; fuisse tam parua Hebræorum manu uix credendum foret; nisi clarè apparet huic tam strenuo facinori accessisse Dei potentem manum: cui nihil inueniatur, quod possit resistere. Id sanè rei gestæ arguit ingentem Dei potentiam, arguit egregium Dei erga Hebræos beneficiū. Sed longè maiorem Dei potentiam, longè præclarius in genus humanum Dei beneficium attestatur, comprobaturq; quidquid typo Gedeonis, uellerisq; eius continetur: & quidquid parue manus, concrepantiumq; buccinarum symbolo mysticè designatur. Sicut uellere ouilli cœlesti rore impleto; reliquis rerum rore nihil madentibus, uel ex aduerso uellere nihil madente, cæteris rore madescentibus, comprobauit Deus Gedeonem à se electum: qui populum Hebræum de seruitute Madianitum erueret, & ab imminenti duorum Regum uexatione eriperet: ita solo ex omnibus uirgineo utero sancti spiritus rore impleto, uel eodem solo ex omnibus uirilis seminis experti declarauit, ostenditq; Christum, qui inde conciperetur, electum à se, atque destinatum: qui diuini uerbi buccina clangens, parua cum manu ho-

minum diuini spiritus buccinis æquè clangentium,
 hostium copiosam, numerosamq; manum deterre-
 ret, in fugamq; uerteret: & duobus quàm poten-
 tissimis Regibus mundo, & Diabolo uictis supera-
 tisq;, genus humanum à seruitutis iugo liberaret,
 & ab ingruenti mortis, exitiūq; discrimine uindi-
 caret. Vt solum uellus rore maderet, uel non ma-
 deret, fieri quidem non potuit sine mirabili Dei ope-
 ra, insigniq; eius potestate: quæ tamen longè insi-
 gnior, multoq; mirabilior apparuit, dum effectum
 est, ut ex uirginis utero uirili non accedente semi-
 ne, sed diuino spiritu operante ederetur homo. Suā
 Deus egregiè ostendit, atque comprobauit potesta-
 tem, dum parua hominum manu, & duce Gedeo-
 ne duos potentes Madianitum Reges, & numero-
 sum eorum exercitum subuertit, superauitq;. sed
 quis nesciat longè maiorem diuinæ potentiae factam
 tum significationem: cum Christo duce, paruaq; ho-
 minum manu Christum sectantium subuertit falso-
 rum Deorum cultum, impiamq; superstitionem to-
 to orbe diffusam: & Regum, Tyrannorumq; ad-
 uersantium uires confregit: totiusq; orbis una cō-
 spirantes gentium nationes prostrauit, atque subie-
 cit? Quæ ratio est ostensæ potentiae, eadem est præ-
 stiti beneficii: quandoquidem longè maius fuit id be-
 neficium: quod Christo authore, paucorumq; Chri-
 stum sequentium opera generi humano contulit De-
 us, quàm quod Gedeone duce, paruaq; manu homi-
 num depugnante contulit Hebræorum nationi.
 Quod si consideremus, cuiusmodi iusserit De-
 us à Ge

DE DIVI. IN HOMI. BENE.

deone eligi, qui unà tenderent contra hostes, & qui ex hostibus possent reportare victoriam, facile inueniemus explicato typi inuolucro, cuiusmodi oportuerit esse eos: qui Christum sectati, potuerint hostium impetum sustinere; & eis superatis palmam, triumphumq; referre. Sicuti Dei iussu electi à Geodeone sunt quicunq; ex fonte suscitationis ebiberant aquas manu ad os referente, non qui prouoluti genibus, humiq; procumbentes aquas exhausserant: ita qui ex sacro suscitationis, siue regenerationis lauacro, siue fonte desumpserint aquas humi procumbentes; humanisq; affectibus, & desiderijs rerum corporalium deseruientes: hi nequaquam sunt idonei, qui cum Christo prodeant contra hostes, de hostibusq; palmam referant: sed illi solummodo digni censentur, & idonei: qui non incuruantes neruos, poplites ue rationis, nec appetitui terrenarum rerum inservientes, se rectos sustinent; aquasq; manu excipientes operandi uirtute, & studio præstant, quid quid ex sacri lauacri signo, siue symbolo præstari oportet. Iam toties Dei beneficio de manibus, & seruitute hostium, in quam peccando, impieq; agendo deciderant, erepti fuerant Hebræi: ut iam deberet se cautiore præstare in obseruandis Dei mandatis, & abstinentiores in peccando: cum toties suo graui cum damno, atque periculo experti forent, quàm non esset à Deo recedendum: & toties deprehendissent sua cum summa utilitate, suoq; cum maximo comodo, quàm foret Deo adherendum, Deiq; mandatis, & placitis obtemperandum. Nunquam enim

recede
tem,
se ref
lium
omn
O
me
ho
qu
to
su
sti
eo
per
com
liber
cof
tem
ros
bus
sem
per
tis
no
aro
cum
stin
que
qu
cit,

recedebant à Deo, quin in calamitates, in seruitutem, in clades, necesq; ruerent: & nunquam se se referebant ad Dei cultum; Deiq; opem, & auxilium implorabant, quin ab eo liberarentur, & omni calamitate, atque seruitute exoluerentur.

O Dei eximiam, admirandamq; bonitatem, & clementiam. O pronam, promptamq; ad parcendum homini, & benefaciendum Dei benignitatem. A quibus toties derelictus, offensusq; esset, à quibus toties iniurijs laceffitus foret, dum uanæ Deorum superstitioni inservirent, & colenda sibi idola constituerent: eos ad se reuertentes nunquam reiecit, eosq; nunquam permisit à se frustra subsidium, opemq; implorare. Quos ex illis quæ memorauimus, constat toties ereptos seruituti, toties è manu hostiū liberatos, pro sua benignitate, beneficentiaq; Deus eosdem ab Ammonæis hostibus, in quorum potestatem delinquendo, impieq; agendo deuenierant, liberos reddidit, & ab Allophylis siue Philistæis, à quibus bello infestabantur, seruitioq; affligebantur, nō semel liberauit: & cum aliquando bello fracti, superatiq; ita essent: ut quam nunquam eousq; fœderis arcam amisissent, in manus hostiū deueniret: nō solū portentis editis, cladibusq; illatis coegit hostes arcam ipsam remittere eis, atq; restituere: sed unā cum arca complura dona, & pretiosa munera destinare. Proh ciues mei, quā potest hinc argui, atque agnosci, quæ sit Dei benignitas, quæ clementia, quæ largitas, quæ beneficentia: qui non solum parcat, iniuriamq; remittit, à quibus sæpius sit offen-

DE DIVI. IN HOMI. BENE.

sus, & quos ingratos plurifariam expertus sit: sed eos etiam, modo resipiscant, modo reuertantur, opemq; implorent, suscipit tuendos, beneficioq; afficiendos. sicut exemplo Hebræorum animaduerte re possumus, non esse ullo modo sperandum, confidendumq; nobis: ut quidquam, quod in Deū, Deiq; præcepta committamus, impunè cedat: ita eorūdem exemplo quimus agnoscere nunquam esse Dei benignitati, & beneficentiæ diffidendum: etiam si in eum grauitè, plurifariamq; deliquerimus: dummodo aēti poenitentia ad eum reuertamur, & eius opem, auxiliumq; ex animo imploremus. Quin immo si Deus non minus pro sua bonitate, liberaliq; uoluntate, quā contemplatione maiorū ex Hebræo genere, quos fide, integritateq; animi maxime caros habuit, atq; acceptos, se beneficū, placabilemq; præstitit, erga Hebræum populum, seq; facilem in dimittendo, clementemq; in parcendo ei præbuit: quantò magis nos sperare debemus eum, licet à nobis multipliciter sit offensus, habituros, experturosq; esse in nos clementem, placabilem, beneficū? modò nos noxæ poeniteat: eum non solum habeamus æquè, ut habuere Hebræi, unde bonitati eius, & benignitati confidamus, sed loco etiam maiorū, quorum causa putatur plurimum delatum generi Hebræorum: habeamus Christum eius filium uindicem, seruatoremq; nostrum: qui confidens ad dexteram patris nunquam cessat, desistitq; pro sua in nos summa charitate & beneuolentiā; & pro ea quam retinet nobiscum communem hominis natu-

ram, conciliare eum nobis, propitiumq; reddere, atq;
placabilem. Nostram planè causam meliorem facit
Christus suis meritis, precibusq; apud patrem Deum;
à quo non solum obtinet, ut se nobis placabiliorem,
facilioremq; ad dimittendum præstet: sed etiam ut
se præbeat beneficentior in nos: & ad beneme-
rendum de nobis promptior. Nihil tamen idcir-
co est, cur debeamus effici negligentiores divini præ-
cepti obseruandi, & faciliores, confidentioresq; ad
peccandum, atq; ad delinquendum: quoniam pro-
posita in peccando securitas id genus peccati solet
educere: cui nulla ueniæ ratio possit competere.

Quin quanto studiosiorem nostræ salutis Deum ha-
bemus, & quanto pròptior eum, ac faciliorem
ad consulendum nobis, atque parcendum cognosci-
mus; tantò nos oportet esse ei obstrictiores, & id-
circo magis, diligentiusq; cauere: ne quid commit-
tamus, quod eius uoluntatem offendat, quod eius
honor aduersetur, & quod eius in nos charitati, et
indulgentiæ minime respondeat. conari nos maxi-
me decet, ut quem nouimus ad ignoscendum pro
sua in nos charitate promptissimum, & ad benefa-
ciendum largissimum, ei rem gratam omnino face-
re studeamus; & in primis caueamus, nisi ingrati
prorsus, & impij esse uelimus, ne quid fiat à nobis,
quod eius animum offendat, & quod eius authori-
tati, ac dignitati detrahat. Cauere omnino debemus,
ne nos agamus, committamusue, quod ab Hebræis
actū, commissumq; fuisse sacra lectione memoratur:
qui nihil minus in prosperis, secundisq; rebus curan-

DE DIVI. IN HOMI. BENE.

tes, quàm Deum prosperitatis omnis, lætiq; successus authorem: cum se aduersis rebus premi, cum se ab hostibus affligi, cum se in seruitutem trahi sentiebant, ad Deum se referebant, Dei opem implorabant: & ferè nunquam, nisi necessitate extrema coacti, Deum agnoscebant, Deiq; rationem habebant: quorum tamen improbitatem, ingratitude nemq; Deus sic partim puniuit, partim tolerauit: ut nec à iustitiæ suæ rectitudine deficeret, nec à clementiæ, benignitatisq; suæ ratione declinaret. Ut cunque tamen se se habuit Deus uel puniendo, uel miserando, semper existimandus est aliquo modo officium beneuolentiæ exercuisse: & nunquam ab instituto proficiendi, benefaciendiq; desciuisse. Postquàm Dei beneficio, Deiq; miraculo sacram fœderis arcâ recuperarunt Hebræi, nihil minus, quàm tati beneficij memores, nihil minus quàm studiũ, curamq; Dei erga se agnoscentes; à quo toties tutati, ereptiq; ab hostibus fuerāt: Samuelem diuinum hominem non minus sapientia, quàm diuinandi scientia præstantem, Dei uoluntate electum, constitutumq; quem iudicem haberent, & quo duce uteretur, prætenta senectute recusantes interpellarunt: ut sibi Regem decerneret, à quo iudicaretur: & ueluti cetera gentium nationes regerentur, gubernarenturq;. Quaidem interpellatione licet Deus animaduerneret non tam ducatum, iudiciũq; probi, præstantisq; hominis detrectari, quàm se ipsum, qui eiusmodi iudicem, atque ducem tradidisset, cõtemni, paruipendiq;: tamen pro sua in eos indulgentia, & pro suo satisfaciendi

satisfaciendi eis studio petitis annuit ita tamen : ut uoluerit prius eos admoneri, certioresq; fieri omnium, quæ Rex, quem adeo enixè sibi exposcerent, in eos acturus esset : & eis indicari, prædiciq; quid iuris, potestatisq; Regi competeret in subiectos : & quantum sibi imperij, dominationisq; exigat, usurpetq; nomen regium . Cui summam Dei bonitatem : à quibus uidebat se contemni, paruipendiq; : & à quibus suum benefaciendi studium, officiumq; minus agnoscere, æstimariq; spectabat : eis nihilominus consulere uolebat, tentabatq; ne quid accideret : quod eos denique graui molestia, & damno afficeret : & cuius denique eos grauius tæderet, atq; poeniteret . Eos admonuit incommodorum, & seruitiorum, quæ ex institutione Regis imminerent ; eis indicauit quantum oneris, & seruitutis ingrueret ex Rege, quem decerni postularent . Cum uerò nihilominus illi propositi tenaces Regem sibi decerni contenderent : & nihil minus, quàm fidem monitis, suasionibusq; diuinis adhibentes perstarent in Rege petendo : noti compotes eos reddidit Deus, & pro sua eis satisfaciendi propensione, pro suoq; iusto, & prouidenti consilio non sustinuit denegare : quod sciret denique non satis iri uisum eis commodum, nec satis denique eis esse placiturum . Iussit itaque Deus Saulem ex Beniamæa tribu Regem constitui, ungiq; : qui quousque tam se, quàm subiectos continuit in fide, cultuq; Dei, Dei ipsius opera, & beneficio plurimas ex hostibus uictorias adeptus est : & non minus se, subiectosq; suos ab iniurijs Am-

DE DIVI. IN HOMI. BENE.

monitæ Regis, Palestinæq; gentis impressionibus tu-
tatus est: sed etiam debellavit, expugnauitq; Ama-
lechitas: quibus expugnatis, cum minus mandato
eius obtemperasset: cuius ope, operaq; uicerat, ui-
ctoriamq; obtinuerat: meruit ut in plurimas cala-
mitates incideret: & non solum in causa fuit, ut ip-
se interemptus maturè admodum regno expoliare-
tur; sed etiam effecit: ut ipsius posteritas; ad quam
transituum fuerat ius regnandi, Regi subijceretur:
Regemq; cui subesset, haberet. Hebræi itaque ma-
gna clade accepta ab Allophylis, quos antea bello su-
perarant: et Rege, Regisq; filiis prælio amissis eò cala-
mitatis ob impiam erga Deum ingratitudinem per-
uenerant: ut fusi, fugatiq; cederent urbibus, quas
habitabant: & domos, laresq; patrios relinquerent
hostibus diripiendos, occupandosq;: cum Deus pro
sua bonitate, & clementia, non habita eorum in-
gratitudinis ratione succurrere eis statuit. Quapro-
pter Regem loco Saulis interempti suffecit hominè
sanè non minus strenuum, fortemq; corpore, quàm
uirtute animi spectatum, uitæq; integritate præci-
puum: qui cum tribu Iudæus esset, & patria Be-
tlemites, tantum ex pietatis, uirtutumq; studio sibi
quæsiuit apud Deum fauoris, & gratiæ: ut ei es-
set uel acceptissimus, & tantum sibi nominis, ac
gloriæ parauit, conciliauitq; apud homines; ut pas-
sim celeberrimus esset, & haberetur ab omnibus:
qui non solum uirtute, & ingenio suis contribuli-
bus præstaret: sed inter omnes Israelitas excelleret.
O populum felicem; O prosperam sortem Hebræa

ORATIO SECVNDA. VIQ 9 0

rum : quibus Dei beneficio datus est Rex eiusmodi:
qui sicuti potestate , iureq; dominandi ceteros, quos
subiectos haberet, antecederet: ita corporis, animiq;
præstantia, ac omni uirtutum genere anteiret , atq;
superaret. O' quàm benè feliciterq; actum est cum
recutitis : O' quàm benè & egregie consultum est
rebus apellarum : qui Dei cura , atque opera Re-
gem obtinuerunt, principemq; adepti sunt; qui non
minus diligentia , & fortitudine , tuendo ab hosti-
bus iuuare posset , quàm prodesse exemplo ad cul-
tum religionis , & studium uirtutum prouocando.
Hic est ille, qui cum minor esset ex fratribus, & pa-
ternas adolescens custodiret oues , ex agro accitus
est , quò regali à uate Dei iussu ungeretur oleo: cui
tantum fortitudinis, ac animositatis adfuit, ut non
solum ab impetu ursorum , atque leonum gregem
sibi traditum custodiendum , tutatus fuerit : sed eti-
am eis suffocatis , atque peremptis prædam abstule-
rit . Hic est , qui sic artem modulandi cithara , ca-
nendiq; uoce perculluit : ut dum caneret , citharaq;
modularetur : prohiberet Regem mania uexari , &
ab eo quo corripiebatur, laruæ furore cruciari:
quem quidem cum nō tam modulando cithara, psal-
lendoq; iuuisset : quàm pugnando contra gigātem,
eumq; superando liberasset ab angustiis, hostiumq;
discrimine : sic tamen ingratum sibi denique, infen-
sumq; expertus est, ut cauere ab eo, ne occideretur,
sæpe coactus sit: cui tantum abfuit , ut uoluerit un-
quam, tentauerit ue nocere , odioq; respondere : ut
cum aliquando potestatem eius interimendi obla-

DE DIVI. IN HOMI. BENE.

tam, commodamq; haberet: non solum non læse-
rit eum, nocumentoq; aliquo affecerit, sed etiam si-
gnum evidens, constansq; testimonium ediderit sui
erga eum amoris, & observantiæ. O singularem
hominis probitatem, qui eum, à quo sciret insidias
sibi, mortemq; intentari, & à quo sibi maxime ca-
uendum esse, ne occideretur, agnosceret; depre-
hensum in tentorio dormire, repertum in spelunca,
antro'ue quiescere, sic illæsum, inuiolatumq; dimi-
sit: ut maxime procuraret suam erga eum beneuo-
lentiam ostendere: suamq; de eo benemerendi cu-
piditatem indicare. Hic sanè uir est, qui sic unde-
cunque præstans fuit, & omnibus numeris absolu-
tus, ut siue sanctitatem eius consideremus, siue uir-
tutem, uimq; in cognoscendis prædicendisq; Dei ar-
canis animaduertamus, siue in omni genere tā uir-
tutis humanæ, quàm diuinæ gratiæ, quæ homini
competere possit, præstantiam intueamur; haud fa-
cile, etiamsi omnes Hebræi generis percenseamus
tribus, simus inuenturi quem huic præferendum,
aut æquiparandum iure queamus opinari: ne si
Mosen quidem afferamus, qui licet familiariter De-
um sæpe sit allocutus, & à Deo leges, quas Hebræis
promulgaret, acceperit: tamen non æquè compro-
batur fuisse conscius eorum, quæ salutem generis hu-
mani continerent: & quæ futura essent de filio Dei
humanam carnem assumpturo, & morte obita re-
dempturo genus humanum: prout reperitur omni-
no, & comprobatur is, cuius nunc meminimus, ex-
titisse conscius: qui suis odis, seu carminibus indi-

cat, ostenditq; tam exactam, tamq; absolutam Christi futuri, singulorumq; quorumcunque Christo ipsi euenturorum se notitiam tenuisse: ut prae- runque concinendo, se perinde habeat, ac si foret unus ex illis: qui consuetudine Christi usi, tam uitam eius, quam gesta scriptis, memoriaq; traderunt. Verum id congruum fuit, & conueniens, ut inter ceteros generis Hebraei homines, qui Deo accepti maximè, & familiares extitissent, notitiam Christi praecipuè consequeretur is, de cuius semine, siue propagine Christus ipse esset proditurus. Nec minus diuini fuit id consilij, & prouidentiae: ut inter ceteros omnes, quos Deus maximè caros habuisset, & acceptos: is praecipuè Christi typum gereret, ex suaq; persona de Christo plurima praediceret, & uaticinaretur: de cuius sanguine, atque progenie maternae cognationis gratia progressurus foret Christus. Quis igitur non uideat? quis non intelligat, quam se beneuolum, quam se beneficum praestiterit Deus erga Hebraeos: dum tradidit eis Regem tot meritis insignem, tot uirtutibus clarum? Negari sanè non potest, quin Deus summam erga Hebraeos beneuolentiam ostenderit, summamq; beneficentiam exercuerit, dando eis huiusmodi Regem: cuius prouidentia, & uirtute non solum publicè omnibus consuli posset, sed etiam priuatim singulis profici. Quòd si Hebraei nō possunt non fateri, Deum dādo Regem huiusmodi, fuisse usum erga ipsos summa beneficentia: & maximae testimonium protulisse beneuolentiae: quanto magis

DE DIVI. IN HOMI. BENE.

agnoscere, quantò magis fateri Dei in se benewolentiam, & beneficentiam Rex ipse debet; qui Dei munere, cum priuatus esset, & humililare enutritus, eò dignitatis, & fortunæ perueniret: ut non solum suis tribulibus præficeretur, sed etiam Israelitis omnibus, uniuersæq; tribuum duodecim multitudini imperitaret: & qui Dei eiusdem gratia, & beneficio tantum uirtutis sit adeptus, tantūq; præstantiæ sit consecutus: ut dignus esset, qui cæteros regeret, cæterisq; dominaretur: & pro ut cæteros imperio, & ditione excelleret, ita pietate, cultuq; religionis, omniq; uirtutum genere præstaret, atq; superaret. O dignum, qui præsit alijs, imperitetq; hominem. O uerum, legitimumq; principem, atq; Regē: qui non tam ditionis, potestatisq; causa Rex, princepsq; est, quàm gratia uirtutis, sanctitatis, religionis: in quorum cultu, atque studio omnis ueri, legitimiq; principis, atque Regis ratio consistit, & collocata est. Huiusmodi principe existente mirum non fuerit; si hostes superentur; si fines imperij dilatētur; si subiectis benè sit, si omnia lætè, prospereq; cedant: quoniam quibus principem huiusmodi habere cōtigerit, fieri non potest; quin hi Deum propitium, fautoremq; habeant: & Deo fauente, atque opitulante omnia prospera, secundaq; experiantur. Quod quidem licet ex Hebræis, Hebræorumq; fortuna animaduertere: qui simulac Dei benignitate, & beneficio adepti sunt Dauidem Regem; nihil mali passi sunt ab hostibus, nūquam superati sunt bello. Quin ipsi hostes aggressi, non

minus utilitatis, quàm gloriæ eis superatis consecuti sunt: quippe qui Allophylos ter uictos bello eò necessitatis adegerunt, ut quancunque pacis conditionem acciperent: & se tributarios ipsis Hebræis, Hebræorumq; Regi constituerent. Nec minus uictoriæ adepti sunt aduersus Moabitas: quos adeo bello, armisq; domuerunt; ut Dauidi Regi parere, & tributum pendere omnino coacti sint. Quin Regē Sobæ præcipuæ fortitudinis hominem, auxiliaresq; Syriorum copias ita fugarunt, debellaruntq;: ut captis curribus, subneruatisq; curruum iugalibus, & tam peditum, quàm equitum ingenti multitudine occisa non solum plurimū prædæ, & manubiarum consecuti sint, sed etiam Sobæ Regis captas Ciuitates, omnemq; Syriæ Damascenæ plagam suo Regi subiecerint, tributaq; soluere coegerint. Quântū præterea fuit id uictoriæ, quam Dei beneficio Rege Dauidē consecuti sunt Israelitæ contra Regem Ammonæum: cum quo nō tam fœdere iuncti, quàm mercede conducti militis plurima multitudo conuenerat: quæ quidem fusa, fugataq; non solum se in urbes recipere coacta est, sed etiam obsessa in urbibus facere deditionem, in Hebræorumq; potestatem deuenire compulsæ est. Hæ tot uictoriæ de hostibus Rege Dauidē ab Hebræis relatæ testatur planè ingentem tam erga ipsos Hebræos, quàm erga Hebræorum Regem Dei beneuolentiam, & beneficentiam: cuius cum non satis rationem habuisset, nescio quo factō ductus Rex, qui alioqui adeo uirtute polleret, adeoq; religionis studiosus esset: dum uxore aliena

DE DIVI. IN HOMI. BENE.

abusus, interitū mariti procuravit: & duplici crimine tam graviter in Deum peccavit, quā contra uirtutis, existimationisq; suæ rationem turpiter commisit: effectum est, ut omnis tam Regis felicitas, quā subiectorum fortuna immutaretur. O exactam iustitiæ diuinæ rationem. O Dei providentiam librato examine cuncta perpendentē. Qui toties ex uictis hostibus non minus gloriæ, quā prædæ retulerat, qui tantum successus, prosperaq; fortunæ tam pace, quā bello, tam domi, quā foris obtinuerat; qui nihil non lætum, nihil non prosperum, ex quo regiam potestatem accepisset, expertus fuerat: simulatque uxore aliena abus, maritum procuravit occidendum, & duplici flagitio obnoxius Deum offendit, non minus mali, cladis que domi, quā foris passus est: nec minus periculi, atq; molestiæ ex suis, quā ex hostibus retulit. Domum filie stupro incestatam, filium à filio trucidatum deprehendit: inimicum, hostemq; filium expertus est, & filij timore regia urbe excedere coactus: filium denique à suis interemptum, crudeliterq; necatum agnouit. sic domesticos lares, domumq; totam incestis, cædibus, discordijs contaminatam, uexatamq; habuit. ut domus Oedipodæ nō æquē propemodum uexata, contaminataq; uideri possit. Tot mala, tot clades ex peccato, commissioq; flagitio Regi accidisse ueluti nemo, qui recte animaduertat, potest non intelligere: ita non ab re forte fuerit explicare quonammodo fieri potuit; ut qui tantum sanctitate, et probitate præstaret: ut inter omnes Israelitas Dei

inditio optimus sit habitus, & dignior ex omnibus, qui imperitaret existimatus: uel ipse tantum cæcitatis incurreret: ut tam graue nefas admitteret: uel Deus ipse, cui plurimum gratus, acceptusq; fuisse comprobatur, permiserit, quem adeo amaret, quem adeo fauore beneuolentiæq; prosequeretur, incidere in tam graue flagitium, in tam deforme nefas incurrere: ut eius puniendi causa opus esset ex iustitiæ libra tot eum affici malis, tot cladibus, & calamitatibus affligi. Sciendum itaque est, homini cuiquam post deprauatam semel naturæ humanæ conditionem concessum non esse: ut uirtute, et uitæ integritate tantum proficiat: ut se exuat omnino fomite illo, siue incitabulo, quod in genus hominum traduce quadam originis deductum est ex primi hominis peccato. Quapropter fit, ut longè ægrius, atque difficilius caueri peccatum possit ab homine quoquam quantumuis uirtute, & integritate spectato, quam potuisset caueri initio à primis parentibus: qui prius quam peccaret, et à Dei monitis decederet; fomite, incitabuloq; quod subinde peccando contraxerunt tam ipsi, quam naturali quadam infectione in reliquum genus hominum, posteritatemq; omnem transulerunt; omnino caruerunt, et se potuerunt facile continere à peccando. Vnde si qui nullo fomite agebantur ad peccandum: & nihil naturalis incitabuli ad delinquendum sentiebant; delapsi sunt in peccatum, & se peccato inuoluerunt: quid mirum uideri debet; si qui fomitem peccati assidue adhaerentem continet; & naturali quodam aculeo incitatur ad peccandum, ap-

DE DIVI. IN HOMI. BENE.

petituiq; corporeo, & sensibus obsequendum, licet
uirtute polleat, licet parta uirtute non nihil roboris,
& uirium ad resistendum fomiti habeat: tamen ce-
dat aliquando, & assidue oppugnant, urgentiq;
fomiti concedat interdum. Quin si inter creaturas
Dei præstantissima, quæ nulla corporis materia con-
stabat, & nullis corporalis appetitus illecebris tan-
gebatur, sed solo intellectu constans, & proxima
Deo natura prædita, ob liberi, quod habebat arbi-
trij rationem deliquit, à Deoq; desciiuit: minus ad-
mirandum est hominem, cui non solum arbitrij cau-
sa peccandi potestas competit, sed etiam infectionis
corporeæ, appetitusq; deprauati gratia procliuitas
quædam, atque propensio ad peccandum, à Deoq;
deficiendum existit: peccare, à Deoq; peccando se
se auertere. Quannus Deus pro sua bonitate, suaq;
erga hominem beneuolentia nihil omittat officij, at-
que curæ; quo' hominem reddat à peccatis abstinem-
tem, & suæ gratiæ munere nunquam desit homi-
ni: quin tam cauere peccatum, quàm bonum ope-
rari possit: tamen liberi arbitrij semel concessi ratio
non patitur; ut cogat eum benè operari, & prohi-
beat uiolenta manu, ne delinquere possit, atque peccare.
licet præceptis, monitisq; Deus summè studeat
hominem instituere, quò caueat peccatū, recteq; opere-
tur: & licet non minus ad rectè operandum proposi-
tis præmijs eum alliciat, & oblata suæ gratiæ ope-
adiuuare procuret, quàm propositis poenis nitatur
detertere à peccando: & oblato gratiæ adminiculo ef-
ficere, ut possit peccatum, si non penitus, aut non

omne, saltem maiori ex parte, aut id quod lethiferū sit, euitare: tamen inuiolata arbitrii libertate, conseruataq; liberæ uoluntatis conditione, non potest fieri, ut compellat eum ad benè prorsus operandum, & omnino prohibeat, ne peccare possit. Vnde non est, cur imputetur Deo, quòd homo peccet: non est, cur aliquid peccati ab homine commissi idcirco possit Deo adscribi, quòd ipse potuisset efficere, quominus peccaretur: cum libertas arbitrii humani non patiat; ut quid Deus uolenter agat in uoluntatē hominis; necessitateq; agendi boni, uel cauendi peccati hominem ipsum afficiat. Sed sicut nihil est, quod causa peccati hominis Deo queat idcirco imputari, quòd non prohibuit, quod potuit, quominus peccaretur: ita Dei benignitati, Deiq; erga hominem beneuolentiæ est adscribendum, quòd peccante homine, qui alioqui uirtute, integritateq; uitæ præstabat euenire solet: ut quod peccati ab eo commissum est, id deniq; ipsi homini Dei opera, Deiq; beneficio secuta pœnitentia cedat ad maiorem perfectionem uirtutis, melioremq; uitæ rationem constituendam. O potentem, beneficūq; Deum. qui quod malū committitur, quod peccati perpetratur ab homine, in ipsius hominis bonum, in ipsius hominis perfectionem, dummodo ipse permittat homo, conuertit. Quod sanè animaduertere licet in Psalte, Regeq; Hebræo: qui simulatque peccauit, peccandoq; Deum offendit: uirtuti pristinæ, & sanctitati tantum pœnitendo, dolendoq; adiecit; & calamitates, cladesq; causa peccati contingentes tolerando, pœ-

DE DIVI. IN HOMI. BENE.

stenterq; perferendo, tantum in Dei cultu, religio-
nisq; obseruantia profecit: ut quod peccauerat, ei
beneficio Dei, atque munere cederet ad maiorem
uirtutis, & sanctitatis perfectionem acquirendam.
Quod autem post peccatum, peccatiq; aetam poeni-
tentiam perfectior sit uirtute, & sanctitate effe-
ctus Rex Psaltes, colligi, deprehendiq; potest tum ex
sacra historia, qua uitae, gestorumq; eius ratio con-
tinetur: tum ex ipsius odis, siue carminibus; quo-
rum quaecunque salutis nostrae arcana, diuiniq; uer-
bi mysteria complectuntur, ea comperiuntur ma-
gna ex parte commissio crimine edita, atque decan-
tata: quod sanè non accideret, nisi uirtute perfe-
ctior post peccatum effectus diuinorum arcanorum
rationem melius percepisset: & Deo indicante, si-
gnificanteq; exactiorem diuini consilij cognitionem
adeptus fuisset. Quis satis queat unquam admirari
Dei benignitatem, beneficentiamq; in hominem: à
quo cum offendatur, nihil ultionis tamen exigit,
nisi quatenus se posse ei proficere nouit: nisi quate-
nus eum meliorem se reddere posse confidit. Admo-
net, interpellat, excitat, quem peccasse nouit Deus,
ut peccatum agnoscat, peccatoq; agnito poenitentiam
agat; aetq; poenitentia meliorem, sanctioremq; se
praestet. Id profecto licet in Rege intueri, atq; anima
duertere: ad quem simulac peccauit, uirum pro-
phetam destinauit, misitq;: à quo de commissi flagitij
grauitate admoneretur, à quo ad poenitentiam a-
gendam interPELLARETUR, à quo excitaretur ad ma-
iora ex ipso speranda, dummodo eum poeniteret.

flagitij, dummodò tolerando, perferendoq; quæ
 noxæ expiandæ causa forent immittenda: perstaret
 in constantia, & se committeret ipsius uoluntati,
 atque iustitiæ curandum, atque sanandum. Sed
 pro sua Deus in hominem benignitate, & beneuo-
 lentia non solum effecit, ut peccatum Regis ipsi Re-
 gi cederet ad maiorem uirtutis & meriti uim consti-
 tuendam: sed etiam exemplo esset, & documento
 uniuerso hominum generi, quemadmodum cuiquā
 homini quantumuis uirtute, & integritate insigni
 non sit committendum, ut uirtuti suæ, & uiribus
 confidens negligentius se habeat in uitandis peccan-
 di occasionibus; & tantum sibi tribuat, sibiq; plac-
 ceat, ut se tutum existimet, & peccandi periculo
 exemptum arbitretur. Tantum enim abest, ut alie-
 quid diligentia, aut cautionis remittendum sit un-
 quam homini in uitandi peccati ratione: ut quantò
 magis se quis integritate, uirtuteq; sentit præstare:
 tantò diligentius eum sibi cauere oporteat: cum per-
 fidus ille, qui pater, & author est peccati, tantò
 maiores tendat insidias, decipulasque paret tantò
 latentiores, periculosioresq; homini, quò peccet, in
 peccatumq; corruat: quantò maioris eum uirtutis
 esse, quantoq; maiori religionis studio eum detine-
 ri perspicit, atque animaduertit. Si quid igitur à
 nobis ciues Dei beneficio, atque gratia profectum
 fuerit in uirtutis studio, cultuq; religionis, cauene-
 dum est maximè, ne nimis confidenter agamus, &
 negligentius nosmetipsos habeamus in fugiendis, de-
 uitandisq; peccandi occasionibus: quoniam pro eius

DE DIVI. IN HOMI. BENE.

dolo, & fallacia, qui nostræ salutis invidus assidue nobis molitur insidias, & nobis nocendi quotidie novas artes excogitat: uix satis cauti, uix satis circumspecti esse possumus, & uix satis uigilantie, atque animaduersionis adhibere ualemus. Quàm non sint remittendæ uires in pugnando, quàm non sit relaxandus animus à contentione, atque pugna, quàm non sit otio indulgendum, & securitatis confidentia incuria non utendum, satis, superq; possumus Regis Hebræi exemplo addiscere: qui cum suos haberet pugnantes aduersus Ammonitas, & ipse domi residens post meridiationem in triclinio spaciaretur, uxorem alienam se abluentem conspexit; eiusq; cupiditate accensus non destitit, quousque ea potitus est: & eandem procurata mariti morte sibi coniugio sociauit. Quòd si Regi, qui perhibetur singulari uirtute præstitisse, & præcipua integritate uitæ excelluisse, contigit, dum incautius se habet, dum se otiosius, negligentiusq; obseruat: ut peccatum incurreret, ut delictum committeret: quantò magis nobis, cum quibus benè agi satis uideri possit, si uel initiati simus in uirtute, uitæq; integritate, contingere potest: nisi totis uiribus nos metipsos obseruemus, nisi summa uigilantia, & circumspectione utamur, ut incidamus in laqueos, insidiasq; Diaboli, & lethiferam peccati noxam incurramus. Quod ne accadat, tum pro uirili nostra, & quatenus nostræ uires, si quæ sunt, patiuntur, elaborandum est: tum Dei auxilium assidue, atq; ex animo est implorandum: sine cuius gratia, atq;

ope nihil est, cur speremus, confidamusq; boni aliquid nos posse operari, aliquid'ue mali posse evitare. Regem simulatque flagitij poenituit, adeo pro sua benignitate, & beneficentia non deseruit Deus: ut præter potestatem in uirtute proficiendi, maioremq; in uitæ, meritiq; ratione perfectionem consequendi: eum tam contra filij, suorumq; conspirationem tutatus est, quàm omnium externarum gentium, à quibus infestabatur, uictorem reddidit: qui tamen postquam conspiratione compressa, & hostibus externis sæpius uictis, superatisq; sibi, subiectisq; suis pacem, quietemq; Dei benignitate, ac munere acquisiuit: eo adductus est gloriæ, ut se bi placeret aliquatenus in iure dominandi: & idcirco procuraret omnium, quibus dominaretur, censeri numerum: quam rem indignè ferens Deus, qui alioqui pluribus etiam iniurijs affectus fuerat ab Hebræis, grauem pestilentia stragem edidit: cum prius tamen sic Regi detulisset, ut ei potestatem faceret ex triplici ultionis genere, quod mallet eligendi. Sedata pestilentia, & in ea sedanda non mediocri diuinæ erga Regem, regiamq; ciuitatem benignitatis, & beneficentiæ edito testimonio: cum Rex prouectus ætate, & annis grauis iam cogitaret sese non diu amplius superfuturum regendis, moderandisq; Hebræis: Dei monitu, & consilio sibi adhuc uiuenti minorem filium maiore reprobato procurauit sufficiens: cui tantum scientiæ, & sapientiæ Deus pro sua tum in patrem, tum in Hebræos ipsos benivolentia contulit: ut ipse sit attestatus nullum ex

DE DIVI. IN HOMI. BENE.

genere Hebræorum fuisse unquam, uel esse futurum: qui possit ei scientia rerum similis uideri, sapientia animi ei comparari. Tantam rerum naturalium scientiam Dei beneficio consecutus est Rex nouus iste, ut nihil rei naturalis, de quo non discerneret, de quo non scripserit omissum, præteritumque reliquerit: & in id genus arena sic excelluerit: ut non modo maiores suos omnes, sed cunctos, qui in Aegypto, qui in oriente studiis eiuscemodi maxime essent exercitati, superarit, & longo intervallo antecesserit. Eo fuit iudicio iste Rex, ea fuit prudentia tam in rebus priuatis censendis, quam publicis iudicandis, atque administrandis, ut non solum, qui eius ditioni subiecti essent, accederent ad eum causa iudicij, sed etiam externi undique concurrerent, & ex omni gentium, orbisque natione confluerent ad eum consulendum, eiusque exquirendum de rebus dubijs iudicium atque sententiam. Quò fiebat, ut non solum apud suos, externosque ubique summa esset in ueneratione, sed etiam demerendo sibi animos Regum cæterorum, atque principum tantum munerum, tantumque opum consequeretur: ut ueluti inter omnes alios esset prudentissimus, & sapientissimus, ita ditissimus quoque foret, atque opulentissimus. Suae prudentiæ merito, suæque sapientiæ auspicio consecutus est Rex iste; ut non minus pacem inter suos, quietemque constitueret: quam se sibi subiectos ab omni externorum hostilitate, molestiaque immunes, illæsosque conseruaret. O felicissimum Regem, cui Dei beneficio tantum concessum est munus.

ris, & fortunæ: ut non minus opulentia splenderet, quàm sapientia abundaret: nec minus pace, tranquillitateq; frueretur, quàm existimatione, & reuerentia apud omnes ubiq; polleret. O fortuna tam Hebræorum gentem, cui Dei benignitate obtigit habere Regem, cuius prudentia, atque præstantia pacem, quietemq; obtineret, & rerum omnium copiam, ac abundantiam consequeretur: & nihil mali, siue molestiæ tam domi, quàm foris sentiret, atque formidaret. Quo genere gratiæ, siue gratitudinis potuerint satis agnoscere, satisq; attestari Hebræi tam præclarum, insigneq; Dei erga se beneficium, quod dati Regis opera, atque præstantia acceperant; dum pacem inter se, incolumitatem ab hostibus, abundantiam omnium rerum consecuti essent; nescire me prorsus confiteor: nisi sit arbitrandum nihil gratiæ, aut gratitudinis sufficere posse pro tam magni, egregijq; beneficij conditione: quod cum omnem humanæ felicitatis rationem in se contineat: quid gratitudinis, quod queat esse satis, possit admittere, non uideo: nisi satis esse putetur, dum præstetur, quod præstari potest ab homine; ut assidue beneficium ipsum memoria retineatur, & nullo temporis spatio obliuioni mādetur. Quod si id beneficij, quod à Deo opera, uirtuteq; Solomonis, pacificiq; Regis acceperunt Israelitæ; omnem pro sua magnitudine, & dignitate gratitudinis humanæ rationem exuperat: quid de eo beneficij genere iudicandum est? quod generi humano oblatum, præstitumq; à Deo est opera, uirtuteq; Christi: qui cum

DE DIVI. IN HOMI. BENE.

sit Dei sapientia, & omnem rerū tam diuinarum, quā humanarum in se complectatur rationem: et nullum in genere hominum parem sapientia, similemque uirtute, & præstātia habere possit: typo Solomonis, pacificique Regis ritè designatur. Hic est enim uerus ille Solomon, qui pacis omnis, & tranquillitatis humanæ author est: & qui sua uirtute, & sapientia pacē inducit inter homines: hominesque ipsos ab hostibus tutatur, & omni bonorū copia beat, atque locupletat. Sed pax, quam mysticus noster Solomon præstat, & bonorum copia, & conditio eorum, quæ parturit, quæque affert sibi subiectis, nullo modo admittunt comparisonem cum eo pacis genere, cum eorum bonorum copia, & conditione, quæ parta Hebræis, quæque obtenta Israelitis memoratur Rege, authoreque Davidis filio Solomone: qui quidem pacem, qua arma quiescunt, & bona, quæ corpora respiciunt, attulit sibi subiectis: cum noster uerus Solomon pacem sibi subiectis, seque ipsum sectantibus tradat animorum; qua quiescunt noxi affectus, perturbationesque improbæ comescuntur: & bona affert, præstatque, quæ pertinent ad animos, animorumque salutem, atque beationem respiciunt. O singulare nostri Solomonis beneficium: qui non pacem, quam quisque hominum possit perturbare, affert: sed quæ inhereat ita homini: ut uel conseruari queat medijs in armis: & non solum, cui adest, durante hac mortali uita comitetur, sed etiam prosequatur eum ad immortalis uitæ conditionem transeuntem. O prosperam, beneficamque nostri Regis

pacifici Christi ditionem : cuius opera , atq; meritis
 consequi potest homo non tam externa, tēporariaq;
 cuiusmodi Solomone Rege consecuti sunt Israelitæ
 bona , quā propria , perpetua , semperq; duratura
 : quæ quidem ueluti nunquam cōtingere potest,
 ut deficiant, sic possunt hominem perpetuò felicem,
 omnibusq; numeris beatū reddere . Sicut Deus præ-
 stat homini, ita propemodum necesse est, ut quæcun-
 que Hebræus egit Solomon typum gerentia eorum,
 quæ sunt à nostro Solomone acta: ui, uirtuteq; su-
 perentur , seu rationem beneficij habeamus, seu rei
 ipsius conditionem consideremus . Quantum differt
 Deus ab homine , tantundem quæ sunt Dei, par est,
 ab eis , quæ sunt hominis differre : licet huiusmodi
 ita sint hominis , ut tamē ortum , causamq; trahant
 à Deo. Ad Solomonem Hebræum pergebant populi,
 populorūq; Reges , quò de rebus humanis eum con-
 sulerent, & rationem perciperent huius mortalis ui-
 tæ tutius , commodiusq; agenda . Ad nostrum uerò
 Solomonem qui populi, populorumq; Reges conten-
 dunt , non solum addiscunt , quonam pacto in ad-
 ministratione humanarum rerum se habere debeāt;
 & quam ratione mortalem hanc uitam commo-
 dè , tutoque transigere possint : sed rerum etiam
 diuinarum plenam rationem , notitiāque acci-
 piunt ; & addiscunt modum , potestatemq; conse-
 quuntur adipiscēdi immortalē uitam, immortalisq;
 uitæ felicitate potiundi . Solomon Hebræus quacun-
 que sui ius imperij extendebatur, præfectos, præsi-
 desq; constituit , qui numero duodecim singillatim

DE DIVI. IN HOMI. BENE.

populos, urbesq; quibus consulerent, quarumq; ci-
 ram haberent, sortirentur: & inde quæ domui, fa-
 miliaq; regia sustinendæ, atque alendæ salutaria fo-
 rent, atque necessaria, pararent, atque colligerent.
 A Solomone nostro constituti sunt duodecim Aposto-
 li, qui totius mundi provincias, & gentes inter se
 sortirentur: quibus regendis in ratione uirtutum,
 & instituendis in cultu ueræ religionis præessent, at-
 que consulerent: & ex quibus colligerent, atque
 referrent, quod foret salutare, & necessariū con-
 stituendæ, sustinendæ, alendæq; diuinæ Ecclesiæ. Cum
 nondum certum, constitutumq; locum habuissent
 Hebræi, in quo Deū colerent, Deoq; sacra facerent:
 à Solomone Davidis filio in urbe regia constructum
 mirifica arte, summaq; expensa ædificatū templum
 fuit: in quo Deus coleretur, sacrisq; placaretur. So-
 lomon uerò noster mysticus, cum nondū fuisset ue-
 ra, constansq; colendi Dei ratio constituta, ædifica-
 uit Ecclesiam, templumq; construxit ex uiuis lapidi-
 bus, & preciosis: in quo Deus coleretur, in quo ha-
 bitaret, in quo quiesceret. O diuinam domum; O
 pulchram, speciosamq; Dei habitationem; quæ non
 ex marmore, cedrinisq; lignis constat, sed ex ani-
 mis hominū: qui uirtutibus ornati, & pietate, san-
 ctitateq; præditi uinculo charitatis tāquam cemen-
 to unī. coherentes templum constituunt, in quo De-
 us habitet, miracula agat, eximia operetur. Hæc so-
 la digna Deo est habitatio: quæ cum Christum tan-
 quam fundamentum habeat, nullo undarum impe-
 tu labefactari, nullo uentorum turbine concuti ua-

let. Huius diuinæ habitationis ea est conditio; ut ni-
hil in ea petatur, quod non impetretur; nihil in
ea fiat, quod Deum propitium, authoremq; non ha-
beat. Sicuti uera Dei domus Ecclesia Christo autho-
re, atque principe constructa, typo domus eius, quæ
Deo constructa fuit, & dedicata ab Hebræo princi-
pe designatur: ita quæ ab eodẽ principe suis in can-
tionibus amicæ, dilectæ, sponsæ nomine appellatur:
& beneuolæ, amantiq; affectu in complexum acci-
tur, atque inuitatur; eiusdem Ecclesiæ symbolum,
sive typum gerit: quæ amicæ, sponsæq; nomine com-
pellatur à Christo principe, & ad dulces amplexus,
coniugijq; nobile sacramentum inuitatur. Posset eti-
am non ineptè censerì, typo sponsæ cõtineri huma-
nam animam, quæ à Deo compelleretur, à Christoq;
inuitetur ad charitatis amplexum, diuiniq; amoris
societatem. Nihil præterea prohibet, quin illa Sa-
bæorum Regina, quæ nomine Solomonis, sapietiæq;
eius fama permota perhibetur relicta patria, ad eum
accessisse, & sapientiam eius longè quàm audisset,
maïorem deprehendisse: perferat typum gentilis na-
tionis, quæ decedens à superstitione, uanoq; Deorum
cultu perexit ad Christum uerum Solomonem, quo
eius sapientiam audiret, eiusq; monitis, atque con-
silijs institueretur: quò effectum est, ut non solum
erudita, institutaq; eius documentis, & consilijs ad-
hæserit, fidemq; adhibuerit: sed etiam eum summo
in cultu, summaq; in ueneratione habuerit: & mul-
tis preciosis donis, muneribusq; eum prosecuta fue-
rit; quibus, faxit ipse, ne quos in sua Ecclesia habet

DE DIVI. IN HOMI. BENE.

præsides, diutius abutantur, quàm conservanda pa-
cis ratio, committendiq; grauioris offendiculi discri-
men patiatur, atque permittat. Quatenus Solomon
singulari sapientia præsstitit, duodecim præsfectos con-
stituit; templum, domumq; Deo construxit; spon-
sam cōpellauit; Sabæam Reginam hospitio suscepit,
instituitq;: typum satis aptum, congruentemq; ui-
deri potest ferre pacifici nostri seruatorisq; Christi.
Quatenus uerò libidini obtemperans, & muliebri
cōsuetudine pellectus, recessit à Dei cultu, à quo tot
beneficijs affectus fuerat; et se cōtulit ad falsos, com-
mentitiosq; Deos colendos: adeo typum Christi non
gerit, adeo Christum typo referre nō potest; ut eum
typo referat, qui tam Christi, quàm salutis huma-
næ capitalis inimicus sit: & qui uaria, multipliciq;
idolorum, simulachrorum ue specie ab eo coleretur.
O eximiam hominis ingritudinē: O singularem
impietatem, atq; nequitiam. Qui Dei beneficio tan-
tum scientiæ, atq; sapientiæ obtinuerat; qui Dei be-
nignitate, & largitate tantum existimationis, ho-
noris, gloriæ consecutus fuerat; qui Dei opera, &
beneficentia eò prouectus fuerat fortunæ, & feli-
citatē: ut non minus inter opulentes Reges opulen-
tissimus, potentissimusq; haberetur; quàm inter fe-
lices, sapientesq; sapientissimus, & felicissimus: is
nulla Dei, à quo tot accepisset, ratione habita; post-
positaq; omni beneficiorum diuinorum gratitudine,
& recordatione ingratus, ac immemor derelicto a-
manti, beneficoq; Deo, maleficis, infensisq; gene-
ri humano Dijs adhæsit: & deficiens ab eo, à quo

plus longè bonorum, quàm accepisset, accepturus erat; descivit ad eos, à quibus non posset non malè haberi, malorūq; omni genere nō affici: cum forent eiusmodi; qui malum semper molirentur, & non magis possent, quàm uellēt homini obesse. Quid est id sapientiæ, atque prudentiæ? ut deferatur à quo nil, nisi bonum, salutareq; accipi possit: & adhæreatur ei, à quo nil nisi malum, exitiosumq; referri queat. Tantum quidem abest, ut uideri possit id circo sapientia usus rex Solomon, prudenterq; egisse: ut mihi uideatur pro singulari insipientia, qua usus reperitur, & pro insigni imprudentia, qua peccasse conuincitur, deridendus maximè, atque exhibendus. Sed non minus ex huius, quàm ex patris exemplo licet addicere; quàm nostris uiribus non sit fidendum, quàm exactè sit cauendum ab occasionibus peccandi; quàm non sit remittenda unquam cura, cautioq; pro malis, peccatisq; deuotandis. Vix exprimi posset, quàm facile ex bono in malum excidatur ab homine, & ex sapientia in amentiam corruatur: si plus fiduciæ, quàm par sit, concipiatur, & plus securitatis, quàm deceat, proponatur. dum enim cōcepta fiducia, & proposita securitate solitæ diligentia, & cautionis aliquid remittitur, accidit, ut paulatim aditus paretur uitio, & pro incuria custodiæ concedatur ingressus urgenti semper, ac insistenti appetitui: qui simulac blandè illabēs, amicitiaq; fuco irrepens uires accipit; in rationem irruit, impetūq; facit: quæ doli nescia, securaq; periculi facile opprimitur. & iure, quod in

DE DIVI. IN HOMI. BENE.

homine habebat, facile fraudatur, atque priuatur. Quò fit ut cum homo se tutum maxime confidit: & excitandæ, expergefaciendæq; rationis curam, studiumq; aliquatenus remittit: tunc ab appetitu facile trahatur in uitium, & ab ea, qua præditus sit uirtute, facile abalienetur. Quapropter pro rei, quæ ualdè cauenda est, conditione, & difficultate admonendos iterum uos arbitror mei ciues, ne, si quid uirtutis, atque sapientiæ beneficio Dei estis adepti, nimis indulgendo uobis, nimis uobismet confidendo, curam, studiumq; earum remittatis: sed assidue non minus diligentia, atque operæ adhibeatis in custodienda, augendaq; uirtute, atque sapientia, quam in cauendis, arcendisq; procul uitijs. Quàm excidatur facile à uirtute, quam facile in uitium corruatur, nisi diligenter caueatur: qui modò patris exemplo didicistis, rursus uos quaeso, atque obsecro, filij exemplo addiscatis. Quod si uobis interim acciderit, quod tam patri, quam filio accidisse cognouistis, uestri fuerit officij patrem potius imitari, quam filium: qui cum longè, quam pater, grauius peccasset, grauiusq; Deum offendisset, non inuenitur tamen prout pater flagitij poenitentiam egisse, atque poenitendo sese correxisse: licet benignitate Dei correctionis admonitus fuerit, & ad poenitentiam interpellatus. Quo quidem uita defuncto deterior filius succedens sic se habuit initio adepti principatus, ut proposita Hebræis grauiori subiectionis, atque seruitij conditione effecere, ut ex duodecim Hebræorum tribubus decem rebellarent: & Regem sibi ali-

um constituerent: qui sanè constituti Regis causa a deo nihil melius sibi consuluerunt: ut ex sartagine, prout dicitur, se in prunas conijcerent, & malo de relicto Rege peiorem sibi constituerent. Quare duorum Regum imperio diuisis ita Hebraeorum tribubus, ut tribus Iudæ, & tribus Beniami uni pareant, alteri uerò cæteræ subijcerentur, futurum erat, ut inter se ferro decertarent, & bello graui inter se confligerent; nisi Deus sua benignitate, & in eos beneuolentia destinato ad id suo nomine nuntio prohibuisset. Tantū enim est id curæ, et beneuolentiæ, qua Deus erga genus hominū cōmouetur: ut licet nihil agatur ab homine; cuius causa odium potius, quàm beneuolentiam contrahere non mereatur: tamen Deus pro sua benignitate sic eum non deserit; sic beneuolentiam erga eum non restringit; ut nihil curæ relinquat intentatum, quo prodesse possit; & nihil occasionis sinat elabi; quo benefacere queat, atque proficere. Quod quidem ex Hebræis licet animaduvertere: qui cum impuritate uitæ, atque impietate nihil propemodum prætermitterent, quo Deum offendere, de Deoq; malè mererī possent: adeo tamen à Deo non sunt derelicti, adeo non sunt odio habiti; ut uel de eis se summam curā agere ostenderit; & eos ingenti se beneuolentia prosequi demonstrarit: dum uana Deorum superstitione occupatos, & falsis, maleficisq; Deis intentos nunquam destitit admonere, & tam missis uiris diuinis, quàm suscitatis prophetis; qui non modo redarguerent uerbis, sed miraculis, atque prodigijs etiam cō-

DE DIVI. IN HOMI. BENE.

moverent, nunquam desinit, atque cessavit eos ad monere, ac interpellare ad meliorem vitæ rationem suscipiendam, & ad verum religionis cultum custodiendum, atque observandum. Ut autem complures omittam tum vitæ sanctitate claros, tum munere prophetandi insignes, quorum opera atque officio usus est ita Deus in admonendis, redarguendisq; Hebræis; ut non magis potestatem dederit futura prædicendi, quam miracula edendi, cuiusmodi fuit ille Thesbites Helias? quem Deus Achab Israelitæ Regis tempore misit: qui tam Regem, quàm subiectos admoneret, increparet, & si quo pacto fieri posset, editis miraculis, atque ostentis ab impietate deterreret, & ad cultum veræ religionis, fidemq; dictis habendam commoveret. Quidnam ostenti, quidnam miraculi abstinuit Deus huiusmodi hominis opera edere: quò Israelitas ab impia falsorum Deorum superstitione alienaret, & in veræ religionis cultum, observantiamq; adduceret? Virtute Dei non solum operatus est Helias, ut viduæ quod erat farina, non deficeret, licet absumeretur: & quod erat olei non minueretur, licet exhauriretur: sed etiam defunctum hominem vitæ restituit, & non minus imbrem sustulit, quàm denique induxit. Hæc planè omnia singillatim poterat persuadere Hebræis: nisi pro malitia stupidi, & pro impietate prorsus attoniti fuissent: cultum, observantiamq; Dei, cuius uirtute tam mirabiliter agi prospicerent ab homine. Sed id ostenti, atque miraculi, quod igne cœlitus in holocaustum corridente coram omni

populo ab Helia editum est; tantò evidentius, tantoq; clarius potuit arguere, atque testari, eum esse uerum Deum, solumq; colendum, atque obseruandum: cuius potestate, atque uirtute id tam mirandi facinoris, id tam stupendi effectus contigisset: quantò id genus rei, siue miraculi uisum fuerat apertius publico consensu ad comprobendam uel Dei, uel Deorum potestatem. Qui propheta, ministriq; fuerunt Deorum, siue Demonum, adeo nihil potuerunt operari, licet usq; ad sanguinis effusionem niterentur, quod argueret aliquid diuinæ, admirandæq; potestatis: ut non minus ipsi deprehensi sint insani, & impietatis rei, quàm Dij ipsorum impotentes, & fallaces reperti. Quò factum est, ut agnita ueri Dei potestate, & deprehensa idolorum uanitate populi Israelitæ consensu sumeretur ab Helia supplicium de impijs: & quas mererentur, poenæ caperentur de sceleratis, atque nefarijs. Hic idem Helias admonitu Dei, atq; iussu eis occurrit in itinere, qui pergebant consultum de casu Regis Demonem: quos cum grauius Dei uerbis increpasset: quod Regi ipsi ex casu periculi immineret, declarauit: & eos demum factos certiores de eo, quod quærebant, redire persuasit. Videtis ne ciues, quantum sit id curæ, quantum sit id studiij: quo pro sua in hominem benignitate, & beneuolentia usus comperitur Deus erga Israelitas? qui admonendo, increpando, miracula edendo, nihil officij prætermisit, quò sanaret eos ab impietate, & prohiberet peccatorum causa periclitari. Testatus nempe Deus est suam beneficentiam,

DE DIVI. IN HOMI. BENE.

& benignitatem erga hominem tum legando Israe-
 litis, à quo admonerentur, increparentur, miracu-
 lis commoverentur: tum legatum ipsum tanta po-
 testate donando, totq; donis, & meritis prosequen-
 do: ut non solum eum illustrem edendorum mira-
 culorum facultate, dum hic uiueret, reddiderit:
 sed etiam igneo curru sublatum spectantibus huma-
 nis oculis uiuum, mortisq; corruptione intactum in
 coelestes, ætheriasq; plagas adduxerit. Quod sanè di-
 uini facti, siue miraculi tam gerit typum nostri ser-
 uatoris Christi cum corpore cœlum spectantibus Apo-
 stolis conscendentis, quàm cōprobat, uerumq; pror-
 sus arguit, quidquid sacris nostrorum scriptorum
 monumentis de eiusdem nostri seruatoris in cœlum
 ascensu continetur, atque recensetur. Sublato in cœ-
 lum Helia Deus non defuit, quin alium legaret, con-
 stitueretq;: cuius opera, atque ministerio conciliaret
 sibi fidem apud Israelitas: et fide conciliata eos in ue-
 ræ religionis cultu contineret, & ad cauenda pecca-
 ta, obseruandaq; documenta salubria induceret. Ea
 fuit in Hebræos Dei benignitas, & beneuolentia: ut
 non solum cum abstinerent ab impietate, & manda-
 ta custodirent, eos afficeret beneficijs, tum uictorias
 contra hostes concedendo, tum multiplicē bonorum
 copiam sufficiendo: sed etiam procuraret, ut cum im-
 pietatis rei forent, & nihil minus, quàm præcepta
 obseruarent, interpellati, increpati, excitatiq; se se
 corrigerent, seq; eiusmodi præstarent: ut largiorem
 in se beneficentiam experiri, & copiosiores benefi-
 centiæ fructus sentire, accipereq; ualerent. Nun-

ORATIO SECUNDA. IOI

quam defuit Deus, quin duplici id genus cura, & benignitate usus sit in Hebræos, dummodò per ipsos licuerit. Non solum enim, si præcepta obseruarent, beneficium, propitiumq; Deum experiebantur bona accipiendo, feliciter uiuendo, uictoriasq; ex hostibus obtinendo, sed studiosum etiam eum, cupidumq; sentire poterant operandi, efficiendiq;: ut eiusmodi euaderent, qui possent id genus beneficijs affici. Nec tam pro sua bonitate procurabat Deus: ut tales euaderent, qui possent beneficijs affici: quàm studebat efficere, ne faciliè, simulac beneficijs accipiendis idonei euassent, caderent de gradu, occasioneq; bonorum, beneficiorumq; accipendorum amitterent. Quà ratione de medio uix abstulerat Deus Heliam, quòd Eliseum duplo ampliori, quàm fuisset Helias, operandi uirtute, atque potestate donauit; quò eius opera, atque officio Hebræos in cultu ueræ religionis, mandatorumq; obseruatione contineret: aut si opus foret, ab impietate, falsaq; Deorum religione ad pietatis cultum, religionisq; ueræ studium reuocaret. Quot beneficijs Deus Hebræos affecerit opera Elisei: quanta beneficentia, quantaq; largitate persecutus sit ipsum Eliseum Deus, non singillatim recensere adgrediar: sed quæ maioris momenti uisa fuerint attingens, rem quàm breuissime fieri poterit perstringam. Postquam insalubres, noxiasq; Hiericonis aquas uirtute Dei adhibito sale sanas, salubresq; reddidit Eliseus typum Christi gerens: qui sacri institutione lauacri, quæ alioqui insalubres forent, salutare effecit aquas: eius-

DE DIVI. IN HOMI. BENE.

dem Dei beneficio obtinuit, ut tam Israelitis, quàm
Iudæis, qui contra Moabitas contenderant, miracu-
losè sufficerentur aquæ: quarum suffectarum bene-
ficio, id quoque beneficij adiecit Deus: ut contra
quos tetenderant hostes expugnarent, & direptis eo-
rum urbibus, regioneq; uastata domum incolu-
mes reuenterentur. Dei quoque beneficio obtinuit
Eliseus, ut Sunamitis mulieris filium mortuum ex-
citaret: aquam in oleum mutaret: paucis panibus
quàm plurimos cibo etiam superante satiaret: le-
prosum Iordanis aqua curaret: quæ planè miracula
quis non agnoscat typum præferre miraculorum,
quæ Christus edidit mulieris filio suscitato, aqua in
uinum uersa, quinque panibus saturata multitudi-
ne, leprosis sanitati restitutis. Opera Dei Eliseus ab in-
sidijs Syrorum cum liberasset Israelitas, & hac de
causa Syrii Regis ita in se animum concitasset: ut
urbs, in qua erat, regio exercitu obsideretur, im-
petrauit à Deo: ut exercitum cæcitate correptum ab
obsidione deduceret: & in umbilico Samariæ consti-
tutum sanaret denique, qua affectus esset cæcitate.
Idem Deus, cum Syriorum exercitu Israelitæ in Sa-
maria sic obsideretur, ut inopia, fameq; grauissi-
mè laborarent: admonito prius eius, quod acturus
esset, Eliseo, terriculamenta immisit: quibus ndu-
cti sunt Syrii, ut desertis castris aufugerent, & ea
in manu hostium rerum omni copia referta relin-
querent. Quò factum est, ut Dei beneficio non mi-
nus obsidione, quàm fame liberarentur Israelitæ.
Nec pro sua benignitate Deus Israelitas, cum culpa

sua, delictisq; suis in manus Syrii Regis peruenissent, grauemq; seruitutem sustinerent, dereliquit, quominus eos liberaret, & restitueret in locorum, urbiumq;, quas bello amiserant, possessionem: cuius quidem beneficii conferendi omnem rationem explicauit Deus Eliseo, priusquam moreretur: qui cum ad mortem ægrotaret: quæ à Deo acceperat, indicans Regi Israelitæ non minus uidetur typo sagittæ, symboloq; orientalis fenestræ designare salutem, quæ ex Christo futura esset generi humano, quam quæ futura esset ex Rege Israelitis. Suam erga Eliseum animi propensionem, & beneuolentiam non solum testatus est Deus ei tribuendo, dum uiueret facultatem futura prædicendi, mira q; operandi: sed summopere etiam comprobauit, dum eius defuncti contactu ex morte excitari hominem procurauit. Quis hinc apertè non colligat corpora sanctorum hominum non esse ex Dei beneficio uirtutis expertia, nec esse contemnenda, ut quidam arbitrantur impij, sed custodienda, obseruandaq; ratione animarum? quæ piæ, sanctæq; eis tanquam uasculis quibusdam continebantur, & eorum opera, ministerioq; utebantur in plurium bonorum effectione. Si contactu cadaueris Elisei, qui sanctitate uitæ, & integritate animi pollebat, excitatus est à morte, & uitæ restitutus homo: cur hæsitandum est, eorum corpora, qui in religione Christi non solum sanctitate uitæ, & animi integritate præstiterunt, sed etiam Dei amore, Christi q; contemplatione sanguinem fuderunt, tormenta pertulerunt,

DE DIVI. IN HOMI. BENE.

mortem subierunt: sortiri Dei concessione, Dei-
 uoluntate obtinere posse uim, uirtutemq; operandi
 miracula, & tactu sanandi? O potentem Dei uir-
 tutem: o summam Dei, admirandamq; benignita-
 tem, atque beneficentiam. Immensa Dei, infini-
 taq; potentia non patitur, ut credamus quidquam
 excogitari posse, quod ab eo effici, praestariq; non ua-
 leat. Nec permittit etiam eius benignitas, atque be-
 neficentia: ut sentiamus quidquam eum nolle, quod
 sciat uel suorum, qui defuncti sint, honori augen-
 do conducere, uel noscat uiuentibus ad salutem, so-
 spitatemq; proficere, & usui esse posse. prout im-
 pium foret existimare eum, qui chalcibis mouendi ma-
 gneti potestatem tribuat: & excitada festuca uim,
 uirtutemq; electro praebet: plurimisq; alijs inani-
 mis rebus miram stupendamq; tradat operandi effi-
 caciam: non posse corpori hominis, in quo ipse dum
 uiueret homo, habitasset; uim, potestatemq; confer-
 re tactu sanandi, uitaq; restituendi humana cor-
 pora: ita sacrilegum foret, & nefarium opinari,
 eum qui omnis uirtutis exemplar sit, & pro sua bo-
 nitate uelit omnes homines, quatenus fieri possit, si-
 bi similes effici: aliquid uirtutis homini inuidere,
 aliquid honoris, existimationisq; eius agreferre:
 quatenus causa uirtutis honoratur: cum fieri nec-
 queat, quin si causa uirtutis & sanctitatis colatur,
 honoreturq; homo, ipse Deus qui uirtus est, & san-
 ctitas colatur, honoreturq; in homine. Vnde mihi
 uidentur plurimum honori Dei, atq; cultui detra-
 here: & Deum ipsum, dum credunt demereri, uale-
 re de offensa

ORATIO SECVNDA. 105

dè offendere, quicunq; sanctos, piosq; homines:
 qui non minus sanctitate uitæ, quàm diuinis mira-
 culis claruere, negant honorandos, atq; colendos:
 qui cum Deum ipsum referant, quatenus uirtute,
 sanctitateq; præstant: traduci, cõtemniq; minimè
 possunt: quin ipse Deus traducatur, atque con-
 temnatur: qui tantum abest, ut non ferat sibi acce-
 ptum quidquid honoris, cultusq; sanctis hominibus
 impendatur: ut id longè gratius, acceptiusq; habe-
 at, quàm si sibi non habita ratione hominis impen-
 deretur: cum id cultus, siue honoris intelligat non
 solum quandam suam cum homine coniunctionem:
 quam maximè optat declarari, atque agnosci, ar-
 guere: sed etiam prodesse plurimum posse sanctita-
 ti, uirtutiq; in hominum genere constituendæ. Si
 Deus idcirco factus est homo, ut hominem efficeret
 Deum: cur Deo summè gratus, mirificèq; acceptus
 non est censendus honos, cultusq;, qui exhibeatur
 homini: qui sic piè, sanctèq; uixerit, ut propositum
 Dei impleuerit, uoluntatiq; Dei satisfecerit: quate-
 nus sumendo hominem studuit, procurauitq; effice-
 re, ut homo piè, sanctèq; uiuendo Deum indueret,
 euaderetq; Deus. Sicut pium, sanctumq; hominem
 adeo non possumus honorare, neq; colere, quin san-
 ctitatem, pietatemq; colamus: ut omnino eum pro-
 pter sanctitatem ipsam, atque pietatem honoremus,
 atque colamus: ita fieri non potest, quin Deum, ip-
 sum colamus, si pium, sanctumque hominem co-
 limus: qui cum propter uirtutem & sanctitatem co-
 latur, & quatenus pius, sanctusq; est, honoretur:

○

DE DIVI. IN HOMI. BENE.

tam propter Deum, qui uirtus est, & sanctitas, colitur: quàm ueluti Deus, Deumq; referens, representansq; honoratur. Ex uobis obsecro ciues argumentamini paulû, possit'ne Deus offendi sanctorum hominum cultu. Si quisquam uestrum uirtute præditus, & probitate præstans filium habeat: quem sic instituerit in uirtute, & in cultu probitatis sic eduxerit: ut in eo non tam corporis, quàm animi, morumq; suorum expressam imaginem perspiciat: & eum sua opera, suoq; studio eiusmodi effectum animaduertat: putandum'ne est fieri posse, ut is indignè ferat filium huiusmodi à quo se referri sciat, & quem quod dignum habeat laude, & honore, ab se habere cognoscat: uulgò honorari, publiceq; in estimatione haberi? An potius censendum est honorem filio exhibitum tantò fore patri ipsi gratiorem: quantò magis ex conditione filij curam, studiumq; suum comprobari, suam uirtutem magis illustrari, propagariq; agnouerit? Si tam abest, ut honorem filij pater indignè ferat, eoq; offendatur: ut maxime laudi eum sibi ascribat, & in eo sibi plurimum placeat: quid de Deo existimandum est? qui tam omnis inuidiæ, liuorisq; est expers: ut omnis boni, cuius causa possit esse liuor, ipse sit author: et tam sua in sanctos homines charitate, & affectu superat patris cuiusque amantissimi in filios affectum, & propensionem: ut ipse omnis legitimi amoris, omnisq; naturalis affectus causa sit, & origo. Quapropter nolim ciues mei, ullo pacto aures adhibeatis impijs eorum cauillis: qui dàm nimis uideri cupiunt Christi,

Dei; amantes, & studiosi: detrahunt pijs, sanctisq;
hominibus: & Deum, Christumq; duntaxat colen-
dum, observandumq; proclamantes, sanctorum ho-
minum cultum reijciunt, perinde ac si cultus eorum
Christi, Dei; cultui, honoriq; aduersaretur: &
Christi auctoritatem imminueret. Dum enim minus
recte percipiunt tam Dei, quam Christi rationem: eo-
uenit, ut dum credunt se causam Dei, Christi; tue-
ri, melioreq; efficere, laedant uehementer, ualdeq;
oppugnent. Dum enim quibusdam quasi cancellis
tam Deum, quam Christum concludunt, & a Chri-
sto, Deoq; sanctos homines separant, arguuntur ex-
istimare sanctitatem esse, quae non sit Deus, & esse
se uirtutem, quae non sit Christus: quod quidem meo
iudicio non minus est absurdum dictum, quam impium
creditum: & quod tam Dei, & Christi conditioni re-
pugnat, quam detrahit auctoritati, & perfectioni.
Virtus esse non potest, ubi non sit Christus: qui ar-
chetypus est omnis uirtutis. Sanctitas esse non potest,
ubi non sit Deus, qui sanctitatis omnis est exemplar.
Qua ratione fit, ut si homo, qui praeditus sit uirtu-
te, & sanctitate polleat, colatur, obserueturq; pro-
pter uirtutem, atque sanctitatem, non ipse sit ho-
mo, qui colatur, sed uirtus, quae nihil aliud est,
quam Christus, ac sanctitas, quae nihil aliud est,
quam Deus: quae obseruetur, atq; colatur in homine.
Mortuo Eliseo Deus non destitit pro singulari sua beni-
gnitate, & beneuolentia in Hebraeos excitare alios, at-
que alios sanctos uiros, atque prophetas; a quibus
de peccatis redarguerentur, & ab impietate, cul-

DE DIVI. IN HOMI. BENE.

tuq; Demonum, si fieri posset, reuocarentur ad pietatis studium, ueraq; religionis obseruantiam. Suscitauit itaque Osæam: qui sanctitate præstans, & uaticinandi spiritu repletus, non solum commemoratis, quæ acceperant beneficijs, studuit eos ad cultum ueræ religionis, diuinorumq; mandatorum obseruationem reducere; sed etiam miserijs, & calamitatibus, quæ eis, nisi resipiscerent euenturæ essent, enuntiatis, non minus increpando, quam minitendo detertere eos conatus est ab ea, qua abundabant impietate. qui sanè uir diuinus, prout ex ipsius monumentis patere potest, tam de gentibus profanis ad uerū religionis cultum conuertendis, quàm de Christo, Christi q; resurrectione plurima uaticinatus est: & ueluti præ oculis, quæ futura essent haberet, insigniter explicauit. Ioëlem quoque suo diuino spiritu afflauit; qui clades, quæ pro peccatis ac impietate imminerent plurimæ prædicens, prouocauit eos ad pœnitentiam agendam, & imminētis exitij explicato discrimine procurauit enixè eos detertere à uia malitiæ, delinquendi q; prauitate: qui etiam, dum iustitiæ doctorem futurum, imbrem matutinum descensurum commemorat: tam clarè Christum, Christi q; diuinā conceptionem indicauit, quàm apertè significauit eam, quæ post Christi resurrectionem, ascensum q; in coelum facta est denique diuini spiritus in Apostolos, sanctos q; homines infusio: et non minus extremi, quod futurum sit iudicii rationem, formam q; explicauit, quàm signa præscripsit, atque ostenta: quæ Christi mortem insecuta referun-

tur tam cœli, quàm terræ causa: & tam siderum,
quàm stellarum deliquio. Effecit præterea, ut ab A=
moe, quem non minus pastorem diligentem, quàm
pium, sanctumq; prophetam instituerat; interpella=
rentur ad studium pietatis, & ad cultum ueræ re=
ligionis: qui cum minitando detegeret, quæ subitu=
ri essent peccatorum causa incommoda, et detrimen=
ta: meminisse quoq; cõperitur Christi seruatoris no=
stri, salutisq; generi humano Dei beneficio afferen=
dæ. Michææ etiam uiri prophetæ opera usus est: ut
eos deterreret ab impietate, & auerteret à flagitijs:
qui quidem Michæas non minus se strenuum præ=
buit in eis corripiendis, admonendisq; omnium, quæ
passuri essent, nisi uitam corrigerent: quàm diligen=
tem, ueracemq; se præstitit in Christi aduentu præ=
dicendo: & in Christi uirtute, atque potestate sym=
bolo excelsi montis significanda. Nec defuit, quin Io=
næ officio etiam uteretur in eis arguendis, atq; re=
prehendendis: qui cum deinde iussus adire Assirios:
quò eos ad pœnitentiam de peccatis agendam adhor=
taretur: & indicata, quæ immineret impœnitenti=
bus clade, deterreret à criminibus: detrectare uide=
retur: meruit, ut inglutiretur à Cethe: cuius uentre
cum ita fuisset conclusus, ut tertio die uiuus euome=
retur: obtinuit, ut non minus re ipsa exprimeret
mortem Christi, resurrectionemq; ; quàm uerbis ua=
ticinioq; explicaret. Esaiam quoque singulari san=
ctitate, & uirtute prophetam induxit; à quo
grauiter reprehenderetur, & suo nomine minis ad=
hibitis increparentur. Hic est ille Esaias, qui tanta

DE DIVI. IN HOMI. BENE.

sanctitate prestitit, & tantam uaticinandi uirtutem
 diuino beneficio consecutus est: ut inter sanctos, pi-
 osq; homines habeatur sanctissimus; & inter diui-
 nos uates diuinissimus censeatur: qui quidem, si ea,
 quæ de Christi uita, institutis, miraculis, uirtute,
 operatione, morte tradidit uaticinando, considen-
 tur exactè: non pauciora propemodum de eo, nec
 obscuriora uidebitur recensuisse prophetado: quàm
 qui discipuli eius, atque Apostoli fuerunt: remq; o-
 culis subiectam scribendo, historiamq; texendo tra-
 diderunt, memoriæq; mandarunt. O egregiū, ad-
 mirandumq; uatem: cui licuit tam multo ante tem-
 pore uirginis partum cognoscere, Dei filium natu-
 ram hominis induturum comprehendere: & quid-
 quid de Christo futurum erat tam mortis, quàm ui-
 tæ ratione intueri. Quàm Deo amicus, quàm fa-
 miliaris censendus est extitisse homo huiusmodi: cui
 tam mysticæ, arcanæq; rei reuelata sit ratio: & cui,
 quæ ignota Angelis, spiritalibusq; intelligentijs ab-
 sconsa fuerat beneficij tanti executio; detecta sit, at-
 que exactè demonstrata? Non tamen Hebræi tā pij,
 sanctiq; uiri monitis parere, nec tam ueridici, diui-
 niq; uatis dictis fidem adhibere uoluerunt: sed con-
 temnentes tam huius, quàm reliquorum, quos De-
 us pro sua beneuolentia, & benignitate eis legarat,
 monita, atque uaticinia, non solum perstiterunt in
 solita peccandi pertinacia: sed in deterius etiam la-
 bentes nihil sceleris, atque flagitij inexpertum, ni-
 hil impietatis, atque mali intentatum reliquerunt.
 Vnde nihil minus, quàm Dei benignitatem, atque

beneficientiam in se agnoscentes adeo prophetis Dei ipsius nomine ad poenitentiam interpellantibus non obtemperarunt; adeo uiris diuinis, Deiq; legatis fidem non adhibuerunt: ut eos subsannarent, probris afficerent, uiolarent, interficerent. Quæ ratione Deus animaduertens se iam tantum operæ, atque studij impendisse pro corrigendis, ad poenitentiamq; inducendis Hebræis; quod satis esset, conueniensq; foret suæ in hominum genus benignitati declarandæ: ne indulgentiæ ratio ulterius progrediens, quàm sufficeret bonitati, benignitatiq; ostendendæ, detrahere uideretur iustitiæ, occasionemq; præstare delinquendi: statuit experiri, si quos rebus prosperis, secundisq; rerum successibus sibi demereri nequiuisset, & ab impietate, malitiâq; auertere nec monitis, nec minis ualuisse: posset sinistris, aduersisq; rebus commouere: & supplicium sumendo, iustitiâq; exercendo, reuocare ad meliorem uitæ rationem. O ex æctum diuinæ prouidentiae examen. O admirandum diuinæ beneficentiæ cumulum, de quibus sumitur suplicium ob delicta, eis consulitur: in eosq; beneficentia exercetur. Ratio iustitiæ sic habetur, sic iustitiæ exercendæ incumbitur: ut tamen proficisci, benefaciendiq; subsit in primis propositum. Nichil prætermittit pro suo benemerendi de nobis studio Deus, quod non experiatur, quod non tentet: ut beneficio nos afficiat: ut beneficentiæ suæ largitatem in nos exerceat. Quatenus nobis expedire prospicit, et quatenus nostræ ueræ utilitatis rationem pati animaduertit: nos lætis, secundisq; rebus cumulat. Quæ

DE DIVI. IN HOMI. BENE.

tenuis uero uel ratio corrigenda uitae, uel expianda
noxae, uel maioris meriti ineundi exigit: ut tanga-
mur aduersis, & corripiamur incommodis: non praeter-
mittit occasionem nobis consulendi, & nostrae sa-
luti, si fieri potest, adhibito remedio prospiciendi.
Quod fit, ut siue accipiamur aduersis, siue calamita-
tibus implicemur, siue interitu etiam arripiamur:
oporteat id semper adscribi beneficentiae Dei erga nos,
& loco ingentis beneficii accipi, atque agnosci: quo-
nia Deus pro sua bonitate, suaque egregia in nos cha-
ritate non pateretur quidquam nobis contingere, quod
habita uerae utilitatis, salutisque nostrae ratione dam-
nosum foret, atque exitiosum. O si possemus ciues
aliquatenus diuinae providentiae penetrabile ingredi:
& singulorum, quae Dei uoluntate, atque consilio
nobis eueniunt, rationem ita comprehendere: ut et-
tiam scire possemus, quid alioqui fuisset euenturum:
nisi quae numero malorum, aduersorumque censemus,
Dei opera euenissent: quantum deprehenderemus
opinionem nos decipi; quantum agnosceremus nos er-
rare in rerum, casuumque humanorum accipienda
ratione. Sunt sane plurima, quae malorum nomine
censemus, & quae aduersa existimamus, & perniti-
ciosa: quae tamen adeo non sunt mala, adeo perniti-
ciosa existimari non debent: ut ea Deus sinat acci-
dere, atque immittat: ne malum incurramus, ne per-
nitiem subeamus. O quam multa sunt, quae nescij
providentiae diuinae, & ignari uerae rerum rationis,
atque naturae, existimamus mala, & pernitiociosa:
quorum tamen rationem si haberemus cognis-

tam; & ex Dei proposito perperderemus: tan-
 tum abesset, ut ea censeretur possent mala, atq; per-
 nitiosa: ut deprehenderentur salutaria remedia
 pro cauendis, fugandis que uerè malis. Ne pu-
 tetis ciues Deum illum beneficum, & amantem
 pro sua bonitate, suaq; in nos beneuolentia, & cha-
 ritate permissurum quidquam, aut effecturum: in
 quo non habeat summam nostræ ueræ utilitatis, no-
 stræq; salutis rationem: & in quo suæ beneficentiæ
 munus erga nos non exerceat. Me prædem do uobis
 ciues: hanc animam uobis, si licet, obstringo: quam
 uolo impietatis fontem, mendacijsq; ream cōstituatis,
 ad tribunalq; Dei denique trahatis: nisi cum hac u-
 ta exceßerimus, comperiat non solum hæc omnia,
 quæ prædico uobis, affirmoq; de Dei in hominem
 beneuolentia, & propensione esse uera: sed etiam
 tantam esse Dei ipsius erga hominem curam, & cha-
 ritatem: ut ne mente quidem, intellectuq; appren-
 di possit, ne dum uerbis exprimi, sermoneq; huma-
 no completi. Quapropter ciues agnoscamus obse-
 cro, dum hic degimus: & toto pectore, totoq; ani-
 mo accipiamus id studiij, id beneuolentiæ, id chari-
 tatis erga nos diuinæ; & benignitatem, beneficen-
 tiamq; Dei in nos gratitudine animi, quantum fie-
 ri potest, approbemus: ne cum denique de nobis iu-
 ditium agatur, comperiamur ne minima quidem
 ex parte respondisse diuino in nos amori, & conuin-
 camur gratitudine animi caruisse: & plurimum in
 agnoscendis beneficijs in nos diuinis defecisse. O
 quam erubescemus tunc ciues: o quam pudore sus-

DE DIUI. IN HOMI. BENE.

fundemur tunc : cum redarguet nos palam Deus de ingratitude , & de rustica immanitate , qua usi fuerimus : dum nihil minus curauerimus , quam eum amare , eumque beneuolentia prosequi ; à quo fuerimus tam ardentem amati , tantoque beneuolentiae studio complexi . Quantum id confusionis , quantum id ignominiae existimatis fore ciues : cum Deus ingratitude nobis obijciat , beneficia recenset , quibus ingratos nos affecerit : & explicabit studium , atque curam , quibus usus fuerit pro sua in nos animi propensione : ut nos induceret ad dimittendum peccata , & ad habendam rationem nostri finis , nostraeque salutis ? Quantum tristitiae , quantum tormenti concepturos inde fore nos , credendum est , cum clare , palamque uidebimus , animaduertemusque promptam adeo , studiosamque nobis benefaciendi , nostraeque salutis consulendi diuinam uoluntatem : & agnosceamus nos nostrae culpa fraudatos esse tot bonorum commodis , tantaque perpetuae quietis , atque salutis felicitate priuatos ? Quantum fuerit id miseriae , quantum fuerit id afflictionis , quam sentiemus , quamque patiemur : cum animaduuerimus bonorum copiam , beatitudinisque aeternae fruitionem ; quam pro sua bonitate , suamque in nos beneuolentia Deus nobis parauisset ; dum nobismetipsi defuimus , amisissam : & cum cognouerimus quo de gradu felicitatis nostra culpa deciderimus : & in quas poenarum , & calamitatum lernas nosmetipsos coniecerimus ? O tartareas poenas , o cruciatus infernales . Quis fuerit ex nobis ciues adeo animi impudens , adeo suae sa-

ORATIO SECUNDA. 110

lutis contemptor, adeo miseriæ, pœnarumq; impa-
uidus: qui cum hodie intelligat, quo profiendi no-
bis studio agatur: quo beneuolentiæ & charitatis
affectu in nos tangatur Deus: non commoueat
ad eum colendum, amandumq;: & eius in nos a-
mori, atque charitati aliqua saltem ex parte respon-
dendum? cum præsertim in eo amando, colendoq;
consistat omnis ratio nostræ salutis: & omnis tam
uitandæ miseriæ, quàm felicitatis consequendæ oc-
casio. Ne igitur tam ingratitude, quàm impu-
dentia uitio laborare prorsus arguamur: & ne tam
salutis nostræ nullam rationem habendo, quàm nul-
lam miseriæ, pœnarumq; cautionem procurando cõ-
uincamur omnino stolidi, ac amentes: excitemus
animos, ac studium, curamq; omnem dirigamus ad
colendum beneficium, salutaremq; Deum: & ma-
xima, innumeraq; eius in nos tum collata, tum
præparata beneficia gratis animis accipientes, agnos-
centesq;, totis animis, totis uiribus contendamus:
ut ei in beneuolentia, & charitate, qua nos mirum
in modum prosequitur, aliqua ex parte responde-
amus: & quatenus pro uirili nostra possumus, aman-
do uices rependamus. Sed iam ne propositæ materiæ
ordinem deseramus, ad Hebræos reuertamur: quos
cum uidisset Deus secundis, prosperisq; rebus non
posse induci ad cultum pietatis: nec monitis, mi-
nisq; ualere commoueri ad uitãdam prauẽ, impieq;
agendi rationem: aliam excogitauit, tentauitq;
uiam eos corrigendi, eosq; ab impietate, atque pra-
uitate reuocandi. Cum enim fieri possit aliquando;

DE DIVI. IN HOMI. BENE.

ut qui secundis rebus elati nihil minus curēt, quā
quod sit sanētītatis, & religionis: aduersis circum-
uenti resipiscant: & non minus curam, studiumq;
religionis assumant, quā quærant, procurentq;
Dei fauorem sibi sanētītatis studio conciliare: quō
uel ex aduersis eruantur, uel saltem in eis toleran-
dis æquanimius sese habeant: idcirco Deus, qui pro
sua in hominem benignitate, & beneuolentia nescit
omittere quidquam, quod possit esse remedio salutis
eius restituendæ, siue conseruandæ: Hebræos rebus
aduersis grauiter concussit; & eò fortunæ, & cala-
mitatis adduxit: ut patrijs urbibus priuati, extor-
resq; facti Assirijs Regis ditioni, imperioq; subijceren-
tur; & captiuitati traditi Assirijs seruire cogerentur.
Id cladis, id uastitatis passæ sunt illæ decem tri-
bus Hebræorum: quæ iam sibi constituto Rege desci-
uerant a filio Solomonis: & in Samaria habitantes
nihil commertij tam templi, quā Regis causa reti-
nuerant cum reliquis, quæ duæ erant, tribubus. He-
igitur decem tribus Hebræorum cum peccando, im-
pieq; agendo ad summum noxæ culmen peruenisse-
sent: quō pœnas delictorum luendo, & diuinæ ius-
titie rectum examen experiendo haberent, unde
resipiscerent, & agnoscerent peruersitatis, impieta-
tisq; suæ grauitatem; & agnoscendo pœnitentiam
agerent, meliorisq; uitæ rationem ingrederentur:
Dei consilio, Deiq; beneuola, beneficaq; uoluntate
in captiuitatem reductæ sunt: & rebus aduersis per-
cussæ, prouocatæ sunt ad pœnitentiam delictorum,
& ad cultum pietatis, atque uirtutis ualidè, poten-

ORATIO SECVNDA. III

terq; interpellatæ. Deus enim studio sanandi, curâ
diq; eas percussit; benefaciendi, atque proficiendi
desiderio in captiuitatem, atque seruitutem redegit.
sic rationem in summendo de reis supplicio habuit
iustitiæ: ut benefaciendi, consulendiq; eis nullo pa
cto rationem neglexerit. Qui causa beneuolentiæ,
& studio proficiendi decem tribus Hebræorum Affi
rijs bello superari, captiuasq; duci permisit: idem
pro sua benignitate, & beneficentia, reliquas dua
as tribus seruauit indemnes, custodiuitq; incolumes
Assirijs ipsis, à quibus æquè bello infestabantur, no
ctu ad centum octoginta quinque millia occisis, at
que trucidatis. Nondum eò prauitatis duæ tribus
peruenerant: ut pro lege diuinæ prouidentiae, atq;
iustitiæ deberent aduersis rebus, insigniue aliqua
clade prouocari ad pœnitentiam, & ad melioris ui
tæ rationem ineundam interpellari. Erat præterea
tunc temporis ea Iudæi Regis probitas, in Deumq;
obseruantia: ut nec ipse indigeret, ut aduersis, aut
cladibus induceretur ad pœnitentiam: nec patere
tur subiectos indigere: quos exemplo, monitis, præ
ceptisq; continebat in studio pietatis, cultuq; religio
nis: & tam docendo, quàm faciendo studebat à ui
tijs abducere; & ab impia peccandi lue summoue
re: qui quidem cum laboraret aliquando ægritudine
corporis, ut foret moriturus, Dei beneficio etiam cō
secutus est, ut uitæ quindecim anni adijcerentur.
Quo quidem mortuo cum filius patri multum dissi
milis ius regium adeptus fuisset: & tam nefariè ui
uendo, quàm crudeliter occidendo grauiter Deum

DE DIVI. IN HOMI. BENE.

offendisset : pro sua crudelitate , suisq; pro flagitijs
meruit , ut in manus Assiriorum deueniret ; & uin-
ctus cathenis , atque compede duceretur captiuus Ba-
bilonem : ubi cum poenitentia flagitiorum indu-
ctus se ad Deum conuertisset , eiusq; auxilium , ac
opem ex animo implorasset : pro ea benignitate De-
us , qua poenitentes , ad seq; reuertentes omnes libe-
ter admittit : & pro sua uoluntate benefica , pro-
pensaq; maxime ad consulendum homini , & bene-
faciendum : eum cathenis exoluit ; & dura seruitij
compede liberauit ; in patriamq; reductum in re-
gnum restituit : cuius secuta morte^{ca} filius succe-
dens ob suam erga Deum obseruantiam , & pietas-
tem obtinuisse , ut Deus paratam ad puniendum
scelera Iudeorum manum contineret , & parceret :
quo minus idem in eos permetteret fieri , quod con-
tra Israelitas , decemq; tribus antea permisisset : sed
cum huic tam pio religiosoq; Regi succedentes
singillatim tam filij , quam nepotes nihil minus age-
rent , quam quod dignum foret pio , religiosoq; ho-
mine , & non minus ipsi multiplici impietatis gene-
re , multifariaq; flagitiorum turpitudine pecca-
rent : quam subiectos licentia inducerent , & ex-
plo prouocarent ad peccandum , impieq; agendum ;
contraxerunt sibi clades ; & facti captiui , in serui-
tutemq; reducti Caldaeorum , regnum amiserunt ,
& una cum subiectis tam regia urbe excisa , quam
destrueto templo miserabiliter afflictis fame , oppres-
siq; fuerunt . Qui Hieremie diuini hominis , atque
prophetae Dei nomine interpellantis ad poenitentiam ,

futurasq; calamitates, ni sequeretur emendatio, prædicentis uerbis, sermonibusq; noluerant aures, fideiq; adhibere: qui Sophoniæ æquè propheta, sanctiq; hominis monitis, uaticinijs, minisq; se non suerant commoueri: quominus in dies deteriora committerent, & nefandius, flagitiosiusq; uiuerent: tandem se coniecerunt in clades, miseramq; Babilonij Regis seruitutem: & dum seruire Deo, eiusq; mandatis parere detrectarunt, se barbari Regis seruituti subdiderunt: & se tyrannidi, ditioniq; Caldei Regis obstrinxerunt. O crassam hominum ignorantiam: O pertinacem, absurdamq; amentiam. Cui seruiendo liberi esse poterant; cui parendo felices uiuere, & omni rerum copia abundare, secundisq; rebus frui ualebant: eius seruitium recusantes, eiusq; mandata uiolantes, libertatem amiserunt, in calamitates inciderunt, omnium rerum inopiam incurrerunt, rebus mirum in modum aduersis oppressi sunt. Dum seruire Deo, cuius seruitium dulce esset, & salutare, recusarunt: & dum mandatis Dei, quæ non minus utilitatis, quàm sospitatis continebant, obtemperare noluerunt, in duram, asperamq; seruitutem tyranni hominis inciderunt: & eius mandata non minus graua, quàm pernitiōsa subierunt. Quamuis Hebræi pro sua peccandi peruitia, offendendiq; Dei promptitudine mererentur, ut a Deo penitus desererentur, contemptuiq; haberentur, & odio: tamen Deus, quid mereretur, nequaquam respiciens, sed suæ bonitatis, suæq; benignitatis rationem habens, adeo beneuolum in eos se ostendit.

DE DIVI. IN HOMI. BENE.

dit, adeo beneficium se præstitit. ut quos captivos du-
ci, aduersusq; rebus percuti permisisset, ut sanesce-
rent, meliori; uitæ rationi restituerentur: procura-
rit etiam dum in potestate hostium essent, & capti-
uitate detinerentur, admonendos suo nomine, &
interpellandos ad pœnitentiam. Adeo pro sua beni-
gnitate, suaq; in hominem propensione Deus non
est auersatus; nec odio persecutus eos, à quibus to-
ties iniuria affectus, toties impietate, & flagitijs of-
fensus fuisset: ut legaret, mitteretq;, qui eos solare-
tur, eisq; certam spem euadendi de captiuitate af-
ferrent: dummodo pœnitentia flagitiorum afficeretur,
& ad studium probitatis, cultumq; ueræ reli-
gionis sese referrent. O ingentem curam, quam de
salute, utilitateq; hominis gerit Deus. O studium,
operamq; insignem, qua utitur Deus, ut curet, sa-
netq; hominem: & ad sospitatis, salutisq; munus
restituatur. Non uisum fuerat satis curæ impensum, nō
satis studiū, operæq; exhibitum: quatenus procura-
ta captiuitate, & allatis rebus aduersis studuit
eos sanare uitijs, & reuocare ad salutem: nisi uiros
etiam prophetas, sanctitateq; excellentes destinaret
ad eos: quò salutis suæ admonerentur: quò inuita-
rentur ad pœnitentiam: quò in spem certam eua-
dendi inducerentur: & futuræ, nisi sibi deessent,
liberationis solatio afficerentur. Cum itaq; Hebræi
captiuitate Babilonica detinerentur; & in potesta-
te Caldæi Regis essent: Deus pro sua in eos beneuo-
lencia, & pro suo eis consulendi studio, atque desi-
derio compellauit Ezechielem, edocuitq;, quæcun-
que

que suo nomine uellet eis nuntiari: qui quidē Ezechiel diuino spiritu actus nō destitit admonēdo, adhortando, instruendo ad pœnitentiā prouocare: & uerbis Dei spondere liberationē: dummodo ipsi Deū sibi proponerēt colendum, atq; obseruandū; & ab idolorum cultu, prauaq; agendi cōsuetudine recederent. Hic Deo suggerēte futuram liberationem ita prædixit: ut reditum in patriam spōderet; & dirrutæ urbis reparationem, destructiq; templi instaurationem faciendam indicaret. Quām diuinus fuerit, quām diuinorum arcanorum conscius extiterit hic homo; quem monitorem, doctorem, solatorem tradidit Deus Hebræis: indicare satis possunt eius monumenta, quæ adeo diuinis arcanis referta sunt; adeo diuinæ sapiētiæ thesauris locupletata: ut in sacris Hebræorum libris uix aliud quidquam monumenti inueniri existimem: quod altiolem de diuinis rebus tractatum contineat: & maiora diuinitatis, Deiq; ipsius arcana complectatur. Sed sicut huius diuinis uatis monumenta miram, stupendamq; diuinarum rerum materiam complectuntur: & mirificos continent diuinæ prouidentiae, diuinæq; beneficentiæ successus, atque euentus: ita multifarijs rerum typis, atque symbolis oppleta, & obscuris uerborum inuolucris offerata sunt: ut non ab re ueteri Hebræorum instituto decretum uideatur: ne quis, qui mature non foret ætatis, & saltem tertiam annorum decadem ætate non impleuisset, huiusmodi monumenta tam primæ, quām extremæ partis ratione attingeret: & tam legendo, quām interpretando

DE DIVI. IN HOMI. BENE.

attingeret. Hic diuinus propheta de coelesti Dei regno, de salute humani generis, de Christi aduentu, principatuq; , & de sacræ Ecclesiæ institutione plurima sanè uaticinando tradidit, sed inuoluta rerū typis, & uarijs symbolis, metaphorisq; obscurata. Quatenus tamē ex persona Dei inuitat aues, bestiasq; terræ ad comedendam carnem, bibendumq; sanguinem magnæ, proceræq; uictimæ, quæ immolanda esset: aperto satis, & manifesto typo designat Christum nostrum seruatorem, qui instar ingentis uictimæ, pro peccatis nostris immolatus est: & instituto sacramento suam carnem in cibum, suumq; sanguinem in potum omnibus tam paruis, quàm magnis, tam rudibus, quàm perspicacibus præbuit. Qui etiam ab eodem uate indicatur tam typo pastoris, qui mittendus à Deo singularem curam ouium esset habiturus, quàm Regis, qui constituendus à Deo esset: & sublati idolis, uanæq; Demonum superstitione solus esset regnaturus. Suam quoque Deus curam, beneuolentiamq; erga captiuam Hebræorum gentem ostendit; cum Daniel tam munere uaticinandi, quàm somnia interpretandiscientia præstantem reddidit: quò eius officio, atque opera uteretur tam in solando, commonefaciendoq; , qui Babilone captiui detinerentur, quàm in demerendo Rege Babilonio, ipsisq; captiuis conciliando. Hic nempe Daniel Dei opera cum indicasset Regi Babilonio somnium, somniq; interpretationem edidisset: id fauoris, & existimationis sibi quæsiuit apud eum; ut non solum ipse præ-

mijs, donisq; afficeretur, sed etiam causa ipsius ca-
 teri Hebraeorum ab ipso Rege benè, commodeq; ha-
 berentur. Hoc est illud celebre somniū statuæ; quam
 uaria rerum compage constructam, confictamq; Re-
 gi uisam Daniel indicauit: indicatamq; ita interpre-
 tatus est, ut lapis nulla hominis manu, atque ope-
 ra ex monte sublimi abscissus, qui in statuam corru-
 ens eam non solum fregit, comminuitq; sed etiam
 in tenuem puluerem redegit: Christum indicet, si-
 gnificetq;: qui de sublimi Dei monte descendens in
 terras, contriuit uaria Demonum regna, multipli-
 cesq; dissipauit uanorū Deorum superstitiones: qui-
 bus deletis, instarq; pulueris eleuatis sic ipsius reli-
 gio, atque cultus auctus est, & excreuit: ut tan-
 quam mons quispiam sese latè diffuderit, uniuersū
 sumq; orbem occupauerit. O lapidem angularem,
 o lapidem offendiculi. Hic est lapis ille probatus, &
 preciosus à Deo missus, à Deoq; destinatus in funda-
 mentum mysticæ Sionis: cui attestante propheta, in-
 herere omnino oportet eum, qui credendo, fidemq;
 habendo sibi consulere, suæq; saluti prospicere uo-
 luerit. O uastum, excelsumq; montem, in quem
 conscendere uoce prophetes iubet Deus, adhortaturq;
 eum; qui speculando proficere, qui adorando be-
 nè mereri, qui mandata obseruando uelit sibi salu-
 tem comparare. Hic est mons sanctus ille Dei, in cu-
 ius uniuersa regione, Deo ipso apud prophetam as-
 serente, neque Aspis cuiquam nocere, neque Regu-
 lus quenquam occidere potest: qui quidē mons cum
 omni bonorum genere pingueat, & omnigeno uir

DE DIVI. IN HOMI. BENE.

utis fructu fecundus sit : meretur habere Deum
habitorem . Hic est mons , in cuius cacumine con
sistens Deus salutaria generi humano documēta tra
didit : & in quem ascendere nos omnino oportet , si
uolumus rectas Domini vias addiscere : & salutar
rem uiuendi semitam , siue rationem sectari . Suc
cingamur itaque ciues , & contendamus enixè con
scendere huiusmodi latum , fecundumq; montem :
cuius quidem conscensus licet principio uideatur in
star Hesiodicæ uiae difficilis , atque arduus : tamen
extremo adeo nihil difficile , atque laboriosum con
tinet , habetq; : ut miram uoluptatem , iucundita
temq; afferat : & plenam felicitatis quietem pariat .
Venite ergo ciues , ingrediamur iter , conscendamus
montem hunc ; in quo conscendendo plures offerun
tur commoditates quiescendi : & nihil minus ue
rendum est , quàm ne longè plus uoluptatis , quàm
laboris ineatur : & quo conscenso denique tam pro
cul abest , ut sensuri simus quid lassitudinis , atq; la
boris , ut laboris omnis recordatio auctura sit felici
tatem : & tantò maiorem quietem , uoluptatemq;
allatura : quantò tolerandi , sustinendiq; maiorem
proiuntiam inita fuisse admonebit . Quis fuerit ex
nobis adeo animi deficiens , adeo laboris impatiens ,
adeo pigritiae amicus , & inertiae ; qui cum uideat
uel mediocri cum labore ad tantum quietis , felici
tatisq; montem huiusmodi conscendendo perueniri
posse : subtrahat se , & modici laboris obiectu se de
terreri patiatur : quo minus adgrediatur salutaris
montis ascensum : & uiam quietis obtinenda , feli

citatisq; consequendæ ineat? Nullus sit ex uobis ob
 secro ciues, qui modici, uel nullius propemodum la-
 boris fuga, & formidine sibi ipsi desit: seq; ipsum
 fraudet ea quiete, ea felicitate, ea salute: quæ
 montis huius facili consensu parari possit, & obti-
 neri. Nullus sit omnino: qui tantum inertie, tan-
 tumq; socordiae in se cadere patiatur, & tam segni-
 ter suæ quietis, suæq; felicitatis rationem ducat: ut
 prætermittat, dum superstitie hac uita licet, sumere
 iter ad montem, montemq; ascendere: cuius ascen-
 sus tam uitæ huic quietem, tranquillitatemq; præ-
 stet: quàm alterius uitæ conditionem perpetuò feli-
 cem, & immortaliter beatam reddat. Qui lapi-
 dis, montisq; typo Christum designari, Christi-
 q; re-
 gnum significari interpretato Regis somnio indica-
 uit: idem Dei beneficio nouit, uaticinandoq; decla-
 rauit Christi mortem futurâ: mortisq; futuræ tem-
 pora certa hebdomadam supputatione demonstra-
 uit. O pulchrum, singularemq; uaticinandi mo-
 dum: quo non solum rerum futuri euentus prædi-
 cuntur, sed tēpora etiam, quibus res euenturæ sint,
 demonstrantur: & quo nō minus nominatim quod
 futurum sit declaratur, quàm quibus temporū spa-
 cijs, quibusq; operandi rationibus efficiendū sit, ex-
 plicatur. Non enim solum uaticinando prædixit Da-
 niel uenturum cum nubibus cœli filiū hominis: cui
 Deus sit daturus in omnes homines principatum: &
 cuius potestas perpetua, & dominatio sempiterna
 sit futura: sed etiam Christum nominatim expri-
 mit: quem indicato, definitoq; tempore occiden-

DE DIVI. IN HOMI. BENE.

dum dicit esse, & à populo abnegandum: à quo uti
dux, Rexq; haberi alioqui debuisset. Idem quoq;
Daniel de corporea hominum resurrectione sic si-
gnanter uaticinatus est, & de resurgentiū tum ad
pœnas, tum ad beatitatem conditione sic appositè
tradidit: ut non alijs propemodum uerbis de ea lo-
cutus Christus, Christi; Apostoli comperiantur. Ea
fuit in hunc Danielem Dei beneficentia, & libera-
litas: ut non solum ei uirtutem uaticinandi tam ex
actè tribuerit, potestatemq; tradiderit ueraciter in-
terpretandi somnia: sed etiam eum magna cum mi-
raculi ostentatione bis liberauerit ex famelica leonū
rabie, crudeliq; immanium ferarum discerptione.
Quæ sanè liberatio licet priuatim in ipsum Danie-
lem Dei miram arguat, comprobetq; beneficenti-
am, atque beneuolentiam: tamen publicè etiam er-
ga Hebræos Deum beneficum ostendit, & beneuo-
lum: qui conseruato à quo plurimum iuuaretur,
non potest non uideri plurimum eis consuluisse, &
non potest non agnosci editis in Daniele tot miracu-
lis, rationē habuisse eorum inducendorum ad cul-
tum ueræ religionis, & ad sanctioris uitæ studium,
sacrorumq; mandatorum obseruationem excitando-
rum, atque commouendorum. Qui se beneficè, be-
neuolèq; habuit in Danielem Deus liberando eum à
discrimine mortis, rabidaq; fame leonū, idem non
minori usus, quàm Danielis causa, miraculo, se ue-
hementer beneuolum, beneficumq; præbuit erga
tres Hebræos uiros, qui iussu Babilonij Regis, cum
statuam, quam publicè erexerat ex auro conflata,

adorandamq; proposuerat, recusarent adorare: con-
 iecti fuerant in medios ardētis fornacis ignes: a quib-
 us Dei beneficio, Deiq; miraculo illæsi custoditi
 sunt, & incolumes; & Angelo Dei, Deiue filio co-
 mite lethales, mortiferosq; ignes euaserunt. O stu-
 pendum Dei miraculum, o beneuolentiam Dei exi-
 miam, huiusmodi miraculo declaratam. Quoniam
 enim maiori, stupendoq; magis miraculo potuisset
 Deus testificari suam in uiros Hebræos beneuolenti-
 am, propensionemq; animi: quā efficiendo ne
 ignes adurerent, ne obladerent flammæ: & cœli-
 tus demittendo Angelum, siue filium; qui in me-
 dijs ignibus se comitem præberet; & ipsam uim igni-
 um noxiam, atque lethalem compesceret. Magnam
 porro, & illustrem Dei beneuolentiam, erga uiros
 Hebræos comprobatur, attestaturq; id miraculi: dum
 ab ardenti fornacis igne Angelo duce, comiteq; li-
 berati fuere: sed longè maiorem beneuolentiā, mul-
 toq; præclarius diuinæ beneficentiæ munus continet
 ea liberatio, quæ typo hoc designata Dei filio au-
 thore, duceq; facta est generis humani: quod cum
 mancipatum foret affectuum ignibus, & ardenti ui-
 tiorum fornaci iniectum opera Babilonij Regis, siue
 Diaboli, eductum fuit, & liberationem assecutum
 est Dei beneficio, Christoq; auspice, atque autho-
 re. Id diuini facinoris, quo de fornacis incendio in-
 columes euasere tres Hebræorum uiri, ueluti singu-
 larem erga eos, qui ab incendio liberati fuere, Dei
 beneuolentiam, beneficentiamq; attestatur: ita non
 leue, nec paruum fert testimonium diuinæ in ge-

DE DIVI. IN HOMI. BENE.

nus Hebræorum propensionis, & beneficentiæ: dum huiusmodi facinoris, siue miraculi conditione potuerunt Hebræi commoueri ad habendam exactius rationem eius, cuius uirtute constaret id miraculi proditum: & sua summa cum utilitate, atque salute induci ad cultum ueræ religionis, diuinæq; legis obseruantiam. Quem enim non debuit commouere ad studium ueræ religionis, obseruantiaq; ueri Dei, & à cultu idolorum, uanaq; Demonum superstitione auertere id tanti miraculi? quod constaret editum ab ipso Deo in eis seruandis, tuendisq;: qui propter ipsius cultum, obseruantiamq; recusassent obtemperare Regi, regiumq; idolum adorare? Nimio quidem stupore laborasset, nimis attonitus animo fuisset, quicumque non fuisset se commoueri ad cultum eius, & adoratum: à quo uidisset tanto rei miraculo conseruatos, qui eum ipsum colendum sibi, adorandumq; proposuissent: & contemptis idolis, uanoq; Demonum cultu neglecto, Regis impij edicto non paruissent. Hinc agnoscite, hinc animaduertite ciues, quàm nihil rei, nihil occasionis pro sua benignitate, suoq; benefaciendi studio prætermiserit Deus: quò in salutari ueræ religionis cultu contineret Hebræos, & ab impia Demonum, pernitiosaq; idolorum superstitione auerteret, atque abalienaret. Instituit prophetas, diuinos homines destinauit; à quibus admonerentur, excitarentur, & tam uerbis, quàm factis commouerentur. Minas acres adhibuit, res aduersas immisit, clades, uastitatesq; intulit; quò deterreretur, quò resipisceret, quò

sanarentur, & ad poenitentiam adduceretur. Futura, euenturaq; prædixit; prædicta executus est. Oſtenta, miraculaq; edidit; quò testimonium ueræ religionis illustrius haberent: maioremq; diuinæ potestatis agnitionem acciperent: & omnem de rei ueritate dubitandi ansam, occasionemq; amitterent.

O exactam Dei curam, o diligentiam omnibus numeris absolutam: qua usus pro sua bonitate, & benignitate cõperitur Deus erga Hebræos: dum studio benefaciendi eis, & consulendi nihil omisit, quod pertinere aliquo pacto posset ad eos iuuandos, curandos, sanandos. Nec post Danielelem destitit pro sua immensa beneuolentia alios excitare prophetas: à quibus tam factis, quàm uerbis instruerentur, admonerentur, iuuarentur. Appetente enim iam tempore, quo iugo captiuitatis eos exoluturus erat, & in libertatem restitutus: trium officio, oraculoq; prophetarum instruendos, inuitandos, commonendos procurauit. Quorum quidem prophetarum Aggeus sic futuram ex Babilonica captiuitate liberationem prædixit: sic templi instaurationem, diuinæq; domus constructionem enuntiauit: ut quæ uaticinando protulit, conuenire propemodum magis uideantur liberationi indicandæ, quæ Christi aduentu, atque opera generi humano allata est: & constructioni Ecclesiæ significandæ; quæ Christo Iesu, qui conuersionis magister est, mysticæq; translationis princeps, duce, authoreq; constructa est, atque ædificata. Quis enim non intelligat aperte de Christo sensisse prophetam: dum ex uerbis Dei refert, bre

DE DIVI. IN HOMI. BENE.

ui futurum, ut commoveatur cœlum, terra, mare, & ueniat optatus, desideratusq; cunctis gentibus: quis æquè non agnoscat uerba prophete, quibus ex persona Dei futurum profert, ut domus edificanda summa gloria impleatur, & quæ domus postremo sit edificanda, longè maiorem gloriam consequatur, quàm quæ primò fuerit edificata: designare potius Ecclesiam Christi; quæ omni genere laudis, & gloria referta est; quàm templum aliquod lapideum, quod ab Hebræis constructum fuerit, atque fabricatum. Ex tribus prophetis fuit et Zacharias, qui Dei nomine tantum felicitatis, & fortune, tantam rerum secundarum copiam Hebræis denunciavit, atque spondit; ut supra, quàm dici possit, indicet, ostendatq; ingentem Dei erga eos curam, & beneuolentiam extitisse: quibus quidem promissis, rerumq; secundarum sponsonibus, si ea, quæ prospera contigerunt Hebræis ante Christi aduentum duntaxat recenseantur: tantum abest, ut uideri possit successu esse satisfactum: ut magna ex parte inanes, irritæq; deprehendantur: quæ sanè Christi aduentu, Christi q; opera sic impletæ, sic executioni mandatæ comperiuntur: ut ne minimum quidem hilum habeant, contineantq;: cuius respectu sortitæ non sint effectum, & rei implementum non obtinuerint. Mira fuit diuini huius hominis uaticinandi ratio. ab hoc diuino homine insigniter, & admodum mirabiliter beneuolentiæ diuinæ, ac beneficentiæ in hominem declarata est conditio: qui sic aperte Christum, Christi q; salutarem humano generi aduentum futu-

rum protulit; sic Christi uitam, actiones, & beneficia, quæ foret gentibus allaturus, expressit: ut non futura uaticinari, sed quæ præsens prospexisset recensere uideatur. O mirum uaticinium: o prædictionem ad uiuum, uerumq; futuræ rei mirificè expressam. Quonam enim modo quidquam uaticinando clarius ostendi, quonam pacto res ipsa sigillatius prædici, enuntiariq; posset? quàm quo diuinus hic uates enuntiavit, uaticinatusq; est de Christo seruatore nostro: dum prodidit futurum, ut Rex iustus, & seruator adueniret: qui pauper conscenderet asinam, pulloq; asinæ insideret, & pacem proferret gentibus: suamq; potestatem extenderet, diffunderetq; per omnes, tam maris, quàm terræ regiones: & qui sanguine suo liberaret nexos de lacu miseriæ, & de fœce peccati. Hic idem propheta triginta aureorum, quorum precio uenundatus est Christus, sic meminit; ut ne quidem subdiceat eos esse proiectos in templum, domumq; Dei: & complura alia uaticinando attingit: quæ tū sacri lauacri expiationem respiciant; tum in Christi morte, Christoq; ipsi contigisse inueniantur. Tertius prophetarum, qui successerunt Danieli fuit Malachias, qui Dei spiritu perfusus tam reprehendendo maxime sacerdotes aduersa minatur, quàm hortando ad cultum pietatis, studiumq; religionis prospera promittit. Hic uates inclitus diuino ætus numine: dum sacerdotes Hebræorum increpat; & indignationem Dei in eos comminatur: sacrorum in Christi Ecclesia futuram institutionem commendat summopere,

DE DIVI. IN HOMI. BENE.

eamq; Deo gratam, & acceptam fore denuntiat: qui etiam de Christo plurima uaticinatus est: quæ tum eius primum aduentum, tum secundum respiciunt. Quatenus enim ad primum Christi aduentum pertinet, eum dicit futurum, cum quo Deus de pace, & uita paciscatur: & cui lex ueritatis ita sit amica, peculiarisq;: ut ei nihil iniquitatis, aut mendacij adfuturum sit: eum æquè prædicat in pacis, atq; æquitas ratione unà Cum Deo ambulaturum, & missum à Deo, qui uerum religionis cultum doceat, & salutarem uiuendi legem tradat: auersurum esse plurimos ab iniquitate: & latè dominaturum in regionibus. Quantum uerò attinet ad secundum Christi aduentum, eum memorat præmisso Helia uenturum horribili, tremendoq; aspectu, & iudicem confessorum, instarq; ignis, fulloniæq; herbæ emundaturum, quidquid uel scorix argento, auroq; uel labis indumento, amictuiq; adhæreat. Vix pro sua Deus in Hebræos propensione, beneuolâq; cura tres huiusmodi prophetas legarat: à quibus tam monitis, correptionibusq; inuarentur: quàm uaticinijs deterrentur ab impiè agendo, & ad cultum uirtutis, studiumq; pietatis commouerentur: quod excogitauit anno septies decimo captiuitatis iam agente rationem, qua eos liberaret captiuitate: & in patrios lares, atque focos ita restitueret: ut commoditatem, facultatemq; haberent tam regix urbis instaurandæ, quàm templi construendi, atque reædificandi. Iam enim tantum temporis in seruitute trāsegerant Hebræi: ut si qui fortè fuissent; qui pro longa, in-

ueteratâq; prauè agēdi consuetudine correctionem non admisissent, uideri possent iam extincti; & iam qui superessent, uel pœnitentia satis expiati, uel in cultu Dei, uerâq; religione abundè educati eruditiq; essent. Itaque Deus satis aduersis rebus, seruitutisq; iugo profectum esse in Hebræis animaduertens; & iam Hebræum populum abundè cernens ab impietate expiatum, ad meliorisq; uitæ rationem redactum: miram eius ex seruitute eruēdi uiam, rationemq; adinuenit: qua non solum suam erga eū singularem beneuolentiam, curamq; ostenderet, sed etiam suam insignem uim, potestatemq; tam ei, quàm ceteris uulgò mortalibus notâ, manifestamq; faceret. Cum enim Cyrus Persarum Rex Babilonijs imperaret, & Caldæum regnum obtineret: eò animi, atque sententiæ adductus est Dei monitu, atque excitatione: ut palam, quacunque sui protendebat iura imperij, proponeret edictum: quo non solum liberam Iudæis, Israelitisq; facultatem in sua reuertendi, templumq; Dei, dirrutamq; urbem instaurandi tribuebat: sed omnibus etiam sibi subiectis tributum indicebat exoluendum templi Hierosolimis construēdi causa: quod sibi Deus mandasset, commisissetq; construendū, atq; ædificandum. O miram Dei potestatem. o exactum, diuinæ providentiæ ordinē. O singularem in Hebræos Dei propensionem, & beneficentiam. Quantum fuit id potestatis, quam exercuit, ostenditq; Deus: cum Regem alioqui moribus barbarum, & ab omni ueræ religionis cultu alienū prorsus, & abhorrentem induxit ad habendam hu-

DE DIVI IN HOMI. BENE.

manitatis, & beneficentiae rationem; & ad procurandum, ut templum, in quo uerae religionis cultus iniretur, tam suis, quam subiectorum suorum impensis construeretur. Quantum fuit id providentiae diuinæ; ut qui sua impietate, suaque colendorum idolorum pertinacia meruissent patria, laribusque sibi diuino beneficio concessis priuari, & iure, possessioneque diuini templi expoliari: simulatque reuertissent ad cultum pietatis, ueraque religionis obseruantiam, recuperarent, quam causa impietatis amiserant, patriam; & restituerentur in ius, possessionemque templi, quo priuati fuerant, dum superstitione polluti, idolis seruirent. Nec à providentiae ratione alienum fuit, ut quorum opera templi diuini destructio facta fuisset, & quorum utilitati, emolumento uel templi ipsius dirreptio cessisset: eorum saltem successores, siue haeredes, si non ipsi, essent, qui templum curarent construendum: & conferrent quidquid rei, atque expensae pro templo ipso restituendo foret necessarium. Quantum beneuolentiae fuerit, quod ostenderit Deus erga Hebraeos, dum tam mira Cyri Regis excitatione, tamque stupenda rei, factique ratione studuit eis consulere tam causa patriae recuperandae, quam iurium, de quibus exciderant, recipiendorum ratione: nemo est, qui non possit, si modo quid discernat, abunde cognoscere. Quantum praeterea extiterit id beneficentiae, quam exercuerit Deus, quantum fuerit id beneficii quod contulerit in Hebraeos, dum eos captiuitate, qua miserabiliter detinebantur, & seruitute, qua grauiter preme-

bantur, liberavit: & in patriam, patriosq; lares,
 quibus tam diu captiui caruerant, restituit: satis
 quisque potest, ni fallor, animadvertere, qui dilige-
 ter excutiat, quanti sit libertatis conditio, & pa-
 triæ, paternorumq; bonorum recuperatio. Sed hu-
 iusmodi diuinæ in Hebræos beneficentiæ plurimum
 adijcietur, multumq; cumuli addetur, si conside-
 tur quanto meliores Dei beneficio in patriam sint re-
 stituti Hebræi, quàm fuissent, cum patria eiekti in
 seruitutem redacti fuerunt. Quando patria eiekti
 fuere, redactiq; in seruitutem: enormiter labora-
 bant impietate, & omni uitiorum, atque flagitio-
 rum genere infectierant. Dei beneficio, atque cu-
 ra effectum est denique: ut non solum restitueren-
 tur in patriam, sed restituerentur etiam meliores
 effecti tam impietate dimissa, quàm uitijs, flagitijsq;
 magna ex parte expiatis. Hæc Hebræorum ex Babi-
 lonis seruitute liberatio, prout eius opera, beneficioq;
 successit, cuius opera, atque beneficio successisse
 ex Aegypto liberationem constitit: ita hæc ex
 Babilone liberatio non minus quàm illa ex Aegy-
 pto, potest tam morali sensu, quàm mystico inter-
 pretari: ut non secus sentiatur de Babilone, quàm
 de Aegypto: quatenus pertinet uel ad symbolum ui-
 tiorum, uel ad typum seruitutis ex primi hominis
 peccato deductæ: quam Christi beneficio nostris cer-
 uicibus excussam cum iam patuerit satis, dum de
 seruitute Aegypti ageretur: hic amplius quidquam
 repetendum non arbitror; ne quod semel explica-
 tum fuit, rursus repetendo uidear tempus ultrò cō-

DE DIVI. IN HOMI. BENE.

terere, & studio dicendi segnius ad rei proposita me-
tam proficisci. Interea tamen duco uos admonendos,
non minus fieri Dei beneficio, ut seruitute Babilo-
nis, siue uitij exoluamur, quàm ut in pace nostro-
rum animorum construatur Dei domus, atque ha-
bitatio: cuius construendæ, siue ædificandæ cum
Christus nobis sit dux, authorq;: quàm aptè, conue-
nienterq; ipse referatur typo tam ducis, quàm ma-
ximi sacerdotis: quorum auspicijs templi diuini Hie-
rosolimis facta constructio est ab Hebræis: unusquis
que facile poterit perspicere, qui nomina nomini-
bus contulerit: & tam ducis, quàm sacerdotis in-
terpretatis nominibus considerarit, quàm Christus
generi humano præstiterit, quidquid eis interpreta-
tis nominibus contineatur. Cum iam Dei beneficio
Hebræi seruitute Babilonis liberati in patriam con-
cessissent: & templo Dei Hierosolimis construendo
studijs ardentibus incumberent: eorum cœpta cona-
ti sunt finitimi gentium duces impedire: quibus
adeo nihil pro Dei in Hebræos studio, propensioneq;
successit, quod improbe, inuideq; molirentur: ut
inducti sint denique succurrere: opitulariq; ipsis He-
bræis, tam sacrificandi, quàm construendi templi
causa. O miram Dei beneficentiam, o pulchrum, spe-
tiosumq; historici symboli sensum. Qui pro sua be-
nignitate, beneuolaq; uoluntate liberauerat à ser-
uitute; & patriam adire, templumq; ædificare con-
cesserat: idem non solum, quidquid negocij facesse-
retur, impedimentiq; obijceretur arcuit, reiecitq;:
sed etiam unde impedimentum afferebatur, inde

opem

opem, adiuuamentumq; protulit: atque eduxit. Sicut Dei beneficio historici sensus habita ratione, constat effectū, ut finitimi, qui Hebræis molirentur impedimentū, ne construerent templū, inducerentur ad ferendam pro eo construendo opem: ita eiusdem Dei auspicio, atque gratia confit, ut quod impedi- menti homini, diuino peccati, seruituteq; uitiorum liberato, obijcitur ab eis affectibus, qui finitimi sunt, animisq; cohærent, & prætextu affinitatis, atque amicitie solent tendere ad profectum uirtu- tum, templiq; diuini ædificationem impediendam: non solum non prohibeat, obstatq;, quo minus æ- dificetur templum, & ad perfectionem uirtutis per ueniat: sed etiam conuertatur, atque mutetur in meriti, uirtutisq; augmentum. O stupendam Dei, diuinæq; gratie conditionem, & uirtutem. Qui alioqui uergere solent affectus, affectuumq; aculei ad impediendum uirtutum profectum: sic Dei gratia, & beneficio non solum prohibetur quo minus uirtuti parandæ obsint, sed etiam sic refræ- nantur, sic componuntur, ut prosint, conducantq; tam uirtuti augendæ, quàm perfectioni comparan- dæ. Quò fit, ut mirum uideri non debeat; si cum Tarsensis gentium institutor stimulo cupidinis ue- hementer angeretur, & eo prorsus liberari se sum- mo desiderio efflagitaret à Deo: responsum acce- pit; quo sit declaratum, Dei gratiam homini perfi- ciendo sufficere; & motus, stimulosq; id genus af- fectuum uirtute diuinæ gratie conducere maiori uir- tuti querendæ, perfectiori; uite rationi constitut-

Q.

DE DIVI. IN HOMI. BENE.

endæ. Constructo templo Hebræi mœnia regiæ ur-
bis ædificare adgressi sic beneficium, sicq; propitium
Deum habuere; ut ipsius suasu, operaq; inductus
Artaxerxes Rex non modo tributa eorum ædifican-
dorum causa subiectis indiceret, sed etiam ex fisco
suo, suoq; ærario mandaret ingentem pecuniarum
summam erogari. Quin cum vicini, finitimiq; po-
puli tam Samaritani, quàm Arabes mœnia attolli,
urbemq; muris sepiri ægreferrent; & molirentur
construendis mœnibus incumbentes opprimere; &
armis, insidijsq; à cœptis deterrere: adeo nihil, quod
tentarent, potuerunt perficere, adeo conatus om-
nes irritos, inanesq; experti sunt: ut apertè intelli-
gerent à se frustra tentari, quod prohiberet Deus;
& temerè arma, insidiasq; contra eos intendi: quo-
rum rebus sic Deus faueret, ut nullam proficiendi
eis, atque consulendi occasionem prætermitteret.
O tutam nimis, atque securam hominum sortem:
quibus accidit Deū habere fautorē, opitulatoremq;
qui licet pro sua bonitate, genuinaq; benefaciendi
omnibus promptitudine sese beneficium erga omnes
præbeat, & liberalem: tamen peculiari quodam af-
fectu, & præcipua quadam beneficentia uti solet
summa cum ratione iustitiæ erga eos, quos ipse no-
scat non futuros ingratos, nec situros in se frustra
beneficentiam exerceri, peculiaremq; fauorem im-
pendi. quos enim nouit à se alienos, & tales, qui si
peculiari etiam fauore afficerentur, præcipua que
beneficentia prouocarentur, nihilo magis sint
commouendi, sed in sua peruersitate persisten-

tes, tam non agnitori beneficentiam, tamq; fauoris rationem non habituri sint: ut deteriores sint euasuri, maioremq; noxæ grauitatem contrahaturi: hi nimirum sunt, in quos se peculiariter beneficium, studiosumq; non præbet, præstatq; Deus: quoniam pro sua bonitate, suoq; proficiendi homini studio non patitur; ut agat quidquam, quod hominis salutiquæeat esse detrimento; aut deteriore ipsius hominis conditionem efficere. Nihil agit pro sua in hominem propensione Deus, nihil pro suæ immensæ bonitatis conditione efficit; quod boni aliquid non afferat homini: & quod, quatenus fieri potest, non conducat, prositq; indemnitati hominis, atque salutis. Licet pro ignoratione nostra, atque inscitia nobis uideatur aliquando aliquid Deo auctore accidere; quod minus utile, atque salutare uideatur homini: tamen si liceat exactè diuinæ providentiæ rationem percipere; & ueram boni, utilisq; speciem, naturamq; apprehendere: tantum abest, ut quidquam mali, noxiq; reperiatur contingere homini Dei opera: ut nihil nisi bonum, nisi utile, nisi salutare ex Deo in hominem prodire posse, simus agnitori, & intellectu omnino nihil mali, nisi ex se ipso homini inferri: & ne id inferatur, & cum illatum est, ne salutis noceat: quatenus pro iustitiæ, liberiq; arbitrij ratione fieri potest, à Deo summo per procurari. Hebræi itaque peculiariter fauorem, opitulatoremq; Deum habentes, quidquid conabantur, ex uoto efficiebant: & non solum contra infestantes finitimos se tuebantur, sed terrori eis etiā

Q ij

DE DIVI. IN HOMI. BENE.

erāt, & formidini: cum undiq; tū ex Caldæa, quā
ex alijs regionibus, ubi extorres fuerāt, confluerent
cateruatim, & sua repeterent: quibus repetendis
tam propitios, tamq; indulgentes habuere Dei be-
neficio Reges Cyrum, Darium, Xersem, cæterosq;
ut non modò quæ tenerentur occupata à subiectis
curarent eis restituenda: sed etiam quidquid tam
ex templi dirreptione, quā ex urbis populatione
ad manus suas peruenerat, restituerent, & facta
restitutione, multa preciosa dona, plurimāq; in-
gentia munera offerrent, atque largirentur. Quò
factum est ut rebus tam sacris, ad cultumq; Dei, &
templi decorem spectantibus, quā profanis, do-
mesticisq; benè, feliciterq; compositis summa pace
fruerentur, & in magna rerum omnium uberta-
te degerent. Cōsecuti sunt etiam Dei beneficio tam
duces, quā sacerdotes integritate uitæ nō minus,
quā pietate, religioneq; præstantes. inter quos fu-
it ille diuinus literator, & scriba Hesdras: quem
nescio uaticinandi uirtute præstantiorem cēseri o-
porteat, an studio legis, sacræq; literaturæ scien-
tia eminentiorem. Huius Hesdræ opera maximè u-
sus est Deus in instruēdis, erudiendisq; Hebræis tam
in cultu ueræ religionis, quā in morum, uirtu-
tumq; studio, atque ratione. qui quidem Hesdras
ope diuina suffultus adeo monendo, concionando,
scribendo, uaticinando diligentem, utilemq; ope-
ram nauauit: ut maximè uideri possit cultum
religionis auxisse: & triplicis legis scientiam, atq;
obseruantiam mirum in modū prouexisse. Sed hic

diuinus homo suo studio, suaq; diligentia non solum eis, quos uiuens iuuare, erudireq; studebat, profecit: sed etiam omnium Hebræorum, tum cæterorum posteritati rem ualdè utilem, conducen-
temq; fecit: dum quæ legum, præceptorumq; monumeta, & diuinorum hominum scripta, gesta; Babilonica captiuitate penè interierant, sua cura, & diligentia restituit, instaurauitq; ita: ut ea æternæ memoriæ consecrarit; & posteritati legenda, & addiscenda conseruarit. Qui etiam Dei monitu, atque iussu literis tradidit, scriptisq; mandauit secretiorem illam legis, & religionis traditionem: quam una cum uulgari lege à Deo Moses acceptam iussus est duntaxat senioribus, sapientioribusq; Hebræorum, qui numero septuaginta forent, detegere ita, ut ipsi seriatim aperirent eis, quos sibi scirent in munere successuros. Hanc igitur scientiam receptionis ordine traditam, nulloq; ex scriptorum genere expressam diuinus hic scriba, ne fortè diuturna captiuitate, longaq; exilij peregrinatione succedente accideret id arcanae scientiæ, diuinæq; traditionis, intercepta seriatim tradendi occasione exolere, interire uel: consensu, iussuq; Dei mandandam scriptis, literarumq; monumentis tradendam procurauit: eamq; in septuaginta uolumina distinctam, prout septuaginta sapientum notitia constabat: summa diligentia, studioq; redegit sic tamen: ut ea diuino monitu uolumina decerneret solum populi Hebræi sapientibus legenda, & attrectanda: in quibus cum Dei assertionem contineretur uena intellectus, fons

DE DIVI. IN HOMI. BENE.

sapientiae, scientiaeque flumen: uideri nefas poterat, ut ad uulgi inertis, atque profani notitiam huiusmodi rerum mysteria peruenirent: & tam cum summo diuinarum rerum dedecore, quam cum ipsius uulgi legentis, nec recte percipientis offendiculo prostituerentur propemodum, atque diuulgarentur. Haec sane uolumina, si modo temporum uitio, hominum ue incuria non interierint, prout interisse non est existimandum: si fide adhibeamus eis, qui se uidisse, lectitasseque recens asseruere: opto summopere, atque desidero ad manus nostras aliquando peruenire: quae quidem si ratio tum sapientiae, tum senioris aetatis non prohiberet a nobis legi, attrectarique; sperandum omnino foret nobis plurimum collatura ad exprimendam diuinam in nos beneficentiae rationem, & ad tractandam, comprobendamque illustrius, de qua nunc agitur, materiam. Plurima ibi credendum est contineri de natura Dei, de conditione hominis, de Dei in hominem, hominisque in Deum propensione. Nihil ibi praetermitti arbitrandum est, quod salutis humanae rationem, quod Christi seruatoris nostri conditionem indicare possit, atque demonstrare. nec pauca ibidem explicari censuerim: quae consilij diuini, diuinaeque prouidentiae seriem in moderandis tam rebus diuinis, quam humanis uersantem respiciant. & eam, quatenus conditio intellectus humani percipi sinat, offerant percipiendam, atque intelligendam. sed quae monumentis Hesdrae publice, uulgoque leguntur uisa ipsius, & uaticinia continentia: non etiam

am carent eiusmodi rerum farragine : quandoqui-
dem plurima reperiuntur Dei, Vrielisq; opera de-
clarata, indicata'ue mysteria : quæ tam ad ratio-
nem diuinæ providentiæ, quàm ad Christi, salu-
tisq; humanæ beneficium pertineant indicandum,
atque ostendendum. Licet etiam quæcunque diui-
ni consilij, providentiæq; diuinæ rationem respici-
unt, ostenduntq; : undique ingentem comprovent
Dei in ipsum hominem beneuolentiam, atque be-
nificentiam : tamen ne singula quæque attingen-
do maiorem, quàm deceat pro loci, temporisq; con-
ditione, rerum cumulum cōficiam, prosequar dun-
taxat, quæ ad Christi beneficium, nostræq; salutis
donum indicandum, ostendendumq; pertinere ui-
debuntur. Diuinus itaque uates ex patris persona
Deum sibi loquentem ita inducit : ut dicat se reue-
laturum filium suum Iesum Christum : qui simu-
lac sit mortuus, non sit solum excitandus, sed reli-
quis etiam hominibus excitatis futurus sit iudex :
qui ex meritis quenque uel præmio afficiat, uel pœ-
na. Idem quoque inducit ex persona filij Deum mi-
ra uoce, atque sonitu sibi attestantem, iam tempus
appetere : quo terræ incolas uisitaturus sit, & eis li-
brum uitæ, ac salutis aperturus, atque explicatu-
rus. Nec minus somnium leonis redarguetis aqui-
lam Vrielis opera interpretatum aperte indicat ser-
uatorem nostrum, qui fortiter, animosq; in uitia
inuehatur, & sui sermonis forti, efficaciq; uirtu-
te conuincat erroris, quicumque uel potestate im-
perandi, uel perspicacia intelligendi sese efferant,

Q. iij

DE DIVI. IN HOMI. BENE.

extollantq; . Quin id uisi, quo apparuit uento ex mari exurgente conualescere homo : qui nō minus uultu, & aspectu commoueret omnia, quā uoce, sermoneq; quosque audientes igne succēderet: & in quem monti, quem sibi sculpserrat, insistentem, cum multitudo hominum conspirasset, adeo nihil detrimenti inferri posset : ut ipse flatu igneo ex ore emisso sibi aduersantes perderet : & multitudinem aliorum hominum ad se acciret, sibiq; conciliaret : adeo claram, illustremq; nostri seruatoris Christi significationem cōtinet; adeo res Christi tam in debellandis, expugnandisq; aduersarijs, quā in conciliandis amicis gestas aperte, exacteq; præfert : ut etiam si diuina interpretatione non foret ita declaratum, atq; explicatum, ut nulli possit esse dubium de Christo esse intelligendum: nihilominus constare posset, & abundē apparere de quoquam alio, quā de seruatore nostro non esse interpretandum. Quicumq; uerō interpretatione uisi istius animaduersa hæsitarēt præterea, & non agnosceret eum, qui sit ab altissimo multis ante temporibus destinatus, qui liberaret genus humanum: & quæ uideri poterant gentes ope diuina destitutæ, redigeret ad cultum ueræ religionis, & ad salutis æternæ habendam rationem; esse Christū, esse Dei filium seruatorem, uindicemq; nostrum : is omnino iudicandus esset omni leberide cæcior, & in tenebris cimerijs assiduē existimandus obuersari. Quā creditis ciues Dei fuisse beneuolentiam in hunc Hesperidam : cui tot sui consilij, suæq; providentiæ arcæ

na detexerit, totq; reuelauerit mysteria de mittendo in terras filio, & de salute, missi filij opera, generi humano afferenda? Quantum censetis id beneficentiae fuisse, qua sit usus Deus erga hunc eundem: quem non solum rerum humanarum scientia, magniq; sacerdotij dignitate donauit, decorauitq;: sed etiam illustri rerum diuinarum notitia, mira; uaticinandifacultate praestantem reddidit, atque excellentem? Sed cum finis ratio praestet, praepolleatq; omnibus, quae ad ipsum finem spectent, atque dirigantur: qudm se beneuolum, quam se beneficum praestitisse erga Hebraeos existimandusest Deus, qui dederit, concesseritq; eis huiusmodi hominem; cuius opera, officioq; ipsi iuuarentur, instruerenturq; tam in eis; quae ad bene, beateq; uiuendi rationem pertinerent; quam in illis, quae non magis istius uitae, quam futurae alterius quietem, felicitatemq; respicerent? O diuinae in Hebraeos beneuolentiae, beneficentiaeq; excellentem declarationem: dum tantum contulit uirtutis, & praestantiae homini: quod eis consuleretur: quoq; eorum rebus, atque saluti prospiceretur. Quos seruitute exoluerat Babilonica: quos in patriae, bonorumq; possessionem restituerat: & quos rerum secundo, prosperoq; successu maxime bearat, tranquillaratq;: eosdem, quod praecpta obseruando, ueraq; religionis cultum custodiendo, se non solum tuerentur in ea, in qua essent uiuendi quiete, & securitate: sed etiam sibi aditum pararent ad longae maiorem uiuendi securitatem, felicitatemq; obtinendam: procura

DE DIUI. IN HOMI. BENE.

uit exacte instruendos, singillatimq; omnium admonendos quæ agi oporteret tã in cauendis peccatis, quàm in tuendo, custodiendoq; ueræ religionis cultu. Hunc enim Hesdras eis tradidit non minus cõcionandi, uaticinandiq; peritum, quàm scribendi diligentem, docendiq; scientia præstantem: à quo recte, religio seq; uiuendi documenta acciperent; & studium probitatis, religionisq; cultum tam uoce prædicatum, quàm scriptis, monumentisq; traditum addiscerent. Dei itaq; beneficio liberati captiuitate Hebræi sic iam publicas, priuatasq; res feliciter administrarant: ut uideri possent summa in rerum felicitate constituti: & nulla re indigere, qua ualeat lætior, tranquilliorq; fieri ratio uiuendi: cum rerum prospero successu elati, & secundis rebus insolentes effecti cœperunt ab eo, quem præscripserat, ostenderatq; diuinus Hesdras, uirtutis, sanctitatis, religionisq; tramite decedere: & in uiam impietatis, ac uitiorum declinare. Qui poterant saltem, si non etiam ex suæ fortunæ conditione, addiscere ex maiorum suorum exemplo; quàm non expediret pro secundis rebus tuendis, conseruandaq; libertate uiuendi, atque securitate relinquere studium uirtutis, atq; sanctitatis, & à cultu Dei, diuinorumq; mandatorum obseruatione deficere, nihil magis prudentiores, cautioreseq; effecti, eò impotentia perueniunt; ut parum abesset, quin omnem peccandi uiam ingrederentur: & sese omni cura tam uirtutis, quàm religionis exuerent. O improbam, ingrataq; gentem: in quam tot beneficia conferre, totq; beneficijs

se beneuolum, beneficūq; præstare nequiuit Deus: quin ipsa se constitueret maioris semper ingrati-
tudinis ream: & tantò magis beneficiorum obliuiscere-
tur, quantò pluribus esset affecta beneficijs. Cuius
etiam ea fuit pertinacia in delinquendo; ut uix cu-
rata clade, quam causa delictorum incurrisset, mo-
liretur committere, quorum causa rursus clade affi-
ceretur. Cum primum Dei beneficio cladibus erepti,
& secundis rebus restituti erant Hebræi, obliti tam
pristinæ fortunæ, quàm beneficij accepti: Deum,
Deiq; religionem, cuius maximè rebus in aduersis
meminissent, relinquebant: & tradentes obliuioni
nihil minus curabant, quàm quidquam operari, at
que præstare; cuius causa uideri possent uelle Deo
placere, aut de religione bene mereri. Quare pro
suo Deus in eos studio, suaq; eis benefaciendi, con-
sulendiq; cura non destitit remedia adhibere: & pro
ratione noxæ, necessitatisq; rebus aduersis excitare
ad pœnitentiam, & prouocare ad studium pietatis,
religionisq; obseruantiam. Ea enim Dei est in iusti-
tiæ exercendæ examine, & in consulendi, prospici-
endiq; generi hominum ratione, prouidentia, re-
ctitudoq;: ut nihil amplius sinat aduersi contingere,
quàm quod sciat tam responsurum noxæ condi-
tioni, quàm suffeeturum bono alicui inducendo, re-
medioq; uitijs adhibendo. Quod sanè licet animæ
duerti in causa Hebræorum, qui pro conditione no-
xæ, & pro ratione opportuni remedij rebus aduer-
sis afficiebantur, & cladibus occupabantur. Cum
enim studium religionis remitterent, & uitijs ita la-

DE DIVI. IN HOMI. BENE.

borarent; ut tamen uniuersam delinquendi, maleq;
agendi rationem non inirent: leni remedio, & pro
conditione morbi congruo, apppositoq; interpellati
sunt ad habendam rationem recuperandæ sanitatis,
& dimittendorum, quibus detinerentur, uitiorū.
Quapropter ex libertate, quam consecuti iam fue-
rant, deciderant in potestatem Macedonis Alexan-
dri: qui cum deditioe facta urbem ingressus esset,
temperauit à direptione, & nihil uastitatis intulit:
sed contentus eorū subiectione uectigales eos sibi cō-
stituit, atque tributarios: qui defuncto Alexandro
cum nihil melius mererentur de Deo, quàm de ho-
minibus; digna pœna noxam prosequente, & apto
medicamine morbum comitante durius ab Agyptio
Rege sunt habiti: cuius non solum grauem, damno-
samq; dominationem sunt experti: sed etiam magna
ex parte in Aegyptum fuerunt deducti: qua capti-
uitate, cum pœnitentia acti resipuisse aliquan-
tum: Deus pro sua benignitate, & beneficentia eos
liberauit: dum Philadelphum, qui Lagidæ in regno
successerat; sic eis conciliauit, amicauitq;: ut non
solum in patriam liberi dimissi sint, sed etiam pluri-
mum gratiæ, fauorisq; apud eum contraxerint: &
non minus preciosa ab eo munera acceperint, quæ
templo offerrent, quàm benignè, amiceq; rogati suo-
rum monumentorum copiam fecerint: dederintq;,
qui ea fideliter interpretarentur. Recuperata itaq;
Hebræi tam libertate, quàm patria cum Dei benefi-
cio abuterentur; et quæ gratitudine demereri debue-
rant, iniurijs, offensisq; grauiter prouocarent non

solum
sacril
nit,
cho
mire
uio
dis
ar
ch
ga
gi
ni
gi
Q
gi
ligi
mon
di
ex
leg
tus
terd
sa
qui
ges
sum
uio
ser
tra

solum uitis incumbentes, sed etiam nihil impium, sacrilegumq; intentatum relinquentes: mox euenit, ut tam libertate, quam facultatibus ab Antiocho Syriae, Aegyptiq; Rege expoliarentur; & non minus direpta, deuastataq; urbe, quam sacris ipsis uiolatis, atque profanatis coacti sint asperam, difficilemq; seruitutem subire. possessione itaq; tam arcis regiae, quam templi diuini exturbati ab Antiocho acceperunt nouas uiuendi leges: & ablatis, abrogatisq; quibus eatenus uixerant, usq; fuerant, legibus, redacti sunt in unum cum Syrijs, Aegyptijsq; uiuendiritum: & easdem cum eis tam morum, quam religionis causa leges obseruare iussi sunt.

Qui alioqui sua sponte soliti fuerant relictis Dei legibus in leges gentium concedere: & cultu uerae religionis contempto obseruanda idola, colendosq; Demones suscipere: non ægre tulisse forent existimandi huiusmodi suarum legum factam abrogationem, & Dei ueri colendi ritus ademptos: nisi complurium exemplo probaretur eos adeo grauiter tulisse suarum legum obseruandarum facultatem sibi ablatam, ritusq; colendi Dei suis à maioribus præscriptos sibi interdictos: ut non solum fuerint, qui huius rei causa uehementer indoluerint; sed etiam reperti sint, qui maluerint mortem oppetere, quam externas leges obseruare. Quin extiterunt etiam non nulli, qui sumptis animis, & correptis armis resisterunt hostili uiolentiæ; & pugnando acriter, se, suasq; leges seruauerunt: & quæ religionis instituta semel Dei traditione obtinuerant, custodierunt. Qui sine hac

DE DIVI. IN HOMI. BENE.

in re Deum sic propitium, adeoq; fauentem experti
sunt: ut pauci admodum ope diuina suffulti contra
plurimos obtinuerint ingentes uictorias, & benefi-
cio Dei præclara trophæa de hostibus reportarint.
Qui dubitaret, quantum potestatis exercent Deus;
& quantum studij, curæq; impendat tuendi eos, pro
tegendiq; causa, quos nouerit pietatis studio agi, &
ex fide auxilium implorare: satis, abundeq; posset
agnoscere ex uictorijs, quas Iudas dux parua He-
bræorum manu Dei beneficio consecutus est: qui non
solum Apollonium Samaritam unâ cum exercitu,
quem uarijs ex gentibus collegerat, uicit, profliga-
uitq;: sed etiam Seronem Syriaci exercitus princi-
pem, & tres duces à Lysia iussu Regis numerofo cū
exercitu missos fugauit, superauitq; ita: ut non mi-
nus inde prædæ, quàm gloriæ retulerit: & non ma-
gis hostium animos debilitarit, quàm suorum con-
firmarit. Tot sunt uictoriæ, quas Dei munere con-
secuti sunt Hebræi duce Iuda tam contra Syrios, An-
tiochiq; duces, quàm contra finitimos quosq; popu-
los: ut mirum creditu, difficileq; uideri posset, tam
paucis hominum numero tot numerosos exercitus
potuisse debellari, & tam munitas arces, urbesq;,
& castra capi, expugnariq;: nisi constaret Dei mo-
nitu, atque uirtute, cui nihil omnino factu sit dif-
ficile, ea omnia gesta, perfectaq; fuisse. Quin Dei
beneficio successit, ut quicumque duce Iuda Hebræi
iam hostes ex urbe regia depulissent: & templum,
altareq; profanatum iam expiassent: acciti auxilio
ab eis, qui in Gadaada, Galilea q; habitarent Hez-

brais, non solum eos ab hostibus, à quibus graui-
ter affligebantur, liberarent: sed etiam urbibus ho-
stium expugnatis, direptisq; & multa præda secum
ablata domum uictores redirent: & una quos de
potestate hostium eruerant, gentiles suos secum habi-
tatum adducerent. Iidem æquè, sed numero paucio-
res Dei auspicio, atque fauore non modò infregerunt
iniquam, sacrilegamq; Alchimi, sectatorumq; eius
conspirationem; sed etiam Demetrii ingentem exer-
citum fuderunt, fugaruntq; ita, ut occiso etiam
Nichanore regij exercitus imperatore pauci euade-
rent incolumes. Quanto ciues exatius memoria re-
peto, animoq; uerso Hebræi ducis Iudæ, paruaq;
Hebræorum manus gesta; tantò magis adducor, ut
existimem non magis ipsum Iudam ducem typum
Christi gerere, quàm paruam Hebræorū manū Christi
Ecclesiam, Christiq; sectatores referre. Quatenus enim
dux Iudas ueteri, quod profanatum fuerat, alta-
ri destructo, nouum ædificauit; & templo suum
decorem, ornatumq; restituit; & ablatiis idolis, ua-
noq; Demonum cultu exturbato, ueri Dei cultum re-
parauit; ueramq; religionis obseruantiam introdu-
xit: sic Christum referre uidetur, sic Christi typum
gerere: ut nihil imaginis, atque formæ uideatur
propemodum ipsum exemplar, ipsumq; archetypū
similius exprimere, aptiusq; repræsentare. Dum Iu-
das parua hominum collecta manu non solum se ab
hostium impetu tutatus est, sed etiam suos Israelitas
liberauit ab hostili impugnatione, grauiq; inimico-
rum seruitute: quis non agnoscat indicari Christum,

DE DIVI. IN HOMI. BENE.

qui Diaboli repugnantis, contendentiſq; vires con-
fregit, inſidiasq; demolitus eſt; & ab eius manu,
atque ſervitute genus humanum liberauit. Quæ
parua cohors duce Iuda tot palmas adepta eſt; ſtre-
nuè dimicando tam ſuorum inſidias, conſpiratione-
neſq; ſuperavit; quàm externorum vires, impetuſq;
retudit, atque infregit: non ne deprehenditur a-
pertius, quàm ut queat hæſitari, ſignificare Eccle-
ſiam Chriſti, illamq; Apoſtolorum, ſanctorumq; ho-
minum parua cohortem, quæ non ſolum contra
ſuorum inſidias, conſpirationeſq; victores extiterunt,
ſed de externis quoq; tam Regibus, quàm populis pal-
mas, triumphoſq; glorioſos retulerunt? Quid duo le-
gati à duce Iuda Romam miſſi, quò amicitiam Ro-
manorum inirent: fœduſq; cum Romanis percuter-
rent, indicant, designantq; niſi principem Apoſto-
lorum, doctoremq; Tarſenſem: qui Chriſti iuſſu, at-
que monitu Romam legati contenderunt: quò do-
cendo, & concionando in amicitiam, ſocietatemq;
Chriſti Romanos adducerent: & cum eis fœduſ rez-
ligionis, & pacis inirent? Sicut dux Iudas ſuorum
gentilium plurimos rebelles, proditoreſq; exper-
tus, amicitiam quæſiuit externorum, & ſocietatem
contraxit cum Romanis: non aliter Chriſtus quos co-
gnatione, & iure legum coniunctos ſibi habebat;
eos inſidoſ, rebelleſq; expertuſ; externos ſibi amicitia
copulauit: & non tam Romanos, quàm reliqua-
rum gentium externas nationeſ ſibi ſocietate, fœde
reſq; pacis conciliauit, atque coniunxit. Hic eſt ille
dux Iudas, qui manu, uirtuteq; potens ſalutem ne

ram

ram attulit Israelitis; & saluum fecit sibi adhærentem populum Hebræorum. Hic est, qui typo Iudæ ducis designatus mortem, quam faciliè uitare poterat, ultro subiuit: & propter fratres, fratrumq; suorum salutem nō sese hostibus, inimicisq; recusauit obijcere occidendum. O uirtutem nostri ducis Iudæ prouidam, & excellentem. O nostri Machabei, protectorisq; in nos singularem beneuolentiam, atque charitatem. Non subterfugit mortem, non detrectauit se morti obijcere; non formidauit se tradere in manus hostium, & crucis subire tormentum: quò moriendo nobis prodesset: quò mortem obeundo uitam, salutemq; nobis compararet. Perempto Iuda duce pro sua in Hebræos beneuolentia Deus non destitit, quominus solito eos fauore prosequeretur: & dato duce Ionatha plurimis beneficijs afficeret. Quantū enim fuit beneficij, quod à Deo consecuti fuere Hebræi? cum duce Ionatha bis exercitum Bachidis ita contriuere; ut coactus sit æquam pacis conditionem accipere; & Iudæa regione sic excedere; ut se non amplius rediturum sponderet causa infestandi, bellumq; inferendi. Quantum gloriæ fuit id, quod Dei benignitate, & beneficio non minus Ionathas, quàm Ionatha duce Hebræi quæsiuerunt: cum reiectis Demetrii oblationibus, & fœdere cum Alexandro cognomento Nobili percusso, eam pugnando, tam contra Demetrium, quàm contra Demetrii filium, ducemq; exercitus Apollonium nauarunt operam: ut nō solum digni sint habiti Regis Alexandri amicitia, sed etia-

R

DE DIVI. IN HOMI. BENE.

am mirificè ab eo sint honorati; & multis muneribus, uarijsq; rerum donis affecti. Nec minus fuit id gloriæ, atque uictoriæ, quam Dei munere, atque beneficio obtinuere Hebræi: cum à Rege Syriæ contra subiectos rebellantes acciti auxilio, eum non solum tutati sunt ab impetu ciuili, populariq; impressione: sed etiam Antiochensibus ad centum milia interfectis, successaq; magna ex parte urbe, non minus præda dites, quam gloria insignes domum rediere. Longum nimis esset ciues referre singulas quasque uictorias, quas Ionatha duce, Deiq; auspicio consecuti fuere Hebræi. Maiores sanè sunt triumphi, plures sunt res gestæ, quæ prosperè successerunt Hebræis, quam ut facile queant enumerari; & tribui debeant, mereanturq; adscribi humanis uiribus, debiliq; hominum potentiæ. Quoniam enim pacto fieripotuiisset, ut tam pauca hominum multitudine tot urbes caperentur, expugnarenturq; tot numerosi hostium exercitus profligarentur; tot potentes Reges, totq; exercituum strenui imperatores superarentur: nisi diuinæ manus potentia accessisset; & Dei uirtus, atq; opera in causa fuisset, ut quæ humanis uiribus alioquin essent impariæ, efficerentur? Nullo modo fieri potuisse credendum est, ut qui pauci numero forent, nec multum opibus, rerumq; copia pollerent, ad tantum gloriæ, existimationisq; peruenirent: ut in Regum amicitias accersirentur, & à Regibus ultrò muneribus, honoribusq; ad ineundam societatem prouocarentur. nisi Deus eis se præbuiisset auspice, autoremq;

in omni gloria, existimationisq; parandæ ratione. Cum non minora duce Ionatha, quàm Iuda duce gesta comperiantur ab Hebræis; & maior, potiorq; uirtus, ac gloria Ionathæ ducis, prout & Iudæ, memoretur: quàm ut claudi Hebræi hominis conditione, naturæq; humanæ finibus arctari aptè queat: non absurdum fuerit arbitrari, non minus Ionathæ ducis, quàm Iudæ typo designari, referriq; illum, qui tam pugnando contra hostes, quàm uictoriam, salutemq; humano generi afferendo maius specimen edidit uirtutis: maioremq; gloriæ cumulum assecutus est: quàm meri hominis ratio pateretur; & humanæ naturæ cōditio præstare posset. Quis aptius exprimi posset nomine Ionathæ; quàm qui columbæ, sanctiq; spiritus dono nobis est traditus, & maximi instar muneris nobis à Deo est concessus; quod dux foret ad superandos hostis Diaboli impetus; & ad parandum tam gloriæ, quàm salutis immortalem triumphum. Hic est Ionathas ille; qui summi sacerdotis honore præditus, iussus est à Rege sibi assidere, & in solio regio accumbere; simulatque exutus indumento mortali purpuram immortalitatis obita morte induit. Qui etiam priusquam dolo circumnuentus, & proditus mortem oppeteret: procurauit muros regiæ urbis, sacræq; Ecclesiæ mœnia quadratis ex lapidibus ædificāda: quæ quidem mœnia iam cœpta construi succedens ei, eiusq; loco suffectus Simon absoluenda curauit, atq; perficienda: qui etiam Simon pro strenua sua uirtute, ardentiq; contra hostes pugnandi studio obti-

DE DIVI. IN HOMI. BENE.

mit, ut à præsidio hostili regie urbis arcem occupatam liberaret, & tam summi sacerdotis, quàm principatus dignitatem perpetuam retineret; & liberæ ciuitatis, siue Ecclesiæ moderamen haberet: & sicut inter sacerdotes uirtute emereret, ita reliquis omnibus autoritate præesset. O' eminentem Simonis dignitatem; O' præclaram, insignemq; Petri auctoritatem. Ionathæ, siue Iudæ locum subiens præcipuam inter sacerdotes dignitatem adeptus est: & pugnando acriter, fideliterq; se habendo consecutus est, ut nullus foret, qui eius potestati, atque auctoritati iure posset repugnare. Arcem diuinæ Ecclesiæ, urbemq; Romam præsidio hostili, Demonūq; cultu occupatā uindicauit in potestatem Christi; & in libertatem ueræ religionis asseruit. Vrbi regie, Christi; sacræ Ecclesiæ tum concionando, docendoq; tum pie uiuendo, miraculaq; edendo muros circumdedit, & complura munimenta, siue propugnacula erexit, atque constituit. Is pro sua in Deum singulari fide, & pro sua in homines constanti iustitia meruit, ut tam sacerdotibus præficeretur, reliquisq; hominum dignitate, & autoritate antecederet: quàm potestatem haberet constituendi in Dei Ecclesia præfectos; & decernendi legibus, atq; præceptis, quod nequiret à quoquam infringi, aut impugnari. Dei providentia, Christi; delegatione tantum potestatis, tantumq; autoritatis consecutus est Simon: ut nihil exceptum sit, quod eius ditioni non subijceretur; nullus sit exemptus, qui posset sine noxa dicto eius, atq; iussioni contradicere, atq; aduer

sari. Mira profecto est, & diuina Simoni concessa potestas: singularis, & mirum in modum potens est Petro tradita authoritas: qua tamen dum successores abuti non uerentur, nihil minus assequuntur, quàm ut potenter agere mihi uideantur, potestateq; Simonis uti existimentur. Tantum potestatis Simoni, Simonisq; successoribus concedendo Deus, longè magis in nos se præbuit beneficium, liberalemq;: quàm se præbuerit in Hebræos, concedendo eis ut haberent Simonem, cuius ductu, atque auspicijs tam rebus strenuè gestis florerent; quam pace, & tranquillitate fruerentur. Quod enim beneficij Simonis opera, officioq; collatum est Hebræis, id temporis angustias patiebatur; & corporis, præsentisq; uitæ, quæ fragilis est, & citò deficit, commoda respiciebat. Quod uerò diuini beneficij nobis offertur, præstatuq; Simonis, pontificis uel nostri opera, atque ministerio, non minus perpetuum est, perpetuoq; durans; quàm rationem animæ respicit; & commoda futuræ, immortalisq; uitæ continet. O, sicut potestas à Christo constituta; Simoniq; & Simonis successoribus delegata maior est, & firmitior: quàm ut possit uiribus humanis infringi, conuelliq;: ita qui eam exercent, eiusmodi forent, ut pie, sancteq; uiuendo procurarent, quidquid eximie potestatis nostri beneficio à Deo pro sua in nos beneuolentia, & charitate institutum est, sic exequi, sic administrare: ut fide non eleuata, quem deberent fructum in nobis parerent; & eo, quo possent pacto nobis tam uenire, quàm salutis causa

DE DIVI. IN HOMI. BENE.

prodesſent, atque conſulerent. Sed ad Hebræos redeamus; qui Dei beneficio Simone duce, atq; pontifice ſic rebus feliciter geſtis auēti fuere; ſic fama, gloriaq; exaltati: ut non minus apud Romanos, Spartiatasq; habiti ſint in honore: quā Syrijs, Aegyptijsq; culti, formidatiq; fuerint. Eam enim coaſto Iudæa excedere Triphone; & Cendebæo fuſo, fugatoq; conſecuti ſunt nominis celebritatem; ut non ſolū finitimis, uicinisq; populis formidini forēt, ab eiſq; ſummopere obſeruarentur: ſed etiam à longinquis, remotisq; gentiū nationibus interpellarentur literis ad ſocietatem ineūdam, uel ſemel initam confirmandam, ſtabiliendamq;. Generi dolis ſublato de medio Simone, Hircanoq; eius filio tam principatum, quā ſacerdotium adepto nihil adeo partē gloriæ, proſperæq; fortunæ imminutum ſenſerunt Hebræi: ut conatibus tam Ptholomæi proditoris, quā Antiochi fractis, & pluribus tum Idumææ, tum Samariæ captis, expugnatisq; urbibus, non ſolum imperij fines ſumma cum gloria latius extenderunt; ſed etiam ſubaſtis populis facta habi tandi poteſtate cultum religionis, legumq; ſuarum obſervantiam mirum in modum auxerunt. Quandiu Hebræi principe, pontificeq; Hircano, qui non minus diuini cultus, religionisq; ſtudioſus erat, quā rerum tam domi, quā foris gerendarum cautus, diligensq;: non minorem curam rei diuinæ, quā civilis, militarisq; diſciplinæ habuerūt; conſecuti ſunt Dei beneficio plurimas contra hoſtes uictorias, & non minus gloriam, atque trium=

phum bellando sibi pararunt : quàm pacem, atque securitatem pepererunt . Simulatque uerò Aristobolus defuncto uita patre ius sacerdotij, atque principatus adeptus, regium diadema assumpsit; & nomen regium, quod apud Hebræos Babilonica captiuitatis tempore iam desuerat, suscitauit atque restituit : & uno ex quatuor fratribus fame necato, reliquos tres unâ cum matre in carcerem coniecit; et dominandi libidine tam iura sanguinis uiolauit; quàm Dei, religionisq; traditiones temerauit; effectum est, ut res Hebræorum ex illo inciperent in deterius labi, & exemplo Regis uulgo parta peccandi audacia in dies tantò minor religionis, Deiq; cura haberetur: quanto maius robur uitij accederet; & maior peccatorum copia euaderet. Cum uitiorum, peccandiq; ea sit conditio, ut ex paucis in plures facile contagio deducatur; & quanto ulterius progredi sinatur, tantò maiores uires sibi suscipiat: euenit ut Aristoboli flagitia, & impietatem tam subiecti magna ex parte imitarentur; quàm frater Alexander, qui ei tam in regno, quàm in sacerdotali honore successerat, lōgè exuperarit: qui præter flagitia, crudelitatemq;, quam in fratrem, suosq; exercuit: eò flagitij peruenit, & sæuitiæ; ut ex senioribus Hebræorum quamplurimos occidendos curaret; & in quasdam domos, atque familias ita sæuiret: ut ipsos patres familias unâ cum uxoribus, & liberis patribulis suffigendos mādaret. Ex hoc sæuo, impioq; homine prodire duo filij; quī defuncta matre, quæ regni ius tum mariti, tum po-

DE DIVI. IN HOMI. BENE.

puli uoluntate obtinuerat : de regno inter se graui-
ter contenderunt , & non destiterunt dolis , prodi-
tionibus , bellis Oedipodum instar mutuo decerta-
re : donec suis , subiectorumq; uiribus exhaustis an-
sam præbuere Romanis , occasionemq; porrexere in-
uadendæ , occupandæq; Hierosolimæ , Iudæiq; regni
usurpandi . Flagitijs itaque tam principum , Regūq;
quàm subiectorum diuinæ iustitiæ ultionem exi-
gentibus , & diuina consulendi , benefaciendiq; ra-
tione , ut aduersæ fortunæ remedium iam tentare
tur , exposcēte ; eò peruenere miseriæ , calamitatisq;
Hebræi ; ut mutuis odijs , seditionibusq; acti , dum se
inuicem ferre nolunt , externorum imperium sub-
ire cogerentur : & omni tam belli , quàm pacis glo-
ria amissa , iure constituendi sibi Regis priuarētur ;
& ad iugum externæ dominationis subeundum ar-
etarentur . Vrbe enim regia capta Romani exerci-
tus imperator Pompeius Hircanum ex filijs Alexan-
dri principem constituit : Iudæamq; omnem populo
Romano tributariam effecit : Antipatroq; prouin-
ciæ procuratore relicto instituit omnia senatus , po-
puliq; Romani arbitrio gubernanda , atque admini-
stranda . Post Pompei Magni expeditionem , qua fra-
cta libertas , & attritæ uires Hebræorum fuerant :
cum nihilomais Hebræi ipsi corrigendæ uitæ ratio-
nem haberent , sed quotidie deteriores euaderent :
clade cladi adiecta eos admonendos , ad pœnitenti-
amq; interpellandos censuit pro sua in eos propen-
sione , & beneuolentia Deus . Quapropter permisit ,
ut à Gabinio malè haberentur ; à Crasso diriperen-

tur, templiq; thesauris expoliarentur; & a Cassio, Cassiq; exercitu affligerentur, plurimumq; detrimenti, atque iactura acciperent. Nec desistit Deus pro sua in eos charitate, & studio, cladibus, aduersisq; rebus interpellare, ad suscipiendum uirtutis, religionisq; cultum, & ad dimittendam peccandi, prauaq; agendi rationem excitare: quoad eis regia dignitate omnino priuatis, & Rege alienigena Herode in Iudæa à Cæsare constituto, cœpit appetere tempus, quo mittendus erat, qui salutem afferret humani generis; & beneuolentiam, beneficentiamque Dei erga omnes æquè declararet. Iam enim nomen regum, sceptrumque dominationis ablatum erat femori, generiq; Iudæ; quod tam multis ante annis duodecim filiis pater prædixerat omnino auferendum: cum uenturus esset qui afferret salutem mortalibus, & genus humanum liberaret à seruitute ex primi hominis noxa prodeunte. O tempus summo desiderio expectatum. O felicem, prosperumq; temporis aduentum: quo se in terras contulit, qui generi humano salutis donum apportaret; & liberationem à seruitute peccati, cui obstringeretur, homini concederet. Sicut ab antiquis, maioribusq; illis Hebræorum id diu temporis expetitur, desideratumq; fuit: quo adueniret, qui libertati genus humanum restitueret: & à Deo factas promissiones suo aduentu exequeretur: ita mihi propemodum iam diu expectatur id temporis, quo ex instituti nostri ordine, atque ratione accidat, atque ingeratur occasio dicendi de eo, cuius opera, atque officio be

DE DIUI. IN HOMI. BENE.

nescium salutis humano generi sit allatum: & quo
uindice, atque authore libertas homini sit parta, at
que acquisita. Iam peruentum ciues est ad instituti
nostri cardinem: iam ad summum materiæ propo-
sitæ apicem pertigimus: iam ad destinatam, præstitu-
tamq; maxime dictionis rationem deuenimus. hinc
ratio diuinæ in hominem beneuolentiæ præcipue ape-
ritur: hinc diuinæ erga genus humanum beneficen-
tiæ conditio maxime apparet. Nulla alia re, nul-
loq; alio pacto Dei in hominem beneuolentiæ clarius,
efficaciusq; declarari, ostendiq; potuisset: nihil fue-
rat, quo melius, copiosiusq; diuinæ erga genus homi-
num beneficentiæ largitas exerceretur, atque osten-
deretur. Non enim Deus Angelum, intelligentiam ue
aliquam cœlestem, à qua admoneremur, institue-
remur ue, legauit nobis: non prophetam hominem
destinauit, qui nos acciret ad poenitentiam, ad stu-
diumq; sapientiæ prouocaret: non in nube, fumi ue
globo locutus est nobis: non rationem uiuendi tabu-
lis lapideis tradidit nobis descriptam: non leges reli-
gionis, ritusq; sacrorum custodiendos hominis ali-
cuius nostratis opera, officioq; nobis edidit, atq; per-
scripsit: sed filium suum unigenitum cœlo demisit:
qui sumpta hominis specie, indutoq; humano cor-
pore nobiscum esset, nobiscum degeret, nobiscum
conuersaretur; & conuersando nos in recta, atq;
salutari uiuendi ratione instrueret; & salutis uia,
uitæq; æternæ aditum nobis aperiret, atque demon-
straret. O singularem, maioremq; quam ut uer-
bis exprimi, animisq; comprehendi queat, Dei in

ORATIO SECUNDA. 134

hominem beneuolentiam, & charitatem. Non satis fuerat hominem producere; rationali eum anima dotare; primatum in omni genere animantium ei concedere; eumque omni genere beneficii, quatenus ipsius natura pateretur, prosequi, & afficere: nisi se ipsum quoque ei coniungeret, uniretque; & cum eo uiuendi societatem, consortiumque contraheret. Si quidquid beneficii Deus contulit homini, ab ipsius hominis productione, usque ad tempus, quomisit filium, recenseatur exacte, unaque congeratur: tantum non poterit comparari, æquarique beneficio, quod mittendo filium contulit: ut quantum Deus præstat homini, naturaque diuina humane: tantum propemodum quod beneficii allatum est homini Deo naturam hominis induente, excellit, superatque genus omne beneficii, quod sit Dei opera præstitum homini tam ratione conditæ naturæ, quam bonorum omnium; quibus per tam longa temporum spatia eum multifariam comperitur prosecutus. Id beneficium eiusmodi est, ut plenam, absolutamque boni rationem in se contineat; & tanquam scopum se se habeat; in quem quidquid unquam uel beneuolè Deus egerit in hominem, uel beneficè contulerit, dirigatur. Tanti enim momenti est id genus beneficii, ut simulatque eius conferendi peccante homine nata fuit occasio, nullum tempus effluerit; quod eius futuri mentionem non habuerit; nulla ætas præterierit, quæ id futurum non acceperit: & nullæ propemodum res euenerint, Dei que auspicio institutæ fuerint; quæ aliqua ex parte typum, symbolum ue-

DE DIVI. IN HOMI. BENE.

eius futuri non gesserint. Cuius quidem beneficij cōditio quod melius innotescere nobis possit, & perfectius agnosci nobis valeat; de eo sic dicemus, disseremusq;: ut singillatim quæque simus tacturi; quæ ad eius rationem explicandam, ostendendamq; facere uisa fuerint; & nihil prætermisuri, quatenus nostræ ferent uires; quod aliquo pacto uideri possit pertinere ad huiusmodi beneficij uim, naturamq; aperiendam, atque declarandam. Quapropter, cum totius beneficij huius ratio consistat in filio Dei in terras demisso; & in coniunctione Dei facta cum homine; non fuerit absurdum, nec ab instituti nostri ratione alienum, priusquam singula huius ingentis, admirandiq; beneficij membra excutiamus, atque recenseamus; explicare, quoad Dei gratia succurrente potuerimus; cur Deus filium suum in terras demiserit; cur tam diu post corruptam naturam humanam, commissumq; peccatum mittere eum distulerit; & quonam pacto, quibusq; modis filius ipse sit id executus; cuius causa missus esset. Si igitur missi à Deo in terras filij causam ita exquiramus, ut scire uelimus, cuius efficiendi causa sit missus; & si nullum ex nobis adeo rei diuinæ ignarū arbitror esse, qui id penitus ignoret: tamen ne locus ullus propositæ materiæ intactus relinquatur; dicimus, attestamurq; causa salutis generi humano afferenda, & causa redimendi à peccati seruitute hominis pro sua ingenti, mirificaq; in hominum genus beneuolentia, & charitate Deum misisse filium suū unigenitum. sin autem causam missi à Deo filij ita

indage
firiam
& nil
pam
opera
te pe
plan
tur i
posse
am p
& i
bert
con
tio c
homi
catio
min
qu
ta e
pot
&
lius
tion
fore
hoq;
ditio
uole
ret
can
exc

Indagemus; ut cupiamus scire, cur Deus cum pluri-
 fariam posset seruitute peccati liberare hominem;
 & nihilominus salutem humano generi afferre quo-
 piam alio, quàm filio misso: maluerit tamen filij
 opera, filijq; missione hominum genus tam seruitu-
 te peccati exoluere, quàm dono salutis afficere: id
 planè causæ, siue indagationis aliquid amplius uide-
 tur in se continere difficultatis; quam tamē auferri
 posse facile intellexerimus; si Dei in hominem eximi-
 am propensionem, & beneuolentiam perpēderimus;
 & ipsius hominis, quatenus liberi est arbitrij, & li-
 bertate uoluntatis pollet, conditionem, naturamq;
 considerauerimus. Nullus enim modus, nullaq; ra-
 tio excogitari poterat liberandi à peccati seruitute
 hominis, & saluti æternæ restituendi aptior, effi-
 catorq; ad significandam, ostendendamq; Dei in ho-
 minem singularem beneuolentiam, et charitatem:
 quàm quæ misso filio, eoq; factō homine excogita-
 ta est, atque electa. Quanam enim alia ratione
 potuisset Deus suam in hominem beneuolentiam,
 & amorem testari euidentius, comprobare me-
 lius, exprimere efficacius: quàm quod libera-
 tionis facturus esset, & quod salutis traditurus
 foret homini; id facere, id tradere misso filio, fi-
 lioq; suo factō homine? præterea cum natura, con-
 ditioq; hominis pro accepta semel arbitrij libertate
 uolentia aliqua induci, uolenterq; trahi non debe-
 ret ad salutis habendam rationem, dimittendūq; pec-
 candi tramitem: quo pacto, quo ue modo melius
 excitari, efficaciusq; commoueri potuisset uoluntas

DE DIVI. IN HOMI. BENE.

hominis ad peccati odium, Deiq; amorem, atque cultum: in quo colendo, amandoq; salutis humanae ratio omnis constituta est: quam comperta, cognitaq; quo maximè posset modo, in se diuina charitate, atque beneuolentia? si Deus alium quempiam uel Angelum, uel hominem misisset: cuius opera uteretur in genere humano à seruitute peccati liberando, immortalisq; saluti restituendo: non utiq; tantam suam erga hominem beneuolentiam, & charitatis significationem prodidisset; nec tantam uim suam in hominem propensionis declarasset; quantam studuit declarare mittendo filium: cuius quidem missione cum tantum beneuolentiam erga hominum genus ostenderit: ut quoquam alio rei, aut facti genere tantundem ostendi non potuisset: non incongruum fuerit existimare idcirco filium potius, quam alium missum fuisse: ut quanto maiorem deprehenderet homo Dei erga se amorem, & beneuolentiam: tanto magis induceretur ad Deum amandum, & tanto maiori erga Deum ipsum cultu, studioq; afficeretur. Quapropter cum salutis nostrae ratio consistat in cultu, amoreq; Dei; conueniens fuit, & opportunum pro conferendae salutis ratione, deligere modum, tenoreq; quo praecipue humani animi commoueri possent, & induci ad amandum, colendumq; Deum. Quod autem quis tanto magis, tantoq; facilius inducatur ad quempiam colendum, amandumq;: quanto eum si bi magis amicum, beneficumq; agnouerit; & quanto maiori se ab eo beneuolentiae, & charitatis affectu complecti intellexerit: tam prorsus naturae con-

sentaneum est, & rationi conforme; ut non minus à iure naturæ, quàm à rationis lege deficere uideri posset; quisquis se uel eiusmodi non præstaret, uel id satis se scire non consentiret. Misit itaque Deus filium, quò peccati iugo hominem exolueret, hominèq; salutem afferret: & ideo filium potius, quàm quenquam alium misit: quò sua, quàm posset maximè erga hominem beneuolentia, & charitate ostensa, comprobataq; facilius alliceret, prouocaretq; magis ipsum hominem in sui cultum, suiq; amorem, sine quo salus ei nequeat esse. O' beneficam Dei erga hominem curam. O' Dei summum studium, desideriumq; consulendi hominè, hominisq; salutis prospiciendi. Cum enim mittendo alium, quàm filium posset uiam salutis aperire hominè, & ad salutem consequendam hominem excitare: maluit tamen filium, quàm alium mittere: quò maiorem, facilioremq; hominè præstaret consequendæ salutis occasionem; & eum magis alliceret, efficaciusq; extitaret ad id ineundum, in quo salutis ratio consisteret, & felicitatis adeptio esset collocata. Quò tutius consuleretur hominè; quò salutè hominis abundantius succurreretur; quò paratiorem, oblatioremq; haberet homo consequendæ felicitatis ansam; filium non de tractauit Deus mittere, eumq; hominem constituerè. pro sua enim Deus in nos charitate, & pro suo nobis proficiendi, consulendiq; studio nò solum procurauit salutem nobis offerendam, beneficiumq; salutis exhibendum: sed etiam eo modo, eaq; ratione salutem obtulit, beneficiumq; salutis exhibuit: ut

DE DIVI. IN HOMI. BENE.

facilius eam consequi possemus, & ad eam consequendam maioribus stimulis excitaremur. Cur autem Deus tam diu post commissi peccati ruinam distulerit filium mittere, et humani generis saluti succurrere: nullus adhuc, quem sciam, ex sacris authoribus est ausus rationibus indagare, scribendoq; explicare. Quin huius rei explicatio uisa est tam difficilis, & ardua, ut crediderint eam ingenij, intellectusq; humani vires omnino superare; & nullo pacto, nullaq; ratione mortali scrutatu posse completi. Qua propter cum Dei super hac re consilium latentius, arcaniusq; esse duxerint, quam ut intellectu hominis apprehendi, ratiocinationeq; aliqua explicari posset; maluerunt rem intactam relinquere; et ad diuinæ providentiæ arcanam rationem referre, quam ratiocinando frustra tentare, quod omnino assequi nequirent, & scribendo adgredi, quod satis attingi, explicariq; posse diffiderent. Quæ ratione uideri forte poterimus nos nimis arroganter facere, operamq; impotenter contere; si id scrutari, indagareq; experiamur; quod tam doctrina excellentes, tamq; sanctitate probati homines intactum reliquerunt, & tanquam cognitionis humanæ uim, facultatemq; exuperans omiserunt. Vtcunque de mensentiatur, non permittam; quatenus Deus aspirarit, rem huiusmodi sine tractatione labi: nec aliorum exemplo deterritus exhorrescam tentare, atque adgredi: quod & si maius sit, quam ut præstari uiribus humanis queat, tamen sciam leue, facileq; Deo esse præstatu: cui cum nihil, quod uel remotissimo gradu

gradu distet, possit esse ignotum; nullo pacto existimandum est; quod ipsius providentiæ hæreat, quodq; ex ipsius mera uoluntate dependeat, aliqua tenus ignorari. Sed cum non debeamus pro Dei in nos propensione, & benignitate diffidere; quin impetremus, quod casto proposito, firmâq; fiducia petamus: non est cur dubitemus implorata Dei ope, summaq; de Deo concepta fiducia rem aggredi cæteris intentatam: quæ si nobis minus feliciter cesserit, nihil fuerit, cur magis uostæ deat uestri laboris in audiendo, quàm nos nostri in dicendo. Quod si æquanimiter laturi sumus nos quancunque laboris, operæq; iacturam; quam sustineamus proficisci uobis studio, iuuandiq; uos desiderio; quanto magis ægre ferre non debetis, si quid laboris subieritis, uel potius si quid otij amiseritis; dum uestræ rei consulere procuratis, uobismetq; ipsis iuuantis incumbitis. Si quod laboris sumpturus sum, eius rei causa, quam respiciat incassum cedere contigerit: tantum abest, ut eius suscepti pœnitentia sim corripendus: ut uel de eo suscepto non parum uoluptatis sim percepturus: dum meminero præclaræ rei non defuisse aggrediendæ, nec labori, operæq; pepercisse; quominus experirer rem à cæteris prætermittam, & tentarem negotium, quod pro difficultate, quam continet, & pro penetrâli, quo reconditur, uisum sit maioribus nostris silêtio prætereundum; & nulla ratiocinatione attentandum. Si huius rei, huiusq; arcani negotij ratio fuerit eius modi, ut eam Deus nolit homini cuiquam exactè

DE DIVI. IN HOMI. BENE.

innotescere; non diffido tamen pro ea, qua eum
noui esse facilitate, atque promptitudine satisfac-
ciendi homini: à quo confidenter adeatur, & so-
lida, constantiq; fide rogetur: quin aliquid eius o-
pe simus allaturi: quod si rem satis non explicet,
saltem uideri possit ad rem ipsam non incongruè se
habere. Bonitas immensa Dei, Deiq; benefica erga
hominem propensio non patiuntur, nec ullo modo
permittunt; ut possit existimari, dilatatam diutius ab
eo fuisse hominis salutem, quàm causa ipsius ho-
minis: qui citius oblatam salutem cum fortè nò es-
set accepturus, & idcirco subiturus, cōtracturusq; si
bi foret maiorem noxam: non uisum fuit Deo pro
sua proficiendi, benefaciendi que homini pro-
pensione cōmittere: ut salutis ratio suo effectu non
solum frustraretur; sed etiam contingeret, ut quod
alioqui afferendæ salutis causa esset institutum; af-
ferret exitium: & quod deberet prodesse remedi-
um, obesset grauius; & ægrotantis conditionem
redderet grauiorem. Existimandum est enim tem-
pus afferendæ salutis exactè Deum obseruasse; &
illud elegisse, quod prospexerit maximè opportu-
num, & conueniens acceptandæ saluti, & produ-
cendo salutis affectui. Nefas enim esset credere, De-
um salutis beneficium distulisse; ne cui posset, ho-
mini consulere; & ne se beneficium, liberalemq;
nimis erga hominem præberet. Non cadit in Deum
consulendi, cauendiq; homini incuria, non otium
competit Deo à liberalitate, & beneficentia erga
hominem exercenda: dummodò se homo ipse non

subtrahat: nec in causa sit ipse sibi, quominus di-
 uinae liberalitatis, & beneficentiae prouentum sen-
 tiat, atque experiatur. Ratio diuinæ bonitatis nul-
 lo modo permittit, ut debeamus arbitrari, Deū ma-
 num ab applicando salutis remedio continuisse diu-
 tius, quàm uel cōuenire morbi ipsius rationi cogno-
 uerit; uel saluti inducendæ, atque restituendæ ex-
 pedire animaduertit. Sicuti neque boni, neq; pru-
 dentis medici fuerit, morbo, ægritudini'ue remedi-
 um, medicamenq; adhibere, prius quàm anima-
 duertat ipsius morbi, atque ægritudinis conditio-
 nem exigere, ut adhibeatur: & prius quàm co-
 gnoscatur pro morbi, maliq; affectus constitutione fo-
 re; ut remedium proficere possit; & sanitati resti-
 tuendæ conducere: ita ex boni, prouidiq; Dei fuit
 officio, ut tam diu morbo peccati remedium adhi-
 bere differret; quousque prospiceret ipsum remedi-
 um maximè profuturum; & restituendæ sanitati
 apprimè conducturum. Videmus uomicæ, atq; ab-
 scessui humani corporis non ferrum, extremamq;
 curationem prius adhiberi; quàm cruditate paula-
 tim maturescence purem contrahat; & contracta
 sanie ostendat tuto ferrum admoueri posse, & cura-
 tionem adhiberi: quæ si fortè adhiberetur nōdum
 ad purem, maturitatemq; redactō abscessu; faci-
 lè contingere posset, ut quod medicandi, curadiq;
 causa admoueretur remedium, non solū nihil pro-
 ficeret; sed etiam uirus immaturum exasperando
 durius angeret, & grauius affligeret. cur æquè
 existimari non potest abscessui, siue uomicæ peccati

DE DIVI. IN HOMI. BENE.

humano generi ex primi hominis traduce contra-
 ãta non prius à Deo adhibitam fuisse curationem,
 quàm contracto paulatim per longa temporum spa-
 tia pure cœperit maturefcere : & collecta sanie si-
 gnificavit commodè, salubriterq; posse adhiberi re-
 medium. Quod enim virus peccati initio corru-
 ptæ, infecta q; naturæ nimis recrudescibat; paula-
 tim multiplici generationis traduce actum, matu-
 ritatem accepit, & in puram conuersum commo-
 dam, salutarem q; denique remedij suscepit admo-
 tionem. Hic modo non nihil est ciues, ex quo satis
 me explicare non possum. Mihi sanè uideor agno-
 scere quandam rei summam, cui tamen explican-
 de, articulativm q; discutiendæ me minus sufficere
 deprehendam. O quàm pulchrum foret, & mi-
 rabile, si intelligi, explicari q; posset, quonam du-
 ctu, quonam generationis tenore se natura huma-
 na præstiterit aptâ ad suscipiendam curationem, admit-
 tendum q; salutis remedium; & effecta fuerit pau-
 latim uiro peccati maturefciente idonea, cui saluta-
 ris medella adnoueretur : & cui non sine profe-
 ctus ratioe salubri remedio succurreretur. Si liceret
 apprehendere quibus gradibus, quibus'ue pedeten-
 tim modis naturæ humanæ conditio eò processerit,
 ut commodè admitteret curationem; salutis q; reme-
 dium utiliter, efficaciter q; reciperet; apprehende-
 remus æquè diuinæ iustitiæ exactam rationem; &
 agnosceremus Dei miram cum iustitia coniunctam
 bonitatem, atque beneficentiam. Si nostri capaci-
 tas ingenij sic foret ampla, ut posset exactam ad-

mittere temporum rationem, & numerorum plenam accipere notitiam: possemus omni procul dubio cognoscere; quæ duorum cuborum imparium, septenarijque numero complexæ generationes ab homine, qui naturam infecit, peccatoque maculavit, protenduntur ad hominem, qui labem diluit peccati, & naturam humanam sorde exoluit: non carere mirifico diuinæ iustitiæ, & providentiæ examine: nec ab re tot numero ab inflictu peccati ad curam eius intercessisse. Si præterea in eisdem generationibus, siue naturæ traducibus bis terni, terque bini numeri rationem ineamus; & quem creando homini numerum præscriptum fuisse constat; eum decies repetendo, quæ numeri absoluta est ratio; & omnem numerandi circuitum compingit; exactè supputemus: per sex ætas decies generationis traduces comperiemus naturam humanam eò peruenisse: ut commodè, utiliterque admitteret curationem, & salutiferi remedij applicationem sustineret. Quam labem peccando induxerat, qui senarij extrema parte conditus primas originis in genere humano obtinebat: eam non sine grandi, ingenti que diuinæ iustitiæ, & providentiæ examine, & ratione abstersit, eluitque: qui sexta, extremaque mundi ætate editus sex decies naturæ, generationisque exactis traducibus primas in traducis, generisque numero obtineret. O quam mirum, absolutumque diuinæ sapientiæ, & providentiæ ordinem deprehenderemus. O quam exactam iustitiæ, & beneficiæ diuinæ rationem, legemque intelligeremus:

DE DIVI. IN HOMI. BENE.

si ueram metiendi temporis rationem calleremus;
 & perfectam numerorum cognitionem, sciētiamq;
 haberemus. Agnosceremus utique, & abūdē per-
 ciperemus: quonam pacto se haberet, & quibus-
 nam rerum, rationumq; successibus constaret illa
 ab Apostolo asserta temporum plenitudo: quæ licet
 satis appareat esse effecta redactō eō cōditionis post
 contractum peccati uirus homine: ut maturo ab-
 scessu curationem admitteret; salutaremq; remedij
 adhibitionem pateretur: tamen quibus rerum pro-
 gressibus, & quibus rationum gradibus, atque te-
 noribus congesta sit, & confecta: tam procul ab-
 sumus, ut perfectē cognoscamus: ut uix aliquid
 conuiuentibus oculis attingamus. Ad explicandam
 dilatae salutis, salutiferiq; remedij rationem non-
 nulla præterea conferre uideri possunt: quæ tamen
 si perspicaciter considerentur; eandem, cuius me-
 minimus, remedij opportunitatem arguunt: & sa-
 lutis oblatae moram efficacem, utilemq; indicant.
 Nihil igitur prohibet, quin arbitrari possimus inter
 ea, quæ in causa fuerunt, ut Deus tam diu salu-
 tis authorem mittere distulerit, id quoque extitis-
 se: ut per longa temporum spatia experiretur ho-
 mo suam infirmitatem; & nihil esse omnino de-
 prehenderet, cui sibi in ratione salutis confideret:
 & ut ex longo temporis tractu comprobata magis
 naturæ humanæ debilitate, atque impotentia, Dei
 beneficium euidentius denique agnosceretur; &
 Deo, quicquid salutare, salutiq; conducens tandem
 detegeretur, acceptum omnino referretur. Quod

sanè rei cum genus hominum maxime possit exci-
tare ad cultum, amoremq; Dei: nemo est, qui non
possit discernere, quàm conueniat, quàmq; aptè
congruat maiori salutis oblata profectui constituen-
do: cuius rationem à Deo in primis habitam fuisse
in offerenda salute, adhibendoq; salubri remedio
modò dicebamus. Nec id parum etiam facere uide-
tur ad causam dilatae salutis, quod in se continet ra-
tionem tam ipsius salutis apertius comprobandæ,
quàm promptioris studij in homine ad salutem su-
scipiendam inducendi. Distulit enim tam diu pro-
missam salutem Deus exhibere: quò diutius homi-
ni expectata, maiori affectu, studioq; exciperetur:
& tantò fructum uberiores, copiosioresq; in ho-
minum genere obtineret; quanto auidius, studio-
siusq; diuturno tempore expectata exciperetur.

Distulit item tam diu, quò diuturno, longoq; tem-
porum spatio per multiplices rerum, successuumq;
typos, & per uarias uerborum, factorumq; speci-
es ipsam salutis offerendæ rationem indicaret, indi-
catamq; per tot ante tempora, & per tot omni-
gas rerum, atque uaticiniorum formas, deniq; cum
succederet, probatiorem, euidentioresq; redderet:
& tantò acceptabiliorem efficeret; quanto certio-
ri, copiosiori; testimonio illustraret, atque compro-
baret. Nec alienum fuit à ratione tam bonitatis di-
uinæ clarius ostendendæ, quàm salutis ipsius effica-
tioris, fructuosiorisq; reddendæ: ut prius quàm mit-
teretur, qui salutis munus afferret; & morte obi-
ta, fusoq; sanguine genus humanum liberaret a

DE DIVI. IN HOMI. BENE.

peccati servitute : eò malitiæ , & perversitatis per
veniretur ab eis, qui peculiariter amati, præcipueq;
beneficijs affecti fuissent : ut pro sua iniquitate, &
ingratitude mererentur id noxæ incurrere, idq;
flagitij committere : ut quem beneficium , benivo-
lumq; maximè experti essent : & quem salutis con-
ferendæ causa accessisse intelligerent : eum dolo, in-
sidijsq; circumnventum procurarent torquendum, per-
dendum , occidendum . Id profecto rei non minus
ingentem Dei bonitatem , benignitatemq; attesta-
tur : quàm salutis ipsius fructum adauget ; effica-
ciusq; reddit , & fructuosius efficit remedium pec-
cato delendo , salutiq; inducendæ adhibitum. Quis
enim non agnoscat id egregium , maximumq; esse
Dei bonitatis , benignitatisq; testimonium : ut qui-
bus maximè benefecerit , & quorum saluti maxi-
mè curarit prospicere ; eorum se tradat factus ho-
mo potestati affligendum , iniurijs afficiendum, in-
terimendum ? Quis æquè non animadvertat id tan-
tæ bonitatis diuinæ ostensæ, idq; tam eximie beni-
gnitatis declaratæ mortalium animos facile cõmo-
uere , excitareq; posse ad colendum , amandumq;
ipsum Deum ; & ad habendam salutis consequen-
dæ rationem : quæ in ipso Dei cultu , Deiq; dile-
ctione, & charitate constituta sit ? Superest ut iam
de quo tertio loco quærebatur differamus, & exequamur, quatenus Dei dono, et benignitate nobis li-
cuerit : quonam pacto, quibus'ue modis Dei filius
homo factus expediuerit, cuius causa aduenisset.
licet huius rei explicatio sit distinctius, illustriusq;

apparitura; cū singillatim de Christi institutis, actio-
nibusq; agatur; et de morte eius, profusoq; sanguine
tractabitur: summatim tamē, ne coepti ordinis ratio
interpelletur, rem attingendam hic ducimus, et ape-
riendū breuiter, cōpendioseq; explicandū censemus,
quibus modis, quā ue rerum ratione salutem attu-
lerit generi humano Christus: et id cuius causa foret
missus, fuerit executus. Cuius causa Dei filius ho-
minem induerat, id eum præstitisse: & salutem, cu-
ius causa offerendæ accesserat, exhibuisse arbitra-
mur exemplo, institutis, prouocatione charitatis,
profuso sanguine, obita'ue morte. Exemplo præsti-
tit id Dei filius, cuius causa factus erat homo: dum
piē, innocenterq; uiuendo proposuit se homini imi-
tandum: & se tanquam exemplar quoddam exhi-
buit: in cuius imitatione salus hominis esset consti-
tuta. Ea instituta, ea documenta factus homo Dei
filius homini tradidit, tam eius officium erga Deum,
quā erga hominem respicientia: in quorum custo-
dia, atque obseruatione ratio salutis sic esset collo-
cata: ut eis non custoditis, nec obseruatis frustra sa-
lutem se consecuturum homo ipse consideret. Sua
bonitate patefacta, suāq; in hominem ostensa beni-
gnitate, & beneficentia Christus Dei filius prouoca-
uit ipsum hominem ad mutuam charitatem, in sui-
cultum, amoremq; Dei inuitauit: sine quo tam de
salute non potest haberi ratio: ut in eo consistat pror-
sus ipsa salus. In salutis constituenda ratione tanta
obitæ mortis, effusi-
q; sanguinis fuit efficacitā; ut nō
solum uehementer contulerit ad conciliandum hoc

DE DIVI. IN HOMI. BENE.

mini Deum, prouocandumq; hominem ad cultum,
amoremq; Dei: sed etiam contuderit, fregeritq; mi-
rum in modum uires, potestatemq; Diaboli; quas
aduersus hominem non sine uictoria exerceret; &
quibus ipsi homini obsisteret, quominus salutem co-
sequi posset; & ad sui finis consecutionem perueni-
re ualeret. O uim potentem obita à Christo mortis:
ò arcanam, mirificamq; profusi à Christo sanguinis
uirtutem. Si tam græcis, quàm latinis testificatum
habemus monumentis, atque historijs morte profa-
ni hominis, qui se pro salute patriæ deuouerit; uel
ultrò in hostes se pro liberanda patria coniecero occi-
dendum: consultum fuisse patriæ ipsius saluti; pa-
triamq; ab hostibus liberatam extitisse: quanto fide
dignius est, quanto creditu conuenientius, morte
non profani, nec meri hominis, sed Christi, qui De-
us æquè esset ac homo, fuisse liberatum genus hu-
manum à Diaboli, peccatiq; seruitute, & salutis do-
num consecutum? si tam priscorum uatum, quàm
historicorum monumenta testantur, indicantq; as-
pertè morte hominis, humaniq; sanguinis profusio-
ne immites placari manes, reprimiq; nocumenta lar-
uarum, atque Demonum; cur potius credendum
non fuerit mortem Christi, Christi; sanguinem effu-
sum, latentem nescioquam uirtutè, potestatemq; ha-
buisse reprimendi uires Diaboli, Diaboliq; aduersus
hominem impetum; uimq; confringendi, atque e-
neruandi? Hinc ualdè ciues possumus animaduerte-
re: quàm se beneficum nobis præstiterit Deus, quàm
se nostræ salutis studiosum præbuerit; & quàm

consulendi nobis, nostræq; saluti prospiciendi cupi-
 dum se ostenderit: qui non solum filio authore, fi-
 lioq; facto homine uiam, semitamq; salutis nobis ad-
 aperuit, monstrauitq; sed etiam filij exemplo nos
 inuitauit: institutis, documentisq; à filio tradi-
 tis eradiuit; bonitate, benignitateq; filij nos prouo-
 cavit; & ipsius filij morte, atq; sanguine quidquid
 poterat esse impeditenti saluti obtinendæ arcuit
 prorsus, atque amouit. O magnam consequen-
 dæ salutis benignitate Dei nobis oblatam occasio-
 nem: o tutam, facilemq; uiam adipiscendi salu-
 tem Dei beneficio homini propositam. Nihil præter-
 misit agere, procurareq; pro sua in nos propensio-
 ne, & charitate Deus quò incolumitati nostræ con-
 suleret, & quo promptam, obuiamq; assequendæ sa-
 lutis homini commoditatem præberet. Id porro salu-
 tis oblate homini beneficium tantò maiorem Dei er-
 ga hominem benignitatem, beneficentiamq; com-
 probat, atque ostendit; quantò largius effusum, in
 pluresq; disseminatum esse reperitur. Non enim id
 genus beneficij solum gentem Hebræam, Iudæumq;
 populum; pro ut ea, quæ constitit peculiariter à Deo
 genti Hebræorum præstita beneficia, respicit: sed ad
 uniuersum genus humanum pertinet; & uniuerso
 hominum, summotà omni exceptione, generi offer-
 tur accipiendum. Quæ Dei beneuolentia peculiari-
 ter erga Hebræos ostensa est; quæ Dei beneficentia
 in gentem Iudæorum specialiter est exercita; pro Dei
 ipsius exacta prouidentia, proficiendiq; homini stu-
 diosa uoluntate censenda est non æquè cæteris, uti He-

DE DIVI. IN HOMI. BENE.

bræis, potuisse esse usui, uel fructum aliquem adferre. Quod uerò salutis beneficium à Deo filij opera oblatum est, eiusmodi existit; ut non solum pro sua aperta, euidentiq; utilitate, & pro ui, efficaciq; commouendi, excitandiq; quorumcunque hominum animos in sui studium, acceptionemq; possit esse omnibus usui, & possit omnibus conducere: sed etiam tam facilem sui agnoscendi, suiq; suscipiendi rationem contineat; ut à quo non agnoscatur, à quo non suscipiatur; is censendus sit eò peruenisse uel nequitie, uel stoliditatis; ut nihil amplius uel noxæ ei instar Diaboli adijci, uel culpæ, tanquam mentis impoti adscribi possit. Beneficia, quæ peculiariter Hebræis Deus exhibebat, cum forent eiusmodi, ut pro conditione sua facile possent non agnoscī, nec admitti ab homine, qui nequissimus etiam non esset: & ideo non agnita, neque admissa possent noxam augere, augendoq; homini grauiter obesse: non mirum, si non exhibuit Deus ea, quibus nosset minus agnita, admissaq; fore potius noxæ, detrimentoq; quàm usui, atque emolumento. Salutis beneficium oblatum generaliter est omnibus; tum quia ratio diuinæ bonitatis, & iustitiæ exigebat; ut ueluti omnes ab uno, eodemq; primo homine infectionem contraxissent; sic æquè omnes expiandi se potestatem oblatam haberent: & sicut omnes contagionem, exitiumq; peccati uno, eodemq; authore retulissent; ita omnibus pariter salutis beneficium assequendæ offerretur; tum quia salutis huiusmodi beneficium poterat ita agnoscantibus, admittenti-

busq; prodesse; ut tamē nō posset obesse nō admittenti
 bus: cum qui uel tam insigniter mali sint, ut no-
 lint admittere; uel tam stupidi, amentesq; , ut non
 curent agnoscere; nihil amplius inde sibi possint no-
 xæ contrahere: quoniam qui pro malitia recusat ad-
 mittere, adeo reus, nequamq; sit necesse est; ut sum-
 mum noxæ attigerit: & qui pro stultitia non curat
 agnoscere, nihil est cur causa stultitiæ possit sibi ma-
 iorem noxam contrahere. Sed cum iam explicaueri-
 mus, cur Dei filius sit missus, & factus homo: exi-
 git modò ratio ordinis, ut pariter, priusquàm ulte-
 rius progrediamur, edisseramus, quonam modo fue-
 rit, & quo pacto fuerit homo factus. O' insigne,
 eximiumq; miraculum: ò stupendam, admiran-
 damq; rei conditionem. omni prorsus uirilis sexus
 exclusa opera, nulla uiri ope, actioneq; interueniē-
 te conceptus ex uirgine fuit homo: cuius quidem
 conceptio, si legem, uimq; naturæ consideremus:
 tam miratu digna, tam creditu difficilis uideri po-
 test; ut in rerum miraculis uix quidquam reperiri
 contingat, quod æquè ualeat audientis animum su-
 spendere, & hærentem, mirabundumq; reddere.
 sin autem consideremus, animoq; diligenter expen-
 damus, quæ sit eius uis, potestasq;: qui legem, uimq;
 naturæ tradidit, naturamq; ipsam condidit: compe-
 riemus huiusmodi hominis conceptionem adeo nihil
 hæitatione dignum, nihilq; creditu difficile habere:
 ut mereatur plus fidei, plusq; consensionis; quàm
 quæ quotidie ui naturæ fiunt, naturaq; operante pro-
 ducuntur. Si enim ex ui, conditioneq; naturæ ea ui

DE DIVI. IN HOMI. BENE.

uirilis seminis est uirtus, ut materiae muliebri in foetum conuertendae, in speciemque hominis effigian-
da sufficiat: & agendo id muneris in producendo
homine, hominisque corpore compingendo, forman-
doque praestet: ut cum nihil moli corporeae adijciat, ni-
hilque materiae constituendo corpori conferat: in cau-
sa tamen sit, ut ipsum corpus constituatur, corpo-
risque humani effigies, formaque informi materiae in-
datur: cur ab eo, qui totius naturae conditor est, &
omnia rerum semina, seminumque omnem uirtutem pro-
tulit, atque creauit; facillime fieri non est consentien-
dum: ut ex uirgine, materiaque uirginis informi uir-
tute diuini spiritus loco uirilis seminis operante, at-
que agente foetus concipiatur, homoque generetur?
Si praeterea uirtute calidi agente, humidique patien-
te a natura fieri comperimus; ut ex inanima pror-
sus, rudique materia edatur animal; & nulla tam
foeminei, quam uirilis sexus accedente opera corpus
uarijs membris distinctum formetur, & tam sensus,
quam motus particeps efficiatur: quid dubitationis
conciipiendum est, quid admirationis contrahendum:
si cuius uirtus est infinita, & cuius potentia tam na-
turae potentiae praestat, ut nihil omnino possit natu-
ra, nisi quatenus ab ipso suscipitis sua uirtute, suaque
diuini spiritus opera hominem formet, corpusque hu-
manum compingat in utero uirginis, ex ipsius uir-
ginis congrua suscipiendae humani corporis formae
materia? Si credamus non solum uirtute Dei uir-
gam Hebraei sacerdotis conuersam in draconem; cae-
terasque illas animantium species editas repente; sed

etiam magos Aegyptios uirgas ipsas animasse; & opera Demonis tam eas in tot dracones mutasse, quā complures insectorum species produxisse; quid fuerit amentiae, & peruicaciae non credere, Deum eius spiritus uirtute, quo se super aquas ferente mundi, cœliq; tot miracula sunt condita; sine uiri cuiuspiam opera compegisse, condidisseq; hominem, & ex uirgine filium suscepisse? Sicut absurdum foret, & à ratione alienum, negare quidquam à natura factum esse, quod ab ea facile possit fieri: ita temeritatis est, & inscitiae nolle consentire, factum esse à Deo; quod non solum in eius potestatem facile cadere potest; sed etiam eius bonitati, eiusq; uirtuti ostendendae, comprobandaeq; mirifice quadrat, atque congruit. Filius itaque Dei, diuinæq; mentis conceptus, sancti spiritus opera, spirituq; Dei agente corpus humanum accedente tamen anima, animæq; consortio interueniente suscepit ex uirgine; & factus est ita homo, ut nihilominus Deus existeret; & ita naturam humanam induit, diuinamq; retinuit; ut duplici natura constans, unius dumtaxat personae ratione contineretur. Vnius quidem personae ratione sic continetur: ut tamen circumscripta omni diuinitatis in humanitatem conuersione; & exclusa omni geminae substantiae, seu naturae permixtione non minus perfecte sit Deus, quàm homo. Qui enim perfecte Deus est, perfecteq; homo; is unus est, idemq; Christus: cuius sane conditio quàm consentanea, quamq; accomoda sit diluendo peccati contagio; & refartienda generis humani iacturae; quæ

DE DIVI. IN HOMI. BENE.

primi hominis uitio contracta esset; prout loci oportunitas flagitat, ut inquiratur: ita operæ precio indignū non fuerit, si diligentius id rei inuestigetur. Quod diuinæ similitudinis propter peccatum primi hominis deperditum fuerat; conueniens ualde fuit, & congruum; ut restitueretur eius opera, atque officio; qui non modo Deum referret, Deiq; similitudinem in se contineret; sed ipse Deus esset, patrisq; Dei uera similitudo, expressaq; imago existeret. Quæ Dei erat familiaritas, consuetudoq; cum homine, priusquàm peccaret; cuius munere, cuius uel officio aptius, conuenientiusq; potuisset restitui, re integrariq; quàm eius, qui non minus Deus esset, quàm homo: & familiarem, coniunctumq; sic hominem Deo contineret; ut sub unius personæ ratione utrunq; tam Deum, quàm hominem complecteretur? sicut peccatum, peccatiq; perniciem muliebri opera in genus humanum induxit malignus, impurusq; Demonis spiritus: in idem genus humanum congruum fuit, ut sanctus Dei spiritus æquè mulieris opera salutem induceret: & qui salutis homini author foret, conciperet. Cum Deus iustitia exigente ob peccati nefas paradiso, uoluptatisq; horto exclusisset hominem; & Cherube cum flammeo, uersatiliq; gladio custode collocato eum arcuisset, ne posset ingredi, lignoq; uitæ manum adijcere: conueniens fuit, ut simulatq; iustitiæ satis extitisset delatum, gratiæ beneficio Deus hominem deniq; inuiteret ad ingressum paradisi: & cuius opera Cherubis, gladijque uersatilis usus fuisset in prohibendo ingressu;

su; eiusdem tam Cherubis, quàm gladij opera, atq;
 uirtute uteretur in accersendo, inuitandoq; ad pa=
 radisum homine, & ad ingrediendam uiam exci=
 tando: qua lignum uitæ adiretur, & qua contem=
 deretur ad decerpandos ex arbore uitæ fructus, at=
 que comedendos. Consentaneum quoque fuit ratio=
 ni, ut qui foret peccati maculam diluturus, & ex
 homine sordem peccati ablaturus; is sic homo eua=
 deret: ut omni peccati sorde careret; & nulla id ge=
 nus infectione laboraret: cuius in genere humano
 eluendæ, expurgandæq; causa homo efficeretur.
 Quod enim infectionis generi humano ex primi ho=
 minis peccato contractum fuerat, mirifice conuenit;
 ut cuius hominis opera id genus infectionis curan=
 dum foret: is ab eo penitus immunis, & alienus
 conciperetur. Nec minus conueniens fuit, & conso=
 num rationi, ut qui homo naturam hominis cura=
 turus, & humanæ originis, atque naturæ uitium
 emendaturus esset: præter naturæ humanæ legem
 ederetur, & sui conceptu, suoq; ortu omnem na=
 turæ uim, rationemq; excederet, atque exupera=
 ret. Quò fit, ut id genus conceptionis; & hæc præ=
 ter naturæ conditionem suscepta à filio Dei forma
 hominis non solum ualdè congruat, & quadret in=
 signiter rationi eorum, quæ in homine, naturaq;
 humana forent curanda, perficiendaq;: sed etiam
 propter insolentiam, ex insolentiaq; prodeuntē ad=
 mirationem abundè prosit, mirumq; in modū con=
 ferat excitando homini ad cultum, amoremq; Dei:
 cuius opera quanto plus admirationis, & miraculi

DE DIVI. IN HOMI. BENE.

in se continent : tanto maiorem erga eum cultum,
amoremq; in homine solent producere , atque par-
turire. Id sanè benevolentiae , & charitatis , quam
erga nos ostendit Deus : dum filium suum , qui sa-
lutem afferret ; salutisq; quærendæ rationem nobis
traderet : faciendum hominē procuravit : licet pro-
ui , magnitudineq; sua satis aestimari , satisq; per-
pendi nequeat : tamen longè maiori se cumulo effe-
ret , & longè potiori se affectu indicabit : si consi-
deretur , non solum Dei filium nostra causa , no-
stræq; salutis ratione fuisse effectum hominem : &
ex sublimi cœli throno descendentem subisse huma-
ni , mortalisq; corporis carcerem : sed etiam eam ho-
minis fortunam , conditionemq; inisse : ut humilis
admodum foret , abiectæq; uitæ , & maxima pau-
pertate premeretur . Qui enim cuncta creavit ; in
cuius uirtute omnia fuere producta ; cuius domina-
tui tam cœli , quàm terræ tractus omnis suberat ;
& omnes tam animantium , quàm inanimorū spe-
cies subiiciebantur ; is nostri causa , nostræq; salutis
gratia factus homo tam angustæ fuit fortunæ , tan-
tæ fuit paupertatis , ut à matre editus in stabulo col-
locaretur in præsepio ; & uix existentibus , quibus
inuolueretur , pannis substrato fœno imponeretur
quieturus . O extremam filij Dei paupertatem : o
humilem nostri seruatoris fortunam . non in cubi-
culo aurati laquearis , peristromatibusq; strato , sed
in stabulo , fœniliq; à matre editur . Editus non in
auratis cunis collocatur ; nec molli , plumeaq; culci-
tra imponitur : sed præsepio infertur , & substrato

fœno procumbit. non xilinis, carbasinisq; fasciis
composite obstringitur, non linteis picturatis, phry-
giaq; arte laboratis molliter excipitur: sed pannis uir-
libus utcunque inuoluitur, & crassæ telæ frustis,
quæ uel fors obtulerat, uel uirgo, materq; inops si-
bi detraxerat, exceptus implicatur, obtegiturq;.

Obstetrix nulla, nulla nutrix precio conductâ ade-
rat: non seruitiorum turba intererat: non frequēs
affinium concursus factus est: sed sola uirgo, quæ
peperit: solusq; uirginis maritus, siue custos aderat.
quæ mater erat, eadem obstetrix, eademq; nutrix
fuit. qui uiricus infantis, custosq; uirginis erat;
idem seruitiorum, affiniumq; loco obsequium, offi-
ciumq; præstitit. Sed qui natus nullis exceptus fue-
rat pompis, atque delitijs; & qui in loco uili, hu-
miliq; editus fuerat pauper: eum attestante prophe-
ta agnouere dominum, possessoremq; suum bos la-
boris tolerans: & patientiæ, humilitatisq; typus a-
sellus. Quem uili in stabulo mater peperit, & uili-
bus pannis inuolutum præsepio imposuit: eum pa-
stores ab Angelis admoniti agnouere esse mundi do-
minum, generisq; humani seruatorem. Qui non in-
minori rerum, quam seruitiorum indigentia na-
tus erat; eum præuia, ducenteq; stella Arabes, Sa-
bæiq; Reges non minus opibus, quàm subiectis po-
tentes salutatum adierunt, & allatis preciosis mu-
neribus adoratum perrexerunt. Quem nullo pro-
pinquorum concursu facto pepererat mater; quem
nullo plausu, gratulationeq; affines exceperat: hunc
Angeli natum esse mutuo gratulati sunt: & ex hu-

DE DIVI. IN HOMI. BENE.

ius ortu tum sibi, sublimiq; omni intelligentiæ sum-
mam contigisse lætitiā sunt testati; tum humano
generi pacem, salutemq; futuram esse prodiderūt.
Qui tam abiectè nasci, tamq; humili fortuna edu-
ci nostri causa sustinuit, præter benevolentiam, cha-
ritatemq; insignem, quam sic nascendo ostendit er-
ga nos; nos etiam suo exemplo prouocauit ad ha-
bendam humilitatis rationem, studiumq; summis-
sionis ineundum: sine quo nec honor, authoritasq;
in terris apud homines parari, nec fauor, plaususq;
Angelorum in cœlo potest obtineri. O ingentē hu-
militatis fructum. O eximium summisionis emo-
lumentum. Qui adeo summissè se gessit nascendo;
ut non detrectarit in stabulo edi, in præsepe colloca-
ri, uilibus pannis inuolui: is à pastoribus honorat-
tur, is à Regibus adoratur, is ab Angelis, cœlesti-
busq; intelligentijs celebratur, prædicatur; & sum-
mo plausu, atque gaudio excipitur. Sed ciues mi-
hi nunc succurrit unum, quod uos latere non patir-
ar, cum prodesse nonnihil possit, & aliquatenus
conducere ualeat instituendæ uitæ, & rationi quæ-
rendæ salutis intelligendæ. Quinam fuerint, qui
natum Dei filium agnouerint, honorarint, adora-
rint, nemo iam uestrum est, qui nesciat. quorum
quidem singulorum si conditionem, typumq; intel-
lexeritis, non dubito quin agnitori sitis, quemad-
modum unaquæque conditio hominū facile ad Chri-
stum accedere possit: & quenam in unaquaq; ho-
minum conditione morum, uitæq; ratio saluti ad-
eundæ queat omnino expedire, atque cōferre. Nam

cum uniuersa hominum conditio ita distinguatur, ut alij sacro honore insigniti præsent; alij profana dignitate præditi imperitent; alij priuatim degant, priuatæq; uitæ sint: nulla ex tribus est hominum conditio, in qua non facile Christus possit adiri, salutisq; assequendæ ratio haberi: si modò ea, quæ ex cuiusque conditionis ratione fuerint, obseruentur. Pastores itaque quorum typo sacri pastores, Ecclesiæq; præsides referuntur; dum noctu uigilant, exactamq; ouium, siue gregum curam, custodiãq; agunt, Angelis admonentibus, interpellantibusq; adeunt Christum, Christumq; salutant. Nisi nostri nunc pastores uigilias diligentes agant; & nisi pascendi suscepto officio diligenter custodiendo oues, uigiliq; cura ouibus cauendo satisfaciant: nihil est, cur se sperent, confidantq; adituros Christum, Christumq; uisuros. Si, quod agunt, segniter oues, custodiant: si ex ouibus pingue deuorantes non minus die allucinentur, quàm noctu stertant, atque obdormiant: tam procul abest, ut Christum uideant, salutemq; adeant: ut non minus à Christo auertatur, quàm à salutis ratione decedant. Sedulò oportet custodiant nostri pastores commissos sibi greges: & uigilem curam adhibeant pascendis ouibus: si uolunt ab Angelis compellari, claritate illustrari, & potestatem consequi adeundi, inueniendiq; Christi. Arabum, Sabæorumq; Reges, dum cœlesti astro inuitante permoti, & stella duce usi, regionibus suis decesserunt, & regna relinquentes, regiumq; fastum deponentes iter ad Christum corripuerunt: &

DE DIVI. IN HOMI. BENE.

acceptis, quæ offerrent, muneribus; Christum natum longo itinere quæsiuerunt: eum sistente stella tandem inuenerunt: & se summittentes ei obtulerunt munera: quo quidem reperto, uisoq; perfusi summo sunt gaudio; & non minus admirationis conceperunt, quàm iubili, iucunditatisq; contraxerunt. Horum Regum typo admonentur Reges, nostriq; principes profani quidnam agere, quonāq; pacto se habere debeant, ut Christum inueniant, salutemq; assequantur. Oportet enim prius, ut cōspēctione stellæ, rerumq; cœlestium, atque uisiliū contemplatione commoueantur in curam, studiumq; inueniendi, uidendiq; Christi: & deinde regnandi impotentem affectum relinquentes, regiumq; fastum deponentes, iter ad Christum corripiant: & summis studijs contendant tam contemplando, stellaq; duce utendo; quàm iter faciendo, operandoq; cum muneribus tum contemplationis, tum bonæ operationis peruenire ad Christum, Christumq; uidere: quo uiso summopere gaudeant, & summa lætitia repleantur. Sed cum illi, qui cum muneribus Christum natum adijisse memorantur, non minus magi, quàm Reges extitisse comperiantur: nō fuerit inconueniens arbitrari hanc adeundi Christi, consequendæq; salutis rationem typo Arabum, Sabæorumq; Regibus, principibusq; nostris præscriptam, indicatamq;, respicere quoque nostros magos, literatarumq; artium studiosos: in quos adeo signanter, apteq; typi rationes cadere uidentur; ut non minus propemodum eis, quàm Regibus ipsis conue-

nire, quadrareq; comperiantur. Superest, ut tertiam hominum conditionem attrectemus; & tã priuatis, quàm rudibus, doctrinaq; carentibus præscriptam normam, atque rationem Christi agnoscendi, Christi; uidendi explicemus; & eam typo bonis, atque aselli, qui teste propheta perhibentur dominum uidisse, possessoremq; agnouisse, designatam, indicatamq; interpretemur. Cui quidem interpretationi nonnihil concinnitudinis uideri poterit adijcere id Psaltis Regis; dum memorat Deum pro eximia sua benignitate, & cõmiseratione non minus iumenta, quàm homines seruaturum. Quis nescit bouem laboriosum esse animantem, multumque sustinere laboris, sustinendoque proficere, prodesseque plurimum & non solum humanis, sed etiã pecuarijs usibus sua opera, suoq; labore conferre mirificè? quis præterea ignorat asellum animal esse insigni humilitate, atque pacientia? & non minus usum, utilitatemq; afferre laborem subeundo, toleranterq; perferendo; quàm se præstare frugalem, atq; innocuũ: cum uictitet carduis, & ne sciat calcibus impetere? O potentem, efficacemq; agnoscendi Christi: Christi; præsentia fruendi modum, atque rationem. Si nos, qui priuati sumus, studio laboremus proficiendi cæteris: & nostra opera, nostroq; officio procuremus prodesse alijs: nec quidquam laboris prætermittamus, quo inuemus cæteros, beneficisq; officijs prosequamur: nihil est cur diffidamus nos consecuturos cognitionem Christi, Christi; præsentia fruendi copiam adepturos.

T iij

DE DIVI. IN HOMI. BENE.

Si præterea summiſſe, patienterq; noſmet habueri-
mus in aduerſis tolerandis, laboribusq; proficiendi
cæteris cauſa ſubeundis: & non minus abiecto fa-
ſtu, atque liuore noſmetipſos præſtiterimus innocu-
os, quàm reiecto luxu, atque intemperantia mo-
deratos, atque frugales; non ſolum ad agnitio-
nem Chriſti admitteremur; ſed etiam eum aſſiduè in-
tuebimur, eiſq; præſentia iugiter perfruemur. Con-
ſiderate, animaduertite ciues, quemadmodum De-
us pro ſua in noſ beneuolentia, ſuaq; nobis conſu-
lendi cura nullum modum, nullamq; rationem miſ-
ſam fecerit noſtri admonendi, interpellandiq; ad
morum, uitæq; reſtitutionem capeſſendam: nec ſa-
tis exiſtimauerit, rebus ipſis, uiuæq; uocis officijs ra-
tionem ſalutis nobis oſtendere: & ad ſalutis haben-
dam rationem noſ prouocare; ſed typis etiam re-
rum, animantiumq; ſymbolis procurauerit animos
noſtros excitare: & ad cognitionem ſalutis, ſalu-
tisq; adeundæ uiam adducere. Tot uijs, totq; mo-
dis utitur Deus in oſtendenda ſalutis ratione, & in
prouocando homine ad ſtudium, curamq; eiſ; ut ni-
hil rei, nihil facti, nihil hiftoriæ in ſcriptis, monu-
mentiſq; Euâgelicis contineri propè uideatur: quod
aliquo pacto eam non reſpiciat: & aliquam ſpeci-
em, typumq; non habeat uel eiſ; indicandæ, uel
noſtri admonendorum, ad ſtudiũq; eiſ; excitando-
rum: præter illa, quæ de Chriſto ſalutis authore
perhibentur apertam ſalutis ipſius rationem con-
tinentia; ſalutemque ipſam hominis palàm ſigni-
ficantia: tam multa reperiuntur, quæ typo,

specie que quid referunt : ut nihil propemodum
 arbitrer inueniri; quod salutis aliquid non arguat,
 & coelestium rerum conditionem aliquam non desi-
 gnet. sed quoniam singula quæq; prosequi non mi-
 nus longum foret, quàm laboriosum; complura di-
 mittendo, dumtaxat ea attingemus, quæ uisa fue-
 rint habere plus roboris in commouendis ad studium
 salutis animis: & plus ponderis, atque momenti cō-
 tinere in ipsius salutis uī, atq; ratione declaranda,
 atque comprobanda. Omnia, quæ Christo infante,
 atq; puero existente contigerunt, confecta q; sunt;
 si speciatim interpretanda, & ad mysticam, mora-
 lem q; sensus rationem, & ad salutis ipsius scopum
 redigenda susciperemus, rem profecto ingrederemur
 non breui absoluendam; & in aliquibus plus for-
 tē laboris, atque operæ impenderemus; quàm neces-
 se foret pro negotij suscepti ratione: quæ si fortē
 pluribus, quàm oporteret, prosequeremur; eueni-
 re posset, ut dum multiplici rerum aggestione ten-
 taremus plus fructus edere; & salutis studium effi-
 catus animis commendare; multitudine ipsa rerū,
 atque typorum onerata, distracta q; mentes minus
 in ea incumberent, pollerent q; considerata; quæ
 alioqui pro sua conditione plurimum momenti ha-
 bere possint tam in eis commouendis, excitandis q;
 quàm in producendo, edendo q; salutis fructu. Pos-
 semus enim de circumcisione infantis Christi pluri-
 bus agere, & multifariam ratiocinari. possemus
 longo tractatu insistere in delatione Christi in Aegy-
 ptum; & in Herodis aduersus Christum odio: truz

DE DIVI. IN HOMI. BENE.

cidatisq; ab Herode Christi causa infantibus. De reuocato ex Aegypto iussu patris Dei Nazarethū. Christo abundē tractare possemus: & non nihil explicare, quod aptē uideri posset typi ratione tum Christi conditioni respondere, tum morali salutis rationi consentire. Complura præterea possent commemorari de eodem Christo: dum Hierosolimam ad templū delatus ex legis instituto fuit ulnis, manibusq; prophetae sacerdotis exceptus: & declaratus author salutis, uindexq; humanæ libertatis. Annæ quoque prophetidis recenseri posset uaticinium; ex quo tam salutis oblatæ, seruatorisq; à Deo missi testimonium elicitur; quàm de ipsius uaticinantis nomine, conditioneq; arguitur cognoscendi Christi occasio: & prædicandæ, ostendendæq; salutis decorum indicatur. Sed hæc omnia dimittentes, ad ea progrediemur, quæ non infantem, sed loquentem, agentemq; Christum respiciunt. Cum itaque Christus adoleuisset, ut iam duodecim annorum esset: unā cum matre, uirtricoq; colendi festi causa cum accessisset Hierosolimam, nauare cœpit operam pro Deo patre, & cuius causa missus erat, id exequi. Nam abscedente matre, & uirtrico, cognatisq; abeuntibus ipse restitit Hierosolimæ: ubi cum scribis Hebræorum, legisq; doctoribus disceptando ea de Deo patre, de ueritatis studio, de salutis ratione protulit; ut non magis admirationem omnibus pareret, quàm non nullorum animos grauiter offenderet. O rem pulchram, speciosamq; spectatu: o miram auditu disceptationem. Quam pulchrum putatis fuisse ciues, spectare pue

rum duodecim annos non excedentem inter senes, magistrosq; Hebræorum disceptare: & non minus interrogando, quàm respondendo eos inscitiae convincere? quàm dignum admiratu arbitramini fuisse, puerum impuberem audire mira, stupendaq; disserentem: & cum canis magistris, barbatisq; senibus de Dei cultu, ueraq; colendi Dei ratione disputantem? quem non id spectaculi commouere? quem non id facinoris debuerat inducere ad credendum, cui tantum scientiæ, atque sapientiæ tam tenera in ætate esset, eum ex Deo esse, Deiq; filium existere. Sed minus admirandum est, eos spectaculo id genus non fuisse commotos: quos constet, apparere atq; longè maioribus, mirabilioribusq; frustra fuisse ad credendum interpellatos, atque provocatos. Quòd si illi, qui eiusmodi se præstiterunt; ut tam illustri testimonio non sinerent se commoueri ad credendum; de pertinaci peruersitate, de malignaq; inuidia malè audiunt; grauiusq; redargui merentur: cauendum maxime est nobis, ne de quo scribas incusamus, id peccemus: & ne committamus, ut quod facti, rei q; gestæ mirabiliter arguit, comprobatq; Dei erga hominem curam, beneuolentiamq; & diuinæ abundans testimonium fert benignitatis, atque potentiæ, inanimaduersum, inconsideratumq; nobis relinquatur. Conueniens etiam fuerit, ut ex huiusmodi rei gestæ memoria excitemur non solum in admirationem diuinæ potentiæ, qua sit effectum, ut pueri opera, pueriq; sapientia conuicti sint inscitiae tot senes, totq; Hebræi doctores; sed etiā

DE DIVI. IN HOMI. BENE.

Dei curam, benevolentiamq; in nos agnoscamus: dum
pueri, filijq; sui exemplo, qui non habita matris, co-
gnatorumq; abeuntium, ipsumq; quærentium ra-
tione perstitit in eis, quæ fuerant salutis agendis:
nos admonendos procuravit, quam præferre debea-
mus omni mundi, sanguinisq; affectui rationem sa-
lutis: & quàm nos oporteat cœlestia terrenis, diui-
nâq; humanis præponere. Ex hac præterea adulti
iam Christi disceptatione cum scribis, doctõribusq;
Hebræorum habita duplex, præter historicum, sen-
sus elici mihi posse uidetur. Nam quid prohibet, quin
possimus intelligere Christum infantem, emergen-
temq; in homine uirtutem huc, illucq; ferri, agiq;
donec ipse Christus adolescat, & parato habitu uir-
tus ipsa robustior euadat. Simulatq; enim uirtus in
homine conualuit, & Christus adoleuit: iam non
oportet, iam opus non est, ut fugiendo, diuertendoq;
aliò periculum, discrimenq; hostile uitiorũ deuitet ho-
mo: sed consistendo, decertandoq; potest se non so-
lum inoffensum, illæsumq; custodire; sed etiam ex-
certamine, contentioneq; se uictorem, superio-
remq; referre. Potest enim homo, in quo Christus a-
doleuerit, & uirtus ipsa habitu firmata fuerit, con-
tra qui senes, inueteratiq; fuerant uitiorum affe-
ctus, contendere, eosq; circumsidentes, atque immi-
nentes tam impetum ualide sustinendo, quàm uiri-
liter impetendo frangere, debilitare, superare. Ni-
hil præterea uidetur obsistere; quominus habitam
cum Hebræis adulti Christi disceptationem; conui-
ctosq; inscitie ab ipso Christo Hebræos senes sic possi-

mus interpretari: ut Christus ipse fuerit, cuius ad-
uentu, cuiusq; præsentia eleuata sit omnis ueterum
Hebræorum interpretatio: quatenus sentiebant, sua-
rum legum traditiones nihil præter literalem sen-
sum continere: quæ sanè legum traditiones cum ma-
gna ex parte Christum indicarēt; Christumq; typo
aliquo, siue symbolo significarent: Christo ipso fa-
cto homine, in mediumq; prodeunte deprehensæ
sunt aliter, quàm uerbis sonarent, significare, at-
que continere. Quò effectum est, ut qui Hebræo-
rum scribæ, doctoresq; eas intellexerant, interpre-
tatiq; fuerant ex rerum, uerborumq; inani superfi-
cie: longè, lateq; aberrasse comprobati sint; postquā
Christus in medium prodiens animaduersus est, &
compertus esse: quem typo leges exprimerent, refer-
rentq;: & in quem tanquam scopum ueteris instituti
omnia propemodum monumenta referenda essent,
atque dirigenda. Sed quoniam iam prohibent tem-
poris angustie; ut hodie, quod superest ad dicendū,
possimus id exequi; in crastinam diem conducere ar-
bitramur: ut quod reliquum est dictionis,

omnino differatur. Quò fiet præterea,

ut ad audiendum uos futurisi-

tis promptiores, & nos in

terim quiescendo

in dicendi

arenam

simus ualidiori latere

prodituri.

IVNIORIS LVDOVICI PARISETI
REGIENSIS DE DIVINA IN HO-
MINEM BENEVOLENTIA, AT-
QUE BENEFICENTIA AD
VIROS REGIENSES
ORATIO TERTIA.

AD eam, quam ciues mei præstiti-
stis hætenus ad me audiendum dili-
gentiam, tantum accessionis hodie
opus est ut intercedat: quantum par
est, atque convenit pro maiori,
quam paramus tam charitatis, quàm beneficentiæ
diuinæ explicandæ prouincia. quæ planè eo momen-
ti, atque magnitudinis pertingit: ut nihil omnino
possit excogitari, menteq; humana complecti; quod
ad eius incrementum ualeat ad ferri, uimq; eius cu-
mulatius, atque perfectius argumentari. Salutari-
bus documentis, beneficis actionibus, sacramentis
institutis, & obita denique morte Christus Deus,
Deiq; filius tantum beneuolentiæ, & charitatis in ge-
nus humanum ostendit, & tantum beneficentiæ in
nos exercuit; ut id quancunq; cogitationis aciem
tam superet; quàm nulla oris, aut loquendi faculta-
te satis explicari possit. Tam non oportet interea ut
remittatis animos, aut segnes ad audiendum uosmet
præstetis: ut si quid attentionis superioribus actioni

bus adhibuistis, id totum sine fructu uobis sit casum; nisi in hanc, quæ superest extremo actionem sic incumbatis auribus, atque animis: ut nihil effluere permittatis, quin memoriæ commendetis, & uehementi affectu in animum non recondatis. Iam Christus ephebis excesserat, & uir factus animaduertenter appetere iam tempus, ut in publicum se daret: & tam exemplo uitæ, quàm institutis, & monitis rationem salutis aperiret omnino, atque patefaceret. Quapropter sacri lauacri uirtutem inducturus; & expiandi peccati, expurgandæq; sordis homini ingenitæ remedium editurus Iordanem fluuiū accessit; ibiq; se Ioanni tradidit fluminis aqua abluendum. Quod enim lauacrum poenitentiae instituerat Ioannes, id abluto Christo, in quem nec ulla poenitentiae ratio, nec labis, sordis'ue ulla conditio cadebat; effectum est remedium salutare. Nescio ciues admirari'ne magis hic oporteat Christi summisionem, quam præstitit adeundo Ioannem, à quo ablueretur: an uirtutem, quam ablutus intulit institutæ à Ioanne ablutioni. Quid enim mansuetius fieri, quid agi summissius potuisset à Christo, quàm cum ipse Deus foret, & omnem in se perfectionis, salutisq; contineret rationem; ultrò accedere ad hominem, & se se ei offerre abluendum: quem foret ipse unæ cum reliquis hominibus abluturus? O miram Christi mansuetudinem; o maximam seruatoris nostri summissionem. Qui Rex erat, & Dominus ultrò adiuit, conuenitq; seruum: cui deferret, quem honoraret, cui se summitteret. Qui genus huma-

DE DIVI. IN HOMI. BENE.

num expiaturus, qui sorde peccati naturam humanam expurgaturus erat; is se, cum omnis expers labis esset, et peccati homini abluendum obtulit, & eius officio se subdidit: cui ipse tam praeesset, tamque praemineret, ut omnem ei exercendi officij auctoritatem, potestatemque praestaret. Exemplo Christi ad discamus mei ciues non timere animis, non efferri fastu, non placere nobis metipsis. discamus ex Christo seruatore nostro non solum maioribus, aequalibusque nostris deferre, honoremque exhibere: sed etiam interdum inferioribus nostris cedere, nostrosque inferiores honeste, reuerenterque habere: quatenus uel officij ratio exigere, uel publici profectus exempli exposcere uideatur. Quam sit fastus, elationisque uitium pernitiosum, salutisque rationi aduersum; docere satis nos illi possunt, qui cum salute laeta potirentur, & beate, feliciterque uiuerent, fastu deiecti sunt a felicitate: & amissa, qua potiebantur salute, effecti sunt miseri; & aeternis supplicijs, atque tormentis fuere mancipati. Quam ex aduerso mansuetudinis uirtus, ipsaque summissio grata, acceptaque sit Deo; salutisque rationi conueniat, conducatque: abunde possumus edoceri exemplo Christi: qui nullius rei, nulliusque uirtutis tam agendo, quam docendo specimen frequentius edidit; quam mansuetudinis, atque summissionis: & qui simulatque adiuit Ioannem, Ioanni; se obtulit abluendum: uoce coelitus emissa palam assertus est Dei amatus, placensque filius: & declaratus est salutis author: quem audire, cui obtemperare, fidemque adhibere oporteret omnes,

omnes, qui seruari uellent, quique salutem consequi curarent. Quantum uirtutis, atque roboris ablutus à Ioanne Christus instituto lauacro attulerit, satis indicare aperti cœli typus, & descendens columbæ symbolum possunt: cum quod abluto Christo apertum perhibetur cœlum, designet Christi uirtutem sacro lauacro inditam, in causa fore; ut aditus salutis homini recludatur, & cœli ipsius ingressus, felicitatisque diuinæ accessus humano generi concedatur. Descensus columbæ, quæ diuini, sanctique spiritus symbolum gerit: arguit sacri lauacri uirtutem eam fore, ut sancti spiritus donum, gratiamque in se contineat. Quæ lauacri, ablutionisque facta fuerat à Ioanne institutio, non solum à Christo, dum abluitur, comprobata censetur: sed etiam illata uirtute sic effecta est Christi: ut non tam ad poenitentiam iam prouocaret, quàm ad salutem conduceret. Quod à Ioanne institutum fuerat lauacrum: cum nihil in se uirtutis, nihil in se uirium haberet ad inducendam salutem, conferendamque gratiam: Christo abluto sic consecratum est, sic effectum est Christi: ut iam salutem, donumque gratiæ habitu in se contineret: quandoquidem non prius actu salus, atque gratia ei censenda est accessisse: quàm Christus mortem pertulerit, qua salutis ratio confecta est actu: & qua sacramentorum institutio summam consecuta est coronidem: extremamque perfectionis, effectusque manum accepit. O salutare sacri lauacri institutionem: o potens, plenumque uirtutis, & uirium sacramentum. Nimirum potens, plenumque;

DE DIVI. IN HOMI. BENE.

uirtutis est baptismi sacramentum : & salutis inducendæ plenam , perfectamq; rationem habet, hominiqu; salutem affert : si modo quod rei ipsius est, non tantum symboli suscipiatur ab homine. Non sufficit stratam esse uiam ad salutem; non satis est aperta esse portam ingrediendæ salutis: nisi cui strata est uia, apertaq; porta, iter corripit : ingrediendiq; rationem ineat. Quemadmodum ad parandam uictoriam, superandosq; hostes non sufficit, quem esse bene armatum, & telis, armisq; abundè munitum, nisi se ipse opponat hostibus : & resistendo strenuè, fortiterq; pugnet, decertetq; : ita pro obtinenda uictoria contra hostes animæ, & pro salute ipsius animæ consequenda non satis est, ut indutissimus armis sacræ lotionis, telaq; habeamus sacri baptismi: quibus tueri nos ab hostibus possimus; & à nobis hostilem impetum propulsare : nisi armati decertemus uiriliter, & impigrè nos habeamus : tam tela exercendo, quàm impetum sustinendo. Quis præterea nescit urbem, licet præsidio sit bene munita, propugnaculisq; ualidè instructa non saluam fore ab impugnantium manibus, hostiumq; direptione : nisi pro mœnibus acriter pugnetur; & propugnaculis constanter insistatur : ne possint hostes conscendere, urbemq; ipsam occupare. Præsidij instar, instarq; propugnaculi nobis est baptismi sacramentum : quo facile, nisi segniter agamus, negligenterq; nosmet custodiamus: possumus manus, impetumq; hostium incolumes euadere : & parta ex hostibus uictoria sospitatem consequi, atque salutem.

Consequemur sanè sospitatem, salutemq; haud du-
 biè adipiscemur; si præter symbolum, sacramen-
 tumq; baptismi procurauerimus id, quod typo bap-
 tismi continetur, assequi. Assequemur enim quod
 baptismi typo continetur, si Christum imitantes,
 Christi q; institutis, monitisq; parentes ita uiuamus;
 ut quam corpore lotionem, siue baptismum accepe-
 rimus, referamus ad animum; & animum ipsum
 non solum uitiorum sordibus expurgemus, macu-
 lisq; affectuum humanorum emundemus, sed eti-
 am uirtutibus exornemus, & uitæ puritate, atque
 innocentia illustremus. Non alium, quàm animi ar-
 bitror esse illum baptismum, de quo meminisse legi-
 tur Ioannes, cum Christum laudans, Christumq; pa-
 lam laudibus efferens futurum dixit, ut ipse Chri-
 stus non aqua, sed igne, & spiritu ablueret, bapti-
 zaretq; homines. O uerum, genuinumq; hominis
 baptismum. Hic est ille baptismus, qui fuit à Chri-
 sto institutus, & Christum habuit authorem; &
 quem Christus ipse tam exemplo, uitaq; docuit,
 quàm traditione, institutioneq; quodam sub typo
 indicauit. Hæc est illa uera, salutarisq; lotio, quam
 quicumque subiuerit, Dei gratiam init, Christo ami-
 citia coniungitur, sancti spiritus consortio fruitur,
 & felicitatem, salutemq; consequitur. Si uolumus
 mei ciues omnino salutis rationem habere; si tutò
 ad salutem contendere quærimus; si Christi institu-
 tioni, propositoq; planè satisfacere curamus: non so-
 lum quod aqua, rerumq; symbolis constat, lotionis
 sacramentum sumere nos oportet; sed etiam præsta

DE DIVI. IN HOMI. BENE.

re, exequi q; quod eiusmodi sacramenti symbolo continetur: & quod ad salutem obtinendam, genuinamq; Christi institutionem implendam pertinere videtur. Si putaremus solo sacramenti symbolo perueniri posse à nobis ad salutem; & nos posse non præstito, quod symbolo exigitur, neque quæsito, quod lotionis aqueæ typo refertur, pertingere ad regnum Christi, salutemq; à Christo oblatam consequi: non minus propemodum falleremur, quam si crederemus, arbitraremur'ue umbrâ rei equipollere perinde, atque ipsam rem: & eandem esse imaginis, quæ sit rei imagine relatæ, rationem. Non est ciues, non est fratres, cur arbitremur nos effici, constituiq; Christianos, Christi'ue homines sola sacri lauacri lotionem, solumq; corporibus aqua ablutis. Christianos nos efficit, Christi homines nos reddit Christi ipsius imitatio, & eius baptismatis, siue ablutionis susceptio; quæ non corpus, sed animum respicit: & quæ abluti corporis typo refertur ad animum, animiq; ablutionem indicat, atque designat. Ea sanè corporis ablutio pro vi, uirtuteq; mirifica, quam consequitur ex approbatione, institutioneq; Christi, & ex Christi ipsius, diuinæ'ue Trinitatis inuocatione operatur: ut nexus ille, quo ex primi hominis peccato eramus obstricti, exoluatur: & aditus, qui fuerat ad salutem acquirendam conclusus referetur, adaperiaturq;: & occasio, quæ nulla prius fuerat salutis obtinendæ, offeratur, atque exhibeatur. Sed nisi procuremus sic uiuere, uitæq; huius rationem sic instituere: ut quæ corporis facta est ablutio, rediga

tur ad animum : & qui baptismus corpore susceptus est, re ipsa absoluitur in animo ; non arbitror, non existimo fore, ut impleamus quod pro salute adipiscenda exigatur : & quod exactè ad salutis assequendæ rationem pertineat . Ex hac nimirum sacri lauacri institutione satis ingentem possumus ciues arguere Dei, Christiq; in nos beneuolentiam, beneficentiamq; : qui non solum procurarit nos monitis, exemplo, miraculis inuitandos, prouocandosq; ad salutem, sed etiam sacri lauacri institutione, uirtuteq; abstulerit, quidquid impedimenti poterat nobis esse, quominus possemus ad salutem contendere, salutisq; oblatum beneficium arripere . Christus enim pro sua in nos charitate, nobisq; consulendi cura; prius quàm mortali uita excederet : procurauit institutionem sacri lauacri faciendam: qua non tam quod foret homini impedimenti ad quærendam salutem, auferretur; quàm excitaretur, prouocareturq; homo ad cultum Deo exhibendum, retinendamq; Dei memoriam : & ad præstandum animo, quod corpore præstitum animaduerneret ad salutis consecutionem non exactè sufficere : & omni ex parte saluti quærendæ non satisfacere. Præter enim fidem, quæ huiusmodi sacramento in homine erga Deum excitatur; & præter spem, quæ de Deo concipitur in homine huius sacramenti susceptione; admonetur etiam homo huiusce sacramenti typo eorum, quæ salutis comparandæ causa sint animo præstanda: & interpellatur ad habendam rationem eorum, quæ maximè faciant, necessariaq; sint ad sub-

DE DIVI. IN HOMI. BENE.

eundum Christi regnum, salutemq; acquirendam. Postquam adito Ioanne, institutoq; laudacri sacramento Christus non minus mansuetudinis, summissionisq; insigne exemplum prodidit: quàm suam erga hominum genus benevolentiam, charitatemq; ostendit: ne forte uia salutis nimis arctari uideretur, & ne quid intactum relinqueretur; quo pro rei occasione hominis uita posset institui: & quo posset ipse homo pro sua conditione plenius admoneri. unà cum matre nuptiale conuiuium adiuit; & sua præsentia non tam honesti conuietus ratione, quàm nuptiarum, connubijq; institutionem approbavit. Adeundo Christus nuptias connubij uidetur institutionem ita approbasse; ut tamen conuiuii nuptialis finem conuersa in uinum aqua ipse condiret. Non approbat Christus nuptias, nisi quas mutata in uinum aqua ipse condiat; & quarum finem suauiori ipse uino excipiat. Mutata in uinum aqua condite censentur illæ à Christo nuptiæ, quæ non fluxa ueneris libidine contrahuntur, nec belluini appetitus exatiandi causa ineuntur, sed sobolis edendæ, propagandiq; generis gratia celebrantur. Earum nuptiarum finem suauiori uino excepit Christus, quæ contrahentium, conuenientiumq; proposito diriguntur eò, tenduntq; ut suscipiatur soboles; et committendi peccati occasio procul arceatur: cum ea sit continentiae ratio, ut non paruo negotio custodiatur; et dumtaxat ab eo, à quo possit, præstari, seruariq; auctoritate Christi iubeatur. Ne forte existimaretur Christus uiam salutis aperuisse dumtaxat eis, qui

casta uita, & continenti ipsum forent imitati: tam
adeundo nuptias connubij societatem approbavit,
quàm sufficiendo uinum nuptijs indicauit, quæ
nuptiarum conditio, qui'ue finis connubij conueni
re posset salutis rationi. O' summam Dei liberalita-
tem: ò mirificam Dei erga hominem benignitatem,
atq; indulgentiam. Non solum salutis munus opera
filij obtulit eis, qui continenter, casteq; uiuendo fi-
lium ipsum imitarentur; sed etiam eos, qui obstrin-
gerentur connubio, admisit, idoneosq; pro sua beni-
gnitate existimauit; qui salutem consequerentur,
salutisq; uiam ingredi, tenereq; possent. Pro sua
benefaciendi omnibus propensione, pro suaq; in om-
nes beneuola uoluntate Deus nullum genus, nul-
lamq; conditionem hominum passus est excludi, ar-
ceriq; à salutis institutæ beneficio. Non arcentur,
non excluduntur à salutis beneficio consequendo
nuptiæ: dummodo eis intersit Christus, earumq; fi-
nem suffeeto suæ gratiæ uino excipiat. Non inter-
est Christus nuptijs; non excipit Christus suffeeto
gratiæ suæ uino finem nuptiarum; nisi ipsæ nuptiæ
in legitimum, iustumq; scopum dirigantur: & so-
bolis procreandæ, euitandiq; peccati propositum fi-
nem habeant. Si sic celebrentur nuptiæ, connubijq;
foedus ita ineatur; ut Christus præ oculis, præsensq;
habeatur. & finis connubij, nuptiarum'ue sic inten-
datur: ut suauis diuinæ gratiæ uino excipiat: ni-
hil ambigendum, nihil hæsitandum est; quin hu-
iusmodi nuptiæ ad salutem pertineant, salutisq; con-
sequendæ rationem in se admittant. Sed quò clari-

DE DIVI. IN HOMI. BENE.

us res innotescat ; & pateat omnino, cuiusmodi oporteat eos esse : qui nuptijs obstricti, connubialiq; fœdere detenti salutem consequi possint, & ad salutem pertingere valeant: opus est, ut exactius aquæ in uinum uersæ typum explicemus: et quidquid rei, symbolo sex hydriarum continetur, aperiamus. nihil enim rei, nihilq; miraculi editum comperitur à Christo, quod præter speciem, formamq; quam præferat; aliquid internæ significationis, intimiq; sensus institutionem animæ, salutisq; rationem respicientis non comprehendat; atque complectatur. Sex itaque hydriæ, quas immutata, quam continebant, aqua uino repleuit Christus in nuptijs, indicant, designantque quinque distinctos hominis unâ cum communi sensus: qui nisi fluxu, insipidoq; aquæ, uoluptatisq; uanæ latice immutato, Christi beneficio repleantur uino; diuinæq; gratiæ suauem, dulcemque liquorem accipiant; & loco insipide, uanæque uoluptatis suauem; sapientiamque uoluptatem suscipiant; quæ Christi opera ex quocunque sensili prodire potest; dum sic sensilis fruendi ratio initur; ut in Deum uirtus omnis sentiendi, ipsaq; sensus efficatia dirigatur: nihil est cur speremus, ut nuptijs lætè, feliciterq; agendis expediant, & finem ipsum nuptiarum suauem, iucundumq; constituent. Nisi enim sensuum huiusmodi capacitas ex Christi opera, rationisq; norma sensilia accipiat: non solum confit, ut nuptiæ lætum finem non sortiantur: sed etiam euenit; ut conuictus humani, conuiuij; huius mortalis tota

ratio perturbetur, & sui finis felicitate fraude
 tur. Si uolumus igitur ciues, ut nuptiæ feliciter
 cedant, letumq; salutis finem consequantur; opor-
 tet procurare, ut Christus eis intersit, seq; præsen-
 tem præbeat; qui merum diuinæ gratiæ sufficiat:
 & quidquid aquæ sex hydrijs alioqui continea-
 tur, uertat in uinum; & quod insipidi laticis,
 uanæq; uoluptatis insit sensibus: immutet, con-
 uertat que in uoluptatem, quæ ratione constans
 non minus contineat saporis, quàm salutis. Nimi-
 rum tam sua Christus in nuptijs præsentia connubij,
 nuptiarumq; institutionem approbauit; quàm uer-
 sè in uinū aquæ typo indicauit; cuiusmodi pro quæ-
 renda salute oporteret esse nuptiarum, nuptiasq;
 agētium conditionem. Quin mutata in uinū aqua,
 editoq; ingenti miraculo suam, Deiq; patris pote-
 statem sic euidenter testatus est; ut tam patri, quàm
 sibi plurimum fidei conciliaret apud quoscunq; quæ
 nuptijs interessent. Putatis ne ciues tam celebri in cō-
 uentu id editum à Christo miraculum, ut sibi ca-
 ptaret auram hominum, sibiq; ipsi, atque patri, ca-
 ptato honore consuleret? Non id quidem miraculi
 operatus est Christus, ut sibi consuleret; suiq; cau-
 sa, aut patris contraheret fidem hominum, homi-
 numq; admirationem prouocaret. Nihil enim ina-
 nius cogitari, nihil absurdius credi posset, quàm
 Deum, Deiq; filium, qui pro sua perfectione nul-
 lius rei, boniq; adeo indiget, ut omnium rerū cau-
 sam, totiusq; boni rationem in se contineat; sui cau-
 sa, sibiq; consulendi gratia quærere apud homines

DE DIVI. IN HOMI. BENE.

gloriam, & studere fidei, admirationi; hominum
sibi contrahendæ, atque conciliandæ. Nihil minus
feri potest, quàm ut Deus, à quo sumus, à quo pen-
demus, à quo uitam, substantiam; habemus: no-
stri in quoquam indigeat: & sui causa, suæ; con-
ditionis melioris efficiendæ gratia quærat sibi glo-
riam apud nos parare, sibi; fidem conciliare. No-
stri itaque causa, nobis consulendi, proficiendi; gra-
tia egit id miraculi Christus. Cum enim nostræ salu-
tis ratio in eo consisteret, ut fidem erga Deum con-
ciperemus: & agnita Dei potestate, atque uirtute
in eius admirationem ageremur: ætli; admiratio-
ne ad eum induceremur colendum, amandum;:
eius fuit, qui pro sua in nos beneuolentia, & cha-
ritate consulere omnino nobis, nostræ; saluti pro-
spicere procuraret: id facere, id edere: quo maxi-
mè agi possemus ad fidem, admirationem; concipi-
endam; quas sciret necessarias pro inducendo cul-
tu, & amore: in quorū ratione ipsa salutis nostræ ra-
tio foret collocata. Nec solum miraculo huiusmodi
studuit Christus in sui, Dei; patris admirationem,
cultum; hominem prouocare, in uiam; salutis ex-
cire; sed etiam matris redarguto, quo compellaba-
tur ad miraculi editionem affectu admonere, quàm
consequendæ salutis instituto non conueniret, quid-
quam agere humanæ gloriæ captandæ causa; aut
efficere aliquid humani affectus contemplatione,
placendi; hominibus gratia. Qui celebritatem
nuptiarum adeundo, conuietum; hominum, &
consuetudinem ineundo ætliuæ uitæ rationem com-

probauit; idoneamq; satis querendæ salutis indica-
 uit: idem Eremitam solitudinem petendo, desertumq;
 cultoribus locum accedendo significauit: quàm so-
 litariæ uitæ ratio, quàmq; contemplatiuæ uitæ con-
 ditio salutis congrueret consequendæ; & homini con-
 ueniret ad perfectiorem uirtutis, sanctitatisq; con-
 secutionem deducendo. Christus itaque salutis ar-
 chetypus à consuetudine hominum se abduxit, Ere-
 mitamq; adiuit: ubi cum dies quadraginta commo-
 ratus esset; & ab omni tam cibi, quàm potus gene-
 re abstinendo ieiunasset: acriter tentatus perhibetur
 à Diabolo; cui adeo non cessisse, detulisseq; refer-
 tur: ut eo insolentia, malitiæq; conuictio longè su-
 perior euaderet, triumphumq; insignem de eo re-
 ferret. Agnoscitis ne ciues, quanti momenti esse suo
 exemplo comprobet Christus uitæ solitariæ, contem-
 platiuæq; conditionem: in qua licet homo incessa-
 tur acriter dolis, impressionibusq; Diaboli; tamē tam
 non cedat, tam nō succumbat; ut eo superato palmā
 referat, reportetq; uictoriam. Animaduertitis ne
 præterea, quàm Christi exemplo commendetur ieiunij
 obseruatio, & potens, efficaxq; comprobetur:
 qua non solum intrepidè aduersus uitia, uitiorumq;
 patrem Diabolum possit homo decertare; sed etiam
 tam Diabolo, quàm uitij superatis uictoriam obti-
 nēre. Simulac Christus quadraginta dies ieiunauit:
 conatum omnem tentantis, infestantisq; Diaboli fre-
 git; & triplicem impetendi dolum omnino supera-
 uit. Nec solum peractō quadraginta dierum ieiunio
 memoratur Christus tentantem Diabolum superasse,

DE DIVI. IN HOMI. BENE.

uictoriamq; aduersus Diaboli impetitiones retulisse;
sed etiam perhibetur habuisse Angelos, spiritusq;
coelestes sibi ministrantes, atque inseruiantes. O le-
tam, felicemq; uitae solitariae, contemplatiuaeq; con-
ditionem. O ieiunij, cibalisq; abstinentiae uirtutem,
potestatemq; stupendam, atque admirabilem. Ea
enim est uitae contemplatiuae ratio; ut non minus pol-
leat aduersus uitia superanda, Diaboliq; uires in-
fringendas, quam conducat parandae uirtuti, &
consuetudini, obsequioq; coelestium Angelorum ob-
tinendo. ea est ieiunij uis, atq; efficacia: praeter ui-
res, quas homini suggerit, praebetq; in superandis,
profligandisq; uitij: in causa sit, ut homo assistentes,
inseruiantesq; Angelos consequatur; & uirtutum
coelestium, atq; potestatum praesentia, aspectuq; fruatur.
Quin tanti momenti est ieiunium, ut nihil, aut
parum admodum proficere possit contemplatio, nisi
coniunctam cum ieiunio societatem habeat; & nisi
sibi coherens iugiter retineat ieiunium. Cum enim
quantum saginae, & uirium cibali abstinentia cor-
pori detrahatur: tantundem uigoris, et roboris ani-
mo, spirituiq; adijciatur: ieiunio fit, ut non solum
uitiorum nerui debilitentur, et sensilis appetitus uis
elanguescat, sed etiam animus eò perueniat acumi-
nis, eoq; perducatur uirtutis: ut nihil sibi propemo-
dum tam in rebus diuinis, quam humanis inuium,
inaccessumq; reperiatur. Quò fit, ut si quid profectus
ex arte Apollonij credatur succedere in ratione scien-
tiae, mira q; rerum perceptione: rear id ascribendum,
tribuendumq; potius ieiunio, et obsecrationi, quam

cuiusque notæ, temporisque observationi. Si ratio, uisque
 omnis contemplandi constituta est in uigore animi,
 intellectusque; potestate; quis non agnoscat, quis non
 intelligat sine eo non esse locum contemplationi;
 contemplationisque; rationem sine eo non posse subsi-
 stere: cuius operatione, cuiusque effectione uigor
 animo accedat; intellectuique; uis, atque potestas adij-
 ciatur. Adeo ieiunij, cibalisque; abstinentiæ potens,
 efficaxque; est uirtus; ut non tantum contemplationi
 uires suppeditet, contemplatiuæque; uitæ rationem
 confirmet, stabiliatque;: sed etiam agendi prudenti-
 am, cautionemque; constituat: et uitæ actiuæ modum,
 rectitudinemque; afferat, atque adhibeat. Tam procul
 abest, ut non habita ratione ieiunij quidquam ho-
 mini possit procedere, quod sapienter, prudenterque;
 actum iure uideri possit; et quod genuinam ueri,
 bonique; tam in contemplandi, quam agendi ratione
 speciem, formamque; contineat: ut non possit non es-
 se affectu perturbatum, et ab usu solidæ rationis a-
 lienum; quodcunque meditari, quodcunque effi-
 cere moliatur homo, qui gulæ indulgeat, et abhor-
 reat à ieiunio. Si ciues illud, quo laboramus, in-
 crassandi corporis studium aliquando permetteret: si
 ea, qua detinemur, indulgendi corporis appetitui,
 gulæque; satisfaciendi, cura aliquando sineret; ut ex
 actè ieiunij bonum, cibalisque; abstinentiæ beneficiū
 perciperemus, atque experiremur: non esset omni-
 no, cur hæsitaremus contempto gulæ obsequio, abie-
 ctoque; incrassandi corporis studio cibali abstinentiæ in-
 cumbere, ieiunijque; imprimis rationem habere. Tan-

DE DIVI. IN HOMI. BENE.

tum animo uigor accedere, tantum intellectui ac-
cuminis adijci sentiremus; ut facile inani, momen-
taneæq; gulæ uoluptati solidam, ueram, firmam a-
nimi uoluptatem antelaturi, præposituriq; essemus.
O plenum fructus, & solida uoluptate refertum ie-
iunium. turbidos, importunosq; animi effectus dis-
cutit; turbulenta, quas corporis crassities, atq; pe-
tulantia producere solent, ægritudines abigit, sum-
mouetq; nec sinit infestari hominem ueterni graue-
dine, nec anxia opprimi torpedine. arcet ab animo,
quæ causa corporis malè affecti contingere solet in
homine inquires: & represso tumultuantis appeti-
tus impetu pacem constituit, tranquillitatemq; pa-
rit. nulla est tam grauis ægritudo animi: nullus est
tam uehemens humane perturbationis impetus: qui
remedio ieiunii adhibito non mitescat, non remit-
tatur, non sedetur. Nihil est, quod obsequentiorẽ
rationi reddat sensum; & in refrenando, reprimen-
doq; appetitu rationis uires reddat potiores, quàm
ieiunium. nihil melius, præstantiusq; ieiunio exco-
gitari potest, quod homini conducatur in studium uir-
tutis inducendo, & in Dei, religionisq; cultum exci-
tando, atq; commouendo. Quapropter non est admi-
randũ, si Christus, qui pro sua in nos propensione, &
beneuolentia nolebat quidquã prætermittere, quod
nobis prodesse posset pro salute acquirẽda: quin indi-
caret, palamq; faceret; exemplo suo nos interpellauit
ad ieiunii, cibalisq; abstinentiæ habendam rationem.
Cum enim sciret quanti momenti foret ieiunium ad
hominem in Dei cultum, uirtutisq; studium afficiẽs

dum, & ad salutis consecutionem promerendum :
 curauit nos suo exemplo prouocandos ad agendum
 ieiunium , cibalemq; abstinentiam ineundam. Quod
 si etiam Christus ieiunando, uim ieiunij, uirtutemq;
 non ostendisset nobis : non ne satis eius rationem,
 uirtutemq; agnoscere possemus ex sacris Hebræorū
 monumentis ; ex quibus apparet ieiunijs non solum
 conciliatos Deo , in Deiq; amicitiam adscitos fuisse
 quamplurimos ; & uim, facultatemq; uaticinandi
 adeptos, sed etiam extitisse, qui ieiunando Deo ad
 stiterit ; Deum allocutus fuerit ; cum Deo familia-
 rem consuetudinem habuerit ; & à Deo, Dei ipsius
 digitis scriptas leges acceperit . Reperitur etiam fuis-
 se, qui cum quadraginta dierum ieiunium egisset,
 & instar seruatoris nostri dies quadraginta cibali ab-
 stinentia usus fuisset ; tantum contenderit proficien-
 do, procedendoq; ulterius ; ut ad montem diuinæ
 mensæ, montemq; Dei ardentem Orebum peruene-
 rit . O potentem ieiunij uirtutem : o præclaram, pro-
 speramq; cibalis abstinentiæ conditionem ; qua fit, ut
 homo tantum contendendo proficiat ; tantumq; per-
 fectionis proficiendo assequatur : ut ad Orebum mō-
 tem peruenire, montemq; diuini amoris, & chari-
 tatis conscendere ; & mensæ diuini, coelestisq; ci-
 bi accumbere ; seq; dulci nectare, suauiq; ambrosia
 exaturare possit . Quod si tam legiferi Mosis, quā
 Thesbitis prophetae ieiunium, qui meri fuere homi-
 nes, plus admirationis, stuporisq; afferre uideatur,
 quā Christi ieiunium, qui tam Dei, quā homi-
 nis natura præditus erat ; nihil sanè fuerit, cur plus

DE DIVI. IN HOMI. BENE.

admiracionis, & stuporis concipiatur ex duorum hominum, quam ex ipsius Christi ieiunio: si consideretur Dei uirtutem, quæ in Christo coniuncta erat homini: & in eo, quatenus homo, mirifice operabatur, eandem se infundendo, seque ingerendo, quod mirum uideri posset; & quod alioqui ab homine præstari nequiret; in ipsis hominibus fuisse operatam. Quin tam procul abest, ut admirer uirtute Dei, operaque effectum; ut Moses, Heliasque non secus ac Christus dierum quadraginta spatio se abstinuerint ab omni tam potus, quam cibi genere; & incolumi corpore, sospiteque uita persisterint; ut arbitrer, quod à Mose, quod ab Helia, quod denique à Christo præstitum est in agendo ieiunio, idem quoque à nobis præstari posse: si contemplando eò ecstasis animi, & intentionis spiritus perueniamus, quò Moses, Heliasque peruenere; & quò Christus peruenisse comperitur: dum actus spiritu in Exerem concessisse memoratur. Potest enim animus contemplando sic prorsus intendi, sic prorsus affici: ut quam uitali substantiæ uirtutem agendi in ea, quorum conuersione, atque consumptione humidi alentis uis sustinetur, præstare alioqui soleat, suspendat ita, ut superante nihilominus uita, & uitalibus officiis habitu permanentibus, nihil detrimenti subeat, nihil consumptionis, extinctionisque patiatur: quod alias ingesti alimenti defectu consumptum, extinctumque in causa esse solet; ut uita hominis extinguatur; & animæ cum corpore societas dissoluatur. Sicut enim experiri solemus, & manifestè

depre-

ORATIO TERTIA. 161

deprehendere, tum minus nos esuritione laborare,
minusq; fame premi; cum uel legendi, scribendiq;
uel quidpiam aliud agendi studio, curaq; animum
detentum maxime occupatumq; habemus: ita ni-
hil prohibet, quin animus adeo rei diuinæ, contem-
plationiq; diuinorum possit insistere: & tanta in-
tentione, tamq; uehementi adhæsione diuina, De-
umq; ipsum speculari; ut nihil esuritionis, nihil ine-
diæ sentiatur: licet etiam lōgo temporis spacio cibo,
potuq; absterneatur; et ab omni prorsus corporalis ali-
menti genere temperetur. O miram, stupendamq;
animi diuina speculatione occupati conditionem.
Sic uiuit extra corpus, sicq; corpus deserit: ut ta-
men ipsum corpus non ingesto alimēto in uita con-
tineat; & præter solitam naturæ rationem subtra-
cto alimento uiuum seruet, atque custodiat. Dum
se abstrahit à corpore, corpusq; ipsum relinquit; ef-
ficat, ut in uita sustineatur corpus, quod alioqui su-
stineri nequiret, si ipse finibus corporis arctaretur,
ipsiq; corpori adesset, atque inseruiret. En obsecro
ciues animaduertite, quænam sit consensio diuinæ
contemplationis, & ieiunij, & mutua inuicem
connexio. nam contemplatio sic coniunctam cum
ieiunio rationem habet, ut sine eo nihil polleat, ni-
hilq; uirium habeat, & nullo pacto consistere pos-
sit. Quæ uerò contemplatio uim, fomentumq; ac-
cipit à ieiunio; eadem mox operatur, ut ieiunium
ipsum persistat, diutiusq; sustineatur, atque perse-
ueret. Sic mutuò se respiciunt, sic inuicem se com-
plectuntur diuina contemplatio, & ieiunium: ut

X

DE DIVI. IN HOMI. BENE.

cum ieiunium uim contemplationi tribuat, poten-
temq; reddat contemplationem; ab ipsa tamen con-
templatione suscipiat potestatem diutius perseveran-
di; & ui contemplationis se tueatur diutius in ho-
mine, quam ipsius hominis constitutio, uitæq; a-
gendæ communis, consueta que ratio pati posse
uideatur. Quod muneris suscipit à ieiunio contem-
platio, quatenus hominem ad Deū conuertit, Deoq;
applicat, atque coniungit: mox opera, uirtuteq;
conuersionis, atque coniunctionis factæ rependit ip-
si ieiunio; & quam existendi, pollendiq; causa con-
traxit cum ieiunio obligationem, eam dissoluit di-
uina coniunctionis ui, uirtuteq; efficiendo, ut ieiunium
perduret, conserueturq; diutius; quam su-
perstite hominis uita fieri alioqui posse uideatur.
Sed quauis ieiunium ui contemplationis præter na-
turæ consuetudinem consequatur diutius persisten-
di beneficium: tamen si causam rei ex principio
deduxerimus, & ex origine rem, rei q; effectum
considerauerimus; nihil obstiterit, quin simus
comprehensuri nihil beneficij opera contemplatio-
nis consequi ieiunium; quod sibi ipsi non possit
referre acceptum: quandoquidem principij, ori-
ginisq; habita ratione quidquid ui contemplatio-
nis efficitur, iure tribui, ascribiq; potest ei, à quo
ipsa contemplatio uim suscipit imprimis, atq; dedu-
cit. Quò fit, ut arbitrer non ab re, nec præter ratio-
nem symbolo comestionis, fractiq; ieiunij typo de-
scriptam, indicatamq; fuisse illam primi hominis à
Deo defectionem. Cuius enim rei typo melius expri-

mi, quonamq; rei symbolo aptius, cōgruentiusq; in
dicari potuisset studium à Deo adhibitum cōtinendo
homini in ea, in qua creatus esset contemplationis,
diuinæq; adhæSIONIS perfectione: quàm prohibita co
mestionis, indiCTIq; ieiunij? cuius ea sit uis, atq; uir
tus, ut sine eo frustra confidat, speretq; homo, se pos
se Deo adhærere: & in ratione diuina contemplan
di, adhærendiq; Deo ope contemplationis quidquam
proficere. Quanam sensili similitudine efficacius de
signari, referriq; potuisset illa latens, arcanaq; pri
mi hominis immutatio, quatenus se sinit ab eis, quæ
forent animi, & rationis ad ea, quæ corporis essent,
& appetitus conuerti? quàm cibali in continentia,
qua maxime reperitur homo alienari à bonis animi,
usuq; rationis; & in studium corporeæ uoluptatis,
sensilisq; appetitus obsequium trahi, deduciq;. Mul
tifariam iam patere autumo, quanti sit ieiunij, ci
balisq; abstinentiæ observatio in ratione quærendæ
salutis, contrahendæq; cum Deo societatis, atq; ami
citie. Sed cum Christus nec quærendæ salutis cau
sa, cum salutis author foret; nec contrahendæ cum
Deo amicitie gratia, cum Deus existeret; opus habe
ret ieiunio: eo tamen usus est, quò nos suo exem
plo prouocaret ad ieiunium non ignarus, quàm fo
ret opportunum, atque necessarium pro salute con
sequenda, regnoq; cœli adeundo ieiunare, cibaliq;
in abstinentia uiuere. Quò fit, ut ex huiusmodi Chri
sti ieiunio tam salutaris ieiunij ratio comprobetur,
quàm Christi ipsius erga nos cura, beneuolentiæq;
arguatur insigniter, atque ostendatur. quatenus

DE DIVI. IN HOMI. BENE.

enim salutare homini ieiunium agnoscens eo
usus est ; cum minus indigeret , quo eius ob-
servantiam , cui plurimum posset esse usui pro-
quaerenda salute , homini suo commendaret ex-
emplo : non'ne summam , præcipuam'que cu-
ram nostræ salutis sibi esse significavit ; & ma-
ximum suæ erga hominem benevolentia , & cha-
ritatis protulit testimonium ? Quid Christo opus
erat tam exacto , abstinenti'que ieiunio ? quid co-
gebat , impellebat'ne Christum tam longa , auste-
raq; cibi , potus'que abstinentia uti ? nihil opus sui
causa habebat ieiunio Christus . Quam nobis con-
sulendi curam gerebat ; quod nostræ saluti pro-
spiciendi studium retinebat ; & qua in nos be-
nevolentia , & charitate agebatur ; eî in causa
fuerunt , ut non solum ieiunium ageret , cibisq;
abstineret : sed etiam Eremum peteret , tentandumq;
se à Diabolo permetteret . O miram filij Dei , ser-
uatoris'que nostri Christi summissionem . qui re-
rum omnium , omnisq; substantiæ creator erat ;
qui suo imperio , suæq; ditioni subiecta omnia con-
tinebat ; qui tam Demones , quàm Angelos suæ
potestati subditos habebat ; is se præbuit tentan-
dum à Diabolo ; seq; Diaboli astu , insidijsq; im-
petendum obtulit ; quod nos institueret , suoq; ex-
emplo doceret , quemadmodum oporteat ab insi-
dijs , dolisq; impetentis Diaboli cauere , & pro-
curare , ne quo pacto Diabolo cedamus , & ab eo
nobis imponi patiamur . Dum triplici Christus ten-
tamine frustra impetitur à Diabolo ; & ter se tue-

tur eius ab insidijs, dolis'que : documentum affert nobis, nosq; admonet, nunquam remittendum esse aliquid diligentiae in cognoscendis, cauendisq; Diaboli imposturis : & semper quoscunque aditus decipiendi tentet, & quascunque fallendi occasiones captet; esse prudenter occurrendum, uiriliterq; resistendum . Præterea cum interpellaretur à Diabolo; ut si filius Dei esset, in panes lapides conuerteret, & se esuritione, fameq; liberaret; non minus respondendo, quàm dissentiendo tradidit nobis præclarum, singulareq; documentum, nimis anxie, enixe'que non esse querendum, quod comedamus, & quo uitam hanc caducam, fragilem'que sustineamus : sed imprimis rationem diuini panis, cibiq; spiritualis esse habendam; quò uita immortalis paretur, & quò uitæ perpetuò agendæ consulatur : cum nihil eorum, quæ necessaria uideri possint huic uitæ sustinendæ, pro Dei in hominem exacta cura possit deesse procuratis ab ipso homine dumtaxat eis, quæ saluti querendæ, uitæq; æternæ consequendæ expediant, atque conducant . Fieri non potest ciues, quin id anxie curæ, & sollicitudinis, quod huic uitæ sustinendæ, commodeq; agendæ impendatur; in causa sit, ut cura salutis remittatur : & segnius, quàm oporteat, procurentur ea, quæ ad uitæ futuræ rationem pertineant; & Dei cultum, uirtutisq; studium respiciant . Documento igitur, exemploq; Christi imprimis cibi spiritualis nobis habenda est ratio; nec ullo pacto est committendum, ut

DE DIVI. IN HOMI. BENE.

perinde ac si diffideremus Dei in nos curæ, atq; providentiæ; sollicitè, anxieq; quæramus usibus huius vitæ necessaria, & plus æquo laboremus in eis parandis, habendisq; : quæ Dei cura, atque beneficio facile homini adiungiuntur; qui comparandæ salutis negotio occupetur; & qui studio sanctitatis, vitæq; æternæ assequendæ cura detineatur. Secundo quoque tentatus à Diabolo Christus reliquit nobis exemplum, ut nullo opum, divitiarumq; desiderio, nullaq; dominandi, imperandiq; alijs cupiditate permittamus nosmet à Dei cultu, veræq; religionis instituto abduci, auertiq; : & nullo pacto sinamus nos uana opum, honorumq; expetitione agi, duciq; ad committendum quidquam, quod Deo, Deiq; monitis aduersetur : & à ratione, virtutisq; norma declinet. Dum enim regna, opesq; mundi offerente Diabolo, si coleretur; detrectavit accipere; & non habita ratione opum, honorumq; oblatorum Deum solum colendum, honorandumq; esse iudicavit; abundè nos admonuit, ne quid mundi huius, ne quid rerum humanarum præferamus unquã Deo, Deiq; honori : & ne quo mundi, rerumq; affectu dimoveamur à studio veræ religionis, & à cultu virtutum, Deiq; observatione abalienemur. Nec minus documenti, exempliq; tertio tentatus à Diabolo Christus nobis attulit : dum adhortatus ut se daret ex alto præcipitem comprobandi se filium Dei gratia : non annuit, neque consensit. Nam ratus non esse tentanda, neque subeunda pericula, quoties alicuius fructus proferendi spes, occasioq; non

adesset : & arbitratus id non posse non fieri ambiciose , captandæq; humanæ gloriæ causa : quod factum nihil omnino fructus esset editurum , nihilq; publicè profecturum : proposuit nobis exemplum , quo à subeundis temerè periculis auerteremur : & ab inani captandæ humanæ gloriæ studio abducere mur . Quis enim nesciat non tantum à Dei tramite , diuinæq; religionis instituto aberrare , qui temerè , nullaq; pariendi fructus , proficiendiq; oblata spe periculis sese obijciat , in uitæq; discrimen sese dedat ; sed etiam à politice uirtutis ratione decedere : & in considerati potius , insaniq; , quàm fortis , atq; animosi nomen mereri ? Quis præterea ignoret , quàm sit uanum , quàmq; indignum sapientia hominis , captare fumos humanæ gloriæ ; præsertim cum id , quo captetur humana gloria , nihil neque publicè , neq; priuatim sit profuturum . Cum enim placere Deo duntaxat , Deiq; solum gloriam quærere debeamus ; non potest non grauiter desipere ; & à iustitiæ , rei q; diuinæ ratione non plurimum discrepare ; qui studiosum se præbeat placendi homini , & sibi met gloriam ita quærat apud homines ; ut nec fructus ferendirationem habeat ; nec quantum proficere possit , æstimet , atque perpendat . Quod si ea , quæ in triplicis tentationis huiusmodi historia motû corporeum , remq; uisilem continent , ad animi motum , remq; spiritus inuisilem referantur : adeo non sentietur ineptè ; ut id non minus salis , quàm gratiæ uideri facile possit in se continere . nec id circo uideri poterit abrogare fides historiæ , aut

DE DIVI. IN HOMI. BENE.

sacrorum authorum uerbis adimi authoritas: quan-
doquidem seruata nihilominus ueritatis ratione
fieri potest; ut quæ non satis explicari uerbis,
nec satis intellectu percipi queunt: quatenus om-
nem sensus captum superant; eo pacto, modoq;
explicentur, intellectui que aperiantur, quo pos-
sunt maxime; & sensilium ope exprimantur:
dum uel nullo modo, uel non æquè exprimi, in-
telligi; possunt in sua genuina specie, siue ra-
tione. Postquam Christus aëto ieiunio, opera que
contemplationi data tentantis Diaboli dolos, insi-
diasq; superauit; & se aduersus triplicem eius im-
petitionem ita tutatus est, ut non solum indem-
nem se custodierit, sed eum etiam fregerit, fuga-
ritq;: solitudinem relinquens, Eremonq; excedens
urbes petiuit, frequentiamq; hominum querens
coepit publicè regnum Dei prædicare, salutis ra-
tionem aperire; & palàm docendo, monendoq;
meliozem uitæ institutionem promulgare. Quo-
quidem Christi factò satis admoneri possumus,
quàm non sit nobis publicè docendi, instituen-
diq; alios munus subeundum, & non fungendum
nobis aliquo munere publicè consulendi alijs, pri-
us quàm ieiunjs, contemplationiq; operam eam
nauauerimus; & eò perfectionis peruenerimus;
ut omni irrationalis affectus, Diaboliq; impetiti-
one superata eam uitæ rationem inierimus: ut no-
stra consuetudo possit non minus exemplo probi-
tatis, integritatisq; publicè esse usui, quàm mo-
nitis, adhortationibus, increpationibus palàm pro

desse. Non minus alijs inutile, atque infructuosum futurum est, quàm nobis pernitosum, quid quid publici muneris, publicæq; consuetudinis subiuerimus, prius quàm studio uirtutis, contemplationisq; opera eiusmodi euaserimus: ut præstatione eorum, ad quæ cæteros adhortemur: nobis fidem sic, authoritatemq; parauerimus: ut pro firmo uirtutis, præstantiæq; habitu nequeamus facile infici malorum consuetudine; aut aliqua humani affectus surreptione deprauari. Hinc illud ueteris instituti ciues plurimum salis habuisse dignoscitur: quo senij tempus idoneum, maximeq; conueniens fungendo publicè muneri, rebusq; publice agendis præscribatur: & non ante quisquam aptus publicis functionibus, negocijsq; reipublicæ tractandis decernebatur; quàm septimo anno octies aëto ad id æui, ætatisq; peruenisset: cui non minus feruor affectuum abesse soleret, quàm uirtutis firmior, constantiorque habitus longo usu adesse posset. Iam cœperat Christus palàm de regno Dei profari, uulgoque salutaria uiuendi documenta differere; cum statuit aliquos sibi peculiariter adsciscere; eosq; in uia salutis sic instituere: ut, si opus foret, dum uiueret; eorum opera, officioq; in demonstranda salutis ratione uteretur: & denique eos, simulatque uita hac ipse excessisset, loco sui relinqueret: qui mortales ad reætam uitæ institutionem excitarent; & ad capeffendum salutis beneficium inuitarent, atque adhortarentur. Elegit itaque uiros duodecim

DE DIVI. IN HOMI. BENE.

numero magna ex parte navitas, siue piscatores, qui non minus generis, artis'que causa ignobiles, quàm literarum imperitia rudes erant. quos quidem de industria huiusmodi delegit; ne fortè quæ eorum opera scita, & præclara ederentur in salutis indicandæ ratione; adscribi possent alicui alij, quàm diuinæ præstantiæ, atque potestati: quæ sanè tantò illustrius arguitur, atque comprobatur, quantò minor occasio suggeritur, quod sit effectum tribuendi homini. Cauendum enim fuerat pro salute inducenda, & pro cultu, obseruantiaq; Dei in animis hominum excitanda: ne quod scite diceretur, aut sapienter fieret, aut mirabiliter patraretur: id aliquo pacto attribui, adscribiq; posset homini, cuius ministerio Deus uteretur. Non facile fidem erga Deum conciperet homo, non facile in admirationem Dei induceretur; & ex admiratione in eius cultum, amoremq; traheretur: si quod ipsius hominis ministerio facit, operaturq; Deus excitandæ admirationis, contrahendæ fidei, conciliandi amoris gratia: id aliquo pacto pro ea, qua laboratur ab homine in Deum incredulitate: uideretur posse tribui humanæ operæ, atque præstantiæ. Nihil itaque omittens pro sua in hominum genus beneuolentia Christus, quod posset homini pro paranda salute conducere; & pro salutis oblata beneficio suscipiendo expedire: undique occasionem concipiendæ in Deum fidei attulit; undique contrahendæ erga Deum admirationis, & charitatis ansam præbuit ipsi homini. Quis enim ad concipiendam ma-

ximam de Deo fidem induci, quis in admirationem
 Dei ingentē agi non deberet, qui animaduerneret li-
 terarum imperitos, rudesq; ingenio homines disce-
 ptare de religione, de arcanis diuinis loqui, & de
 salutis ratione, felicitatēque hominis concio-
 nari? Quis excitari, quis commoueri non deberet
 ad colendum, uenerandumq; eum, cuius ui, atque
 potestate cerneret effici, ut abiecti, ignobilesq; homi-
 nes, qui naues agere, qui capiendis piscibus retia
 iactare solerent, populos, Regesq; populorum tam
 dicendo commouerent, quā agendo deterrerent?
 Quin quisquis diligenter considerarit, quemadmo-
 dum duodecim tum piscatores, tum uiles, ignoti-
 que homines totū mundum commouerint; & nul-
 lam orbis regionem reliquerint, quam noua Christi
 religione non imbuerint; & in qua ueri Dei cul-
 tum non tradiderint; & propagato, diuulgatoq;
 Christi nomine se quoque celebres non reddiderint:
 poterit ne se cōtinere, quin afficiatur in eum, eumq;
 colat, atque admiretur: à quo tot mira, totq; stu-
 penda ministerio eiusmodi hominum gesta, perpe-
 trataq; cogitet, atque expendat? O propositū Dei
 summē studiosum consulendi hominis saluti. O mi-
 ram, exactamq; Christi curam in seruando, redi-
 gendoq; ad salutem homine. Ne quam haberet ho-
 mo occasionem tribuēdi humanæ operæ, humanæq;
 præstantiæ, quod Deus ministerio hominis operare-
 tur; & idcirco negligentius se haberet in agnoscen-
 do, obseruandoq; Deo; & oblatum salutis munus
 segnius corripere: non adsciuit sibi Christus mini-

DE DIVI. IN HOMI. BENE.

stros, propagatoresq; salutis homines: qui proceres
essent, primatesq; urbium, quiq; disciplinis litera-
tis eruditi, & humana sapientia, atque doctrina
imbuti forent; quibus fortè, quod Dei esset, ali-
quo incredulitatis humanæ vitio posset adscribi:
sed rudes, imperitos, ignobiles: qui cum suapte pro-
fessione, atque conditione nihil minus haberent,
quàm ut scita eloqui; deq; diuinis agere scirent; &
eos autoritate sua commouere possent, ad quos uer-
ba facerent, & quos persuadere tentarent: fan-
do mira¹, mirumq; in modum animos commo-
uendo Dei uirtutem, Deiq; potestatem apertè
in se comprobarent; & nihil dubij relinquerent,
quominus quod Dei foret, Deo tribueretur; &
quod ab ipsis ageretur, atque diceretur, Dei uir-
tuti ascriberetur; Deiq; munus, atque benefici-
um censeretur, atque agnosceretur. Sed quoni-
am contigit, ut explicaremus, cur Christus adsci-
uerit sibi ignobiles, imperitosque scientiæ homi-
nes; quorum opera, atque ministerio uteretur
in ostendendo, diuulgandoq; salutis beneficio;
non ab re fortè fuerit æquè exponere cur eius-
modi numero duodecim adsciuerit, atque dele-
gerit: cuius quidem expositionis conditio si fue-
rit eiusmodi, ut uideri possit plus in se laboris,
quàm fructus continere: nihil tamen obstiterit,
quin simus existimandi rem proposito negotio sa-
tis aptam fecisse; & nihil idcirco, quod aberrat-
ret ab instituto, attrectasse. Quatenus enim ad
me attinet, nunquam arbitrabor id esse silentio

prætereundum, quod nec propositæ rei discrepet, nec diligentius intuenti uideri possit esse inutile. Super hac re si plures fortè causas, rationesq; adduxero; nihil fuerit, cur idcirco merear nimis curiosus censerî; cum ea sit diuinarum rerum, actionumq; ratio; ut nunquam satis curæ, atque diligentie in eis explicandis ab homine possit adhiberi. Et si quandoque nimis audacter uideri potest homo agere, dum tentat inuestigando cognoscere diuinarum actionum rationes; nunquam tamen existimauiro ascriptum iri à Deo noxæ homini, quatenus pietatis, non arrogantie studio inquirat diuina; Deiq; ipsius agentis consilium, propositumq; scrutetur, atque inuestiget. Cum enim inquisitionis huiusmodi, et inuestigationis ratio hominem detineat Dei, diuinorumq; cogitatione occupatum: fieri non potest, etiam si nihil apprehenderetur, quin proficiatur aliquatenus: Et qui sic inquirat, inuestigetq; propinquo rem se reddat Deo; Et in Dei, diuinorumq; agnitionem, admirationemq; assidua cogitatione inducatur. Cum fuissent numero duodecim homines, quorum opera genus, semenque carnale Abrami multiplicatum, propagatumq; extitisset: conueniens fuit, et congruum; ut æquè spiritale genus, atque semen Abrami diffunderetur, propagareturq; officio, atque opera duodecim. Nam quemadmodum duodecim Israelis filij extiterunt, qui genus, semenq; patris multarum gentium Abrami latè propagarunt, et uaria, numerosaq;

DE DIVI. IN HOMI. BENE.

prole auxerunt : ita non sine diuini , arcaniq; consilij ratione effectum est , ut Christus , qui uere foret Israel , duodecim adoptaret in filios ; duodecimq; ad scisceret sibi Apostolos : quorum opera , atque officio semen spiritale Dei cunctorum gentium patris late , copioseq; propagaretur . Præterea cum numerus huiusmodi duodenarius tam ter quatuor , quàm quater tria in se complectatur : conuenit egregie , ut Christus , qui tam ratione substantiæ diuinam Trinitatem continebat , quàm omnis quaternæ uirtutis exemplar erat , ageret negotium salutis , salutisq; beneficium diuulgaret ; & se passim mortalibus ostenderet ter quaternis , uel quater ternis hominibus in id operæ constitutis , atq; delectis . Decuit quoque , ut cum quaternæ uirtutis tribus gradibus ab homine concedatur ad Deum , siue Christum , qui uirtus exemplaris est ; numero quater terno hominum procuraretur generis humani consensus ad Deum , & duodecim officio accedendi ad Christum , perueniendiq; ad salutem , quæ uirtutis ipsius exemplaris fruitio est ; ratio passim , uiaq; mortalibus indicaretur . Ex diuinæ etiam prouidentiae lege fuit , ut quæ ratio perficiendi hominis , imitandiq; Christi foret indicanda generi humano , & omnibus sine ulla personarum acceptione ostendenda : ostenderetur , indicareturq; eo ipsorum indicantium , ostendentiumq; numero custodito ; qui pro sua perfectione non minus rei , quæ ostenderetur , perfectioni responderet ; quàm communi , uniuersæq; hominum , quibus ostenderetur , conditioni conueniret . O nu=

meri duodenarij perfectam, absolutamq; usquequa-
 que rationem : o appositam , omniq; ex parte con-
 gruentem duodenariam supputationem. Quatenus
 enim duodenarius numerus ter quaternis, quater-
 ue ternis constat : pro ea dignitate, uiq; quam non
 minus ternarius, quàm quaternarius numerus com-
 peritur retinere non solum in conficienda musices
 symphonia, sed etiam in animorum ratione, corpo-
 rumq; constitutione ; non potest non argui, sum-
 mam in se continere dignitatis, perfectionisq; ra-
 tionem. Si septenarij numeri ea est conditio, ut non
 tam ex partibus, quibus constet, quàm ex sui ipsius
 ratione commendetur ; & plurimum dignitatis,
 & uirium obtinere in rebus humanis, atque diui-
 nis censeatur : si quinario numero ea uis adscribi-
 tur ; ut complecti perhibeatur, quidquid intelli-
 gibile omnino sit, aut uisile : & asseratur referre non
 minus superiora, quàm interiora : quanti momen-
 ti, quantæ dignitatis, & mysterij iudicandus erit
 existere duodenarius numerus ; qui tam septenari-
 um, quàm quinarium in se habeat, atque comple-
 etatur ? Si senarius numerus plurimum religionis,
 & perfectionis non solum ideo creditus est habere,
 quia ex suis partibus perfectè constet : & ita se ha-
 beat, ut dimidij rationem admittat : & tam tertiæ,
 quàm sextæ partis supputationem recipiat : sed eti-
 am quia reperitur ad humani partus productionē
 pertinere : quatenus tot utriusque sexus cubis una
 congestis, quot ipse monadibus constat, conficit, im-
 pletq; tempus condendo homini opportunum : quan-

DE DIVI. IN HOMI. BENE.

et plus religionis, et uirium continere existiman-
 dum est duodenarium numerum; quo duplex se-
 narius concluditur; et in quo tam dimidij ratio si-
 bilocum uendicat, quam tertia, quarta, sexta, duo-
 decimæq; partis supputatio continetur. Quapropter
 non ab re fortasse fuerit arbitrari, quod religionis,
 et potentiae senario in corporea hominis conditura
 adesse memoratur; id geminata uel duodenarium sic
 continere; ut quam in corporea hominis senarius,
 in spiritali productione ipse duodenarius conditio-
 nem obtineat. Si præterea decadem sibi uim ma-
 ximam, perfectionemq; adsciscere opinamur, tum
 propter uim, dignitatemq; partium, quibus com-
 pacta est, tum propter rationem, qua complectitur
 omnem numerandi amplitudinem; et qua nullum
 numerum agnoscit, quem uel non contineat tan-
 quam partem, uel tanquam finis non absoluat:
 quid censendum fuerit de duodenario; qui deca-
 dem in se comprehendit, et dyadem abscissionis,
 mutationisq; typum adiectam habet: quæ suppu-
 tatio, prout conficitur, redigitur ad ternarium
 non aliter, quam quaternarius ad decadem, et ter-
 narius ad senarium. Quò fit, ut cum nihil perfe-
 ctæ conuersionis, nihil absolutæ immutationis, ni-
 hil numeralis efficacitæ abesse inueniatur duodena-
 rio; argui possit, cur numero duodecim inprimis
 fuerint delecti, qui conuertendos ad Christum
 homines procurarent; qui immutandis ab im-
 pietate animis studerent; et qui pro sua seduli-
 tate, et ministerio nihil non tentarent, aut
 conarentur

conarentur: quo genus humanum nullis exceptis ad agnoscendum, suscipiendumq; salutis à Christo oblata beneficium induceretur. Plura alia afferre possem ex arte numerali argumenta duodenarii singularem uim, perfectionemq; comprobantia: & adducere quirem non solum numeri paris cubū, cubiq; ipsius paris primam aggestionem; sed etiam cubi imparis primam accumulationem; cubiq; ipsius imparis basem duodenario ipso cōprehensam: quæ tamen omnia, ne uobis fortè uidear longius, quàm sit opus, rem trahere; & diutius quàm conueniat, quæ non minus utilem, quàm facilem perceptu rem contineant differre: prætermitto, & custodito ordine prosequor recensere, quæ de Christi actibus, atque institutis continentur sacris monumentis. in qua tamen tractatione eo moderamine, temperamentoq; procedemus; ut non singula quæque, quæ Christus egerit, instituendoq; docuerit, simus persecuturi: sed quæ dumtaxat uisa fuerint habere plus momenti, plusq; energię in constituenda salutis ratione, & in comprobanda tam Dei, quàm Christi ergam hominem beneuolentia, atque beneficentia. Si enim uellemus exactè singula quæque Christi dicta, factaq; excutere, & separatim perpendere; fieri uix posset, ut id assequeremur; uel saltem dicendi ratio eo perueniret prolixitatis, ut faciliè possetis malle legere apud eos, qui eiusmodi tradiderunt, quàm ex me audire. Nostri nunquàm fuit instituti, ut de uita, singulisq; dictis, atque factis Christi historiam texeremus; aut ab antiquis textā parti

DE DIVI. IN HOMI. BENE.

culariter interpretaremur: sed ut de Christo, Christi-
 que; actibus, atque institutis; et de salutis ratione sic a-
 geremus: ut attingentes duntaxat ea, quae maxime vi-
 deretur conducere divinae erga hominem charitati, et
 beneficentiae exprimendae, atque declarandae: cetera re-
 linqueremus, quae non videretur adeo facere pro salu-
 tis ratione explicanda, proque charitate, et beneficentia
 Dei erga hominem significanda, atque ostendenda. Cum
 Christus morte consensu, accersitisque; discipulis bona,
 praemiaque; quae destinata essent paupertati, mansue-
 tudini, aequanimitati, tolerantiae, commiserationi, sin-
 ceritati, paci, innocentiae exposuisset: eos, eorumque; sub
 personis nos omnes instituens exactiora antiquis do-
 cumenta tradidit: et nostrae salutis studiosus, consulen-
 dique; nobis mirum in modum cupidus, non quemad-
 modum Moses Hebraeis divina praeccepta tradendo fe-
 cerat, solum, quod prohibentis praeccepti verbis signifi-
 caretur, cavendum: et ipsum peccati actum deuitan-
 dum admonuit: sed etiam temperandum ab omni eo,
 quod aliquo pacto sub ratione praeccepti posset com-
 prehendi; et abstinendum etiam ab ipsius peccati af-
 fectu, atque consensu. Cum enim ueteri Moysi decalogo
 contineretur non esse occidendum hominem, non esse
 moechandum; pro eo, quo servandi nostri, exactiusque; no-
 bis prospiciendi desiderio, atque studio detinebatur
 Christus, non solum nobis iniunxit cavendum esse homi-
 cidium, et a moechando continendum; sed etiam stu-
 duit nos arcere ab omni genere iniuriae homini infe-
 rendae; et tam irasci, quam conitari, aut contumeliae alii
 quid homini inferre nos prohibuit: et exegit a no-

bis, ut à mœchando sic contineremus, ut ne appetere
 quidē animo, concupiscereq; mulierem alienam susti-
 neremus. Quam peierandi prohibitionem antiquis
 inditam animaduverterat, quò nos ad meliorem uitæ
 institutionē, perfectioremq; uiuendi rationem redige-
 ret: sic ampliavit, extenditq;: ut nos iurare omnino,
 nedū peierare prohiberet nihil amplius adiendum
 nostræ locutioni ratus, quā quod sufficeret meræ, in-
 genuæq; ueritati exprimendæ. Legem illā talionis ad
 eo nō approbauit, adeo nos læsos lege talionis agere
 noluit: ut nobis sua serit, atq; iusserit abstinendū pror-
 sus ab ultione; et nullo modo acceptis iniurijs esse illa-
 ta iniuria respondendū: sed potius maxillam percu-
 tenti, alterā quæ æquē pcutiatur, exhibendam: &
 tunicam auferenti, dimittendum etiam pallium. Mo-
 nuit etiā, ne quo ueteris instituti fomento prosequere-
 mur odio, quos nobis infensos, inimicosq; experire-
 mur; sed eis potius prodesse, benefacereq; adnitere-
 mur: et quatenus fieri posset, eos placare, demereriq;
 beneficijs studeremus. O sancta, salutariaq; homini
 documēta. O plena beneuolētiæ, et charitatis monita
 seruatoris nostri. non hæc à nobis præter ueterū legū
 traditiones, siue interpretationes exigat: ut nos gra-
 uius premat; ut grauiori nos onere afficiat; sed ut
 altius nos efferat, meritisq; nos, & dignitate cumu-
 latiores reddat; & quatenus fieri potest, nos Deo pa-
 tri, sibiq; similes efficiat. Sicuti quispiam bonus,
 præstansq; pater familias filios, quos curæ, institu-
 tioniq; pedagogi aliquandiu commissos habuit, cu-
 piens meliores reddere, suscipit ipse instituendos;

DE DIVI. IN HOMI. BENE.

Et indulgentia pedagogi, teneræq; ætatis respectu remissas aliquatenus vitæ, morumq; habenas contra hens, eos ad arctiorem vitæ normā redigit; Et studio consulendi, proficiendiq; procurat ad exactiorem morum rationem adducere: nihilq; prætermittit, quo possit eos meritis, virtuteq; præstabiles reddere, sibiq; integritate, Et vitæ probitate similes efficere: non aliter optimus, amantissimusq; pater Deus, Christus ne quos homines legalibus institutis permiserat aliquandiu monendos, atq; erudiendos, suscepit ipse instituendos, atq; moderandos: Et quò meliores eos redderet; sibiq; quatenus fieri posset, bonitate, sanctitateq; similes cōstitueret; contraētis pedagogi, legalisq; traditionis habenis, ad arctiorem, exactioremq; agendi rationem procuravit redigere; et exigendo ab eis, quod ipse præstaret sui imitandi, suæq; diuinitatis participandæ modum, rationemq; tradidit. O summā, singularemq; Christi bonitatem. o beneficam, liberalemq; erga hominem Dei curam. suggerit, offert, præscribit documēta homini, quibus seruatis, custoditisq; possit non solum salutē consequi, felicitateq; potiri; sed etiā eò perfectionis pertingere, ut ipsi Deo similis euadat, et particeps diuinitatis, atq; Deus deniq; efficiatur. Quantum diuinæ bonitatis hinc arguitur? quantum erga hominem liberalitatis ostenditur? non minus suā liberalitatem, quā bonitatem erga hominem ostendit Christus, Christi q; opera Deus: dum ea homini tradidit documēta, ea q; præscripsit monita; quibus se diuinitatis participē, Deo q; ipsi similem possit efficere. Eximiam uerò, singularemq; suam bonitatem

am, et
diprom
exigere
inimic
à quib
affici
steret
fineq
p'son
mitti
næ g
pud
mus
mus;
quod;
tam fa
sancti
mus e
fectu
re ad
Alloq
glorie
tia pro
e curia
Deum
Deo na
ut qui
meret
causa
confla

tem, & suam omnibus benefaciendi, nullisq; officien-
 di promptitudinem testatus est: dum præstando, quod
 exigeret, exemplo prouocauit hominem ad amandū
 inimicos, ad proficiendum, ultroq; cōsulendum eis,
 à quibus offendatur, lædatur; et iniurijs, calumnijsq;
 afficiatur. Cum ratio boni, siue meriti non tã consi-
 steret in boni ipsius operatione, quàm in proposito,
 fineq; operadi; idcirco Christus admonendos nos sub
 psonis discipulorum procurauit: ne quo pacto com-
 mitteremus, ut quid boni operis à nobis fieret huma-
 næ gloriæ cupiditate, studioq; cōsequendæ laudis a-
 pud homines: sed quidquid boni ageremus, referre-
 mus ad Dei honorē, ad Deumq; ipsum sic dirigere-
 mus; ut tamen exemplo nostro, si fieri posset, cæteri
 quoq; allicerentur ad benè operadum, Deoq; rem gra-
 tam faciendū. Quidquid boni opamur, quidquid pie,
 sancte q; agimus, ut innotescat, palamq; eluceat, eate-
 nus expetere debemus, quatenus in augmentū, pro-
 fectumq; religionis cedere possit; et cæteros prouoca-
 re ad similem agendi, operadiq; rationē ineundam.
 Alioqui si quod boni agimus, id captandæ humanæ
 gloriæ causa, conciliandæq; apud homines laudis gra-
 tia procuremus, innotescat, palāq; dignoscatur: nihil
 ē cur idcirco speremus aliquid meriti, gratiæq; apud
 Deum nobis parari, aut aliquid præmiū, mercedisq; à
 Deo nobis præstitū iri. Nō enim iustitiæ ratio pmittit,
 ut quis ab eo præmiū cōsequatur, gratiamq; eius pro-
 mereatur, cui nihil detulerit, & cuius demerendi
 causa nihil egerit. De Deo benè merendi ratio omnis
 constituta est in exoluendis, liberandisq; animis ab

DE DIVI. IN HOMI. BENÉ.

affectu placēdi cuiquam alij, quā ipsi Deo: qui pro
ut summē gratum, liberalemq; se præstat in eos, quos
sciat sui causa quid egisse: ita sibi debito non ascribit,
neq; suo æri imputat, quod norit nō sibi fuisse dela-
tū, neq; sui gratia præstitū. Ne igitur boni operatio-
nē dirigendo aliō, quā quò dirigi oporteret pro cō-
sequēdo ipsius boni præmio; et bonum aliter operan-
do, quā conveniret pro mercede boni ipsius à Deo ob-
tinenda, operam luderemus: cōmonefaciendos nos cu-
rauit pro sua in nos benevolentia Christus, quemad-
modum debeamus habere nosmet in agendis, operan-
disq; bonis; et nō solum tradidit modū, rationemq; :
quibus agendo, operandoq; possimus mercedem adi-
pisci, nobisq; maximē prodesse; sed etiā orādī, obsecrā-
dīq; Dei tenorem, normamq; indicavit, atq; præscri-
psit: quam custodire, servareq; nos oporteat tam pro-
facilē impetrādo, quā pro utiliter, salutariterq; expos-
cendo. Cuiusmodi ad Deum homini sit habenda ora-
tio, & quid rogando, obsecrādoq; exposcendum sit
à Deo, abundē admonet, docetq; Christus: de quo sen-
sisse uaticinādo arbitror Atheniensem uirum, qui
cū de uoti cōcipiendi, orandiq; Dei ratione consulere-
tur, nihil respondit à Deo petēdum, nisi quod sciret ip-
se Deus utile impetratu; et hāc petendi, orandiq; Dei
rationem dixit esse obseruandā: donec accederet, qui
foret ostensurus, tam quonā pacto habendi essent ho-
mines, quā orandus obsecrandusq; Deus. Hic uir
admodū sapiens, & plus, quā eius temporis, atq; in-
stituti ratio exigeret pius, atq; religiosus pro fallaci
in censendis, æstimādisq; bonis, atq; malis hominum

quoniam
tumq; a
tionem
ret oem
prode
retur
sanē
tio: m
Etur;
rātia
ægre
Christi
zatis
Dion
ab hom
allucin
morta
re qu
mā
capite
tā rati
petendi
nē osten
pietati
nihil cau
habent;
sua in
constan
collocat
dignit

opinionem non censuit quidquam certum, determinatumq; à Deo exposcendum; sed ad ipsum Deum petitionem sic esse referendam, ut ipse, qui perfectè calle-
ret oëm boni, maliq; rationem, et exactè sciret, quid prodesse, obesseq; posset homini; concederet, atq; largiretur, quod cōducturū nosset, atq; profuturum. Hæc sanè cauta, scitaq; rogandi, orandi; Dei fuit institutio: ne homo pro eo, quo faciliè traheretur inani affectu; et pro ea, qua laboraret rerū cæcitate, atq; ignorantia; eò adduceretur: ut peteret à Deo, quod mox ægreferret impetratū. Sed minerva, sapientiaq; Dei Christus nebulā omnem ignorantia discussit; & cæcitatatis oëm caliginem abstulit ab hominis, Homericiq; Diomedis oculis: qui cū satis discernere nō posset Deū ab homine; et ad boni, maliq; agnoscendam rationē allucinaretur: obtinuit, ut optimè posset agnoscere mortalis, immortalisq; conditionem; & deprehendere quid uerè bonū, quid uerè malū omnino foret existimadum. Hæc igitur nostra minerva ex summi Iouis capite orta tradidit nobis orādi, obsecrandiq; Dei certā rationem; & explicuit, atq; ostendit, quid omnino petendum, exposcendumq; nobis esset à Deo. Non sanè ostendit nobis esse petendam à Deo humanam sapientia, uanamq; humanarum artium scientia: quæ nihil cum salutis, finisq; nostri ratione coniunctum habent, sed Deum orandum, obsecrandumq;: ut pro sua in nos charitate, suoq; in nos paterno iure firmā, constantemq; sui obseruantiam in nobis statuatur, atq; colloquet. Nec docuit nos Deū petere opes, humanasq; dignitates, aut honores, aliquem uerè nostræ cupidita-

DE DIVI. IN HOMI. BENE.

tis, atq; appetitus successum; sed ipsius regnū in ani-
mis nostris sic cōstitui, ut omni humano affectu exu-
ti, & omni uitiorum seruitute liberati exequamur
quidquid eius placiti sit, et uoluntatis; & nihil appe-
titui, sensibiliq; cupiditati deferentes, studeamus ob-
temperare ei tā bonum operando, quā malum pror-
sus fugiēdo. Nec idem institutor noster formula orā-
di, obsecrādiq; Dei nobis tradita uoluit; ut anxij, soli-
citiq; de omento, saginaq; corporis uictum cibumq;
corporeum peteremus à Deo; sed escam spiritale, pa-
nemq; uitæ; qui quācunq; aliam rei substantiam su-
peraret uī, potestateq; nutriendi animi, uiuificādiq;
hominis. Nec præterea cauit, ut si quidem infirmita-
te aliqua, ægitudine' ue corporis laboremus, enixè
uotis, precibusq; à Deo flagitemus exolui, liberariq;;
sed si quid labis, reatusq; peccādo cōtraxerimus, id ex-
pūgi, dimittiq;. Nec æquē instituit rogādum nobis, ob-
secrandumq; Deū, ut prosperam corporis ualeitudinē
nobis custodiat; nec patiatur nos induci in aliquod
genus morbi corporei: sed ut tueatur nos, ne incida-
mus in morbos animi; et nobis prospiciat, atq; consu-
lat: ne tendiculas, malasq; Diaboli insidias incurra-
mus. formulā orādi, obsecrandiq; Dei nobis sic tradi-
dit Christus, ut nō minus ipsa formula docuerit breuī-
ter esse orandum, quā palām uerbo, uoceq; prote-
status sit, non esse produēta, proluxa; ad Deum utē-
dum prece, atq; oratione: qui cum sciat, quid nobis o-
pus sit pro sua nobis benefaciēdi, consulēdiq; cura,
atq; propēsiōe nō indiget, ut multis à nobis rogetur,
et longa uerborū, seu rerum congerie obsecretur. Nō

indiget quidē, ut nobis proſit, nobisq; proſpiciat, multis ſuaderi, atq; rogari; cum ſuapte bonitate, ſuapteq; in nos propenſione ſe præſtet ſemper, præbeatq; paratum ad cōſulendum nobis, nobisq; benefaciendū. Sed nos benè oportet, ut aſſiduè, multumq; oremus; & productis, cumulatisq; precibus incumbamus; quò aſſidua oratione, cumulatisq; precibus excitemur animis, & affectu commoueamur in Deum, & concepta de Deo fide, atque ſpe idonei reddamur; qui promptam, paratamq; Dei ipſius in nos beneficentiam, & largitatem poſſimus experi-ri. Alioqui, niſi ſtudeamus animos noſtros uel diutius orando, uel aſſiduè cogitando erga Deum ſic afficere; ut idonei euadamus ſuſcipiendis à Deo beneficijs: nihil eſt, cur admiremur, quod poſcamus, non impetrari; & quod à Deo petamus, non obtineri: quandoquidem id non euenit ex diuina aliqua de nobis benemerendi auerſione; ſed ex noſtra ineptitudine, noſtraq; obtinendi indignitate, atque impotentia. Sed ſicut aſſiduè orando, cumulatisq; precibus inſiſtendo debemus procurare, ut aſficiamur erga Deum, ſpemq; de Deo, atque fidem concipiamus; ita non expedit, neque congruit, ut multa, uariaq; Deum petamus; & orando, rogandoq; alia ab ipſo Deo exigamus, quàm bonum animæ, ſalutisq; beneficium. Si enim laboremus in eis à Deo petendis, atque rogandis, quæ corporis bona, uitæq; huius fragilis commoda reſpiciunt; & orando ſtudeamus impetrare corporis ualetudinem, ſoſpitem filiorum, facultatum augmentum, ci-

DE DIVI. IN HOMI. BENE.

uiles honores, rerumq; id genus inanium consecutionem; Christi instituto, monituiq; prorsus aduersamur: quatenus tradidit breuiter esse orandum, & in rogando, obsecrandoq; Deo multiloquio, longaq; precum serie non esse utendum. Cum enim sufficiat, expediatq; homini solum petere à Deo boni animi, salutisq; beneficium; si quid præter huiusmodi, petat, rogetq; Deum, fines præscriptæ à Christo orationis egreditur; & modum excedit, prolixitatemq; eam incurrit: quam Christus improbauit, fugiendamq; existimauit. Breui itaque ciues oratione utemur; prolixitatem orandi Christi dogmate improbatam uitabimus: si non in uanis mundi huius, atque corporis rebus, commodisq; petendis persisterimus: sed huiusmodi omnibus omisissis, curæq; Dei penitus relictis petendæ salutis satagerimus, & Deum pro salute consequenda orauerimus. Formula enim illa orandi, obsecrandiq; Dei tradita nobis à Christo, cum nihil in se contineat, quàm bonum animi, petitionemq; salutis, non tam uerborum, quàm petitorum causa breuis est censenda, & prolixitate carere existimanda est: quæ si tractim etiam repetatur centies, nequaquã fiet, ut qui id egerit, dici possit prolixius, quàm oporteat, atq; expediat, orasse. nihil enim productius, prolixiusq; quàm deceat, uideri poterit habere oratio, quæ finibus petendæ salutis, rogandiq; pro obtinendis animi bonis Dei cohibeatur. Quin tantum abest, ut id genus prolixa, productaq; orationis censeretur à Christo improbatum; ut quanto prolixius oretur, quan-

toq; diutius, frequentiusq; orationi id genus insista-
 tur, incumbaturq; ; tantò plus fructus concipiatur,
 tantoq; plus utilitatis excerpatur. Sed cum omnis o-
 randi recta ratio consistat in suscitando hominis in
 Deum affectu: & in addicendis, deuouēdisq; Deo hu-
 manis animis: ex oratione, cuius sensus exactè perci-
 piatur, facilius quidē poterit colligi fructus, et excer-
 pi utilitas. nihil tamen obstitit, quin æquè possit
 orando profici non satis orationis sensu percepto;
 dummodo propositum orantis in Deum intendatur:
 & studium, desideriiq; eius referatur ad salutē con-
 sequendam, animiq; bona impetranda. Et si uirtutē,
 potestatiq; uerborum genuinæ derogandum non est
 ita: quin eorum nonnullis plurimū momenti inesse
 censendum sit; tamen fructum orationis magna ex
 parte pendere ex animo, propositoq; orantis sic arbi-
 tror: ut nihil ex sensu orationis percepto putem pro-
 fici: nisi intellecta uerba comitetur animus, & uer-
 borum sensui cohæreat proferentis intentio. Quin
 imò siue rationem ineamus genuinæ uerborum uir-
 tutis, siue propositum proferentis, orantisq; animum
 perpendamus: nihil est, cur hæsitamus plurimū pro-
 fectus ferri posse ab orāte: licet orationis præscripta
 uerba non intelligat, & sensum, quæ proferat uer-
 borum non exactè percipiat. pollere tamen non pa-
 rum, nec parum ualere in dirigendi, conuertendiq;
 ad Deum animi, atq; propositi ratione perceptum o-
 rationis sensum, tam clarè constat, manifesteq; appa-
 ret; ut non minus experientia, quàm ratione cōpro-
 betur. Nec solum Christus pro sua in nos beneuolen-

DE DIVI. IN HOMI. BENE.

tia, et charitate salutarē orandi formulam nobis tradidit, & modum orandi, obsecrandiq; Dei legitimum, expedientēq; præscripsit; sed etiā spem certam, solidamq; dedit nobis impetrandi quidquid orando peteremus, & pio uoto consequi studeremus. Suedet enim, adhortaturq; enixe, ut confidenter Deum adeamus, & quidquid piē cupimus, ab eo exposcamus; nihil fore promittens, quod non simus impetraturi. O largam, liberalemq; promissionem. O claram, constantemq; diuinæ in nos beneficiæ, & charitatis significationem. Præs enim, fideiussorq; Dei optimus Christus spōdet, promittitq; omnino fore, ut si petamus, obtineamus: si quæramus, inueniamus: & si pulsemus, admittamur, ingrediamurq;. Et si Christi eiūsmodi erat conditio, ut cum Dei filius esset, & omnis ueritatis archetypus, ipsius sponsioni, promissioniq; omnino fides adhibenda esset: & nihil foret omnino, cur ambigi, dubitariq; iure posset de ipsius dicto, atque assertione: tamen quò maiorem, potiolemq; spem obtinendi, quod peteretur; inueniendi, quod quæreretur; & ingrediendi, si pulsaretur; nobis afferret; & asserendo nos promptiores redderet ad petendum, & ad quærendum, pulsandumq; magis nos prouocaret: futurum id, quod sponderet, probabili exemplo, & argumento ex minori ad maius deducto demonstrare conatus est. Argumentatus est enim si nos, qui mali, noxiq; simus, filijs petentibus panem, aut piscem non patimur, ut porrigamus lapidem loco panis, aut scorpionem loco piscis; sed pa-

re por
petitio
coelestis
nos l
simu
nob
ues
suc
scer
tra
ter
ni
gam
missi
metu
ut in
hile
filiu
peti
ueri
bi
cum
ingre
rimus
Deo d
bitum
bonis
breui
expos
se de

ne porrecto, siue pisce eis omnino prodesse, eorumq; petitioni satisfacere studemus; multò magis patrem cœlestem Deum, qui suapte natura bonus est; & in nos longè maiori est charitate propensus, quàm nos simus in filios; bona daturum, porrecturumq; esse nobis, si petamus ipsum, ipsumq; rogemus. Quis ciues ex tam liberali Christi promissione, tamq; certa successus sponse non sumat animum petendi, poscendiq; Deum bona; & summa fide, speq; impetrandi, quidquid boni petat, non inducatur ad petendum, rogandumq; Deum? Quis fuerit adeo boni negligens, suiq; ipsis incuriosus; qui cum tam largam, liberalemq; à filio nomine patris factam promissionem animaduertat, non excitetur, non animetur ad petendum, ut impetret: ad quærendum, ut inueniat: ad pulsandum, ut ingrediatur? Nihil est ciues cur hæsitanter à Deo petamus; cum eius filius asserat, spondeatque nihil boni frustra nos petituros. Nihil est cur quærere supersedeamus, cum ueritas ipsa attestetur, quod quæramus, id haud dubiè nos inuenturos. Non est cur hæsitemus pulsare; cum qui custos est ostij, & clauēs habet aperiendi, ingressum nobis, introitumq; promittat, si pulsauerimus. Qui demonstrauit, cuiusmodi exposcere à Deo debeat homo; & qui ostendit, qualem se præbiturus sit Deus erga hominem tam in conferendis bonis, quàm in auferendis malis; idem singulari, breuiq; apophtegmate, siue sententia docuit, quid exposcere debeat homo ab homine, & cuiusmodi se se debeat homo præstare erga hominem. Protulit

enim eiusmodi se quenq; erga alterum debere præstare, cuiusmodi uelit erga se alterum experiri. O pulchrum, scitumq; apophtegma. o' fœcundam, salutaremq; sententiam; quæ cordibus nostris, nostræq; memoriæ sic foret inscribenda, atq; imprimenda; ut nullo rerum casu, nulloq; temporis spatio deleri posset, aut expungi. Hæc est sententia, quam si seruaremus, custodiremusq; ; nihil foret, cur dubitare possemus de salute obtinenda, uitæq; æterna felicitate consequenda. Hæc est adeo prægnās, fœcundaq; sententia; ut quidquid ueteri lege, diuinoq; decalogo cauetur tam præcipiendo, quàm prohibendo, in se breuiter conclusum teneat, atque complectatur. Quin quidquid ad institutionem uitæ, morumq; pertinet, & ad pietatis, sanctitatisq; officia spectans tam monumentis prophetarum, diuinorumq; hominum, quàm legum scriptis, atque traditionibus continetur, hoc breui sententiæ contextu, hoc succincto uerborum periodo concluditur, atq; coarctatur. Nihil diuini instituti, nihilq; piæ, moralisq; sanctionis est, quod methodo resoluendi deprehendi non possit, ex hoc breui uerborum circuitu dependere, deduciq;. Nulla est diuina, humanaq; traditio pietati instituendæ conducent, & innocentiæ inducendæ expediens; quæ methodo componendi non reperiatur cōcurrere in hanc breuē apophthegmatis compagem. Si nihil aliud moniti, documentiq; pro instituenda uita hominis, & pro salutis ratione inducenda nobis reliquisset Christus: uideri posset satis egisse; & officium beneuoli, beneficiq; in nos abunde præstitisse. Sed cum

pro sua immensa erga nos charitate, & sua nobis
 consulendi, benefaciendiq; singulari cura, & pro=
 pensione uix quidquam operæ, quidquam'ue offi=
 cij, quod instituendis nobis, atque monendis impen=
 deret, duceret esse satis: tam nihil, quod posset con=
 ducere nobis, possetq; prodesse pro comparanda sa=
 lute, prætermisit, intactumq; reliquit: ut non minus
 communiter, quàm separatim, nec minus complexè,
 quàm explicite tradiderit omnia, quæcunque aliquo
 modo facere possent ad nos in studium salutis exci=
 tandos, & in uitæ æternæ uiam deducendos. Quæ
 quidem cum plura sint, quàm ut facile còplecti pos=
 sint; & oblatiora, quàm ut contingat in eis recen=
 sendis diutius immorari: cum quisque tum priua=
 tim legendo, tum publicè audiendo facile possit ea
 cognoscere: interea relinquemus, non prætermissu=
 ri tamen eorum aliqua referre: prout occasio in re=
 ferendis actibus, siue gestis se suppeditarit. Ex acti=
 bus enim siue gestis Christi nihilest ferè, quod aliquid
 salutaris documenti, siue moniti in se non contineat;
 & specimen, atq; argumentum non habeat alicuius
 uirtutis saluti, felicitatiq; parandæ aliquo pacto con=
 ducentis. Sed quæ Christus egit, gessitq;, ipsius insi=
 gnem bonitatem, potentiam, beneficentiam, charita=
 tem arguentia, atq; testatia; ea præcipuè attingemus,
 & conabimur sic singula exequi; ut si fieri possit,
 maximè prouocemur ad eum colendū, amandūq;:
 cuius eximiam bonitatem deprehenderimus; cuius
 miram potentiam cognouerimus; & cuius bene=
 ficentiam, charitatem que egregiam in homines

DE DIVI. IN HOMI. BENE.

Intellexerimus. Stupidi quidem prorsus, & attoniti fuerimus censendi, si cuius summa bonitas usquequaque appareat; & mira potentia, uirtusq; efficacissima undique ostendatur; eum colendum, & mandumq; plurimum non duxerimus; & in eius cultum, admirationem, amoremq; nos maximè excitari non permiserimus. Sed non minus ingrati, quàm stupidi fuerimus iudicandi, si cuius beneficentia erga homines eximijs, innumerisq; modis comprobetur; & cuius charitas, & beneuolentia in nostrum genus multifariam comperiatur; eius amandi, obseruandiq; maximam rationem non inuenerimus: & erga eum præcipuam fidem, spemq; & charitatem non conceperimus. Argumenta bonitatis, potentiae, beneficentiae, charitatisq; Christi sic attingemus; ut sacri monumenti seriem non deseramus: sed singula quæque ex ordine, prout expediet, prosequentes discutiemus, quàm multiplex unumquodque rei, factiq; genus ferat argumentum. futurum est enim ut unum idemq; genus facti, siue gesti comperiatur pro ea, quæ est bonitatis cum beneficentia, & beneficentiae cum charitate communione plerunq; ferre argumentum tam beneficentiae, quàm bonitatis, et tã charitatis, quàm beneficentiae. Quin ea est bonitatis, charitatis, beneficentiae, potentiaeq; ipsius mutua inuicem cõnexio, atq; conspiratio; ut magna ex parte nihil rei, siue gesti ferat argumentum unius ex eis, quin uel omnes arguat, uel plures eorum indicet, atq; ostendat. Quod planè patere, constareq; euidenter poterit ex compluribus, quæ recensenda sunt

da sunt gestis. Quantum bonitatis suæ argumen-
tum, suæq; in patriam, ciuesq; suos charitatis edidit
Christus? cum urbem, in qua eduētus, nutritusq;
fuerat adiens ciues suos, quos sibi infensos norat; &
quibus se minus acceptum esse prospexerat, curauit
monendos, & in ueritatis cognitionem, salutisq; ui-
am euocandos. Quantum periculi, siue discriminis
sibi inde immineret, cum perfectè nosset: pro sua ta-
men bonitate, suaq; in patriam charitate non desti-
tit, quominus adiens tentaret, atque experiretur, si
quo pacto uel suo cum discrimine, uitæq; periculo
posset prodesse, atque consulere suis ciuibus: qui pro
liuore, incredulitateq; sua adeo nihil, quod optaret
eorum causa, procedere ei siuerunt; ut ex urbe eie-
ctum in uicini montis uerticem deducerent, & inde
eum præcipitem dare molirentur. O dedecus patriæ.
O ciues ingratos. Qui pro sua in uos charitate, suoq;
erga uos studio, atque cura consulere uobis expetit:
& se promptum, paratumq; exhibet, quò uobis pro-
sit, & uos beneficio afficiat; eum eicitis, eum odio
prosequimini, ei dolos insidiasq; intenditis; & eum
perdere, præcipitareq; ex alto molimini. Quæ per-
uersitas est hæc? quænam est hæc ingratitudo? ut qui
ultrò pro sua insigni bonitate nullis in se uestris meri-
tis prouocatus quærit, conaturq; uobis consulere, &
uestre sospitati, salutiq; prospicere; eum non solum
non benignè accipiat, mutuoq; amore non prose-
quimini; sed etiam expellatis, iniuria afficiatis; &
perdere, morteq; afficere conemini. Egregium sa-
nè suæ bonitatis testimonium tulit; suam in patriam

DE DIVI. IN HOMI. BENE.

charitatem abundè ostendit; & suis ciuibus consulendi, benefaciendiq; singularem promptitudinem testatus est Christus: dum quos ingratos, infensosq; sibi norat, ultrò adiit, conuenitq;: & suæ in eos charitatis specimen ferens, tentauit, studuitq; prodesse, & curam studiumq; exercuit cauendi eis, atq; consulendi. Adeo pro sua bonitate, suaq; in hominè singulari beneuolentia Christus nō prætēmisit curam consulendi patriæ, suisq; ciuibus benefaciendi: ut nulum genus hominum, nulliusq; ætatis, conditionis, atque sexus mortales reliquerit, quos beneficio afficere non procurarit; & in quos beneficium se non præstiterit; officiaq; charitatis non exercuerit. Duplici quidem beneficij genere Christus se beneficium in hominum genus præstitit; & suam erga miseros mortales charitatem, curamq; duplici muneris exhibitione declarauit. non minus enim qui forent infirmi corpore, et morbis, uitijsq; corporeis laborarent, mira uirtute curauit, sanauitq;: sed etiam qui uarijs, noxijsq; animi ægritudinibus detinerentur, & grauibus peccatorum morbis occupati, oppressiq; essent, liberare procurauit. Quidquid in sanandis corporibus, infirmitatibusq; corporeis auferendis effectus, atque miraculi operatus est Christus, typo quodam, atque symbolo refert, designatq; id liberationis, atque sanitatis: quod humanis animis studuit conferre dum rationem quærendæ salutis attulit, & medendi peccati ægritudini, uitiorumq; infirmitatem curandi uim, potestatemq; induxit. Quin nulla infirmitas corporis, nullusq; corporeus mor-

bus à Christo perhibetur sanatus in homine; qui ty-
pum non gerat alicuius infirmitatis, siue morbi, quē
Christi opera, atque uirtute in animo hominis æquē
sit curatus, atq; sanatus. Quapropter nunquā reperi-
ri contingit Christi beneficentiam in hominem fuisse
exercitā sanati, liberati, uel aliquo uitio, affectuq; cor-
poris ratione; quin ipsius corporis typo intelligēdum
sit in animo aliquid uitij, prauiq; affectus opera, be-
neficentiaq; Christi esse sanatum. O pulchram argu-
endā, ostendendāq; in hominem Christi beneficen-
tiæ, & charitatis rationem. O commodum, effica-
cemq; modum Christi bonitatis, Christi; potentiæ,
& uirtutis indicandā, atque exprimendā. Itaque
Christus suæ potentiæ, suæq; erga hominem beneuo-
læ propensionis insigne argumentum tulit; cum le-
prosum sibi factum obuiam, opemq; suam implo-
rantem lepra subito liberauit, & beneficentiæ mu-
nus in eum exercuit, quem antea nec uisum, nec
cognitum habuerat. Christus quidem potenter egit,
& benefice, amanterq; se gessit, & plurimum boni-
tatis ostendit, quatenus hominem lepræ morbo pro-
pemodum immedicabili subito exoluit; & pro sua
bonitate, suaq; benefaciendi homini propensione uix
requisitus, rogatus uel sanitati restituit. Sed longē po-
tentius egisse, longē maiorem bonitatem ostendisse;
& multo amantio rem, beneficentio remq; se præsti-
tisse comperietur: si consideretur, hominem ipsum
qualepra animi laboraret, eius opera, eiusq; bene-
ficio fuisse liberatum. Lepra animi, morboq; gra-
uissimo linoris, atque inuidiæ, quæ sicut lepra to-

DE DIVI. IN HOMI. BENE.

tum corpus hominis inficit, ita totum hominem ipsa occupat non minus propemodum corpus affligens, quàm animum torquens, liberauit, exoluitq; hominem Christus: quatenus eum suo exemplo ad pietatis, sanctitatisq; studium prouocauit; & tam monitis, institutisq; rectè uiuendi traditis, quàm uirtute, potestateq; præstandi, exequendiq;, quæ traderentur, concessa sanandum procurauit, atq; liberandum. Hæc est illa lepra, qua sacris Hebræorum monumentis refertur Maria fuisse perfusa, dum liuore in fratrem Moysen ageretur; & non minus auctoritatis, quàm ductæ Aethiopis inuidia in eum inueheretur. Non minus quoque Christus beneficentiæ, quàm potentiæ exercuit erga hominem: cum petitus, rogatusq; tam puerum Centurionis, quàm quendam alium paralysi grauiter laborantes sanauit; re solutosq; corporis neruos, atque compages mirifica, subitaq; uir constrinxit, atque confirmauit. Miræ fuit id uirtutis, maximæ fuit id beneficentiæ hominem tam graui, tamq; deplorata corporis infirmitate subito liberari; & ab ea quam toto corpore, omnibusq; membris pateretur, mortifera affectione sanari. Sed longè plus fuit id potentiæ, atque beneficentiæ, quam Christus pro sua bonitate, suaq; in hominem beneuolentia exercuit; dum quam patiebatur homo sensuum exolutionem, & animi alienationem à ratione, sic correxit, atque curauit; ut qui pro neruis rationis oblæsis, atque resolutis stupidus mente, & recto sentiendi uigore priuatus deserviebat uoluptatibus, & prauis affectibus animi detētus

iacebat, grauiterq; oppressus detinebatur: reciperet contracta, solidataq; ratione, pie, recteq; sentiendi potestatem; & curatis, sanatisq; noxijs affectibus liberam stupore mentem consequeretur. O beneficium Christi singulare. O medicam, salutaremq; Christi uirtutem. Qui eò paralytis, eoq; apoplexiæ peruenerat homo, ut iam mortem oppeteret, mortisq; apertum, certumq; discrimen iniret; Christi beneficio ereptus est morti: & Christi mira, potentiq; uirtute mortifero liberatus est discrimine. Cum adeo grauiter laboraret homo, adeoq; graui paralyti premeretur, ut nulla euadendæ mortis spes superesset; nullaq; diutius uiuendi facultas superaret; pro sua bonitate, suoq; benefaciendi studio Christus ualidam, potentemq; ei curando, sanandoq; manû adhibuit; eumq; ab imminente morte, atque exitio sua opera liberauit. Qui puerum Centurionis paralyti liberauit, idem socrum Petri ætate prouectam graui febre exoluit. Socrum Petri graui febre exoluit Christus, suæq; potestatis, atq; beneficentiæ illustre edidit testimonium: sed illustrius edidisse deprehendetur, si quam uetula socrus ardentem febrem sedatâ reperi-
mus, typo referre existimemus illius inueteratæ, unaq; cū homine nascētis in Venerē pronitatis arden-
tes æstus, noxiâq; febrem: quâ sic sua uirtute, suâq; efficaci potentia sedauit, sanauitq; in homine Christus; ut nullo modo prohibeatur, ueteturq; ipse homo quominus possit ei instar socrus Petri inservire, atq; ministrare. Quantû præterea fuit id potestatis, et beneficentiæ, quo usus reperitur fuisse Christus; cum

DE DIVI. IN. HOMI. BENE.

discipulos maris agitatione, uentorumq; turbine in
 graue naufragij discrimen adductos placato mari,
 repressisq; uentis seruauit, incolumesq; custodiuit. O
 speciosum, multaq; refertum Christi uirtute, atque
 beneficentia typum. Cum discipuli Christo dormien-
 te nauigarent, agitatam intumuit mare; & uentis
 grauiter urgentibus uehementer concitatum est; &
 futurum erat, ut pelago summergerentur, nisi Chri-
 stum excitassent; Christi experrecti opera, atque uir-
 tute tranquillato mari liberati fuissent. Si qui in re-
 ligione, disciplinaq; Christi initiati, institutiq; sunt,
 nauigantes per huius mundi, fragilisq; uitæ procello-
 sum mare, Christum in se dormire patiantur; fie-
 ri non potest, quin cupiditatum fluctibus agitentur;
 & tumescentem uentosis rerum desiderijs appeti-
 tum experiantur; ut facile summergi, facileq; in
 mortem ruere possint: nisi excitandum in se Chri-
 stum procurarint. excitato enim Christo non est cur
 timeant, formidentq;: quoniam ea Christi potestas
 est, & uirtus; ut eius beneficio facile maris, appeti-
 tusq; procellas sedare possint; & fluctus cupidita-
 tum, affectuumq; turbines, atque uentos refrena-
 re. Nos itaque ciues, qui per mare huius uitæ mor-
 talis nauiculam agimus; nisi Christum excitemus in
 nobis, nisi Christi in animis nostris experrecti opem,
 auxiliumq; obtineamus; non est cur euadere sper-
 mus intumescens, agitatiq; maris procellas; &
 sumersionis, mortisq; discrimen euitare nos pos-
 se confidamus. Ne Christum in nobis dormire patia-
 mur oportet; ni uelimus in hoc mari uitæ procello-

lo per
 smq;
 nulla
 niam
 remu
 hile
 tute
 uole
 net
 fue
 Chri
 disci
 di; m
 ndat
 maris
 tem,
 dote
 nem
 ui;
 lium
 que
 pend
 maxi
 homi
 pidi
 dem
 mira
 sti an
 to h
 ma

so periclitari; & in huius mundi fluctibus, affectu
umq; turbinibus uexatos, atque agitados interire.
Nulla ciues acta mora, prius quàm naufragium pa-
tiamur, prius quàm fluctibus immergamur; procu-
remus in nobis excitare Christum: quo excitato ni-
hil est, cur dubitemus: quin pro ea, qua pollet uir-
tute, et pro ea, qua nos prosequitur charitate, et bene-
uolentia impetum maris compescat, uentosq; refre-
net; & eruat nos, atque liberet: ne pereamus, ne ue-
fluctibus obruamur. Sic sedulo studeamus excitare
Christum in nobis; ut non sinamus extremum ad-
discrimen nos adduci; nec eo in periculo deprehen-
di; ut de modica fide, & segni excitatione possimus
redargui. Si qui aderant, cum Christus tempestate
maris liberauit discipulos, admirati sunt eius uirtu-
tem, atque potestatem: quippe cui pareret mare, &
obtemperarent uenti; quanto maiorem admiratio-
nem potuissent concipere, si cognouissent eiusdem
ui, uirtuteq; effici; ut mare appetituum irrationa-
lium sedetur; & uentosus inanum cupiditatum, at-
que uoluptatum impetus compescatur. O mirā stu-
pendamq; Christi uim, atque potestatem. eam dico
maxime, de eaq; maxime sentio: qua operatur in
hominis appetitu sedando, hominisq; impotenti cu-
piditate compescenda, atque refrenanda: quæ qui-
dem refrenatio, atque sedatio tantò dignior est ad-
miratione, tantoq; potiore uim, uirtutemq; Chri-
sti arguit, quàm illa maris, atque uentorum: quan-
tò humani arbitrii potestas in malum procliuis, atq;
mali studiosa difficiliorem reddit hominis in bonum

DE DIVI. IN HOM. BENE.

conuersionem: & hominem ipsum efficit auersio-
rem ad obsequendum Deo, Deiq; uoluntati obtem-
perandum: quàm naturæ ratio mare ipsum, ipsosq;
uentos: qui quidem adeo pro sua natura, suæq; na-
turæ ratione nihil repugnant Deo; nihilq; à Dei ob-
sequio abhorrent; ut Dei ipsius uoluntate omnino
agantur, reganturq;; & omni operatione, atq; ef-
fectu Deo ipsi consentiant, atque obtemperent. Id
sanè potentiae in pacando mari, compescendisq; uen-
tis à Christo ostensæ; & id beneficentiae in liberan-
dis ab imminente mortis periculo discipulis exercite
admonet; ut hic eius potentiae, eiusq; beneficentiae
mentionem non prætermittamus: quibus æquè in
mari discipulorum, Petriq; maxime contemplatione
usus esse perhibetur. Cum enim in cymbam Petri
se Christus intulisset; & ea in altum impelli iussa
mandasset retia iactari ad pisces capiendos; quem la-
borem, operamq; tota nocte frustra à se impensam
dixerat Petrus, iussu Christi, iactatis retibus sic resar-
ciuit; ut tantum piscium uno retis iactu conclude-
ret, ut trahendæ capturæ causa implorare sociorum
opem necesse haberet. Qui Petrus unà cum socijs to-
tā nocte piscando laborarat, & nullis captis pisci-
bus operam, laboremq; triuerat; Christi potestate,
Christiq; beneficio consecutus est; ut uno duntaxat
iactu retis tam uariā, numerosamq; pisciū multitu-
dinem exciperet; ut eis deferendis uix duarū cymba-
rū capacitas sufficeret. Si Petrus uno iactu retis præ-
ter omnem solitū piscandi successum tot pisces cepit;
ut captorum piscium copia non minus arguat Christi

potestatem, quàm beneficentiam erga Petrum, sociosq; Petri: quantò magis, ualidiusq; constiterit tam potentia Christi, quàm beneficentia: si capturam piscium, capturam hominum referre intelligamus: quam Petrus Christi uirtute, Christiq; beneficio fecisse comperitur: in qua quidem captura cum non tam capientis, quàm captorum causa beneficentiæ ratio sibi locum uindictæ; & longe præstantior, difficiliorq; eorum, qui capiuntur, ratione, conditio. capiendi existat: necesse est, ut mirabilioris potentia, maiorisq; multò beneficentiæ ratio arguatur. O mirabilem, felicemq; capturam; qua fit, ut qui capiantur, libertate donentur, captiuitateq; peccati exoluantur; & qua detenti seruitute fuerant, liberentur. Hæc est captura, quæ Christi uirtute, Christiq; beneficio à Petro, sociisq; Petri facta ex seruis homines efficit liberos; & qui capiuntur, cum forent nexi, exoluit prorsus, & in libertatem restituit. Huiusmodi captura Christi potestate, Christiq; beneficentia tam abundè, tam copiosè facta est; ut eius præda repletæ sint duæ cymbæ; duæq; tribus hominum sacra uidelicet, et profana constitutæ. Gaudendum quidem nobis est ciues, & nobis inuicem gratulandum; quandoquidem sumus ex piscibus, quibus accidit Petri retibus esse comprehensos; et Christi beneficio in Petri retia redactos. Agnoscamus Dei in nos beneficentiam ciues, Christiq; beneficium gratis animis suscipiamus: quatenus ex piscibus, qui in hoc uitæ mari, pelagoq; uersantur, deguntq; nos quoq; sumus excepti Pe-

DE DIVI. IN HOMI. BENE.

tri retibus, Petriq; sagena inclusi. Sed Deus, Deiq;
 filius Christus, qui pro sua bonitate, beneficaq; cha-
 ritate effecit, ut ex captis essemus piscibus, & Pe-
 tri retibus concluderemur: æquè operetur opto; ne,
 cum sagena uarij, multiplicesq; pisces congregentur,
 fimus ex illis, qui selectione facta, foras eiciantur:
 & mali reperti in mare demittantur. Sed cum nul-
 lo modo existimandum sit Deum, Deiq; Christum
 pro sua benefica bonitate, suaq; in hominem summa
 beneuolentia defuturum nobis, nobisq; aliquid opis,
 seu subsidij negaturum; pro uirili nostra adnitendū
 est; ne eius diuini beneficij, quatenus ex redactis in
 sagenam sumus, ingrati, immemoresq; sic agamus,
 sicq; uiuamus; ut in facienda selectione deprehen-
 damur mali, digniq; qui reprobemur, forasq; pro-
 iiciamur. sicut Deus, Christus ue pro suæ bonitatis
 cumulo, suaq; consulendi, benefaciendiq; nobis pro-
 pensione nihil curæ, diligentiaq; prætermisit, quò ca-
 peremur, & quò capti tales efficiamur; qui possi-
 mus approbari, in uasaq; conijci: ita nos, cum simus ex
 captis, conari debemus, ne rem nostrā tā segniter aga-
 mus, & oblatam salutis occasionem sic negligamus:
 ut cum tempus seligendi malos pisces à bonis adue-
 nerit; eorum numero censeamur; qui pro malitia,
 & prauitate mereamur abijci, atq; reprobari.
 Qui se beneficium, potentemq; ostendit in piscatio-
 ne, capturaq; piscium; idem tantum potentia, tan-
 tumq; beneficentiæ in abigendis, expellendisq; ex
 humanis corporibus immundis spiritibus exercuit;
 ut facile hæsitari possit, maiori ne aduersus Demones,

quos abegerit, usus sit authoritate, atq; potestate: an erga homines quos liberarit, beneficentia, atq; charitate. Homines uarie, multifariamq; pro uaria, multifariaq; constitutionis corporeæ ratione uexatos, agitadosq; immundis spiritibus liberauit: & non minus sanitati corporis, quàm sospitati animi eos restituit. Id enim genus mali affectus cum trahat originem partim ex praua corporis habitudine, partim ex noxia peccati; & hominem ipsum uexet, & affligat tam corporis, quàm animi causa: euenit, ut quos ab huiusmodi prauo, immundoq; affectu Christus liberaret; eis consuleretur non solum animi, sed etiam corporis respectu: & tam peccati noxa, quàm corporis habitudine correpta prospiceretur. O mirificam Christi uirtutem. O singularem beneficentiam. Qui pro corporis mala habitudine, et pro ea quæ peccati est cum Demone affinitas, atque connexio, uexabantur, atque torquebantur tam animo, quàm corpore à Demonibus; & ab immundis spiritibus oppressi malè habebantur: eos beneficus, salutarisq; Christus suapte ui, atque uirtute tam mala corporis habitudine correctæ, quàm peccati noxa curata exoluit, quibus occupabantur laruis; & quibus obsidebantur Demonum affectibus, liberauit. Quamuis huiusmodi Christi curatio, quæ tam malignæ habitudinis correctæ gratia ad corpus, quàm noxæ abstersæ causa ad animum pertinet: ingentem testetur ipsius Christi potentiam, & eximiam in hominem beneuolentiam: ut uix potentiæ id genus, & beneficentiæ uideatur quid adijci posse: tamen sicut

DE DIVI. IN HOMI. BENE.

typo Demonum ex hominibus abactorum designari etiam arbitremur noxia, pernitialiaq; peccata Christi uirtute, Christi q; beneficio ablata homini: nihil obstitit, quin intelligamus tam potentiae, quam beneficentiae Christi indicandae, atq; exprimendae plurimum inde accedere. Non carebat quidem peccati ablatione, quidquid larvatis in hominibus expulsionis, atq; abactionis Christus operabatur: sed cum ratione habitudinis, affectionisq; corporeae, uisiliter uexandi hominem, & non solum animo, sed corpore etiam torquendi uis, potestasq; competeret immundis spiritibus, atque laruis: eatenus typi, rei q; eadem ratio, uirtusq; non fuerit censenda; quatenus curatio in typo affectionem corporis accedente peccato contractam abstulit; & in re curatio ipsa nihil, quod ad corpus pertineret, ademit: sed abegit, aboleuitq; peccata; quae solum animum torquebant, soli q; animo oberant: & quanto contractius se habebant, tanto magis inualecebant; tantoq; plus damni, nocumenti q; lethalis, atque mortiferi inferebant. Ut uarios Demonum affectus in hominibus, & ut uarijs modis affectos immundis spiritibus homines curasse comperitur Christus: ita uaria in hominibus peccata curauit; uarijsq; modis subiectam, obsessamq; peccatis hominis naturam, siue conditionem sua uirtute liberam reddidit, atque immunem. Quo fit, ut si mulierem septem Demonibus oppressam Christi uirtute, atque operaliberatam legimus, nihil prohibeat; quin typo id genus referatur, quidquid beneficio, uirtuteq; Christi na

*turæ humanæ partum est liberationis septem lethali-
 um peccatorum ratione. Nihil etiam obsistit; quin
 ea, quæ duorum perhibetur à Christo facta libera-
 tio: qui larvis agitati mirè sæuebant, uiamq; obsi-
 dentes prohibebant quenquam pertransire; eam
 utriusq; sexus liberationem referat; quam Christus
 attulit: quatenus in natura humana contudit, at-
 que repressit concupiscibilem, irascibilemq; affectū:
 quibus maxime salutis iter impediabatur; & quo-
 rum furore, atque sæuitia fiebat, quominus uia
 uirtutis transiri posset. Qui uero larua Christi uir-
 tute memoratur ex homine, quem mutum redde-
 ret, eiectus: satis appositè uideri potest referre id im-
 pedimenti homini ablatum; quo laborans detineba-
 tur; quominus auderet uel pro ueritate asserenda,
 uel impietate arguenda palam uerba facere. Quod
 enim homini fuerat impedimenti; uel humanæ gra-
 tiæ captandæ, uel odij, periculi uel deuitandi causa;
 quominus quæ rectè, pieq; sentiret, proferret: &
 quæ nefariè, atque impiè committi nosset, redargue-
 ret: id uirtute, uiq; sua Christus abstulit; & homi-
 nem, qui studio placendi mutum se in proferenda,
 asserendaq; ueritate præberet; & formidine offen-
 dendi subiceret, quæ pro uitij reprehendendis fo-
 rent opportuna; excitauit, animauitq; ad loquen-
 dum ingenuè, proferendumq; constanter tam nul-
 la humanæ gratiæ ratione habita, quàm postposito
 omni offensæ, periculiq; pauore. Qui sic uiuit ut
 pro ratione uitæ, quam turpiter, nefarièq; agat:
 non possit conuenienter in uitia inuehi, aliosq; ma-*

DE DIVI. IN HOMI. BENE.

le agentes increpare : is muto larua laborat : is malo , immundoq; spiritu affectus obmutescit . Qui studio placendi hominibus more mutorum annuunt uitijs, & offendendi timore non audent damnare, increpareq; nefarios, impieq; agentes : hi nimirum lemure muto obsideri sunt existimandi : & illi prorsus homini æquiparandi , qui larua obsessus mutasse perhibetur . Sed cui Christi uirtus sic aspirarit : cui beneficentia Christi sic agnita , admissaq; fuerit ; ut in primis piè , sancteq; ipse uiuat : & deinde studio consulendi , proficiendiq; alijs , tam monendo , quam increpando uerba faciat : & nulla nec offensa , nec gratiæ habita ratione ingenuè tam pro uirtutis , religionisq; studio inducendo , quàm pro uitijs euellendis , siue summouendis loquatur : is censendus est ab immundo larua , quo detentus mutesceret , à Christo liberatus ; Christi q; uirtute , atq; beneficio ab ea , quæ eum mutum efficeret , mali lemuris affectione exemptus . Ille præterea , qui cum pessimo larua correptus sic agigaretur , torquereturq; ; ut terræ sæpe impingeretur , interdum in ignem conijceretur , aliquando in aquas deferretur ; Christi opera , atq; uirtute memoratur tam noxio,periculosoq; affectu fuisse liberatus : signanter, apteq; refert hominem , qui alioqui sic afficeretur ; ut uitæ dumtaxat huius rationem habens , rerum terrenarum studio occuparetur ; fluxas corporis , ac sensuum uoluptates sequeretur ; honorum fastum, dignitatumq; elationem æstuanter ambiret : Christi beneficio eiusmodi noxijs , præ-

nisq; affectibus liberatum; & in ueram boni, maliq; cognitionem adductum: ut non amplius, nisi ultro uelit, ob ignorantiam impingatur terræ, non deuoluatur in ignes, non aquis immergatur. Quis satis apprehendere, animoq; complecti, nedum uerbis explicare possit, quantum sit id potentiæ, & uirtutis, quantum sit id beneficentiæ, & charitatis, quod Christus ostendit, Christusq; exercuit non solum in tot ab immundis, noxijsq; tot lemuribus liberandis; sed etiam in genere ipso, naturaq; hominum tot noxijs peccatorum oppressionibus, totq; malorum affectuum arreptionibus curanda, atq; liberanda? Quis satis admirari queat bonitatem, promptitudinemq; Christi in conferendis homini beneficijs: qui quatenus ratio beneficiorum ipsorum, atq; conditio pateretur; uel non petitus, uel non interpellatus ea impenderit, atq; contulerit? Quod abundè constare potest ex tot, quos à fœdis, pernitiosisq; Demonum affectibus neq; petitus, neq; rogatus liberauit. Non illud etiam mediocre fuit Christi bonitatis, Christi q; ad benefaciendum, consulendumq; homini promptitudinis, atq; studij: dum colibystarum, publicanorumq; consuetudinem non detrectauit; & apud fœneratores, peccatoresq; diuersari non est dedignatus; quò prodesset eis, & quò saluti eorum cauere, atq; prospiceret. Tam enim uehementi cauendi homini studio agebatur Christus, tam ingenti desiderio iuuandi hominem, beneficioq; afficiendi ducebatur: ut neq; decori, neq; ex estimationis suæ habita ratione se ultro præberet,

DE DIVI. IN HOMI. BENE.

exhiberetq; ; ubicunq; uel se prodesse posse ani=
maduertisset; uel suo opus esse officio, atq; opera
cognouisset. pientissimi enim amantissimiq; medi=
ci officio usus adeo propter immunditiam ægrotan=
tium, ægritudinumq; ipsarum grauitatem non re=
stitit; quominus tam ægrotantes adiret, quàm ægri=
tudinibus remedium adhiberet: ut ultrò se obtule=
rit, & tantò promptiorem se præstiterit; quantò
magis ope sua, atq; officio indigere prospexerit ip=
sos ægrotantes: quò sordibus emudarentur, et mor=
bis exoluerentur. Hinc porro ciues abundè possu=
mus non solum egregiam Christi bonitatem, studi=
umq; præcipuum erga hominem iuuandum, ser=
uandumq; comprehendere; sed etiam ipsius Chri=
sti exemplo addiscere, cuiusmodi nosmetipsos præ=
stare debeamus erga eos; quos nostra consuetudine
iuuari posse confidamus: & quibus nostrum officii=
um, atq; operam pro uita corrigenda usui posse esse
speremus. adeo enim aliquorum, qui causa turpis,
flagitiosæq; uitæ malè audiant, & grauitè labo=
rent infamia; consuetudinem detrectare, amicitiam
odisse non debemus: si quid modò speremus nos eis
posse conferre corrigendis, & ad meliorem uitæ ra=
tionem deducendis: ut exemplo Christi prouocemur
ad eorum consuetudinem habendam, quærendamq;
cum eis familiaritatem, atq; amicitiam. Si quid no=
bis est boni, quo prodesse queamus, & cuius causa
usui esse possimus; cur maxime studendum non
est, & procurandum; ut id offeramus, & exhibea=
mus eis, quibus conducere, quibusq; usui esse posse
sciamus?

sciamus? Quapropter nulla ratio humani decori,
nullus civilis existimationis respectus debet nos im=
pedire: quominus si noscamus, siue speremus no=
stram operam, nostrumq; officium posse conducere
aliquid, & in consequenda salutis ratione iuuare, in=
eamus consuetudinem quoruncunq; & quorūcunq;
familiaritatem, atq; amicitiam quæramus: qui etiam
uulgò pessimè audiant, & uitæ notentur ignomi=
nia. Licet enim Christus dignitatē existimationemq;
suā satis tueri uulgo non indicaretur, quatenus
cum publicanis epulabatur, & cum fœneratoribus
consuetudinem habebat: tamen pro ea, qua profi=
ciendi, benefaciendiq; promptitudine, atque cura de=
tinebatur; tam non destitit rumore uulgi habere
consuetudinem cum publicanis, atque peccatoribus:
ut objectioni respondendo palam attestatus sit, se
maxime eorum causa accessisse; & instar medici
non sanis, sed ægrotis succursurum aduenisse. sicut
unusquisque, qui sic polleat probitate, ut facile de=
pruari non possit consuetudine malorum; siqui=
dem oblatam occasionem proficiendi uiderit; non so=
lum non debet exemplo Christi eorum consuetudi=
nem deuotare, sed ultrò etiam familiaritatem quæ=
rere, eorumq; se amicitie insinuare: ita quisque uel
nequissimus uita, corruptissimusq; moribus anima=
duersa Christi in publicanos, fœneratoresq; iuuan=
dos, atque seruandos cura, & diligentia non de=
bet ullo pacto à spe consequenda salutis decidere,
aut diffidere, quin facile, modò uelit, sit Christum
sibi amicum, familiaremq; consecuturus; & Chri=

DE DIVI. IN HOMI. BENE.

sti consuetudinem habiturus: qui adeo cuiusquam
amicitiam, consuetudinemq; pro sua bonitate, be-
nificaq; cura non spernit, detrectatq;: ut quibusq;
amicum, beneficiumq; se ultro præbeat; & in omnes,
qui nõ recusent, renuant ue; suæ bonitatis, & bene-
ficentiæ largitatem exerceat. Ea enim est bonitatis
Christi conditio; ea est Christi beneficentiæ largitas;
ut præter ea, quæ plurima in hominem ultro, mini-
meq; petitus confert beneficia: tam nihil, quod ho-
mini expedire possit, à se frustra peti permittat: ut
omni eius petitioni promptus annuat: & quatenus
se homini satisfacere, prodesseq; posse perspiciat; faci-
lem, indulgentemq; in eum mirum in modum se præbe-
at: cuiusmodi se omnino præbuisse comperitur: cum
petitus à synagogæ principe, ut filiam in extremo vi-
tæ discrimine constitutam iret curatum; tam non re-
nuuit, tam quidquam non excusauit, tam aliquid
moræ ad obsequendum non commisit; ut placide
annuens, subitoq; iter arripens domum principis
concesserit; filiamq; eius mortuam iam repertam
mira potestate, atque charitate excitavit, atque vi-
uificavit. O mirandum, stupendumq; Christi fa-
cinus: o ingens tum patri, tum filiae collatum à
Christo beneficium. Quis nescit, quàm sit præ-
ter naturæ omnem rationem uitam morte obita
restitui, & humanum cadauer rursus uiuificari; &
in munia uiuendi reduce anima reuocari? pro ea,
quæ in ratione naturæ est priuationis ad habitum
reuocandæ impotentia: cum fieri nequeat, ut quæ
semel corpori humano uita sit amissa, recupere-

tur : necesse est argumentari , cuius uirtute id ge-
 nus rei effectum sit , idq; facinoris editum ; eum
 naturæ præsidere , nihilq; in natura rerum inueni-
 ri , quod licet uim , facultatemq; naturæ excedat ;
 non facile tamen ipse possit præstare . Quis æquè
 non agnoscit , quantum beneficij Christo acceptum
 referre debeat pater ; qui filiam , quam unicam ha-
 buerat ; & de qua pro adulta ætate iam lætam ex-
 pectationem , spemq; optimam conceperat ; defun-
 ctam , & immatura morte arreptam recuperauit ,
 & sibi , uitæq; restitutam accepit . Quæ uerò fi-
 lia , cum florida in ætate constituta morte foret ex-
 tineta ; & melioribus uitæ annis , lætioriq; uiuen-
 di usu repentino obitu esset fraudata ; renocata
 fuit ad uitam , ad dulcesq; uiuendi auras denuo
 restituta : quanti ducere , quanti æstimare debeat
 id accepti muneris , & beneficij , facile animaduer-
 tere poterit , qui secum reputarit , quanti sit uitæ
 fruitio , & quàm cæteris rebus uita ipsa præferen-
 da sit , atque præponenda . Mirum sanè , & pluri-
 ma beneficentia refertum fuit id Christi facinus ;
 quatenus eam , quæ perierat uitæ restituit ; & pa-
 tri filiam , quam morte amiserat , uiuam incolu-
 memq; reddidit . Sed non fortè minus admiratio-
 nis promeretur , nec minus beneficentiæ in se conti-
 net : quod aptè uideri potest huiusmodi facinoris ty-
 po referri , atque designari . Quemadmodum Chri-
 stus principis filiam defunctam excitauit , & ui-
 uam patri reddidit : ita rationem , quæ rectè pro
 ortu , quem iam adulto homine actu sortitur , filia

DE DIVI. IN HOMI. BENE.

hominis dici potest, mortuam iam, lethaliq; appeti-
tu oppressam sua uirtute excitauit: & uegetam,
uigentemq; patri ipsi homini restituit. Quæ filia
hominis ratio mortis tenebras patiebatur; & morti
fero appetitu oppressa iacebat; eam Christus sum-
mota turba affectuum, quæ astabat, tactam, ius-
samq; surgere uiuificauit. O excellentem Christi
uirtutem: o beneficentiam Christi singularem.
Cum ratio hominis eò conditionis iā peruenisset; ut
conculcata, oppressaq; appetitu instar mortuæ se ha-
beret, & uideri posset extincta: Christi uirtute,
Christoq; tangente sensum recepit, uires recupera-
uit, & uitali uigore suscepto ualida, potensq; sur-
rexit. Quòd ratio excitetur, quòd uitæ uigori re-
stituatur, id est Christi beneficium. quòd excitata
ratione, uitaliq; uigori restituta se benè habeat ho-
mo; & letam, felicemq; uitam consequatur, id Chri-
sti beneficentiæ est ascribendum, & Christi erga ho-
minem beneuolentiæ, & charitati attribuendum.
Sed priusquàm Christus rationem exsuscitet prorsus
in homine; prodeunte ex ipso uirtute contingit; ut
fluxus corporei appetitus, & restagnans, redun-
dansq; corporis affectus comprimatur. Mulier enim
illa, quæ fluxum sanguinis patiens, Christum, dum
principis filiam iret excitatum, tetigit; & eo tacto
à fluxu liberata est: congruè refert inferiorem ani-
mæ partem: quæ cum alioqui solita sit appetitui in-
seruire: uirtute tamen Christi eò sanitatis adduca-
tur: ut compresso, quo maxime laborabat immun-
do appetitus fluxu, recipiat rectam, quam potest,

id part
princip
ue resti
habeat
motu
stæq;
quid
filio
bene
quib
bus p
plus f
excita
esse; q
gatus in
tri com
diq;
confu
anim
re, &
tam re
gemus
met id
dine an
mus f
duaq;
titijle
neficiu
pollu
ceq; et

ad partem animæ superiorem, conuersionem. Quî principis synagogæ Iairi filiam petitus, rogatusq; uitæ restituit; idem uiduæ filium, quem æquè unicum habebat, cum efferretur, miseratione matris commotus, ultro, minimeq; rogatus excitauit, mœstæq; matri sossitem, incolumemq; reddidit. par quidem ratio potestatis est à Christo exercitæ in uita filio uiduæ, filiæq; principis restituenda: par item beneficij collati ratio existit tam respectu eorum, quibus uita est restituta, quàm eorum causa, quibus proles, quam unicam haberent, est reddita. plus fortè benignitatis, charitatis, beneficentiæ in excitando uiduæ filio uideri poterit Christus ostendisse; quatenus beneficium neque petitus, neque rogatus impendit; & ultro se beneficium ploranti matri compatiens præstitit. Sed si rogandi Dei, petendiq; Christi uariam esse rationem agnouerimus: & considerauerimus non tam uoce, uerbisq; quàm animo, atque affectu rogandi Dei rationem constare, & in conferendis nobis beneficijs Deum non tam respicere, quid petamus, quibusue uerbis rogemus; quàm quo animi affectu præbeamus nosmet idoneos accipiendis beneficijs; & qua gratitudine animi ipsa beneficia simus accepturi: poterimus fortasse existimare uiduæ conditionem, uiduæq; ploratum, & lachrimas instar petitionis extitisse: & idcirco nihil minus ad impetrandum beneficium, prouocandamq; Christi beneficentiam polluisse, quàm Iairi principis uerbis prolatam, uoceq; expressam petitionem. Sicut filiæ principis ty-

DE DIVI. IN HOMI. BENE.

po rationem hominis aptè indicari sentiebamus; ita
nihil prohibet, quin æquè sentiri possit, filij uiduæ ty
po designari intellectū humanæ creaturæ: quæ quod
uirtutis, uirilitatisq; principio adfuerat, cum peccato
amisisset; nō ab re nomine uiduæ censetur: cuius qui-
dem intellectus cum sic se haberet; ut nihil uitæ, uita
lisq; uigoris in se contineret: & conclamatus, deplora-
tusq; nihil amplius nisi sepulturæ officium exigeret;
beneficio, uirtuteq; Christi uitam recepit; et à morte,
sepulturæq; tristi officio liberatus est. Restituere uitā
hominī, mortuumq; hominem suscitare, tā miræ est
facultatis, tamq; insignis est beneficentiæ; ut nil aliud
quidquam reperiri posse uideatur, quod hominī
præstitum, atq; collatum tantum uirtutis, atq; benefi-
centiæ arguat. Quòd si rationē exactè cōsideremus,
qua fiat ut uita hominis maximi beneficij loco sit cē-
senda; et qua efficiatur, ut semel extincta uita homi-
nis suscitetur; sicut non minus propemodū potentiæ
à Christo ostēsum inueniemus in cæcis natura illumi-
nandis, quàm in mortuis excitandis: ita plus beneficē-
tiæ argui posse deprehendemus ex lumine cæcis colla-
to, quàm ex uita mortuis restituta. Si rationem impo-
tentie naturalis, quæ est priuationis ad habitū reuo-
candæ, perpendamus: nō minoris uidetur esse potētie,
cæco natura uisū afferre; quàm sit defuncto uitā re-
stituere: nisi fortè maioris etiā idcirco uideatur; quòd
cæco, quo semper caruerit, uisus conferatur: de-
functo uerò, qua diu polluerit, uita restituatur.
Si rationem exquiramus, qua fiat, ut uita hominī sit
optanda, locoq; beneficij habēda: reperiemus nihil in

uitæ optandæ ratione potius, efficaciusq; quàm uim,
 facultatemq; uidendi: quæ tanti est momēti in scien-
 tiæ, intellectusq; consecutione; et tātum iucunditatis,
 et delectationis ratione uisilium afferre potest; ut qui
 ea careat, eaq; carēdo, sciat, qua iucūditate, quaq; co-
 gnitione ea de causa priuatus sit: non solum se mise-
 rum, infelicemq; existimaturus sit; sed etiam ægrè la-
 turus uitam, uitamq; ipsi sibi arbitraturus. superua-
 caneam. Quò fit, ut si uis, uirtusq; uiuendi maxime
 operatur: ut uita homini sit accepta: & in causa est,
 ut cui non adsit, is se miserum ducat, uitamq; ægre fe-
 rat: tātò maioris beneficij sit cēsenda homini, quā ui-
 ta: quātò plurius esse ducitur id, propter quod quid est:
 quā id ipsum, quod est: et quātò magis expetēdum
 est id, propter qđ quid expetitur, quā id ipsū, qđ ex-
 petitur: cū cessante eo, cuius causa quid expetitur, ni-
 hil supsit amplius, cur id ipsū expetatur. Cū plurima
 sint, quæ possint efficere, ut quis nolit uiuere, et mori
 malit, quā uitā agere: nihil tamē inuenitur, quo effi-
 ciatur, ut quis nolit uidere; & malit cæcutire, quàm
 luce potiri. Qui lucem non haurit, colores non per-
 cipit, et assiduis tenebris inuoluitur: si propter miserā
 uitā, quā cæcitatis causa agit, deterioris nō est cōditio
 nis, quàm mortuus; saltē instar est mortui; mortuoq;
 similis habendus est: tamen si non potest non differ-
 re à mortuo eatenus, quatenus mortem, quæ semel
 alioqui subitur, sæpius obit: & assiduam, quæ
 alioqui momentanea sit, experitur. Hinc incestuo-
 sus ille, tragicusq; parricida minorem commissis fla-
 gitijs pœnam mortem ipsam ratus, erutis sibi oculis

DE DIVI. IN HOM. BENE.

lis cæcitatem existimavit pœnam flagitijs dignio-
rem, & pro duritate, atque acerbitate convenien-
torem enormibus, quæ commisisset, sceleribus pu-
niendis. Quòd si cæcitas in homine, qui alias uide-
rit, uidendoq; notitiam rerum lucis, colorumq;
adeptus ita fuerit; ut licet uisu priuetur, retineat
tamen mente, quæ uiderit, quæq; uidendo co-
gnouerit: & hac ratione possit æquanimius cæcita-
tis detrimentum tolerare, durior, asperiorq; puta-
ta est morte; & miseria, calamitateq; superare ip-
sam mortem: quid sentiendum fuerit de ea cæcita-
te, quæ homini ab origine inhæserit, & qua ho-
mo ipse semper laborarit? quo angore affligi, qua
mœstitia torqueri, qua afflictione cruciari credendū
est eū; qui cum lucem audiat, & colores nominari, et
tot mirabiliū rerum, quæ uisu percipiuntur, nomina
proferri; cogitet. spectaculo id genus, cognitioneq;
eiusmodi se carere prorsus; & expertē uiuere adeo
cōmemoratæ lucis; & tot rerū cognitione priuatum
detineri. O miseram, duramq; cæcitatē. O extremā
cæci hominis ab origine maxime calamitatem: uiuit
enim in assidua morte constitutus: uitam agit mise-
rijs, tenebrisq; inuolutam: & tantò morte ipsa pe-
iorem; quanto diuturniorem agit, & sensiliorem.
Quantum est igitur credendum fuisse id beneficii,
quantumq; id beneficentiæ extitisse putandum est;
qua usus comperitur Christus erga eos; qui cū ab ori-
gine cæci forent, uisum receperunt: & facultatem
uidendi, qua semper caruerant, adepti sunt. Qui
nunquam uiderant, qui à natura cæcutiebant; hi

Christi beneficentia, Christiq; ad proficiendum homi-
ni promptitudine, uidendæ lucis, comprehendarūq;
rerum uim, potestatemq; consecuti sunt, & exem-
pti tenebris, quibus ab origine obsessi fuerant; in lu-
cis aspectum, rerumq; pulchrum spectaculum edu-
cti fuerunt. Duo fuerunt cæci, qui Christum adeun-
tes obtinuerunt, ut uiderent; & tenebras cæcitat-
is, quibus offundebantur, excuterent. Ut cæci, capti-
q; oculis corporeis uisum reciperent, eximia fuit po-
tentia, ingentisq; fuit beneficentia: sed longè maio-
ris tam potentia, quàm beneficentia extitit, ut qui
cæci animo, capti q; oculis mentis, seu intellectus in
tenebris ignorantia miserè degebant, & uitam mor-
ti similem, mortē ue ipsa peiorem trahebant; ad ue-
ritatis cognitionem deducerentur; & uisum recipe-
rent; quo possent uiam salutis ingredi; & ad uitæ
aeternæ felicitatem peruenire. O maximā uirtutem,
singularemq; beneficentiam Christi: qui lucem attu-
lit cæco, in tenebrisq; uiuenti homini. & ei, qua la-
borabat ab origine, cæcitatem prorsus abstulit, atq;
eripuit. Hæc erat illa cæcitas, quæ peccato primi ho-
minis contracta non permittebat; ut uia salutis in-
ueniri quiret, & recto uitæ tramite contendere posset
ab homine. Hanc cæcitatem Christus pro sua bonita-
te, suaq; in hominem beneuolentia, & charitate ex-
cussit prorsus; & ab oculis ipsius hominis penitus
summonit: ut iam non possit homo causa cæcitat-
is aberrare; & uiam salutis pro caligine offusa nesci-
re. Sed quinam sunt hi duo cæci Christi opera, atq;
beneficio exempti tenebris ignorantia, & in uerita-

DE DIVI. IN HOMI. BENE.

tis, salutisq; cognitionem adducti? Duo cæci duo
 sunt populi Hebræus, & Ethnicus; quorum unus
 cum nube, tenebrisq; rerum inuolutus cæcutiret, di-
 siccta nube, ablatisq; tenebris ad genuinam uerita-
 tis speciem intuendam admissus est: & alter, cum
 cimerijs demersus esset tenebris; & tam typo, quàm
 specie à ueritatis ratione aberraret: induceta luce, &
 crassa prorsus absterfa caligine uisum recepit; ueri-
 tatisq; intuendæ potestatem consecutus est. Quam mi-
 ram, beneficamq; potestatem exercebat Christus in
 edendis id genus miraculis: eam pro sua bonitate,
 suaq; benefaciendi largius, & proficiendi plenius
 cupiditate tradidit, concessitq; etiam discipulis; qui-
 bus ultro dedit, ut possent febricitantes curare, le-
 prosos mundare, mortuos ad uitam reuocare, Demo-
 nes humanis corporibus abigere, & omne genus lan-
 goris, maliq; affectus depellere. O summam, egregi-
 amq; Christi bonitatem. O beneficam, studiosamq;
 proficiendi liberalitatem. Qua præditus ipse erat po-
 testate; quam insignem edendorum miraculorum cœ-
 lo detulerat uirtutem; impertijt eam discipulis, &
 quatenus potuerunt accipere, nihil sibi retinuit po-
 testatis; quod æquè eis pro sua bonitate, suaq; in ip-
 sos beneuolentia nō cōcederet. Suam bonitatem, suamq;
 erga discipulos beneuolentiam summopere testatus
 est Christus; quatenus eis, quam ipse habebat, mi-
 ra edendi potestatem concessit: nec minus declarauit
 discipulis eiusmodi potestatem concedendo, suum stu-
 dium, curamq; benefaciendi hominum generi; & in
 quā plurimos suæ beneficentiæ, & largitatis mune

ra diffundendi. Cum messem multam imminere uideret; multosq; animaduverteret esse, quibus consuli, proficiq; posset: destinauit operarios; quorum officio uteretur in colligenda messe, conferendisq; hominum generi beneficijs. Hac tamen lege eos ipsos destinauit: ut quemadmodum ipsi gratis acceperant operandi mira potestatem: ita eam operando, proficiendoq; passim gratis exercerent. & nulla sui emolumenti habita ratione, quod uirium acceperant ad iuuandos, seruandosq; mortales, ultro, liberaliterq; impenderet. Perpendite hinc ciues, quanam sit Christi bonitas, & quam ingenua, liberalisq; erga homines beneficentia: qui non solum, quæ ipse sua manu, suaq; opera beneficia impenderet, ultro, gratisq; erogauit; & nullo nec emolumento, nec precio captato impendit; sed etiam quam authoritatem discipulis concederet conferendi beneficia, operaq; sua uulgo proficiendi hominibus: adhibito iussu sic concessit; ut nihil mercedis, aut præmij ex præstitis beneficijs sibi captarent: nec causa præstitæ iuuandis hominibus operæ quidquam sibi muneris, aut lucri referrent. Nobis hinc exemplo, præceptoq; Christi est addiscendum, quam committere non debeamus, ut si quid uirtutis diuino beneficio nobis est cōcessum; quo possimus aliquo pacto iuuare cæteros, alijsq; esse usui; aliquid mercedis nobis, aut præcij ab eis, quibus profimus exigamus: sed quidquid possimus Dei munere id gratis, & nullo captato lucro impendamus, quibuscunque nouerimus posse conducere, aut esse necessarium. Vellem quoque sacri curatores, Ec

DE DIVI. IN HOMI. BENE.

clesiæq; præfules exactius, quàm faciant, in præstan-
dis officijs, impendendisq; beneficijs, quorum præ-
standorum facultatem Christi munere gratis sunt
consecuti; Christi ipsius exemplo insisterent, præce-
ptoq; obtemperarent. Proh pudor, & dedecus. Sic
transuersos agit homines auaritia, et sic libido ha-
bendi abducit à Christi instituto, atque tramite: ut
nihil iam gratis impendatur offici, & nihil nisi con-
stituta mercede, exerceatur potestatis. O' perdita,
peruersaq; tempora, in quæ incidimus. O' genus ho-
minum, morumq; pestilens, & infame; cui nihil
esse propemodum comperitur, quod Christo non ad-
uersetur, quod Christi institutis non repugnet, &
quod denique à charitate Christi, & beneficentia
non penitus dissideat. Nihil omnino præstatur offi-
cij, nihil operæ impenditur, nihil potestatis exer-
cetur, nisi proposito lucro captataq; mercede. Sicut
Christus nullam occasionem prætermittebat, quò
sue uirtutis, beneficentiæq; thesauros in omnes dif-
funderet; & in omnes amantem, beneficumq; se
præstaret; ita nihil ansæ pro turpi auaritia dimitti-
tur nunc ab his Christi operarijs: quo prætenta uir-
tute, & beneficentia sibi thesauros undique contra-
hant, & prætextu charitatis, siue beneficij iactu-
ram inferentes rem suam agant; & cum graui eo-
rum damno, quibus uideri uolunt prodesse, res su-
as augeant, & pinguiorem sibi fortunam constitu-
ant. Tantum abest, ut quid hodie ex Christi institu-
to agatur gratis; ut non inueniatur, qui uel ostium
templi claudat, uel ignem aræ succendat gratuito.

Quin-
ut non
officij
Oblat
men-
re. P
accu
prom
carpi
causa
disfuer
ant con
uentus
notare
in causa
pro inc
cur no
redda
inueni
causa
dilatio
quoque
ut nos
mar;
& que
perim
um gra
impera
scrimin
per e

Quin eò impudentiæ, & iniquitatis est peruētum;
 ut non præstita opera mercedem intercipient; &
 officij, quod non præstant, præmium usurpent.
 Oblata altari munera impigrè auferunt, cum ta-
 men nihil minus curent, quàm ipsi altari inserui-
 re. Prædia nostris à maioribus pro diligētiori officio,
 accuratioriꝫ opera obtinenda collata detinent; &
 proventus pro exactiori cura elicienda constitutos
 carpunt, nihil interim exequentes eorum, quorum
 causa id genus bona collata, & proventus huiusmo-
 di fuere constituti. Quapropter cum minus imple-
 ant conditionem: cuius implendæ causa bona, pro-
 uentusꝫ sunt consecuti: nihil est, quin possimus
 nos iure repetere, & aduersus eos agere conditione
 ob causam datorum: quo quidem agendi remedio si
 pro incuria experiri hic noluerimus; nihil fuerit,
 cur nobis exactam rationem iniustæ detētionis non
 reddant saltem tum, cum tam nobis, quàm eis ipsis
 inenitabile Dei iudicium subibitur, & coram Deo
 cuiusque criminis, iniustiꝫ facti, exceptione omni,
 dilationeꝫ reiecta examen agetur. Sed ut de nobis
 quoque agatur, non est arbitrandū ciues, futurum,
 ut nos absoluiamur eo iudicio; aut rei non constitua-
 mur; quatenus inuicem non fuerimus benefici
 & quod boni, facultatisꝫque Dei beneficio acce-
 perimus; à Deoꝫque gratis obtinuerimus; in medi-
 um gratuito non contulerimus, iuuandisꝫ alijs non
 impenderimus. Quod sanè, si nihil etiam nobis di-
 scriminis agendi iudicij ratione immineret: summo-
 pere est cauendum tam causa uitandæ ingratiitudi-

DE DIVI. IN HOMI. BENE.

nis, quàm utilitatis, beneficiq; potioris sentiēdi gra-
tia. Quæ enim est ingratitudo; ut cum nihil boni
habeamus, quod à Deo nō acceperimus; et quod Dei,
Christiq; beneficētiæ à nobis referendū non sit acce-
ptum: si Deus ipse, siue Christus petat, atq; exigat; ut
quod gratis nobis dederit, eius participes alios quoq;
nos faciamus; id recusemus, detrectemusq; facere:
et cuius beneficentiæ nihil non debeamus, eius vo-
luntati non pareamus, et placito, atque iussui non
obtemperemus? Cum præterea quæ Dei, Christi q; be-
neficio habemus bona; ad ea impertienda alijs, atq;
communicanda à Christo, Deo q; ipso provocemur
oblata longè meliorum sponſione: cuius est insania,
atque uecordiæ recusare id erogare, cuius repēſio ma-
ximo cum fœnore nobis sit futura: et quod ab eo,
qui dedit, grādi cum lucro sit deniq; refartiendum?
Quapropter ciues cum quod iuuandis alijs contuleri-
mus, et quod operæ, siue rei homini consulēdi, pro-
ficiendiq; causa impenderimus; id sibi impensum, si-
biq; collatū relaturus sit Christus: ei quid denegare,
à quo omnia habeamus, tam non debemus; tam eius
causa, qui longè meliora repensurus sit, impendere
quid, impertireq; alijs non est nobis recusandum: ut
nisi quidquid boni, frugis'ue nobis sit; ultrò, gratisq;
alijs conferamus: non minus graue uitium ingra-
titudinis simus incurſuri; quàm nosmetipsos frau-
daturi longè potioribus, uberioribusq; bonorum e-
molumentis. Exemplo igitur Christi ciues Christi do-
cumento excitentur, inducamurq; ad benefacien-
dum gratis, et ad impendendum, erogandumq; gra-

tuitò quodcunque à nobis diuino beneficio contin-
 git haberi : & ne prætermittamus , quantum ani-
 mis pollemus , quantum uiribus ualeamus , quantum
 facultatibus , & fortunis possumus ; gratis consule-
 re , gratis succurrere , gratis proficere , atque benefa-
 cere . tenemur , obstrictiq; sumus ; si Christum au-
 dire , si Christum imitari , si Christi monitis , salutisq;
 institutis insistere uolumus ; quod gratis , Deiq; bene-
 ficentia acceperimus , siue animum , siue corpus respi-
 ciat , id gratis impertire , gratuitoq; cum alijs com-
 municare . Nos prouocauit Christus , nos obstrinxit
 ad consulendum , proficiendumq; gratis , quatenus
 fieri potest ; quò nulla proficiendi mercede ab eis ,
 quibus profuerimus , accepta ; longè maiorem ipse ,
 preciosioremq; , quàm quæ posset ab homine præ-
 stari , mercedem constitueret nobis , atque præsta-
 ret . Quò fit , ut quod operæ , atque rei gratis
 contulerimus Christi instituto obtemperantes : tam
 non sit ipse Christus pro sua liberalitate passurus , ut
 gratis sit collatum , mercedisq; succedat expers : ut
 eius causa tantum præmij , tantumque mercedis
 nobis sit allaturus , ut ne animo quidem plus op-
 tando concipi , aut desiderando sperari potu-
 isset . O largam , promptamq; Christi erga nos
 beneficentiam ; qui nobis bona confert , nobisq;
 occasionem præstat : quò possimus prodesse : &
 proficiendo rursus ualeamus beneficentiam , &
 largitatem ipsius copiosius experiri . cuius planè be-
 neficentiam , beneuolentiamq; erga nos quis uel in-
 de non maxime possit arguere ; dum à nobis exigit ;

DE DIVI. IN HOMI. BENE.

ut ipsum plus amemus, quàm patrem, matremq; :
 Qui iustitiæ omnis est archetypus, quiq; rectitudi-
 nis omnis, & æqui exemplar est: nequaquam ex-
 posceret se plus, quàm patrem, matremq; à nobis
 amari: nisi conscius sui erga nos amoris, & suæ in
 nos beneficentiæ studiū agnoscēs sciret, omnino se su-
 perare sua in nos charitate, & beneficentia quan-
 cunque paternam, maternamq; charitatem, & be-
 neficentiam. Nec pro eo, quem sanguinis, & car-
 nis inesse natura homini affectum nouisset, se plus
 amari, quàm patrem, qui genuisset, & quàm ma-
 trem, quæ peperisset, educassetq; ; aliquo pacto po-
 stulasset: nisi suam in nos charitatem, suamq; in
 nos beneficentiam maximo intervallo antecedere,
 summoq; cumulo superare paternam, maternamq;
 beneficentiam, & charitatem animaduertisset: &
 id quamplurimis argumentis patere, constareq; pos-
 se cognouisset: ut minus absurdum uideri posset,
 quod exigeretur, nec difficile adeo præstatu: quando
 quidem quæ ratio esset excessus, facile posset, quod
 foret sanguinis enervare. Cur enim quem sua
 in nos benevolentia longo intervallo comperiamus
 superare cuiusque patris in filios benevolentiam; &
 quem longè in nos beneficentiore experiamur, quàm
 patrem in se quisquã filius: eum non facile possimus,
 si uelimus, plus quàm patrem amare; & maiori,
 quàm patrem ipsum benevolentia prosequi? si possu-
 mus, nihil est, quin quoque debeamus, cum iustitiæ,
 atque æqui ratio postulet; ut à quibus plus amemur,
 pluribusq; beneficijs, & maioribus afficiamur: eò
 maiori

maior
 ris,
 tam
 stitue
 igati
 nihil
 stitq;
 Chri
 tion
 ne m
 hinc
 stus:
 faciem
 affectu
 matris
 se ma
 qui
 mas
 qua
 tur
 cum
 se ob
 mi,
 sue b
 signi
 pater
 se fili
 tu ob
 potu
 cult

maiori charitate prosequamur; eisq; arctiori amoris, & obsequij uinculo obstringamur. Quod si tam debemus, quàm possumus; cuius fuerit iniustitiæ, cuius fuerit inertiae; ni præstemus, quod exigatur? Adeo nihil sanguinis, nihil cognationis, nihil humanæ coniunctionis Christi charitati, Christi q; obsequio præferendum est: ut Christi causa, Christi q; amore ius sanguinis abnegare, uim cognationis infringere, omnemq; coniunctionis humanæ nexum rescindere debeamus. Hinc machæram, hinc bellum attulisse se in terras protestatus est Christus: cuius causa quàm sit parum curanda, nihiliq; facienda ratio sanguinis, humanæq; coniunctionis affectio; ipse suo quoque nos exemplo docuit: cum matris, fratrumq; nomine interpellatus non aliam se matrem, nec alios se fratres agnoscere; quàm qui studio pietatis, cultuq; Dei detinerentur, affirmavit. O' piam, sanctamq; Christi assertionem; ex qua non minus eius bonitas, quàm largitas arguitur, & ex qua non minus animi, speiq; quàm documenti nobis afferatur. Quatenus enim Christus se obtulit futurum fratrem, filiumq; eorū; qui summi, patrisq; Dei uoluntatem exequerentur: non ne suæ bonitatis, suæq; immensæ benignitatis maximā significationem attulit; qui cum Dei filius esset, & pater humani generis, palam professus est futurum se filium homini, atque fratrem: qui Dei mandatis obtemperaret. Quantum animi, quantūq; spei potuit cuique nostrum afferre? quibus oblata est facultas fraterni iuris, fraternæq; coniunctionis cum

DE DIVI. IN HOMI. BENE.

Christo, Deiq; filio ineunda? Quantum præterea documenti reliquit? dum traducto sanguinis, cognationisq; affectu docuit animos nostros in Deum solum dirigendos, afficiendosq;: & duntaxat cõiunctionem esse contrahendam cum eis, & seruandam: qui eodem spiritu, affectuq; agantur in Deum amandum, atque obseruandum. Qui pro sua in hominem beneficentia, & charitate se ab eo diligere plus quàm patrem, plus quàm filium amari exigat: & qui nullum cognationis, humanæq; cõiunctionis affectum sibi præferendum significauit: idem pro sua excellenti bonitate, & erga hominem propensione protulit, asseruitq; palam se esse futurum filium, fratremq; homini, modò uoluntati Dei obsequeretur; patrisq; Dei mandata custodiret. Nec solum hic pro sua bonitate, benefaciendiq; hominì promptitudine, non reiecit unquã, repulit ue quenquam; à quo causa beneficij, muneris ue alicuius obtinendi adiretur, petereturq;: sed etiam ultrò comperitur accersisse ad se, ad seq; ultrò inuitasse labore affectos, quò leuarentur: & beneficio indigentes, quò reficerentur. O plenam charitatis Christi inuitationem. O benignam, summæq; bonitatis, & beneficentiæ indicem promissionem. Quis fuerit tam stupida mente, tamq; segni oppressus ueterno; qui cum beneficium, studiosumq; iuuandi, solandiq; hominis Christum audiat publicè ad beneficia accipienda inuitantem; & diuina sua uoce adhortantem, dicentemq;: Accedite ad me omnes, qui anxie laboratis, & grauiter estis onusti, quò uos leuè, uosq;

reficiam : & pro onere , quo grauius premimini ,
 & pro iugo , quo anxie laborantes detinemini , onus
 meum uobis imponam , quod leue sit , & gratum :
 & iugum meum uobis iniiciam , quod suaue sit , &
 iucundum ; plurimumq; uobis afferat tranquillita-
 tis , & quietis : non inducatur ad tam benignam ,
 largamq; beneficentiae oblationem accipiendam : &
 tam amica , plenaq; charitatis inuitatione non com-
 moueatur ad habendam sui commodi , suaeq; quie-
 tis rationem : & colendum , obseruandumq; eum ,
 à quo sibi tantum beneficij , tantumq; commodi ani-
 maduertat offerri . Quid amplius haeremus ciues ,
 quid ulterius expectamus ? quin grauius onusti , &
 anxie laborantes adeamus eum , eumq; accedamus :
 qui nos ultrò inuitat , ultròq; nos interpellat ; quò
 leuemur oneribus , & anxij laboribus exoluamur .
 Quid differimus , cum graui detineamur affectuum
 humanorum iugo ; & anxio mundi , uitaeq; huius
 onere , atque labore premamur ; eum adire , eumq;
 accedere , qui nos ultrò accersit , quiq; nobis ultrò
 se offert excussurum graue iugum , & laborem om-
 nem , onusq; ablaturum ? Eia agite ciues capiamus
 iter ad Christum ; Christumq; adire properemus , pri-
 us quàm grauius nos premat huiusmodi iugum , &
 prius quàm labor hic improbus , importunumq; o-
 nus nos durius affligat , atque debilitet . Non am-
 plius commoremur uocantem nos , ultròq; nos inui-
 tantem adire ; si uolumus graui iugo seruitutis libe-
 rari ; & quo labore , atque onere grauamur , leua-
 ri . Si uolumus graui fasce perturbationum exone-

DE DIVI. IN HOMI. BENE.

rari; & læta, dulciq; quiete potiri; adeamus Christum; Christi q; iugum subeamus: quod tam futurum non est graue; ut ipsius testimonio, qui menti ri non potest, cum sit ueritas, plurimum suauitatis, iucunditatisq; sit nobis allaturum. O' potens, salutareq; Christi iugum: quo detenti non serui, sed liberi fiunt; non grauantur, premuntur ue, sed exonerantur; non affliguntur, nec torquentur, sed lætè iucundèq; uiuunt; & quiete, felicitateq; fruuntur. Qui iugum id subierit, tam nihil tristitiæ, mali'que patipotest, tamq; nihil grauaminis, atque laboris experiri; ut undique gaudium, undique bonum, undique quietem percipiat. id est iugum, quod nisi subeatur ab homine, fieri non potest, ut in hac uita quidquam quietis sentiat; & post huc uitæ cursum, salutis aliquid, seu felicitatis consequatur. Id enim iugum est, quo uitiorum colla domantur; insaniq; appetitus ceruices opprimuntur: & quo uirtutis omnis ratio refertur, & pie, innocenterq; uiuendi institutio omnis designatur. Huius iugi typo maxime designatur contentionis, & fastus repressio, & mansuetudinis, æquanimittatisq; præstatio: quibus inter cæteras uirtutes, quas in se omnes continebat Christus, sic usus est: ut in omnibus tam dictis, quàm factis non minus semper mansuetum, quàm æquanimem se præstiterit. eam enim mansuetudinem præsetulit, eamq; æquanimittatè præstitit Christus; ut cum maleuolorum calumnijs, obtrectantiumq; scribarum obiectionibus incesseretur; sic patienter, sicq; mansuetè sese habuerit; ut nō mi

nus sapienter obiecta diluendo, quàm occasionem
 scuiendi subtrahendo semper perstiterit in officio
 probitatis; & nunquam restiterit, quin prodesse stu-
 duerit; & beneficentiæ, atq; charitatis officia exer-
 cere perseuerarit. Quò fit, ut abundè colligi possit,
 quanta fuerit Christi bonitas, Christiq; ad benefaci-
 endum, proficiendumq; homini propensio: qui li-
 cet ab eis, quibus prodesse procuraret; calumnijs
 afficeretur; & dum benefaceret, palam à maleuo-
 lis, iniquisq; malè audiret: & quæ piè, beneficèq;
 ageret damnari, obtrectatoresq; inuenire cognosce-
 ret: tamen pro sua eximia bonitate, suaq; beneme-
 rendi de homine singulari cura, atq; cupiditate nun-
 quam destitit: quin oblata quacunque occasione
 prodesset: & suæ beneficentiæ, atque potestatis
 aperta argumenta proferret. Quamuis enim sibi
 detrahi à phariseis sciret, quatenus sabbato cura-
 bat infirmos: tamen idcirco beneficentiæ largitatem
 non repressit: quin sabbato quoque hominem con-
 tractam, aridamq; manum habentem sanaret, sani-
 tatisq; beneficio afficeret. Nec etiam pro suæ bonita-
 tis, & beneficentiæ magnitudine temperauit, quin
 hominem, qui Demone uexaretur; & non minus
 mutus esset, quàm cæcitate laboraret; tam Demo-
 ne expulso, quàm loquendi, uidendiq; facultate
 concessa liberaret: licet palam, uulgoq; phariseos
 audiret se criminantes, sibiq; obijcientes, quòd pri-
 matis Demonis potestate Demones abigeret. O pra-
 uam, pertinacèq; hominum malitiã. O supremã Chri-
 sti bonitatem: & constãs in proficiendo propositum.

DE DIVI. IN HOMI. BENE.

Nulla calumniantiū pertinacia, nullaq; obtreſtantiū
um, & quæq; optima criminantiū perversitate, atq;
malitia potuit fieri: quin Christus propositū profici-
endi, cōsulēdiq; homini prosequeretur: et quancūq;
occasionem iuvādi, beneficioq; afficiendi hominis ar-
riperet. licet ea scribarum foret perversitas, ut quæ
diuinè, beneficeq; à Christo agerentur, sinistrè inter-
pretari, in malamq; partem trahere conarentur: ta-
men Christus pro sua singulari bonitate, & proficien-
di cura non recessit ab officio iuvandi hominis: &
quantū ipse homo pateretur, beneficio afficiendi. Ex-
emplo quoq; nos Christi ciues addiscamus non ingra-
titudine eorum, quibus prodesse studeamus, deterre-
ri; quominus proficiamus: nec calumnijs, crimina-
tionibusq; aliquibus desistere; quin constanter pro-
positum demerendi, iuvandiq; prosequamur; & da-
ta occasione, quatenus vires nostræ patiuntur, con-
sulamus passim, atq; prosimus. Nunquam proficiēdi
rationē deferere, nunquā proposito benè, beneficeq;
agēdi decedere debemus: licet quæ benefice agamus,
et quæ studio proficiēdi, cōsulēdiq; faciamus, pro pra-
ua, nequamq; aliquorū mente, atq; opinione trahan-
tur in malam partem, calumnationēq; subeāt. non
est aliquo pacto committendū, ut maleuolorū impro-
bitas, atq; nequitia tantū polleat; ut propositū, studi-
umq; iuvādi à nobis remittatur; & occasio proficien-
di, conferēdiq; beneficij prætereatur. Sicut cōperimus
Christū servatorem nostrū propter calumnias, crimi-
nationesq; scribarū non remisisse curā iuvandi: nec
ob malorum, invidiorumq; obtreſtationes restitisse,

quominus prosequeretur rationem proficiendi; ita si
quid opera, studioq; nostro prodesse nos posse sentia-
mus; adeo calumnijs, obrectationibusq; malorū nō
debemus beneficā operam remittere, studiūq; iuuādi
deferere; ut tantō promptiores nosmet in conferen-
dis beneficijs, nauandaq; iuuandi opera prestare de-
beamus: quantō facilius ipsa in iuuando, proficien-
doq; constantia potest conuincere ipsorū calumniato-
rum, obrectatorumq; malitiam, atq; perversitatem.
Sed ueluti exemplo Christi officium consulendi, pro-
ficiendiq; intermittere nō debemus, obrectationeq;
deterri: ita eiusdem exemplo cauendum est, ne stu-
dio laudis, humanæq; gloriæ gratia iuuandi prouin-
ciam suscipiamus: sed si quid beneficè, liberaliterq;
egerimus, id omne ad laudem, gloriamq; Dei refe-
ramus: & quatenus in laudem Dei uergat, procure-
mus, ut innotescat: quemadmodum procurasse re-
peritur Christus, qui liberatum immundo lemure ho-
minem iussit uulgò narrare, quoniam beneficio fo-
ret à Deo affectus: cum tamen idem Christus curatis
cæcis, infirmisq; sanatis cōperiatur præcepisse; adhibi-
tisq; etiā minis indixisse; ne cui quod beneficij acce-
pissent, indicaret; hac iussione omnino significās, ni-
hil magis in proficiēdo cauendum esse homini, quā
studiū quæredæ laudis, captandæq; gloriæ. Beneuolè,
beneficèq; se egit Christus erga eum; quem contra-
etiā aridūq; manū habentē in sinagoga curauit à ui-
tio manus, quam ad aliquid agendū extēdere non po-
terat; quāq; operari quidquā benè nequibat. Sed qui
Christus pro mirabili sua potētia, suaq; insigni bene-

DE DIVI. IN HOM. BENE.

ficentia liberauit eiusmodi manus uitio laborātem,
idem longè maiori uirtute, beneficentiāq; usus, non
tam in sinagoga Hebræorum, quā in cōuentu gen-
tium impotētes ad benemerendū de Deo hominis o-
perationes correxit: et qua benè merēdi, salutariterq;
operādi manu, potestateq; carebat homo, eam uali-
dam, uigentemq; reddidit. Quæ nullius salutaris me-
ti iefficax operatio hominis fuerat; & quæ facultas
hominis manca, debilisq; erat ad demerendū Deum,
salutariterq; operandū, Christi merito, Christi q; uirtu-
te, & beneficentia facta mirè est potēs, atq; efficax.
Quatenus uerò Christus cæcū, mutum, laborantēq;
Demone hominē curauit; et tā potentē loquēdi, uiden-
diq; effecit, quā liberū immūdo larua reddidit: tan-
tò maiore suæ erga hominē beneficentiæ, suæq; in ope-
rando uirtutis, atq; potētiae significationē tulit: quan-
tò pluribus apparet ipsum hominē noxis, atq; detri-
mentis exemptū, atq; liberatū fuisse. Sicut hæc Christi
erga hominē respectu corporis exercita potestas, atq;
beneficētia tantò potior, maiorq; arguitur: quātò plu-
ra in homine detrimenta curata fuisse apparet: ita
quæ animi respectu uirtute, beneficioq; Christi in ho-
mine facta est uitiorum, noxarumq; curatio: tantò
maiores ostendet Christi ipsius erga hominem bene-
ficentiam, & potiore in operando uirtutē: quātò
plures noxas, pluraq; uitia, quæ unā concurrissent,
in ipso homine curata, sanataq; fuisse cōstiterit. Quid
uerò typo cæcitatis, typo mute scētiae, typo lemuris ue-
xantis cōtineatur, cum separatim sit semel explica-
tum; repetere amplius non fuerit opus: cū nullus sit,

qui si noscat, quid singillatim quodq; referat, non æque intelligat, si unà concurrant, quonam pacto accipi oporteat: cum ex concursu ratio cuiusquam, siue sensus non immutetur. Duas quoque mulieres reperitur Christus pro sua proficiendi promptitudine, suoq; iuuandi studio liberasse: quarum una cum spiritu prauo ita foret affecta; ut prona, incuruataq; incederet; & nullo pacto suspicere, cœlumq; intueri posset; erecta fuit, & cœli spectandi, recteq; gradiendi potestate donata est: altera, cum rea foret adulterij, & ex lege saxi esset impetenda, atque occidenda, opera Christi fuit absoluta; & à morte, cui destinata fuerat, beneficio eiusdem liberata. Typo sanè cernuæ, deorsumq; spectantis mulieris gens Hebræa designatur: quæ cum terrenis, corporeisq; rebus intenderet; & cœlestem, spiritalemq; Dei cultum nesciret; Christi opera, Christi q; beneficio ab eis, quibus prona incumbibat terrenis, & corporalibus liberata, erecta fuit cœlestia intuenta, & ad spiritalem colendi Dei rationem excitata: quæquidē excitato, siue erectio tam Christum potentem, beneficiumq; ostendit, ut huiusmodi cum potentia atque beneficentia ne minima quidem ex parte id beneficentiae atque potentiae, qua cernua, pronaq; mulier erecta fuit, conferri mereatur, atque comparari. Quæ uerò mulier rea adulterij memoratur seruata à Christo, Christi q; beneficio à morte liberata, congruenti typo refert nationem Ethnicam: quæ cum ueri Dei thalamo derelicto, cultuq; deserto adhæsisset idolis colendis, & mœchata esset cum Demonibus,

DE DIVI. IN HOMI. BENE.

bus; ut mortem mereretur, mortemq; subitura esset: Christi officio, Christi; beneficentia absoluta fuit, & à mortis imminente periculo liberata. O beneficentiam Christi singularem. O promptam in tuendo, servandoq; homine Christi curam, & diligentiam. quæ mœchata fuerat mulier, & quæ nato toro, thalamoq; Dei violato libidini Demonum inservauerat; eam mortis ream Christus non habita suæ, paternæq; offensæ ratione pro sua bonitate, suaq; in hominem propensione, et charitate absoluit, noxamq; remissa liberam, incolumemq; dimisit. In huius sanè mulieris adulteræ causa liceat ne magis admirari Christi bonitatem, Christi; beneficam facilitatem, qua usus sit in parcendo, compatiendoq; an sapientiam, qua usus sit in liberando, pro ut non facile discerni poterit: ita duplicis documenti rationem colligi difficile haud quaquam nobis fuerit. Quatenus enim mulierem, quæ peccauerat, Christus absoluit: et admonitam ne amplius delinqueret, abire permisit incolumem: docuit nos, uel eos potius, quibus absolendi, condemnandi; ius competit: cuiusmodi moderamine in condemnando uti oporteat; & quàm propensiores esse deceat ad compatiendum delinquentibus, eisq; correctis, atque admonitis parcendum. Exemplo eius, qui se uelle miserari, non perdere asseruit; & qui se malle uitam, quàm mortem peccatoris protestatus est; addisci conuenit, quem admodum leniter, humaniterq; agendum sit cum delinquentibus, & quàm non sit facile seruandum in uitam hominis: & prætentæ legis seueritate, iustitiæq;

ciuilis
ferend
natori
niatu
tur:
minis
emena
perpet
dicare,
ex Chri
seruand
quoque
turisus
quod ei
moneri
re de
gū, in
tenue
rius in
eti ex
de re
nullus
dit ap
agat d
endus
lege d
ex ead
prober
duxer
cesser

civilis rigore non deueniendum ad necem homini in
 ferendam. Non est ex Christi placito, non est ex ser-
 uatoris nostri instituto; ut alicuius delicti causa sæ-
 uiatur in uitam hominis, & homini mors infera-
 tur: sed ut parcatur, quantum fieri potest, uitæ ho-
 minis: parcendoq; procuretur eius correctio, atque
 emendatio. Quapropter quod civilis legis diuturnos,
 perpetuosq; carceres prohibet, locum sibi minus uen-
 dicare, pro ut arbitror, posset: si cōtingeret haberi
 ex Christi instituto rationem delinquentis in uita cō-
 seruandi, ad pœnitentiamq; redigendi. Ex modo
 quoque, & ratione, qua sapienter Christus reperi-
 tur usus in liberanda muliere à morte, exitioq; ;
 quod ei ex seueritate legis molirentur Hebræi: ad-
 moneri possumus, quales esse deceat eos, qui sume-
 re de delinquentibus supplicium possint, & qui le-
 gū, iustitiæq; civilis pœnas exigere iuste ualeāt. Qua-
 tenus enim Christus in muliere, quæ rea foret adulte-
 rij, iussit eū, qui nihil in legē cōmisset, nulliusq; deli-
 cti ex legibus esset reus, iniicere lapides; et eū sumere
 de rea suppliciū ex legis seueritate permisit, qui sibi
 nullius cōtra legē cōmissi criminis foret cōsciū: osten-
 dit aptè, quā incōgruū sit, et inconueniens; ut quis
 agat de puniendis ex lege alijs, qui ex lege æquè puni-
 endus sit: aut quisquam studeat, procuret que ex
 lege de alijs supplicium sumere: qui n. hilominus
 ex eadem lege dare pœnas mereatur. Qui de-
 prehensam in adulterio mulierem ad Christum ad-
 duxerant. eamq; ex lege censuerant lapidibus in-
 cessendam, atque interimendam; simulatq; tacitè

DE DIVI. IN HOMI. BENE.

sibi uiolatam legem obijci senserunt, reosq; se consti-
tui ex lege animaduenterunt: tacti conscientia, pro-
priaq; noxiae conscijs sensim abiere: & muliere, quā
ex lege duxerant occidendam, Christi iuditio relicta,
taciti recessere. Ne uerò typi ratione habita creda-
tur Christus, se duntaxat in paucos singillatim po-
tentem, beneficūq; praeuisse: en qui priuatim in
singulos pro cuiusq; indigentia beneficia contulit: pu-
blice turbas hominum, miscelaneamq; mortalium
multitudinem beneficio afficit; potentiq; sua, mira-
biliq; uirtute iuuat. Cum enim multitudo homi-
num ad quinque millia praeter paruulos, & mulie-
res eum foret infecuta; & iam imminente nocte
non haberent, quid comederent; quoque urgen-
tem famem pellerent: iussos omnes unā discumbere
quinque panibus, duobusq; piscibus; quos solum
habuerat in paupere penu, cibauit, abundeq; refe-
cit. Sic etenim abunde refecit: ut omnes exatura-
ret, & nullus foret ex tam uaria, ingentiq; turba,
qui famesceret, quiq; comedendi desiderio amplius
ageretur. O miram, stupendamq; Christi poten-
tiam. O largam, lateq; diffusam beneficentiam.
Quinque panibus, duobusq; piscibus cibata, exatu-
rataq; fuit tam numerosa, ingensq; multitudo mor-
talium: ut nisi, qui egiisset id, esset is, qui posset om-
nia; & qui pro sua ui, potestateq; plurima id genus
quotidie operaretur: inquiri posset, & haesitari quo-
nam pacto id fieri potuerit. sed si perpendamus à
quo id effectum sit, eum esse, cui nihil arduum,
aut difficile sit, nedum impossibile; & cui nihil non

factu faci-
fat: non
mus; sec
remittan
dieq; cen
effingere
menta ho
sis alimen
rum uider
testatemq;
ipse conuen
aliqui op
ipse ablata
elat, atque
forma conu
materiam
nali iam
priuation
eum non
& nihil
ferat, atq;
panes, di
se; discip
tium: eo
nō solum
ficerent s
perarent
plendis.
fent sedan
potentia;

factu facile: quod aliqui opera naturæ quotidie fiat: non solum non fuerit, cur hæsitando inquiremus; sed etiam stuporem ipsum, admirationemq; remittamus. Si enim præ oculis habemus, quoti- dieq; cernimus naturam rudem, alienamq; materiã effingere, conuertereq; in fruges, fructusq; et ali- menta homini producere ex eis, quæ nullum cum ip- sis alimentis uidentur symbolum retinere; quid mi- rum uideri debet, credituq; difficile: si qui uim, po- testatemq; conuertendi, producendiq; affert naturæ: ipse conuertat, producatq; sine opera eius: et quod aliqui opera naturæ aliqua cū mora ferre soleat: ipse ablata mora momento temporis suapte opera edat, atque perficiat? Si qui tam materiæ, quàm formæ condendæ uim, potestatemq; habet: uelit uel materiam, cui formam indat condere: uel ex sem- nali iam condita materia, una dumtaxat accedente priuatione, aliquid producere: quis nisi cæcutiat, eum non uideat, non agnoscat facile id effecturum: et nihil ei obstiturum, quominus, quod uelit pro- ferat, atque perficiat? Quos igitur Christus quinque panes, duosq; pisces memoratur fregisse, tradidis- seq; discipulis distribuendos multitudini discumben- tium: eos frangendo sic auxit; multiplicauitq;: ut nō solum tam numerosæ hominum multitudini suf- ficerent saturandæ: sed etiam fragmenta ex eis su- perarent, quæ duodecim cophinis sufficerent im- plendis. Qui panes, atque pisces aliqui uix potuis- sent sedandæ quinque hominum fami satisfacere; potentia, uirtuteq; Christi tam abundè aucti, tamq;

DE DIVI. IN HOMI. BENE.

copiosè multiplicati fuere : ut ex eorum reliquijs ,
fragmentisq; , quæ millibus quinq; hominum , &
amplius saturandis superfuissent , duodecim cophini
replerentur . Sicut hoc insigni facinore Christus suæ
uirtutis , suæq; potestatis magnum , præclarumq; speci-
men edidit : & se Deum omnino declarauit ; ita e-
gregiam , mirificamq; tulit suæ beneficentiæ , suæ
que erga homines charitatis , & liberalitatis signifi-
cationem . Quos enim ingruente nocte uiderat non
sine incōmodo cibum sibi paraturos , nec famem fa-
cilè toleraturos : eos benignè , amanterq; acceptos pa-
uit , refecit , saturauit . Quos paucos in suum , disci-
pulorumq; cibum , destinatos panes , atq; pisces ha-
buerat : eos pro sua benefica largitate , suoq; multitu-
dini hominum insecutæ consulendi , prospiciendiq;
studio iussit depromi , atque afferri : & depromptos ,
allatosq; accipiens tradidit distribuendos cibandæ , pa-
uendæq; multitudini . O' summam Christi charita-
tem . O' promptam ad succurrendum , proficiendumq;
alijs Christi bonitatem . Quod cibi sibi opus erat :
quod escae sibi usui fuerat : id omne tradidit distribu-
endum , erogandumq; pascendæ multitudini : & non
habita sui commodi , suiq; usus ratione curauit alios
cibo reficiendos : & indigæ , fameſcentiq; turbæ du-
xit in primis esse succurrèdum . O' quàm ciues hac in-
re contingit nos ab exemplo Christi decedere , qui nō
solum , quod nostris usibus sit necesse , non impendi-
mus , nec imperitimus miseris sustinendis , inopijs ; ho-
minū multitudini alendæ : sed etiā qui supersunt pro-
uentus uitæ delicatè luxurioseq; agendæ seruamus ,

indimus
re, remq;
commodi
ris, indig
cum quot
nuditate
gemant: s
plere locu
impietatem
iure possum
nosq; christi
repugnant
sunt homin
tione aliena
tu censei ci
si inopiam
ita compo
succurran
qui cense
meream
bere: si
concurrit
possumus
serimine
uerſentur
compitisq;
tur? Qu
ſeratione
opituland
humanit

condimusq; : & ex eis procuramus facultates auge-
re, remq; domesticam locupletare. Adeo nihil nostris
commodis, usibusq; nostris detrahimus: quò mise-
ris, indigentibusq; exemplo Christi succuramus: ut
cum quotidie uideamus, coramq; habeamus, qui
nuditate laborent, fame crucientur, præ inopiaq;
gemant: studeamus tamen nos onerare horrea, im-
plere loculos, fundosq; late protendere. Proh diram
impietatem. Proh ferinam immanitatem. Quonã
iure possumus nobis ex Christo uindicare cognomẽ,
nosq; christianos censere: si non solum quæ Christo
repugnent agamus: sed etiam quæ committamus,
sint homine indigna: & ab omni humanitatis ra-
tione aliena. Tantum enim abest; ut possimus meri-
tò censerì christiani, aut cum Christo conuenire: ni-
si inopum miseratio nos excipiat: nisi indigentibus
ita compatiatur: ut uel nostro cum incommodo eis
succuramus, prosimusq;: ut ne digni quidem simus,
qui censeamur homines, hominisq; appellationem
mereamur. Quid enim humani censendi sumus ha-
bere: si qui nobis eadem speciei, naturæq; ratione
coniuncti sint, eos fame premi, inopiaq; urgeri; cum
possimus succurrere, sic permittamus; ut in uitæ di-
scrimine, tam famis, quàm nuditatis causa assidue
uersentur: & nobis spectantibus strati per uias, in
compitisq; iacentes fleant, gemant, conqueran-
tur? Quin nisi egentium, inopumq; hominum mi-
seratione afficiamur: & ad succurrendum eis, eisq;
opitulandum commoueamur: tam nihil hominis,
humaniq; nihil conuincemur habere: ut immanita-

DE DIVI. IN HOMI. BENE.

te, atq; diritate quodcunq; genus ferarum immanis-
simum superare possimus existimari: cum id opis, at
que subsidij denegemus homini: quod nulla fera, si
posset, aut cognosceret, feræ suæ speciei esset nega-
tura. Itaque ciues ne feris immaniores arguamur:
ne inhumani prorsus, indigniq; qui uocemur homi-
nes, uideamur: & ne denique à Christo auersi, à Chri-
stoq; prorsus alieni conuincamur; procuremus ino-
pes nostris prouentibus alendos, sustinendosq;: &
si prouentus ipsi non sufficiant, distrahamus prædia:
& si opus est, uictui, usuiq; nostro necessaria subtra-
hamus: quò fame leuemus inopes: & quò miseris,
egestateq; pressis succurramus. Id si fecerimus, Chri-
stumq; in hoc imitati fuerimus, nihil est cur arbitre-
mur defuturum nobis, unde uiuamus: quoniam
quem imitati fuerimus in erogando, atque tribuen-
do, eius beneficio consequemur: ut nobis contingat,
quod ei contigisse traditum memoriæ comperimus:
qui cum paucos panes quos suo uictui destinatos ha-
buerat, famefcenti turbæ distribuendos obtulisset:
cibatis, satiatisq; omnibus, longè plus retulisse,
quàm obtulisset, inuenitur. quinque panibus, duo-
busq; piscibus Christus non minus benefice, quàm
potenter numerosam mortalium multitudinem ciba-
uit, refecit, leuauitq; fame. Quod si Christi panem,
quo tot mortalium millia exaturata memorantur:
discusso, explicatoq; typo referre, designareq; diui-
ni uerbi uirtutem intelligamus; tantò plus diuinæ
potentiæ colligemus, & tantò maiorem Christi erga
genus hominum beneficentiam, charitatemq; agnos-
cemus:

cemus: q
simari p
quo per
nis, qu
re solum
tus, qu
duorum
nis in ci
dini mor
ipsis alit
custodire
i duorum
obsonium
pro multitu
non potest
rini: tam
prehend
tus diu
tamq; ei
est: ut su
operation
ne, atq; m
ti: ut non
necessitas
di. Panis
homini pe
rationis o
panis ipse
lm anim
quit: ut

cemus: quanto potioris uis, maiorisq; beneficij exi-
 stimari poterit panis, quo nutriatur animus, &
 quo perpetuo uita sustineri possit; quam sit ipse pa-
 nis, quo corpus alatur: & modico, breuiq; tempo-
 re solum uita sustineatur. Ea est diuini uerbi uir-
 tus, quæ typo panis designatur: ut si cum obsonio
 duorum piscium, fidei uidelicet, & rectæ operatio-
 nis in cibum adhibeatur: non tam possit multitu-
 dini mortalium alendæ, cibandæq; sufficere: quam
 ipsis altis, atq; cibatis perpetuam uitam tueri, atq;
 custodire. O mirā, beneficamq; diuini uerbi uirtutē;
 o duorum piscium fidei, et rectæ operationis salutare
 obsonium. Christi panis, diuiniq; uerbi uirtus, tam
 pro multitudine edentium deficere non potest, tam
 non potest imminui: ut quanto plures ea cibati fue-
 rint: tanto maior appareat, tantoq; abundantior de-
 prehendatur. Vt panis huiusmodi, huiusmodiq; uir-
 tus diuini uerbi hominem perpetuo sustineat: ui-
 tamq; eius tueatur immortalem: expedit, atq; opus
 est: ut sumatur, edaturq; cum obsonio fidei, rectæq;
 operationis: qui sunt gemini pisces tāta consuetudi-
 ne, atq; necessitudine inter se coniuncti, atq; fœdera-
 ti: ut non maiori, qui perhibentur, cœlestes inuicem
 necessitudine, atq; societate conuenire sint existimā-
 di. Panis iste diuinus, ut hominē sustineat, uitamq;
 homini perpetuam afferat: exigit fidei, rectæq; ope-
 rationis obsonium; sine quo quidem obsonio nec
 panis ipse salutariter sumi; nec prorsus in uitam
 animæ chymum potest conuerti. Tam fieri ne-
 quit: ut sine fidei, rectæq; operationis obsonio Chri-

sti panis, diuiniq; uerbi uirtus nutrimento sit ani-
 mæ; uitamq; perpetuò tueatur: ut nec atteri, nec
 inglutiri possit ab homine: nisi id genus obsonij ad-
 hibeatur. Nec etiam sine piscibus, huiusmodiq; ge-
 nere obsonij reperitur cibata, refecta; fuisse multi-
 tudo illa: quæ cum æquè Christum insecuta esset: &
 iam triduo perstitisset, perseuerassetq; in eo inse-
 quendo: Christi ipsius potentia, atque beneficen-
 tia fame, & esuritione, qua maxime laboraret, le-
 uata fuit: & septem panibus, qui in paupere penu-
 fuerant, exaturata. Ex quo quidem Christi facino-
 re, cum quatuor hominum millia, præter pueros, et
 mulieres referantur septem panibus, paucisq; pisci-
 culis refecta abundè, & satiata: licet æquè arguere
 Christi potentiam, Christi; promptam ad succurren-
 dum, benefaciendumq; homini benignitatem. Nec
 minus licet diuini uerbi uirtutem intelligere in ci-
 bandis, reficiendisq; animis: & salutare, uitaleq;
 beneficium agnoscere: quod in sustinenda, tuendaq;
 uita hominis diuini uerbi uirtus, Christi; panis affe-
 rat: modò morales uirtutum habitus, pauciq; piscicu-
 li in obsonium cedant, atque condiantur. Sed iam
 mihi succurrit ut explicem, atque discutiam Chris-
 sti beneficium in Syrophœnissam mulierem: in quo
 quidem concedendo cum præter solitam consulendi,
 proficiendiq; promptitudinem tardum, difficilèq; ali-
 quatenus uideri posset se prestitisse Christus; ne sine
 causa id egisse, ne ue idcirco à suæ bonitatis, & be-
 neficentiæ ratione, aliquo pacto defecisse existime-
 tur: operæ precium fuerit super huiusmodi benefi-

cū ratio
 tis cond
 tatem e
 ter rog
 sa, prin
 benefi
 concedi
 ficultas
 vere, ne
 re, rog
 ret filia
 respondi
 taxat ad
 accessisse
 gando, y
 finatur
 nec m
 quam
 in rog
 fit, ut a
 probita
 uolunta
 ratione
 dentia e
 breorun
 salutis a
 rat præ
 num sta
 lectu or
 allatur

cij ratione aliquid attingere : & tam mulieris petentis conditionem , quàm Christi concedentis difficultatem excutere , atque examinare . Ter se peti , seq; ter rogari passus est Christus à muliere Syrophœnissæ , priusquàm uoluerit petitis eius annuere , eiq; , quod beneficij peteretur , concedere . Vnde hæc Christi ad concedendum mora ? unde hæc ad proficiendum difficultas ? Qui alioqui solitus fuerat uel ultrò succurrere , uel saltem beneficium petenti benignè annuere , rogatus ab huiusmodi muliere , ut quam haberet filiam Demone uexatam liberaret : nihil ultra respondit : sed interpellatus à discipulis dixit se duntaxat ad oues , quæ gregis forent Israelitæ , liberandas accessisse : & cum nihilominus persisteret mulier rogando , renuens quod peteretur præstare , protulit destinatum filijs panem canibus obijci non expedire . nec mulieri exorabilem se prius præstitit Christus , quàm tertio petitus , atque obsecratus persistere eam in rogandi proposito pertinaciter animaduertit . Quo fit , ut uideri possit Christus quod peteretur , potius improbitate mulieris uictus , quàm suapte proficiendi uoluntate motus contulisse . O rei miram , arcanâq; rationem . O Christi , diuinâq; sapientiæ , & prouidentie exactam moderationem . Qui maioribus Hebræorum promissus fuerat à Deo seruator : & qui salutis author generi Hebræorum peculiariter fuerat prædictus : licet pro Deï , suoq; erga genus hominum studio , & charitate sine ullo personarum dilectu omnibus potestatem consequendæ salutis esset allaturus : et se seruatorem , salutisq; authorem indif-

DE DIVI. IN HOMI. BENE.

ferenter omnibus tam Græcis, quàm Hebræis, tã Bar-
baris, quàm Latinis foret præstaturus: tamen ne du-
bitari posset de diuinæ promissionis implemento: &
quò promissionis ipsius executio facilius fidem inue-
niret: summa providentia factum est: ut qui pro-
missus fuisset seruator: in primis se se offerret eis:
quibus facta fuisset promissio: & apud quos pro cõ-
seruata promissionis factæ memoria promissionis ip-
sius successus facilius fidem contraheret: & ut eorũ
dem opera, & testimonio in cæterorum notitiã post-
modum efficacius pertransiret. Quapropter si Chri-
stus dixit, seduntaxat ad oues Israelitas seruandas
aduenisse: quò se cõprobaret euidentius esse eũ: qui
promissus fuisset: dum se eorum causa, quibus pro-
missio facta fuisset, solũ uenisse attestaretur: non est
admirandum, cum etiam corporalis, mortalisq; præ-
sentia ratione ipse Christus duntaxat Hebræis, Israeli-
tis'ue monedis, in uiamq; salutis dirigedis operam de-
disse, studiumq; impendisse reperiatur: & quidquid
salutaris instituti, atq; beneficiũ in cæteras hominum
nationes diffudit, opera, ministerioq; Apostolorum dif-
fudisse cõperiatur. Quò fit, ut nõ minus uerè quàm
sũma cũ ratione, cautoq; benefaciendi studio protule-
rit Christus, se duntaxat Israelitæ gregis seruadi cau-
sa accessisse: cuius quidem responsio ad mulierẽ se-
cũdò petentẽ, obsecrantemq; eò etiã tendebat; ut eos
maximè demereretur, fidemq; eorum maximè capta-
ret: quorũ testimonio, atq; opera sciret ueritatis, salu-
tisq; rationem facilius, agiliusq; posse cæteris mortã-
libus cõprobari. Quibus enim uerbis: quã ue appella-

tione p
Christu
lios ap
ciẽ diq
quã Et
titioni
minus
sus, dem
aliandi
oblatam
exercere
dum uid
liberalis
habere. s
ex patru
cultu d
dò rog
summ
quiden
cepta f
quĩ p se
prestarẽ
di, qd pe
exiffima
tem resp
repulse
nouit m
stus am
necicio
aptamq

tione potuisset melius animos Israelitarum demereri
 Christus: fidēq; apud eos sibi conciliare: quā eos fi-
 lios appellando, et asserendo se eis gratificandi, benefa-
 ciēdiq; causa solum aduenisse. Vnde Christus prius
 quā Ethnica, Cananeaēq; mulieris uoto satisfaceret: pe-
 titiōniq; eius annueret, ea moderatione usus est: ut nō
 minus curaret eos, quibus peculiariter fuisset promif-
 sus, demereri: et in primis sibi cōciliare quos nosset cō-
 ciliandi paratiorem aditum, promptioremq; rationē
 oblatam esse: quā studeret beneficentiæ officiū sic
 exercere: ne uideri posset beneficia malē collocare: et
 dum uideri uellet nimis beneficus, nimisq; in hominē
 liberalis: in cōferendis beneficijs nullam rationem
 habere. Si enim Christus mulieri Syrophœnissæ, quæ
 ex patriis institutis idolis deserviebat: & à ueri Dei
 cultu abhorrebat: aures primò nō adhibuit: & secū-
 dò rogantem canis appellatione reiecit: id non nisi
 summa cum ratione fecisse censendus est; quando
 quidem qui nouerat optimē quonam affectu, qua cō-
 cepta fide, quo proposito peteret, rogaretq; mulier: et
 qui p̄fectē callebat, quā se idoneā accipiēdo beneficio
 præstaret, & quā se potentem præberet impetran-
 di, qđ peteret: quā primò indignā, cui respōderetur;
 existimauit; secundò rogātem, potiori q; fide obsecran-
 tem responso excepit: dignamq; duxit, quæ cognita
 repulsæ causa repelleretur. Sed simulatq; Christus
 nouit mulierem ipsam eò fidei peruenisse, eo q; profe-
 ctus animi pertigisse: ut esset idonea accipiēdo be-
 neficio, & pro fide concepta se præstaret habilem,
 aptamq; cui conferri beneficium posset: & in quam

DE DIVI. IN HOMI. BENE.

beneficentia efficaciter quiret exerceri: non detrectavit, quod peteretur, concedere: nec distulit ulterius beneficium conferre, quàm petentis ipsius conditio exigeret. O exactam divinæ beneficentiæ libram. O miram, providamq; Dei in conferendi beneficij ratione observationē. Deus enim qui pro sua in hominem charitate, et benevolentia summum gerit studium, curamq; ei proficiendi, sicut nullā prætendit occasionem succurrendi ei, atque consulendi: ita exactē observat modum, et rationem: qua ex hominis parte accipiendi beneficij facultas constituatur: ne quod beneficē alioqui prætetur, cedat incassum, aut ex hominis ipsius incuria, atque indignitate nocendi potius, quàm proficiendi rationē suscipiat. Quapropter si Chistus videtur se difficilem aliquatenus prætuisse in concedendo, quod peteretur, Syrophœnissæ, Cananæ'ue mulieri: tam non potest idcirco detrahi eius erga hominem iuvandum, beneficioq; afficiendum studio, atque promptitudini: ut id difficultatis, quod prætuit, atque ostendit: tendat, uergatq; ad maiorem ipsius erga hominem beneficentiam, atque charitatem arguendam, atque comprobendam: dum prius partim dissimulando audire rogantem, partim responso redarguenti repellendo petenti mulieri præbuit occasionem: ut in petitione persistendo, repetendoq; preces eam fidem conciperet: quæ sufficeret impetrando beneficio: et qua se idoneam prætaret ad utiliter obtinendum quod peteret. Qua ratione fit: ut non solum suam uirtutem, beneficentiamq; osten-

derit
etiam
gante
cedere
phœni
sanari
rogado
peteret
quod u
immo
unsend
tur grati
tis, recen
ex eis, q
typi, qua
test cū
qua sit
filiat
uirtut
pestate,
terit sa
gorice n
taq; ben
bulante
ris aquo
tem, su
nu suscit
benefice
nos ueli
Christi

derit Christus in concedendo quod peteretur, sed etiam in ratione, modoq; concedendi, quatenus, rogantem bis repellendo eam aptam, idoneamq; cui cederetur reddendam procurauit. Quæ enim Syrophœnissæ mulier spaticâ, uexatamq; Demone filiam sanari petiuerat, accepta duplici repulsa persistens in rogâdo, tam in fide profecit Christi beneficio: ut quod peteret, efficaciter consequeretur; & propter fidem, quod uellet, impetraret. Impetrauit mater filiæ ab immundo larua liberationem: quæ quanti beneficii sit censenda tum typi causa, tum rei, quæ typo referatur gratia, cû satis cõstare possit ex iam cõmemoratis, recensere amplius non ducimus necessarium. Sicut ex eis, quæ iam de uexante hominem Demone, tam typi, quàm rei ratione explicauimus: cõstare satis potest cuiusmodi fuerit Christi uirtus, & beneficentia; qua sit usus in liberanda huiusmodi Syrophœnissæ filia: ita ex illis, quæ allegorica ratione tradidimus: dñi uirtutē, beneficentiāq; Christi in liberâdis à maris tēpestate, atq; summersione discipulis explicabamus: poterit satis argui, atq; deprehendi, quem sensum allegoricè referat id ostensæ à Christo potentiæ, exercitiæq; beneficentiæ: cum se super fluctus maris deambulantem ostendit, & Petrum, quem æque per maris æquor gradi iusserat, irruente uento periclitantem, sumergi que iam incipientem ualida manu sustinuit: & quo minus mergeretur, potenter, beneficeq; prohibuit. Interea tamen admonitos uos uelim: ne credatis ab re Petrum inter cæteros Christi discipulos iubente Christo deambulasse per

DE DIVI . IN HOMI. BENE.

mare: et uirtute, beneficioq; eius sustentatum, quominus urgente uento periclitaretur, fuisse. Dum enim solus à Christo Petrus obtinuit: ut instar ipsius per mare graderetur: & dum graderetur, sustineretur, quominus summergeretur: Christi auctoritas, Christi q; potestas præcipue Petro fuisse concessa colligitur: & designatur Christus nunquam defuturus Petro id genus potestatis, authoritatisq; exercenti: quominus tutò, efficaciterq; exerceat. Velim tamen, qui iura Petri teneant, quiq; potestatem Petri referant: non adeo à uita, fideq; Petri degenerare, si tutò uellent super mare deambulare: & urgente aliquo uento Christi manu, quominus periclitentur, sustineri. præcipuam quoque Petri potestatem, peculiaremq; Christi erga Petrum beneficentiam declarat iussu, uirtuteq; Christi, piscis à Petro captus: qui staterem ore contineret, qui tam pro Petro quàm pro Christo didrachmatis exactoribus exolueretur: ex quo quidem facinoris genere non solum argui potest ingēs Christi uirtus Petri exercita ministerio: Christi q; in Petrū ipsum peculiaris beneficentia, dum capto pisce inuentus stater æquè pro Petro exolutus est: sed etiam christi ipsius bonitas, Christi q; modestia comprobatur: qui ne cuiquam offendiculum non exoluto didrachmate pareret: non renuit, neque detrectauit; licet facile posset, tributum impendere: & una cum cæteris publicū grauamen subire. Pro ea, qua affluebat bonitate; & pro eo, quo detinebatur proficiendi, satisfaciendiq; omnibus studio; non est passus, licet non haberet, quod solues

ret: nec arētaretur ad soluendum, si nollet: se exem-
ptum, immunemq; ab eo, quod ex humana lege pen-
deretur ab alijs tributo. Quī Dei filius erat, qui cūcta
manu continebat: qui nihil non suæ potestati subie-
ctum habebat; is se humanæ legi, atq; potestati sub-
didit: is se tributarium fecit: is unā cum cæteris ho-
minibus non prouentus, quem nullum habebat, sed
personæ, seu corporis potius uectigal exoluit. Quī
non detrectauit tributū exoluere: qui se subiectum
principi hominī in soluendo tributo præstitit: qui se
à Regum conditione alienum, longeq; filijs Regum,
qui minimè tributa exoluerent, inferiorem, & cū-
cunq; subdito, priuatoq; hominī parem in tributū
pensione ostendit: is tribus ex discipulis secum addu-
ctis cum montem excelsum conscendisset: nō solum
apparuit omni humana specie illustrior, & dignita-
te, atque potestate præstantior quocunque huma-
no Rege: sed etiam uoce de nube prodeunte Dei filius
assertus est: & prædicatus est existere, cui parere,
obtemperariq; ab omnibus deberet. O insigne spe-
ctaculum. O miram, efficacemq; uocem. Eum totum
circunfulsit lux: ei facies instar solis resplenduit: &
uti nix indumenta eius cāduerunt. Visus est cum eo
legifer Moses loqui: uisus est Helias eum sermone
compellare. Tam pulchri, speciosi q; spectaculi dele-
ctatione capti discipuli causam morandi optabant,
& diutius spectaculo id genus interesse affectabāt.
qui tamen ut tonitrum diuinæ uocis ex nube au-
dierunt, exhorruere animis; & stupore correpti, per-
culsiq; timore proni in terram procubuerunt. Audita

DE DIVI. IN HOMI. BENE.

uoce Dei filium suum prædicantis horruere discipu-
li: & humano auditu diuinæ uocis sonitum nō po-
tuere intrepidi sustinere. Qui uisu sustinere lucem
diuinitatis in corpore Christi refulgentem potuerūt:
& qui Moſen, Heliamq; cum Christo loquētes, sum-
ma cum delectatione spectarunt: ut uocem Dei, toni-
trumq; diuini oris audiuerunt: non potuere sese con-
tinere, sed timore correpti humi procubuerunt. Qui
cum homines essent, qui uere consensu monte diuini-
tatis homini coniunctam uisu tolerare: hi ad puræ,
minusq; corpori coniunctæ diuinitatis auditum de-
fecerunt. O tenuem, debilemq; hominis in diuinis
percipiendis, sensuq; perferendis potentiam. Cū om-
nis ratio percipiendi, atque intelligendi prodeat ex
sensu, uix fieri potest: ut à sensili species, idæq; sic
abstrahatur; quin quoddam semper consortium cum
ipso sensili habeat, & relationem aliquam ad sensi-
le in ratione intelligendi non retineat. Quod fit, ut
quæ duntaxat intellectu constant: & tam materiæ
quàm corporis expertia sunt: cuiusmodi sunt diui-
na, nullo pacto sensu, quo solum percipiuntur quæ
corpore constant, & materia: percipi queant, & nul-
lo modo opera sensus, atq; officio ad intellectus per-
ceptionem perfecte deduci ualeant. contingit quoq;
ut cum ratio exprimendi, uerbisq; explicandi prode-
at ab intellectu, quatenus ipse intellectus rem per-
cipit, rei; notitiam consequitur: non magis expri-
mi uerbis, quàm intellectu nostro percipi possint,
quæ diuina sunt. Quin etiam tantò minus exprimi
uerbis diuina possunt, quàm intellectu apprehēdi:

quanto
sensu, q
tur ab
li, sens
ficioq;
aliqua
stas loq
ne natu
fit, ut q
rem diu
notum p
tio huma
cuerint o
pacto pr
tur: qui
morat:
re effi
cisse o
cabuli
sto com
corpore
tie com
rant; ne
explicat
liamq;
re uolu
em omni
nis, qu
Christu
tenetur

quanto ratio intelligendi longius recedere potest à
 sensu, quàm possit ratio exprimendi: quæ sic deduci
 tur ab intellectu; ut nequeat aliquo pacto à sensu
 li, sensusq; officio disiungi. Efficitur etià gratia, bene-
 ficioq; Dei, ut possit humanus intellectus percipere
 aliquid diuinitatis, cui tamen exprimendo, nec pote-
 stas loquendi sufficiat, nec uerbi cuiusquã ratio, si-
 ue natura competat, atque conueniat. Quà ratione
 fit, ut qui Dei beneficio, atque gratia ad perfectio-
 rem diuinitatis cognitionem peruenere, & ad diui-
 norum perceptionem ulterius, quàm natura, siue ra-
 tio humani intellectus ferat, processere: hi uel sub-
 cuerint omnino rati non esse conandum, quod nullo
 pacto præstari possit: quemadmodum fecisse reperi-
 tur: qui se ad tertium usque cælum raptum come-
 morat: uel tentarint uerbis exprimere quàm potue-
 re efficacibus, atque propinquis: quemadmodum fe-
 cisse censendi sunt tres discipuli: qui lucis, solisq; uo-
 cabulis conati sunt significare, quam uiderat in Chri-
 sto coniunctam humanitati diuinitatem: & quam
 corporis sine labe peccati, uirilisq; seminis immunditi-
 æ conceptionem maxima arcani ratione cognoue-
 rant; nomine albedinis, niuisq; candore tentauerunt
 explicare. Qui dum etiam retulere Moysen à se He-
 liamq; uisos, qui cum Christo loquerentur: indica-
 re uoluerunt uisam à se rationem, agnitamq; seri-
 em omnium, quæ nõ minus in prophetarum uaticinijs,
 quàm in legum traditionibus, atque institutis
 Christum referentia, Christoq; congruentia contine-
 rentur. O pulchrum, delectabileq; uisum. Quantæ

DE DIVI. IN HOMI. BENE.

voluptatis, quantæq; incunditatis fuisse putandum est uidere, atque percipere, quemadmodum singula quæque, quæ Mosis legibus, atque institutis continerentur, Christum indicarent, de Christoq; intelligerentur: & quoniam pacto symbolorum quorumcunque rationes convenirent, atque congruerent Christo significando, Christi q; beneficio in ratione salutis referendo, atq; designando. Quantum etiam delectationis, & gaudij eis affuisse credendū est; qui perciperent, atq; agnoscerent ea, quæ à prophetis sub uerborū inuolucris, rerumq; symbolis fuissent cōmemorata: tendere ad Christum indicandum, Christi q; salutare beneficium significandum: & non tam de signare munera, quæ Christi opera forent generi humano quærenda, quàm Christi ipsius ortum, conditionem, uitamq; indicare. Nemo non potest hinc nouisse Christi erga tres discipulos singularem amoris affectum, beneuolentiamq;: quos cum secum in montem excelsum deduxisset, & ad sublimem contemplationis speculam extulisset, suæ diuinitatis intelligendæ beneficio affecit: & non minus ad mysticam legum intelligentiam euexit: quàm ad prophetarum arcana percipienda admisit. In tres potius discipulos, quàm in omnes id genus beneficij à Christo fuisse collatum quisquā non admirabitur: si consideret pro conditione rerum, atque personarum uaria uarijs beneficia Dei, Christi q; bonitate, atque beneficentia impendi, atque distribui: & non æquam esse omnibus accipiendorum beneficiorum facultatem, atque aptitudinem. Impedit enim, erogatq; Deus pro

sua in conferendis beneficijs providentia, quatenus
 quenque idoneum, potentemq; accipiendi beneficij
 animadvertit: & quatenus collatum beneficium in-
 telligit, non fore pro eius, cui conferatur persona, at-
 que conditione superuacaneum, atque inane. Quĩ
 tres duntaxat in montem deduxit: tresq; solum ad
 diuinorum arcanorum perspectionem admisit: idem
 omnes pro sua larga benefaciendi proutitudine do-
 nauit ea potestate, eaq; uirtute: ut possent tam iu-
 bendo, statuendoq; , quàm miserando, parcendoq;
 sic alligare, sicq; exoluere: ut quæcunque alligarēt
 in terris, alligata forent in cœlo: & quæ exolue-
 rent in terris, æquē in cœlo essent exoluta. O pote-
 statem egregiam. O insignem authoritatem: quæ sa-
 nè omnibus discipulis concessa, non tam præcipuam
 Christi erga discipulos beneuolentiam, atque bene-
 ficentiam arguit, quàm Christi ipsius erga genus hu-
 manum studiosam curam, studiumq; beneficium o-
 stendit: quo adductus est, ut authoritate discipulis,
 discipulorumq; successoribus tradita publicè consule-
 ret saluti generis humani: et omnes procuraret tam
 flagris à malo deterrendos, quàm beneficijs, atque
 donis ad bonum inuitandos. Sed quoniam quæ exol-
 uendi, alligandiq; potestas, authoritasq; cōcessa à Chri-
 sto reperitur omnibus Apostolis: ea prius Petro pecu-
 liariter concessa memoratur: non mirum, si Petri, Pe-
 tri'ue successorum potestas in ratione exoluendi, at-
 que alligandi potior sit censenda cæterorum potesta-
 te qui sint Apostoli, Apostolorum'ue successores. Quĩ
 bus exoluendi, alligandiq; plenam potestatem tradi-

DE DIVI. IN HOMI. BENE.

dit Christus, eisdem pro sua maxima proficiendi homini propensione obtulit se præstaturum: ut quid quid concordēs animis, constantiq; proposito à cœlesti patre peterent, consequerentur prorsus, & impetrarent. Quin pro sua bonitate, suaq; erga hominē charitate, & benevolentia spondit nunquam futurum: ut duo, uel tres unā conueniant causa ipsius, aut rei cuiuspiam piæ, honestæq; gratia: quin ipse sit affuturus, seq; ipsum præsentem, adstantemq; exhibiturus. O benignam sponsonem. O largam, beneficamq; oblationem. Non solum enim Christus pro sua bonitate, suoq; benefaciendi homini studio se obtulit procuraturum apud patrem, effecturumq; omnino: ne quid, quod integro proposito, concordibusq; animis petatur; non impetretur, non obtineatur: sed etiam spondit se semper affuturū, præsentemq; se ipsum stiturum; ubicunque contigerit duos ex nobis, aut tres, nedum quamplurimos rei piæ, honestæq; causa unā conuenire. Quis dubitet ciues, cum simus hic in Christi nomine tot cōgregati, & tam piæ, honestæq; rei gratia: ut nihil honestius, piūq; magis queat esse, conuenerimus: Christum ipsum interesse, nobis adstare, hoc in loco præsentem se exhibere: & hic inter nos esse, atq; conuersari? Hic prorsus adest: huic nostræ diēctioni, nostroq; huic conuentui interest Christus. non uidetis, non agnoscitis ciues? est hic, hoc in loco adstet: præsentem se hic præstat, me audit, me admonet: & quæ dicam, proferamq; uobis, mihi suggerit, atq; dictat. Vnumquenque uestrum uidet, necnon ex-

actē observat, cuiusmodi uosmetipsos præbeatis in
audiendo: & quā attentos uosmet præstetis suæ
in uos beneficentiæ, & charitati intelligēdæ: quā
mea hac uoce uobis explicandam, ostendendamq;
decreuit. uocem, quā auditis; sonum uocis, quem
auribus accipitis; meum autumatote, mei q; huius
uitalis spiritus esse existimatote: cætera tam uerba,
quā sensa tam procul abest, ut audeam asserere
mea, mihi q; adscribere: ut ingenue fatear nihil eo-
rum, quæ dicantur, meopte ingenio, meopteq; mar-
te edi, atque excogitari: sed cuncta Christo mihi sug-
gerente, atque dictante proferri: & tanquā à rhap-
sodo, siue recitatore nudæ uocis opera explicari.

Quapropter cauendum est ciues, ne dum segniter,
& oscitanter quæ dicuntur à me, audiendo Christi
erga uos beneficentiam, & charitatem minus atten-
ditis, atque perpenditis: duplicem noxam incurra-
tis, & non solum Christum grauiter offendatis: ipse
us uerba negligenter accipiendo: ipsum q; mea uoce
loquentem incuriose auscultando: sed etiā in eum
turpi ingratitude peccetis, nihil minus attenden-
tes, aut agnoscentes: quā eius in uos insignē be-
neficentiam, atque charitatem. Excitate itaque uos
met ciues ad audiendum: & quæ Christi charitas, be-
neficentiāq; erga uos Christo ipso præsentē, atque di-
ctante à me explicatur; eā tam attentis animis, quā
gratis accipite: & nolite cōmittere, ut qui præsens
curat uos suæ erga uos beneuolentiæ, atque benefi-
centiæ admonendos: non quò exprobet, sed quò uo-
bis profit; fraudetur suo uobis proficiendi proposito:

DE DIVI. IN HOMI. BENE.

Et uestra incuria, atque ingratitude detineatur: quominus efficiat uos eius, quod maximum omnium ultro offert, beneficij participes: cuius quidem conferendi uobis tam uehementi pro sua bonitate, suaq; in uos beneuolentia, studio, desiderioq; tangitur: ut nisi ingratos prorsus uosmet praestetis, et in delinquendo pertinaces: resiturus non sit, quominus id uobis conferat: et eo tam parcendo saepe, quam noxas dimittendo uolentes, consentientesq; uos afficiat. Quam cupidus seruandi hominis, et quam studiosus consulendi, cauendiq; uobis sit Christus, ex ignoscendi promptitudine, remittendaeq; iniuriae facilitate animaduerti potest: quam cum praestet erga nos, a nobis quoque exigit inuicem praestandam. cōsultus enim a Petro, quoties ignoscendum esset offendenti, iniuriamq; inferenti, non solum septies, uti Petrus existimabat, sed et decies septies remittendam offensam, iniuriamq; condonandam respondit nimirum innuens huiusmodi decadis, atque septenarij numerali perfectione, toties in nos peccanti esse ignoscendum, quoties peccari cōtingeret. Hæc sanè in condonandis iniurijs facilitas, promptitudoq; Christi, quam cum exigit, omnino præstare reperitur. summa erga nos arguit, comprobataq; Christi ipsius charitatem, et ad succurrendum, proficiendumq; nobis maximam propensionem. quæ quidem Christi promptitudo, atque facilitas in remittendis iniurijs, condonandisq; noxis tam pro ea ex qua prodit, oriturq; in nos Christi ipsius charitate, non debet in offendendo eo, iniurijsq; afficiendo, faciles audacesq;

nos

nos reddere: ut conari omni studio, atque opera debeamus, ne quem adeo nostri amantem, nobisq; consulendi adeo studiosum ex huiusmodi ignoscendi promptitudine comperiamus; eum aliquo pacto offendamus, iniurijsq; afficiamus. Quenam hæc fuerit rei indignitas: ut quem pro sua bonitate facilem sciamus in condonandis iniurijs, & pro sua in nos charitate, & beneficentia promptum ad ignoscendum, offensasq; acceptas remittendū: non quæramus eum omni quo possimus genere officij, atque obsequij potius demereri: & ei potius, quatenus detur, mutuo amore, & charitate respondere: quàm iniurijs, offensisq; afficiendo, deteriore in dies causam nostram efficere; & tantò maiorem ingratitude notam incurrere: quantò maiorem parcentis, condonantisq; benignitatem cōtingat experiri. Hæc itaq; à Christo in condonandis iniurijs, remittendisq; offensis præscripta, præstitaq; facilitas, debet non solum prouocare nos ad colendum, amandum, mirificèq; obseruandum: quem sic benignum in nos, beneficūq; comperiamus: sed etiam tam exempli, quàm dogmatis ratione admonere; cuiusmodi præstare nosmetipsos debeamus in remittendis, condonandisq; iniurijs: quas adeo rependere, ulciscendoq; retaliare non debemus; ut tam Christi exemplo, quàm dogmate teneamur eas toties condonare; quoties eis nos affici contingat. Sed sicut ex Christi instituto, atque dogmate propti, facilesq; esse debemus ad ignoscendum offendentibus, iniuriasq; inferentibus parcendum: ita cauere nos oportet; ne cuiuspiā, quem

DE DIVI. IN HOMI. BENE.

fortè offenderimus, facilitas in remittendo nos in-
cautiores, audacioresq; reddat in offendendo: & ne
quæ offensi bonitas, atque benignitas in causa est;
ne quod intulerimus, recipiamus; inducat nos, ut
tam contra charitatis, quàm iuris diuini, atq; huma-
ni rationem amori odio, & benignitati respondeam-
us iniuria. Sicut bonitas, benignitasq; Christi, qua
se promptum, facilemq; præbet in remittendis iniu-
rijs debet prouocare nos ad amoris, & obseruantie
præstanda officia: ita quam sciamus cuiusquam be-
nignitatem in facili remittendis iniurijs, eam mu-
tuis benignitatis officijs prosequi debemus: & non
pati, ut quod amoris, & beneuolentie plurimū me-
reatur, ex eo occasionem offendendi, iniuriadiq; ar-
ripiamus: tametsi id occasionis à quoquā arreptum
iri non existimem; qui eum in condonandis iniurijs
se præstet, quem Christus exigit: quem omnino tem-
peraturum ab iniurijs inferendis sit credendum: aut
si contingat, ut aliquo pacto inferat, nihil magis æ-
grè laturum, quàm fuisse illatas. Non solum itaq;
ciues temperandum nobis est ab iniurijs inferendis,
sed etiam si quid nobis iniuriæ inferatur, tam non
debemus ultionem sumere, parq; pari iniuriando
referre: ut Christi exemplo, documētoq; debeamus
remittere quascunque iniurias, atque offensas; qui-
bus affici nos utcunque contingat. quod quidem si
minus fecerimus, nihil est cur cōfidamus Christum,
quem alioqui promptum, facilemq; in remittendis
iniurijs experturi simus: condonaturum nobis iniu-
rias; quas ei peccando intulerimus. dum enim illa

tas nobis iniurias condonare recusamus, & de acceptis offensis ulcisci nosmet studemus; indigni omnino simus, quibus Christus quidquam iniuriæ, atque offensæ remittat, atque condonet. Nisi faciles simus in parcendo, ignoscendoque eis, à quibus iniuriæ affecti fuerimus: & nisi benignè, innocueque nosmetipsos habeamus erga eos, à quibus offensi extiterimus: nullo pacto sperandum est, Deum nobis parsurum, nobisque ignotum, quatenus ipsum offenderimus, ipsumque iniurijs affecerimus. Tantum abest, ut facilem Deum in parcendo, ignoscendoque nobis simus habituri: nisi æquè nos parcamus, ignoscamusque: ut ex parabole, qua servus, cui à domino ignotum fuisset, conseruis non ignoscens inducitur, constare satis, abundeque possit, Deum deprehensis nobis ab ignoscendo alienis, reuocaturum etiam quid quid pro sua parcendi, ignoscendique facilitate semel remisit: & acriter vindicaturum in nos, repetiturumque tormentis etiam adhibitis, quod æris alioqui fuisset condonatum. Cum nihil iniuriæ, atque offensæ à seruo conseruis inferri queat, quin in offensam, iniuriamque domini ipsius redundet: non mirum, si cui se benignum, beneficumque præstiterit dominus: simulac eum cognouerit conseruis iniurium, atque infensum; & tam contra suam uoluntatem, quam præscriptum commiserationis seuientem in conseruos; ipsum tanquam ingratum, atque immerentem cogat exactè eorum, quæ remisisset, rationem reddere: & rescisa ob ingratitudinem omni, quam fecisset, debiti condonatione exoluere compellat quæ

DE DIVI. IN HOMI. BENE.

dranti tenus, quodcunque ei debitum alioqui remi-
sisset, atque condonasset. Qui servus debitor exper-
tus fuerat dominum in se benignum, atque libera-
lem: is si nulla habita ratione benignitatis, atq; be-
neficentiae à domino in se exercitae cōtra domini pro-
positum, atque uoluntatem saeuiter se habeat, atq;
immaniter cum conseruis sibi aliquid debentibus:
tum propter ingratitudinem, qua peccat in domi-
num, tum propter iniuriam, offensamq; quam do-
mino infert, conseruis inferendo: tam meretur pri-
uari omni iure condonati, remissi q; debiti; quàm se-
rursus reum efficit, atque constituit omnium, quae
semel sibi remissa, condonata q; fuerint. Nobis im-
putandum, nobis adscribendum omnino fuerit ci-
ues, si ulciscētes iniurias, iniurias q; inferentes fa-
cilem, promptum in remittendo, ignoscendo q; nobis
Deum non obtinuerimus: & quae forte remissa, con-
donata q; fuerint, exoluere coacti fuerimus: quoniā
cuius bonitate, cuiusque benefica benignitate ab-
utamur; & in quo offendendo, iniurijsque af-
ficiendo persistamus: non solum nos ipsos indi-
gnos constituimus, qui cum benignum, libera-
lem q; experiamur, & ab eo aliquid beneficii ac-
cipiamus: sed etiam inhabiles ad accipiendum, &
ad retinendum, quod acceperimus, impotētes con-
stituamus. Quem in remittendo iniurias, condo-
nando q; nobis, quod debeamus, benignum, bene-
ficum q; ostendimus: eum quoque quā benefi-
cum, liberalem q; simus experturi in accipiendis
præmijs, mercede q; operarum, atque obsequio

nm, q
gruā f
benefi
promp
rando
famili
lendā
Christi
enti de
duxerat
deinde
accessi
tem, e
merced
operam
que in
dio u
os, t
imper
in ope
dere,
ferio.
cedem
offerat
te hui
colenda
largitat
quam
buend
tiones

rum, quæ ei impenderimus, eiq; præstiterimus, congruū fuerit hic explanare. Quam liberalitate, quāq; beneficentia agatur Deus erga hominem; & quā promptum sit, & liberale Dei studium in remunerando homine, beneficijsq; prosequendo; ex patris familias parabole, qui operarios ad vineam excolendam mercede conduxerat, abunde declaravit Christus. dum pater familias typo valde congruenti designans Deum, qua larga mercede conduxerat mane operarios, eandem omnibus, qui deinde quacunque hora diei in vineam operatum accessissent, præstitit: suam nimirum largitatem, atque beneficentiam testatus est. nam quod mercedis fuerat etiam mane conductis, totoq; die operantibus largiter, liberaliterq; oblatum; id æquè impendens, erogansq; eis, qui vespere, medio vè die sint conducti: tam se largum in operarios, tamq; beneficium ostendit: ut videri possit, quod impendat, atque præstet, pro sua liberalitate, suoq; in operarios studio potius præstare, atque impendere, quā pro ipsis operis, ipsoq; operandi ministerio. Quis enim non intelligat ciues eam esse mercedem, eiusmodi esse præmium, quod Deus nobis offerat; si in vineam operatum concedamus: & vitæ huius studio virtutum, pietatisq; operibus excolendæ rationem ineamus: ut id ipsum potius Dei largitati, Deiq; in nos benignitati, & beneficentiæ, quā cuiusquam nostri operantis merito sit attribuendum? Nam si omnes huius vitæ rectæ operationes, omnesq; labores pie, sancte q; in hac vita su-

DE DIVI. IN HOMI. BENE.

scepti ex Apostoli sententia, ne minima quidem ex parte æquare possunt mercedem illam, quam præparavit, destinavitq; Deus piè laboranti, recteq; operati in uinea uitæ huius homini: quis non percipiat in constituenda id genus mercede Deum suæ bonitatis, suæq; beneficentiæ rationem potius habuisse, quàm cuiuspiam laboris, operationis, meritiq; humani? Quòd si tam larga, tamq; preciosa mercede nulli toto etiam uitæ spacio ab homine obiti labores, nullæq; huius uitæ totius operationes dignæ existimantur: si mercedis huiusmodi conditio quodcunque laborantis, operantisq; iugiter in hac uita hominis meritum exuperare ita censetur; ut Dei potius liberalitati, beneficentiæq; quàm merito cuiquam hominis adscribi mereatur: quis non intelligat Dei, patris uel familias, qui tantum mercedis etiam ei tribuat, qui extrema diei hora duntaxat in uinea operatus sit: eam esse liberalitatem, atq; beneficentiam, ut ipsa nec satis ore exprimi, nec ingenio satis complecti possit. O benignum, liberalemq; Deum. O largitatem, beneficentiamq; Dei erga hominem singularem. Denarium salutis non solum eis, qui mane conducti toto die in uinea sint operati, soluit; sed etiam eis præbet, qui uel extrema diei hora ad uineam excolendam accesserint, breuemq; operam, atque laborem in colenda uinea præstiterint. Quacunque hora diei operarius se contulerit ad uineam colendam, et quocunque tempore uitæ rationem rectè operandi iniecit homo; salutiq; querendæ operam dederit; fu-

turum est, ut pro insigni patrisfamilias liberalitate, & pro summa Dei bonitate, & beneficentia denarium salutis accipiat: & perinde ac si toto die operam præstitisset, mercedem consequatur. Quo uero iure, quæue ratione fiat; ut tantum mercedis obtineat, qui duntaxat horam in uinea sit operatus, quantum consequatur, qui totum diem, quàm longus est, laborarit: si quis fortè curiosius inquirat: nihil aliud ausim respondere, quàm quod respondisse ipsum patrem familias mane conductis apparet: ex qua quidem responsione colligitur, egregiam Dei liberalitatem huiusmodi æquate mercedis causam esse: & id genus æqualitatis ex ingenti Dei benignitate, atque beneficentia provenire. Qui diutius laborarit, diuturniusque in uinea fuerit operatus, non habet, unde iure queri possit: si ob liberalitatem patrisfamilias eos uideat, qui modico tempore operati sint, eandem, quam ipse, mercedem accipere: dummodo ipse eam habeat, quæ etiam multò maior ex liberalitate patrisfamilias sibi sit constituta, quàm diuturni laboris, atque operæ meritum exigeret. Non est cur mussetur, non est cur offendiculum concipiatur: si quæ bonitas, & liberalitas est ipsius patrisfamilias, merces cuiquam operario tribuatur longè maior, quàm præstitæ operæ breuitas mereatur: cum quod mercedis erogatur eorum etiā, qui diutius operati sunt, ratione, non paruum Dei remunerantis liberalitatem, atque beneficentiam contineat. & si ea

DE DIVI. IN HOMI. BENE.

est arcani consilij, diuinæque providentiæ ratio,
ut intellectui humano aliquo pacto patere ne
queat: tamen si quidquam ulterius audere, aut
effari nobis liceat; & præter patrisfamilias re=
sponsum, quod pro temporis, & personarum
conditione satis opportunum fuit: aliquid super
huiusmodi mercede soluta operarijs tam uestire,
quàm mane conductis perscrutari: non nihil
fortasse poterit super hac re afferri; quod nec absur=
dum creditu uideri possit, nec à Dei exacta iustitia,
æquali; in omnes homines propensione alienum.
Cum enim in salutis ratione laborantis, operantisq;
hominis non tam diuturna operatio uim obtinendæ
mercedis habeat, quàm uehemens operandi conten=
tio; mirum non fuerit, si qui tam contente opere=
tur, ut modico tempore operando æquet operam e=
ius, qui licet diutius operatus sit, tamen sese re=
missius habuerit in operando: æqualem cum eo
mercedem consequatur. ita fit, ut non minus iustitiæ
diuinæ, quàm liberalitatis, & beneficentiæ ra=
tio sibi locum uendicet. dum enim æqualem mer=
cedem non habita ratione temporis consequuntur,
qui æquè profecerunt operando: diuinæ iustitiæ ra=
tio optimè custoditur. quatenus uerò longè ma=
ior, longèq; preciosior merces constituitur operan=
tibus, quàm merita operantium exigant, & quàm
operarum præstatio mereatur; Dei liberalitas, di=
uinæq; beneficentia comprobatur. Deus itaque,
qui pro sua summa liberalitate, & beneficentia ho=
mini piè operanti, in uinea; salutis laboranti

longè maiorem mercedem, multoq; preciosius præ-
 mium decernit, quàm quod aliquo labore, aliqua
 ue opera mereri possit, animaduertens suæ esse iusti-
 tiæ æquam æquali operationis profectui mercedem
 deferri, quos comperit æqualiter, licet inæquali tē-
 pore promeritos, atque operatos: eos æquali merce-
 de remuneratur, atque donat. Quòd si efficaciam
 operandi, profectumq; operationis humanæ tribuen-
 do Deo rursus eundem scopulum incurramus; &
 non minus uim contentius operandi, quàm æquata
 mercedis rationem Deo ipsi deferendo, incidamus in
 eundem admirationis nodum: quidquid scopuli fue-
 rit, ni fallor, superari, et nodus omnis Herculeo more
 exolui poterit: si quæ ratio, efficaciaq; rectè operadi,
 et qui profectus humanæ operationis Dei gratiæ, Dei
 que uirtuti adscribendus est, consensum etiam homi-
 nis requirens existimetur: & quæ diuinæ liberalitatis,
 & beneficentiæ ratio æquè omnes homines respiciat;
 pro consentientium, permittentiumq; se affici, condi-
 tione redigi ad certos consideretur. Quæ enim Dei
 gratia, Deiq; beneficentia omnes respicit: cum ple-
 rosq; repugnantes, quosdam consentientes inueniat;
 euenit, ut salutarem profectum duntaxat pro con-
 sentientium, minusq; repugnantium numero pari-
 at. Sed sicut pro maiori repugnantium, quàm con-
 sentientium numero Dei gratia, atq; beneficentia
 profectum, operationemq; salutarem in pauciori-
 bus edit: ita profectus ipse, operatioq; salutaris pro
 uario consentientium affectu, atq; promptitudine
 differentem, uariamq; uim, atq; efficaciam conse-

DE DIVI. IN HOMI. BENÉ.

qui, continereq; potest. Quò fit, ut non solum uaria, differensq; meritorum ratio constituatur; & pro uaria, dispariq; profectus ratione disparis, uariq; cõditionis merces diuina ex iustitia decernatur: sed etiam par, æquaq; salutaris operationis, atq; profectus ratio conficiatur dispari, differenti; temporis spatio. Vnde mirũ uideri non debet, si quem Deus conductum uespere conducto mane parem profectu, meritoq; operandi esse deprehendat: ei æquẽ parem tribuat, impendatq; mercedem. Nullo pacto existimandus est acceptator esse personarum Deus; qui pro sua bonitate, suaq; consulendi omnibus propensione neminẽ prætermittit, cui se beneficium non offerat, atque exhibeat: cuius quidem salutarem beneficentiam si pauci sint, qui agnoscãt, admittãtq;: nihil est, cur detrahi possit eius beneficentiæ, eiusq; erga omnes charitati, & beneuolentiæ: sed omnis culpæ, detrimentiq; ratio reicienda est in ipsum hominem: qui pro sua nequitia, suaq; malè agendi promptitudine non permittit à Deo se dirigi in uia salutaris profectus; nec se sinit saluari beneficio affici. Bonitatis enim, & beneuolentiæ diuinæ est, ut multi, omnes uocentur, interpellenturq; ad uirtutum cultum, salutisq; studium. sed humanæ prauitatis est, et nequitia, ut pauci sint, qui uocationi consentiant, interpellationemque admittant. Quatenus multos, omnes uocet, interpellatq; Deus ad cultum pietatis, studiumq; salutis suam eximiam erga genus humanum beneuolentiã, suamq; consulendi, proficiendiq; omnibus propensione

ostendit, atq; declarat. dum enim uocat, atque interpellat, se beneuolum, studiosumq; proficiendi monstrat: & se beneficium offert, prorsusq; paratum exhibet ad conferenda salutaria beneficia, modo permittatur. Si uero adeo pauci sint, qui uocanti, interpellantiq; Deo consentiant; & se beneficio salutis à Deo affici permittant: id imputandum est omnino hominis ipsius prauitati, non autem cuiquam angustæ Dei liberalitati: qui dum se promptum, paratumq; omnibus salutari beneficio afficiendis præbet; non deest, quin seruet omnes, omnesq; albo salutis adscribat. Studiosam Dei curam in uocandis ad salutem hominibus, & ad salutare beneficium accipiendum interpellandis optime Christus ostendit patrisfamilias parabole: qui non solum mane interpellandos ad cultum uineæ operarios curauit: sed etiam tertia, sexta, nona, undecima que diei hora prodiens, qui ociosi in foro existerent, interpellauit; & ad præstandas uineæ colendæ operas proposita mercede inuitauit. Sed qui typo patrisfamilias omni adhibita diligentia procurantis ad cultum uineæ operarios conducere refertur Deus: idem typo hominis ad magnam, splendidamque cœnam multos inuitantis designatur: qui cum pro sua bonitate, & liberalitate multos ad cœnam inuitasset: & ex eis alius, quo minus ad cœnam posset accedere, excusasset uisendam uillam; alius emptos boues; alius ductam uxorem; alius aliud imminens negotium: iussit seruum adire plateas, uicosq; omnes ciuitatis; & ad paratam cœnam ad-

DE DIVI. IN HOMI. BENE.

ducere pauperes, cecos, claudos, debiles, et quicunq; uellent accedere. quod quidem cum ex iussu domini procurasset seruus. & tamen pro recusantium, nolentiumq; accedere numero, loci adhuc plurimi in conuiuio uacarent; iussus est in uias, angustiasq; concedere, & quoscunq; inueniret, interpellatos cogere, ut intrarent, ad coenamq; conuenirent. O maximam Dei liberalitatem. O summum in iuuando, seruandoq; homine Dei studium. Non solum enim Deus pro sua benignitate, suaq; liberali, & beneuola erga hominem uoluntate procurat ipsum hominem ad coenam beatitudinis, conuiuiumq; salutis acciri; sed etiam eum, si forte pro segnitia, atque ignorantia renuat ingredi, cogi mandat, atque impelli. Adeo Deus nulli beneficio salutis afficiendo diuersum se præbet; adeo nulli suæ beneficentiæ, liberalitatisq; salutare munus subtrahit; ut non modo accersat ipsum hominem ad salutis beneficium accipiendum; sed quibusdam etiam modis eum cogat, atq; impellat accipere: dum uel destinatis legatis eum monitis urget, & adhortationibus; uel illatis calamitatibus, atque infortunijs eum cogit respicere, relictisq; peccatis uiam salutis, atque ueritatis inire. Suam, patrisq; Christus curam, & provisionem erga hominem iuuandum, beneficioq; afficiendum sic patris familias, symposiarchesq; parabole exprexit: ut non solum ad beneficium accipiendum ostenderet à se uocari, interpellariq; hominem, sed eum etiã cogi, atq; impelli declararet. Qui se studiosum iuuandi hominis typo patris familias,

symposiarchesq; ostendit; idem se ministrum esse
 prædicauit, qui saluti hominis inserviret; suaq; ope-
 ra, atque ministerio hominem tuendum, benefi-
 cioq; salutis afficiendum procuraret. Cum enim di-
 scipulis, quemadmodum se habere deberent ratione
 dignitatis, atque præstantie, præscriberet: se mini-
 strum asseruit, & se ministrandi, inserviendiq; a-
 lijs gratia accessisse attestatus est: qua quidem atte-
 statione non solum suam bonitatem, suamq; profi-
 ciendi, succurrendiq; homini curam, & studium cõ-
 probavit; sed etiam exemplum reliquit, documen-
 tumq; tradidit; quonam pacto se habere debeant, quæ
 dignitate, potestateq; præstet, & qui alijs maiores
 esse videantur. Qui sanè si Christum imitari, Chri-
 sti q; instituto, atque documẽto adhærere voluerint;
 tantum abest, ut possint quid sibi superbi imperij,
 imperiosi q; fastus in cæteros vindicare; ut debeant
 passim inservire; & quatenus uniuscuiusq; utilitas,
 atque necessitas exigat, operam, studium, officiũq;
 præstare. Nostri præsules, nostri q; antistites quid-
 quid iuris, atq; potestatis ex Christi traditione, Chri-
 sti q; delegatu in nos habent; id ex eiusdem Christi
 documento, atque exemplo exercere benignè, bene-
 fice q; debent; et omni sublato fastu, pompa q; domi-
 nandi omni dimissa nostræ utilitati, nostris commo-
 dis, nostræ q; saluti sic incumbere; ut nec superbè,
 nec arroganter, nec avarè erga nos se gerant: sed
 prout nos excellunt dignitate, et authoritate præstant;
 ita quod dignitatis, authoritatis q; habent; id to-
 tum impendant, prout Christi, qui tradidit, pro-

DE DIVI. IN HOMI. BENE.

positum exposcit, nobis consulendo, nostram utilitatem procurando, nostræq; saluti, atq; incolumitati inserviando. Quod quidem si minus agant, tam Christi instituto non satisfaciunt, tamq; uestigijs Christi, atque Apostolorum non insistant; ut cum dominari, non inservire studeant: uel quod iuris, atq; potestatis habeant, amittere sint existimandi: uel potius gentium principibus æquiparandi: quorum dominandi superbum morē auersatus est Christus: et à se, suisq; exclusit, atque exterminavit. Ea Christi ciues fuit erga genus humanum charitas, & beneficentia; ut quæcunque officia beneficè in hominem præstari possunt; & quæcunq; in hominem quocunq; personæ titulo beneficia conferri queunt; ea omnia præstiterit, uel paratum se præstare obtulerit. Quæcunq; à patre beneficè in filium, quæcunq; à filio officiosè in patrem præstari possunt; ea Christus in hominem præstitit, uel paratum se præstare obtulit. Quodcunq; genus beneficij, et liberalitatis à domino in seruos exerceri, & quodcunq; genus obsequij, operæq; inuatis à seruo, ministro'ue in dominum impendi potest; id omne Christus in hominē executus est, uel se executurū, quatenus pmittatur, sponndit. Nulla officiosa præstatio, nullaq; benefica opera amici erga amicum, & consanguinei erga consanguineum esse potest; quam erga hominem Christus non exercuerit, uel causa hominis se exerciturum non sit professus. Quidquid deniq; officij, beneficij, obsequij piè, amantèr; homini ab homine præstari potest; & quidquid ex cuiusquā cōditione personæ beneficè fieri, liberali

imped
sic im
fandi o
ab soluer
sulendo
officia,
officij, at
quæcunq;
lum perso
liberalit
feminas,
biles, quæ
beneficijs
minus se
nas, quæ
prosecu
prosecu
bonita
lo se f
uitijs, r
fendis p
enim eos
uitijs, e
sent, q
uitamq;
qui secu
prætere
ceperunt
beneficio
ri, decen

ter impēdi, studiose exhiberi ualet; id Christus sic præstē
 tit, sic impendit, sic exhibuit ipsi hominib; ut omnem præ
 standi officij, conferendiq; beneficij rationem unus
 absoluerit, atque impleuerit. Sed sicut Christus con
 sulendo, proficiendoq; homini cuiuscunq; personæ
 officia, & munera impleuit; & nihil prætermisit
 officij, atq; beneficij, quod aliquo personæ titulo in
 quenquā benignè, amanterq; conferri posset: sic nul
 lum personarum genus reliquit, in quod se beneficiū,
 liberalē, salutarem nō præbuerit. Tam mares, quā
 fœminas, tã iuuenes, quā ætate prouectos, et tã igno
 biles, quā nobiles uarijs tū animorum, tū corporum
 beneficijs affecit. non minus filios, quā parentes, nō
 minus seruos, quā dominos, nec minus alienige
 nas, quā gentiles uarijs beneficiorum generibus
 persecutus est. Varios uarijs beneficijs sic affecit, sicq;
 persecutus est Christus: ut non minus potentiæ, quā
 bonitatis, & amoris argumenta proferens a nul
 lo se frustra rogari passus sit: & tot à morbis,
 uitijs, morte liberarit: ut eis singulatim recen
 sendis plurimum operæ sit necessarium. Præter
 enim eos, quos recensuimus uarijs morbis, uarijs
 uitijs, & morte liberatos: plures adhuc adduci pos
 sent, qui beneficio, uirtutē que Christi sanitatem,
 uitamq; consecuti sint. possent enim duo cæci,
 qui secus uiam confidebant, commemorari; qui
 prætereuntis Christi opem implorantes, uisum re
 ceperunt; & qua detinebantur cæcitate, Christi
 beneficio liberati fuere. possent præterea recense
 ri, decem leprosi; qui iussi se sacerdotibus ostendere,

DE DIVI. IN HOMI. BENE.

dū quò iussi pergerent, Christi uirtute, atq; potestate,
qua perfusi erant contagio, sanati sunt. Excitatum
quoque Marthæ fratrem; qui quatruiduo ante obi-
uerat, adferre possem: & commemorando explica-
re, quantum fuerit id beneficentiæ, & charitatis;
quod tum erga fratrem, tum erga sorores Christus
ostenderit. Syderatum sub piscinæ porticu iacentem:
demissos ablatis tecti imbricibus paralyticos, clau-
dos, surdos, debiles, pluresq; alios morbis, langori-
busq; uarijs obsessos; qui Christi beneficio curati fue-
re: possemus etiam separatim prosequendo in me-
dium afferre; & pro cuiusq; corporei morbi, uitijq;
curati diuersa ratione diuersas animorum pestes,
& morbos Christi beneficio curatos typo explicato de-
monstrare. Sed quoniam singula quæq; Christi be-
neficia, atque miracula exactè exequi, singillatimq;
explicando ad allegoricum, mysticumq; sensum re-
digere, pro numero ipsorum, & uarietate tam lon-
gi, difficilisq; foret laboris: ut si nos id tentaremus,
facile pro uirium debilitate possemus labori succum-
bere: & uideri non satis loci, temporis, uestriq; ra-
tionem habere; quamplurima dimittimus: quæ li-
cet numero distinctam ab eis, quæ explicauimus, ra-
tionem habeant: tamen cum eandem uirtutem,
eandemq; proficiendi propensionem præferant; &
non nihil interpretamenti, quatenus ad allegoriam
pertinet, ex iam interpretatis possint accipere: non
ab re uidentur posse prætermitti. Quæ relata, expli-
cataq; fuere, sunt eiusmodi: ut ea nullis alijs acce-
dentibus sufficere, satisq; esse possent, diuinæ Chri-
sti

si pote
rifica
homin
est ra
Christi
dum b
alijs, q
Christus
ritatis,
ta edidi
benefici
proba
re poss
que ch
minem
& can
bonu
tit, a
te, ta
excite
mandi
a natu
Cum ita
tis, at
am salu
endo so
maduer
extreme
salutis
rosolim

sti potestati, atque uirtuti ostendenda, & eius mi-
 rificæ, singulariq; charitati, & beneficentiæ erga
 hominem significandæ. Eorum, quæ retulimus, ea
 est ratio: ut qui non agnoscat ex eis diuinam
 Christi potestatem, Christi q; miram ad proficien-
 dum homini promptitudinem, nec ex aliquibus
 alijs, quæ similis sint farinæ, sit agniturus. Cum
 Christus tribuendo conferendoq; maxima suæ cha-
 ritatis, & beneficentiæ erga hominem argumen-
 ta edidisset; & se bonum, potentem, amantem,
 beneficumq; curando, sanando, uiuificandoq; com-
 probasset: ne aliquid omnino relinqueret, quo fer-
 re posset testimonium suæ immensæ bonitatis, suæ
 quæ charitatis, & beneficentiæ singularis erga ho-
 minem: se ipsum tormentis, probrisq; tradendo,
 & causa hominis mortis se se obijciendo, tam se
 bonum, tamq; amantem hominis ipsius se præsti-
 tit, atq; ostendit: ut quisquis tam insigni bonita-
 te, tamq; eximio in se amore, & charitate non
 excitetur, non inducatur ad eum colendum, a-
 mandumq; ; censendus sit penitus inhumanus, &
 à natura hominis prorsus abhorrens, atq; alienus.
 Cum itaq; Christus editis tot miraculis, totq; institu-
 tis, atq; documentis traditis, atq; diuulgatis ui-
 am saluti strauisset; & pro salutis beneficio constitu-
 endo solida fundamenta iecisset: tempus iam ani-
 maduertens appetere, quo ratio salutaris beneficii
 extremam manum acciperet: & quo iam cœptum
 salutis opus absolueretur: constituit urbem Hie-
 rosolimam, ubi salutis humanæ perficiendæ gra-

DE DIVI. IN HOMI. BEN E.

tia probra initurus, tormenta passurus, mortem
subiturus erat, accedere. Quare totius rei, prius-
quam quid eveniret, successu discipulis indicato
duos ex illis misit; qui asellum commodato acci-
perent; cui regiam urbem ingressurus insideret.
Qui nunquam, nisi pedes iuerat, qui toties pedes
urbem Hierosolimam petiuerat; iam mortem adi-
turus, salutisq; negotium confecturus conscendit
asellum, urbemq; ipsam comitantibus discipulis, &
solenni pompa quam plurimis occurrentibus in-
gressus est. par enim, conveniensq; fuit; ut qui
illustrem triumphum de morte acturus, & mor-
te devieta, subactoque peccato triumphaturus ur-
bem ingrederetur; more triumphantis incederet,
instarq; eorum, qui de hoste triumpharent, solen-
ni pompa exciperetur. congruum quoq; fuit, &
consentaneum; ut qui tormenta perferendo,
mortemq; oppetendo iam sibi gloriam, sibiq; cele-
britatem paraturus erat, non uti antea pedes, sed
sublatus asello incederet; & non priuatim, uti so-
leret, sed publice, solenniq; pompa ingrederetur.
Qui toties se manibus, impetitionibusq; maleuo-
lorum, ne occideretur, subtraxerat; qui toti-
es, ne quid detrimenti pateretur, ne u e quid subi-
ret periculi, se se in tutum receperat: iam se in apertum
discrimen coniicit; iam se ultro offert morti; iam se se ex-
hibet occidendum. O miram Christi providentiam. O ex-
actam in iuvando, servandoq; homine Christi cu-
ram, et diligentiam. subtraxit se periculis, mor-
temq; devitavit, quousq; suam operam, suumq; of-

scium
pronoc
cessari
mentis
satis q
liberan
uenda
superess
nem ch
consuler
non det
tro in
dum ob
stus ad
pulis co
sti, ce
ueter
tas;
ne tar
nitute
uanda
salutis
ferenda
dum e
gereret
sa cust
qui typ
mani
dicatar
stertio

ficiū pro instituendo homine, in studiumq; salutis
 prouocando, atq; excitando animaduertit esse ne-
 cessarium. Simulatq; uerò sensit monitis, docu-
 mentisq; satis esse indultum, & salutis rationem
 satis esse ostensam: quam mortem pro seruando,
 liberandoq; homine, & pro salutis ratione absol-
 uenda, complenda que appetendam, subeundamq;
 superesse nouerat: ob singularem suam erga homi-
 nem charitatem, & ob suum ingens succurrendi,
 consulendiq; homini studium, & desiderium adeo
 non detrectauit, adeo non subterfugit; ut se ul-
 tro in periculum coniecerit, & se ultro occiden-
 dum obtulerit. Urbem Hierosolimam ingressus Chri-
 stus ad eum diuertit, apud quem sibi, suisq; disci-
 pulis cœnam parari iam commiserat. cum enim fe-
 sti, celebresq; dies azimorum adessent, & ex more
 ueterum Hebræorum solennis instaret Phases celebri-
 tas; quæ occisi agni immolatione, atq; comestio-
 netam ad eius diuini beneficii, quo ab Aegypti ser-
 uitude liberati fuissent Hebræi, memoriam conser-
 uandam tenderet; quàm typo referret beneficium
 salutis, quod generi humano Christi opera esset con-
 ferendum; eiusmodi morem sibi quoq; seruan-
 dum duxit Christus: & non minus typi, quod
 gereret, quàm memoriæ, quam tueretur, cau-
 sa custodiendum. Cum foret ipse Christus, qui a-
 gni typo designaretur; & qui ueram generis hu-
 mani liberationem typo Aegyptiæ liberationis in-
 dicatam afferret: insigni diuinæ prouidentiae my-
 sterio effectum est, ut ueri agni immolatio, ueraq;

DE DIVI. IN HOMI. BENE.

liberatio in id temporis incideret, quo typici agni
immolationem fieri, & symbolica liberationis me-
moriam celebrari ex Dei mandato, ueterumq; insti-
tuto contingeret. Christus itaq; constituta ex ueteri,
solenni; more coena cum benignè, amanterq; di-
scipulos accepisset; benignitatem benignitati adij-
ciens, & suam bonitatem cum summa charitate
coniunctam multò illustriorem reddere uolens, sur-
rexit à coena; & candenti præcinctus linteo pelui
aquam indidit; & pedes discipulorum summissus la-
uit, atque absterfit. O summam bonitatem. O ad-
mirandam summissionem. qui magister erat, &
præceptor, discipulis pedes lauit, linteoq; absterfit.
qui dominus erat, atque Deus, erga seruos, atque
homines usus est ministri officio; & eorum pedes la-
uit: quos pleno iure sibi obnoxios, subiectosq; sciret.
Hoc sanè genere ministerij in discipulos præstiti non
magis discipulos, quàm nosmet admonitos uoluit
Christus, quàm benignè sit semper agendum, &
quàm summissè, atque humaniter omnibus, quan-
tum fieri potest, inseruiendum. Postquam pedes di-
scipulis lauit Christus; & pedum ablutione facta a-
nimaduertit discipulos; qui alioqui præter pedes fuis-
sent mundi, sic sensuum affectu expurgatos, sicq;
ad piè sentiendum, recteq; agendum animatos, ut
ne cogitationis quidem, aut affectus cuiuspiam labe
teneretur: rursus ad mensam, quò beneficium be-
neficio superadderet, & maiorem suæ bonitatis
suæq; in discipulos charitatis, & beneficentiæ signi-
ficationem proferret: panem ex mēsa manibus acce-

ptum, & in sui corporis substantiam immutatum
 discipulis præbuit edendum: & uinum cratere exce-
 ptum, in suiq; sanguinis substantiam conuersum ob-
 tulit, tradiditq; bibendum. priusquam enim mortē
 oppeteret Christus, studuit id genus muneris, atque
 sacramenti instituere; quo non solum sui memo-
 riā discipulis relinqueret, suamq; ingentē in discipu-
 los charitatem, atq; beneficentiā testaretur: sed etiā cæ-
 teros, qui futuri essent, sui memores redderet; suæq;
 charitatis, & beneficentiæ participes efficeret. Quo-
 nam enim pacto suam erga hominem charitatem,
 beneuolentiamq; melius, efficaciusq; Christus po-
 tuisset exprimere, quā sui corporis in cibum, suiq;
 sanguinis in potum substantiam ei tribuendo? O rē
 stupendam. O eximium charitatis, beneuolentiæq;
 argumentum. Huiusmodi sacramenti institutio-
 ne maiorem ne suæ potentiae, atque uirtutis, an
 charitatis, & beneuolentiæ testificationem ediderit
 Christus, sic hæsitari potest; ut tamen facile dignos-
 ci queat eum tam ratione charitatis, quā poten-
 tiæ modum omnem excessisse, & metas humanæ cō-
 prehensionis transcendisse. Vt uinum uertatur in
 sanguinem, & ut panis substantiam corporis, atque
 carnis suscipiat, nulla naturali concoctione, apposi-
 tione, unione, assimilationeq; interueniente, pro
 ut nulla naturæ uis, atque facultas exequi potest:
 ita nulla naturalis, humanæq; charitatis uis, at-
 que ratio quit efficere: ut quis suum sanguinem
 in potum, suamq; carnem in cibum cuiquam præ-
 bere, offerreq; sustineat. Pro ut nulla ui potesta-

DE DIVI. IN HOMI. BENE.

teq; naturæ fieri potest, ut superante rei specie, & superstitibus, quæ rei accidunt, qualitatibus res ipsa uertatur in aliam rem; & suapte amissa substantia in aliud sic immutetur; ut tamen quam habuerit speciem, & quas natura qualitates consecuta sit, nulli subiecto adnexas retineat, atque conseruet: ita nulla humani, naturalisq; affectus ui, nullaq; cadentis in hominem charitatis efficacia fieri potest, ut quis pro sua in quenquam charitate, & beneuolentia suum sanguinem ei in potum præbeat, suamq; ipsius carnem ei offerat in cibum. Christus hoc instituto sacramento suam ipsius carnem sic comedendam, suamq; ipsius sanguinem sic bibendum homini præbet, offertq;: ut qui comedat, bibatq;, Christum ipsum in se sit habiturus, & ipse in Christo omnino sit futurus. Virtute huius sacramenti fit, ut Christus ita constituatur in homine, homoq; ita insertetur in Christo; ut mutuo complexu cohæreant, mutuaq; societate conueniant. O dulce sodalitiū, iucundumq; complexum, quem contingit esse homini cum Christo. O mirificam dulcedinem. O iucundam, suauemq; uoluptatem, quam sentit, quam percipit, qua fruitur homo, dum Christo inest, Christumq; in se habet. Qui Christum in se habet, habet in se uitam, atq; salutem. qui Christo inest, est in felicitate, est in beatitudine: cum Christus ipse sit uita, sit salus, sit felicitas, atq; beatitudo. Sed si uolumus ciues sic Christi carnem edere, sicq; Christi sanguinem haurire; ut Christus in nobis constituatur, nosq; in Christo exi-

stamus: oportet nos instar eorum, qui agnum Phas-
 ses comedebant, esse circumcisos, nec solum glande
 circumcisos, sed toto corpore, atq; animo. Nisi cura-
 uerimus nos tam animo, quàm corpore circumciden-
 dos; & omnes in nobis tam agendi, quàm cogitan-
 di sordes abradendas: nihil est, cur arbitremur nos
 aptos, atq; idoneos, qui Phasem agamus, ad agniq; es-
 sum admitti ex Dei instituto iure possimus. Qui sic
 procurarit carnem Christi sibi edendam, Christi-
 sanguinem sic bibendum: ut non minus Christum
 imitetur corporis, quàm animi officiis; & tam cor-
 pore, quàm animo præstet, quæ à Christo constet
 in ratione uiuendi fuisse præstita: is procul omni du-
 bio Christum in se habere, in Christoq; esse existi-
 mandus erit. Quod si quispiam, qui nihil minus
 agat, quàm quod Christo conueniat; Christi-
 uitæ, atque institutionibus congruat; arbitretur se
 posse Christi carnem edere, Christi-
 sanguinem potare: & edendo, bibendoq; Christum in se admit-
 tere, seq; in Christum inferre: tam fallitur, tamq;
 decipitur prorsus: ut quod signi, siue sacramenti as-
 sumit, atq; deglutit; adeo ad uitam, salutem, beatitu-
 dinemq; comparandam, quæ Christus est, nihil con-
 ferat: ut maximam calamitatis, atq; mortis ratio-
 nem habeat adducendæ. Si nihil aliud etiam benefi-
 centiæ in discipulos exercuisset Christus; nihilq; al-
 liud benignitatis, & charitatis ostendisset; quàm
 quod exercuisse, ostendisseq; comperitur; dum eos
 cœna accepit; eorum pedes abluit; eisq; suam carnem
 edendam, suumq; sanguinem bibendum obtulit:

DE DIVI . IN HOMI. BENE.

debuerat quēque eorum , qui uel immanissimus
fuiſſet , ſibiq; inſenſiſſimus tam promptis charitatis,
& beneficentiæ officijs non ſolum placare ; ſed etiā
in ſui admirationem , ſuiq; amorem , & obſeruan-
tiam prorsus commouere . Inuentus tamen fuit ex
illis , quos tam benignè , beneficeq; habuerat, & in
quos tantum charitatis , tantumque manſuetudi-
nis , & liberalitatis oſtenderat , unus , qui nulla do-
meſtici conuiētus , acceptorumq; beneficiorum habi-
ta ratione , aētus auaritia eum prodere , in maleuo-
lorumq; manus tradere ſuſtinuerit . Is enim cum
diſpenſator foret , & loculorum curam haberet;
ſatis opportunitatem furandi , intercipiendiq; occasio-
nem ſibi ex unguenti preſioſi effuſione ademptam
ægre ferens ; & indignatus unguentum non fuiſſe
diſtractum; cuius precium in manus ſuas fuerat per-
uenturum : quam iacturam ſibi ex unguenti effu-
ſione factam conceperat ; & quod furando , inter-
cipiendq; emolumentum ex unguenti precio ſe rela-
turum fuiſſe cogitarat; id reſarcire omnino ſtudiuit:
& quod furto , ſuppilationeq; non ualuit conſequi,
proditione procurauit obtinere . Exprimi uix poſſet,
quā transuerſos agat homines auaritia; & quā
nullam iuſti, rectiq; ſinat rationem ad hominem haberi .
Simulac enim homo correptus eſt auaritia ; tam
nihil cogitat, quid pium, rectumq; ſit , tamq; nihil
cenſet, quid iuſte, pieq; fieri poſſit: ut nullū non ſce-
lus, nullū non flagitium aggrediatur: modò inde ſibi
quidpiam lucri, aut emolumentum excipere, cōſequiq;
ſperet . Cum itaq; perfidus ille, atque auarus noſſet,

quàm scribæ, pharisei; Hebræorum infensi essent Christo; & quàm enixè studerent Christum perdere: secreto eos conuenit, obtulitque se traditurum, quem odissent: modò pecuniam sibi afferrent, proditiōis; mercedem constituerent: qui oblatam conditionem libenter accipientes sponderunt proditori triginta nummos argenteos se exoluturos: cum primum eius opera, atque auspicio factum fuisset; ut Christus in manus suas perueniret. Hi enim perditī homines, & non minus liuore, quàm auaritia laborantes Christum, quem fucis suis aduersum nossent; & quem suæ hipocrisi, suisque carpendi lucri, fallendi; uulgi tendiculis inimicū scirent: summo studio, summoque affectu optabant de medio tollere. Sed cum æquè nossent propter insignia edita miracula, & propter quamplurima beneficia tum priuatim, tum publicè collata, non paruam esse Christi apud populum existimationem; nec paucos ex populo erga Christum esse affectos, atque animatos: occasionem aliquam, opportunitatemque offerri sibi expetebant: qua manus in Christum iniicere tuto possent; & nullo populi tumultu concitato, quem odissent, morte afficerent. Quapropter quàm libenter proditoris oblationem audierint; & quàm facile petitioni eius annuerint; unusquisque potest existimare: qui perpendat uix ullam aliam potuisse eis incidere commoditatem, occasionemque tutiorem, quod optaret, perficēdi: quàm eam quam oblatam haberent ex discipuli, domestici; proditiōe. Nihil itaque amabili cœnæ conuietū, nihil benè

DE DIVI. IN HOMI. BENE.

gno, summissoq; ablutorum pedum officio, nihil
carnis, sanguinisq; benefica oblatione permotus ille
perfidus: quod semel auaritia inductus animo con-
ceperat, & quod cupiditate pecunie promiserat;
exequi, prestareq; procurauit. Quapropter peracta
coena cum Christus adhuc ad mensam cōsideret; &
instituendo, admonendoq; ea prädiceret, quæ tum
sibi euentura, tum discipulis ipsis successura forent;
inde se subtraxit proditor: & noctu adiuit eos, cum
quibus de proditione egerat: & omnium admonu-
it, quæ agenda essent; quò Christum caperent, in
suamq; potestatem redigerent. Cum uerò Christus
uarios cum discipulis undecim sermones habuisset;
& plurima eis tradidisset de suo ad patrem reditu;
de sua erga eos charitate; de mutua inter ipsos dile-
ctione seruanda: & non solum exposuisset, quæ fo-
rent præstanda, agendaq; ab eis; sed etiam quam
suam, paracleti; spiritus opem in agendo essent
experturi, indicasset: surrexit à mensa, & unà
cum discipulis domo exiens torrentem Cedron tra-
iecit; & ex solito more montem oliuetum orandi
causa conscendit: hortumq; , qui in monte fuerat,
ingressus relictis seorsum discipulis preces ter Deo
patri obtulit; terq; orando diuinum patrem compel-
lauit. Vix orandi finem fecerat; somnoq; discipulos
dormientes excitauerat: cum proditor militari co-
horte, multa; armatorum manu comitatus appa-
ruit: quem Christus adeo non declinauit; ut ei ob-
uiam procedens, non solum se osculari permiserit:
sed etiam amici nomine eum compellarit. O miram

Chri-
tate
dis
ciel
nor
ga
Chr
chan
tur,
colen
dis d
atqu
insig
tur,
nign
Qu
ma
re
nib
qui
absc
uagi
ab i
lesum
uerit
dum
non
spand
terra
ciend

ORATIO TERTIA. 222

Christi bonitatem. O plus quàm humanam chari-
tatem. Quem nouerat sibi inimicum; à quo se pro-
disciebat; quem conspirasse in necem suam perspi-
ciebat; ab eius aspectu non abhorruit; eius osculum
non detrectauit; sed prodiens obuiam benignè se er-
ga eum habuit; amicūq; eum appellauit. cui tantam
Christi bonitatem, tantamq; mansuetudinem, &
charitatē cogitanti, animoq; uolenti, non induca-
tur, non inflectatur animus ad Christū amandum,
colendumq; & Christi exemplo non remittatur cor-
dis duritia aduersus eos, quos sibi infensos habuerit,
atque inimicos? Adeo Christus pro sua bonitate, suaq;
insigni charitate nō est auersatus eū, à quo prodere-
tur, à quo in necem traderetur: ut non minus be-
nigne eum aspexerit, quàm amanter compellarit.
Qui tam proditorem, quàm proditoris armatam
manum solo uerbo, oris'que spiritu poterat perde-
re, profligare, necare: adeo nihil nocuit, adeo
nihil detrimenti attulit, aut mali: ut discipulum,
qui in impressione pontificis seruo aurem gladio
absciderat, uehementer redarguerit: & iussu
uagina recondere gladium non solum represserit
ab impetu resistendi, lœdendi'que: sed etiam quem
lœsum ab eo, truncum'que aure perspexerat, cura-
uerit; restituta'que aure sanarit. Adeo uiresisten-
dum non esse inimicis; adeo uim ui repellendam
non esse existimauit Christus: ut ab eis, quos re-
spondendo se eum esse, quē quæreret, consternarat,
terra'que prostrauerat: se ultro capiendum, uin-
ciendumq; præberet: & tanquam insignem latro-

DE DIVI. IN HOMI. BENE .

nem, perditum que homicidam apprehendi, duciq;
 permetteret. Qui sic beneficium, liberalemq; erga ho-
 minem se præstaret; ut nullum genus beneficentiæ,
 atque largitatis exercendæ prætermitteret: is pro sua
 bonitate, suoq; seruandi hominis studio uti latronē,
 uti prædonem se apprehendi, seq; uinctum duci, tra-
 hiq; permisit. Qui uenerat, ut hominem seruaret,
 hominemq; à morte redimeret, & uitam hominī,
 quam peccato amisisset, restitueret: se uti homici-
 dam passus est pro sua in hominem charitate, suoq;
 consulendi hominī desiderio constringi uinculis, liga-
 tūq; adduci. Resistere poterat Christus, quominus ca-
 peretur: qui capiendi causa accessissent armati, eos
 facile poterat Christus sua uirtute, atq; potestate fun-
 dere, atque perdere: & si nolebat, qui colligendi,
 seruandiq; causa uenisset, fundere, siue perdere;
 saltem incolumem se poterat ab eis auferre. Qui se,
 cum posset facile, armatorum manibus non eripuit;
 qui nihil minus, quàm ne in manus inimicorū inci-
 deret, cauuit: procurauit tamen ter armatos conster-
 nando, terraq; ter prosternendo faciendam discipu-
 lis abeundi, periculoq; se eripiendi potestatem. O
 singularem Christi bonitatem. O beneficam, prom-
 ptamq; ad consulendum alijs Christi potentiam. Qui
 se impeti ab armatis, qui se inuadi ab inimicis uidit:
 non se discrimini eripere, sed suos; non sibi cauere,
 sed discipulis procurauit. Ne quid læsionis, aut de-
 trimenti paterentur discipuli, ne quid subirent di-
 scriminis, aut incommodi: non minus amanter ca-
 uuit, quàm potenter egit Christus: cuius bonitatem,

beneficientiamq; eximiam, si nihil aliud foret, quod posset indicare; inde maxime possemus perspectā, cognitāq; habere: quod cum restituta aure, qui foret inimicus, incolumem reddidisset: & discipulis, quominus quid detrimenti paterentur, consulisset: sibi tamen cauere non studuerit, sed se ipsum in apertum discrimen coniecero; & se comprehendendum, uinclisq; obstringendum præbuerit: quod tam inimicis, quā amicis consuleret: & tam alienos, quā suos incolumes tueretur. Comprehensum, uinctumq; Christum armata cohors, ministriq; Hebræorum adduxere ad principem sacerdotum: apud quem & scribæ, & pharisei substructionis id genus, & intriti authores conuenerant: eumq; coram ipso principe, necnon phariseis, & scribis stiterunt. O indignum, informeq; rei spectaculum. Cuius uir, uirtuteq; uniuersa rerum, & nature series constat, contineturq; ; & quibusdam ueluti uinculis connectitur, atque constringitur: is deuinctus, uinculisq; innexus, atque obstrictus detinetur. Qui tam diuinæ, quā humanæ nature princeps erat; & qui tam iudicandi omnes potestatem habebat, quā a nemine poterat iudicari: sistitur coram principe homine; & apud hominem reus agitur, atque iudicatur. Qui tam omnis noxæ expers erat, tamq; ab omni peccato, & crimine alienus: ut sua innocentia, suæq; bonitatis meritis noxam omnem peccati, omnemq; humani criminis labem abstersurus esset, atque deleturus: apud impios ab impijs, atque nefarijs impiè arcessitur, graui-

DE DIVI. IN HOMI. BENE.

terq; accusatur. Reus agitur, & falsis testibus indu-
ctis, subornatisq; graviter accusatur: qui non mi-
nus innocentiae, quam veritatis fons erat: & qui
venerat ut reos absolueret; de crimineq; convictos
imminenti supplicio liberaret. Constitutus ante pon-
tificem, scribas, phariseosq; Christus non solum se
patienter habuit in obiectis falso criminibus audi-
endis; sed etiam dum alapis caderetur; dum uela-
tus faciem percuteretur; dum sputis foedaretur,
probrisq; afficeretur omnigenis: sic pacate, & qua-
nimiterq; pro sua bonitate, pro suaq; instituenda
salutis humanae cura tulit, toleravitq;: ut ne hi-
scere quidem uisus sit, nedum ægre ferre deprehen-
sus. Ea fuit Christi bonitas; eaq; in procuranda ge-
neris humani salute propensio: ut nullum iniuriæ,
probrisq; genus indignè, ægreq; ferret: quod sciret
conducere saluti instituendæ, & usui esse homini
in viam salutis invitando. Tantum bonitatis, tan-
tumq; æquanimittatis prætulit Christus in tolerandis
tam uerborum, quam factorum iniurijs, atq; pro-
bris: & tam sui, suæq; existimationis nullam ratio-
nem habuit: ut ne obiecta quidem crimina dilue-
re tentarit; nec aduersus iniuriam, probraq; infe-
rentes conquestus sit. Ad quæcunq; obiecta, ad
quæcunq; probra se tacitum, æquanimemq; præ-
stitit: & probris petitus, laceratusq; uerbis, nun-
quam quid oblocutus est, atq; respondit: nisi qua-
tenus uel obloquendo, uel respondendo prospexit
se aliquid prodesse posse: & quod responderet, fa-
cere animaduertit, uel ad tuendam Dei patris, suæq;

divini
dand
spuer
bris
Heb
crim
catu
quas
atq; m
set; &
pam
nitudi
eos, qu
Eius s
gari n
tum
crim
nocu
dicat
am m
nitate
dumq;
offensi
mus pr
do eo,
summe
tasse pr
Nihil e
impetr
benefa

diuinitatis auctoritatem; uel ad instituendam, soli-
dandamq; salutaris beneficij rationem. Quem con-
spuendo, quem colaphis cadendo, quem uarijs pro-
bris afficiendo ad satietatem usq; infensi, maleuoliq;
Hebræi torserant, deuexarantq; ; eum deniq; falsis
criminationibus incusatum, dignumq; morte iudi-
catum tradiderunt urbis præsidî non tam capitali
quæstioni subiiciendum, quàm supplicijs afficiendû,
atq; necandum. quod cum proditor animaduertis-
set; & quàm nefariè, quàmq; impiè egisset, iustum,
piumq; præceptorem prodendo agnouisset; actus pœ-
nitudine, quam mercedem proditoris acceperat, ad
eos, qui dederant, retulit: & grauitate flagitij indu-
ctus sibi mortem intulit: suspendioq; se necauit. Ne-
gari non potest, quin commisso scelere dignum exi-
tum sortitus sit proditor: cuius quidem noxam, siue
crimen si perpendamus ex eius, quem prodidit in-
nocentia, beneficijsq; acceptis; maius profecto iu-
dicabimus, quàm quod uideatur posse ullam ueni-
am mereri, aut aliquo pacto aboleri. Quod si bo-
nitatem, promptamq; ad ignoscendum, benefacien-
dumq; homini benignitatem eius perpendamus, quâ
offensus, proditusq; fuit: tam nihil fuerit, cur dubite-
mus proditorem, si sibi met ipse pepercisset, ueniam
ab eo, quem prodidisset, fuisse impetraturum: ut uel
summo opere qui proditus esset, existimari possit op-
tasse proditoris ipsius incolumitatem, atq; salutem.
Nihil erat o' miser cur diffideres ab eo te ueniâ posse
impetrare; quem toties beneficum, propensumq; ad
benefaciendum expertus fueras. nihil erat, cur du-

DE DIVI. IN HOMI. BENE.

bitares ab eo ueniam beneficium petere, atque exposcere; quem toties nec rogatum, nec petitum in te beneficia contulisse noueras. nonne iam comperieras ex iugi eius consuetudine, atque conuictu, quanta foret lenitatis, quanta benignitatis, quanta ad proficiendum omnibus promptitudinis. nonne apertis, manifestisq; testimonijs comprobatum habebas eius, quem prodidisses, eam esse charitatem, beneficentiamq; erga hominem; ut nihil ab eo unquam beneficij frustra fuerit petitum, nihilq; ab eo muneris unquam frustra rogatum? Si noueras eum, quem tradidisses, eius fuisse bonitatis, eiusq; extitisse ad benefaciendum propensionis; ut non solum petitus, rogatusue beneficentiam exercuerit; & erga nos, cognitosq; beneficium se praestiterit; sed etiam nec petenti, nec roganti beneficium contulerit: & ignotis, alienigenisq; se facilem, exorabilemq; praebuerit: quanto magis tu, qui fueras ex illis; quos inter ceteros maxime caros, acceptosq; haberet; & quos praecipua, peculiariq; beneuolentia, & charitate prosequeretur: debueras confidere, te, si modo tibi pepercisses, manusq; uiolentas a te continuisses, petendo, rogandoq; ueniam beneficium fuisse impetraturum? In obtinendo ueniam beneficio non fuisses apud eum, qui nullum non poenitentem libenter audit, admittitq; deterioris conditionis; quam fuerit collega tuus: qui cum ter eum abnegasset; & iurare falso se eum nescire asseruisset; poenitudine tamen actus, cum minus diffideret, impetrauit ueniam: & quam abnegando, peierandoq; no-

xam

nam e
gnita
grati
nemo
ne fu
Iuda
permi
do co
quam
gnitas
su sup
par si
condi
uerfa
tione
una
qu
tio
sti i
hab
rante
Que
rum
condi
condi
da gr
fo Ch
do pr
tudine
set.

xam contraxerat; confisus bonitati eius, & beni-
 gnitati quem offendisset: non solum in pristinam
 gratiam restitutus fuit; sed etiam ad arctiorem be-
 neuolentiæ affectum, potioremq; beneficentiæ ratio-
 nē fuit admissus. Grauius quidē ciues peccauerat
 Iudas; & tantò grauius Petro deliquerat; quanto
 perniciosiorem rem prodendo, quàm Petrus peieran-
 do commiserat: & quanto peius fuerat auaritia,
 quàm timore peccare. Sed cum ea sit bonitas, beni-
 gnitasq; nostri Christi; ut immenso, infinitoq; exces-
 su superet omnem humani peccati rationem: fit, ut
 par sit, æquaq; Christi in ignoscendo ratio: licet pro
 conditione, grauitateq; noxæ ex parte hominis di-
 uersa constituatur pœnitentiæ ratio: & pro condi-
 tione delicti pœnitudinis ratio uarietur. Sicut enim
 una, eademq; est ratio infiniti ad quodlibet fine ali-
 quo terminatum: licet fine determinata pro finis ra-
 tione uicissim inter se differre comperiatur: ita Chri-
 sti infinita bonitas, atque benignitas indifferenter se
 habet in ignoscendo: tametsi delicta inter se diffe-
 rant; & alia alijs grauiorem noxam contineant.
 Quæ sanè mutua delictorū differentia ex parte reo-
 rum sic exigit differentem pœnitudinis rationem; ut
 conditioni delicti respondere oporteat pœnitudinis
 conditionem. Non minus itaque Iudas, nec qui Iu-
 da grauius in Christum deliquisset, obtinisset ab ip-
 so Christo ueniam, quàm Petrus impetrauit: si mo-
 dō pro ratione delicti pœnitentiam egisset, & pœni-
 tudine grauitati delicti respondente actus reuertis-
 set. Præses urbis ut interrogatum, quæsitumq; exa-

DE DIVI. IN HOMI. BENÉ.

Etè Christū nihil criminis admisisse reperit, quo mortem mereretur: & ex obiectis criminibus, obijcientiūq; conditione animaduertit eum propter inuidiam incusari, ad mortemq; posci; eius dimittēdi, ab soluendiq; occasionem quærebat. Quapropter cum ex more foret, ut quotannis tempore Phasis in populi gratiam dimitteretur aliquis à præside, qui capitis iuditio arcesseretur; tentauit Christum ipsum dimittere: cuius dimissioni ex scribarum, phariseorumq; suggestionē sic à populo est reclamatum; ut latro dimitti, Christusq; necari sit petitus. O perfidam, ingrataq; gentem. O uulgus hominum inconstans, atque uolubile. Quem externus, alienigenaq; dimittere, seruareq; tentat; eum sui, gentilesq; flagitant perdi, poscuntq; necari. Quorū imprimis seruandorum, redimendorumq; à morte causa aduenerat Christus; ab eis maxime perdi, occidiq; exposcitur: & eos maxime infensos, inimicosq; experitur: quos non tam generis cognatione, quàm peculiari beneficentia, & charitate deuinctos, obstrictosq; maxime habere merebatur. Qui præcipuè beneficijs affecti fuerāt; & qui uarijs langoribus, infirmitatibusq; curati; hi sunt, qui latronem, homicidamq; poscunt dimitti: & eum, à quo beneficia acceperunt; & sospitatem, sanitatemq; consecuti sunt: insontem prorsus, & innocentem flagitant occidi. Quem modò edentem miracula sequebatur, et quem tam priuatim, quàm publicè beneficū suspiciebant, atque admirabantur: eum nunc morte dignum clamitant, & occidendū uociferantur.

Quem exaturati, insignibusq; beneficijs affecti, nuper Regem, si permisisset, uoluerant constituere: nunc scribarum, phariseorumq; suasionibus excitati eum sibi nomen regium usurpare, idcircoq; capitali supplicio dignum esse proclamant. Cui pridem urbem ingredienti obuiam perrexerant; et quæ multo plausu, atque lætitia excipientes honorifice habuerat, amanterq; salutarant: eundem nunc animis in contraria studia conuersis poscunt, exiguntq; ignominiose necari, infamiq; crucis supplicio affici. Cui quam optaret Christi dimissionem, hac minus successisse præses animaduerneret: alia aggressus est, tētauitq; uia, si fortè, quod optaret, posset succedere: et quod suasionē, rei q; ipsius opportuna occasione non obtinuerat: expertus est, si fortè quiret commota miseratione extorquere. Præses itaque licet in Christo nihil inueniret, quod mortem, aliquod uel supplicium mereretur: tamen cum populo satisfacere omnino statuisset: tentauit, si fortè afficiendo Christum aliquo miserabili potius, quàm lethali supplicio, posset peruicaciam populi captata miseratione reprimere: & Christum ipsum, quominus necaretur, prohibere. O' studium placendi iniustum, atq; iniquum. O' propositum gratificandi populo impium, atq; deforme. Tantum potest popularis auræ captatio, tantumq; potest placendi, gratificandiq; populo studium: ut æqui, iusti q; semita deferatur; et contra Dei, iustitiæ q; normam, atque instituta committatur. Qui insons inuenitur, & qui propter innocentiam nihil minus meretur, quàm supplicio

DE DIVI. IN HOMI. BENE.

quoquam affici, quò satisfiat populo, & quò vulgi gratia ineatur; tam duriter affligitur, tamq; infor-
mi, diroq; supplicij genere afficitur: ut id uel spe-
ctaculo ipso posset sufficere ad captandam cuiusq;
uel infensissimi commiserationem. Dum Christo ca-
uere, ne necetur, ita studet præsēs; ut tamen nolit di-
mittendo rem populo ingratam facere: id supplicij
genus intulit; quod ignominie, cruciatusq; causa
tantò morte deterius uideri possit; quanto diutur-
nius, quàm mors, affligat; & quanto ignominiosi-
us, quàm mors, spectaculum referat. quod enim
tormenti, quod supplicij id fuisse censendū est, quod
Christus pertulit; dum ad palum, columnaq; de-
tractis uestibus deuinctus flagris sic cæsus, cõtusq;
fuit: ut ab imis pedibus ad usque supremum uerti-
cem nihil corporis plaga illæsum, nihil membrorum
uulneris expers reperiretur? cuiusmodi dolor, atq;
cruciatus ille putandus est extitisse; què toto corpore
uulneratus, omnibusq; mēbris cõtusus senserit Chri-
stus; et què nō tam districta carne, quam oblæsis ner-
uis sit expertus. Hinc effectum est ciues: ut dum com-
miserationem captare, captataq; cōmiseratione Chri-
stum à nece liberare tentauit præsēs; longè misero-
rem Christi conditionem redderet, quàm si mortem
subitò intulisset. dum enim parcere tentauit, duri-
us, sæuiusq; afflixit: & dum captare commiseratio-
nem uoluit; causam rei duriores, deterioresq; fe-
cit. Nam quod supplicij arcendæ mortis gratia intu-
lit; non solum ad arcendam mortem nihil profuit,
nihilq; ad inducendam commiserationem profecit;

sed etiam ad durius sæuiendum animos excitauit;
 & mortem, quæ alioqui una fuisset, & subita;
 multiplicem reddidit, atque diuturnam. Adeo ni-
 hil præses, quod illato supplicio moliretur, assecutus
 est: ut apud quos miseratio captari quærebatur, eo-
 rum animi tantò sæuiiores fierent, & ad poscen-
 dum capitale supplicium pertinatiores; quanto me-
 liorem sibi causam ex calamitate Christi concepie-
 bant; & quanto propensio-rem ad sibi satisfacien-
 dum præsidem animaduvertebant. licet senticea
 corona capiti impressa, & rubro, purpureo-que
 indumento corpori iniecto non minus deridicu-
 lam, quàm miserabilem Christi speciem reddere
 tentasset præses ratus non minus derisum capti-
 tum, quàm commiserationem posse mitigare sæui-
 entis uulgi animos: tamen nihil adeo profecit: ut
 simulac Christus tam miserabili, deridicula-que
 specie uisus, conspectusq; uulgo fuit; tantò ma-
 gis increbrescerent uoces exigentium eum necari,
 cruciq; affigi: quanto magis species id genus no-
 xalem causam præseferbat; & regium aliquid,
 & si deridiculo, referebat. regium enim nomen
 in Christo sic oderant Hebræi; ut licet ei deridi-
 culo deferretur: tamen indignarentur maxime, &
 ægreferrent spectare aliquid, aut audire, quod uel
 ioco, uel serio Regem Christum referret. O per-
 fidam, & pernicacem Hebræorum nationem. Tan-
 to odio eum prosequabantur, qui uenerat, ut re-
 geret, seruaretq; ipsos: & pro sua bonitate, atque
 charitate dignos, idoneosq; redderet, quibus in cœ-

DE DIVI. IN HOMI. BENE.

lo denique dominaretur ; ut uel indigne ferrent , si
quid honesti nominis , aut muneris ioci causa ei
deferri contingeret . Sed quod ludibrij causa tam
à præsede indumento purpuræ , quàm ab Herode al
ba ueste effectum fuit ; eam rei seriæ significatio=
nem continet : ut Regis , maximiq ; sacerdotis pe=
culiari habitu regij muneris , sacerdotalisq ; officij
potestas in Christo designetur . prout enim pontifex
Hebræus publicæ utilitatis causa de medio auferen=
dum Christum proferens eius utilitatis uaticinium
edidit ; quæ futura esset , successuraq ; foret huma=
no generi ex morte Christi : ita quancunq ; speciem
Regis in Christo utcunque effinxit , repræsentauitq ;
præses uel habitu , uel uerbis , uel scripto ; ex ea col=
ligitur , quæ successit in genere humano regia Chri=
sti dignitas : qui cum non minus maximi sacerdotis ,
quàm Regis munere esset functurus : ab Herode licet
illudente indutus est alba ueste : cuius usus non mi=
nus flaminis Diali apud Romanos , quàm maximo
pontifici apud Hebræos solennis fuerit . Cum iam
præses animaduerneret Hebræorum animos aduer=
sus Christum sic obduratos , ut nullo pacto dimoue=
ri possent ab eo , quod semel inierant occidendi eius
proposito : nihil minus respiciens , quàm quod iu=
ris esset , & iustitiæ ; & pluris æstimans auram
uulgi , quàm Dei , rectiq ; cultum : eorum uotis an=
nuuit ; Christumque tradidit cruci affigendum ,
morteq ; afficiendum . Interim , dum dura mortis
instrumenta apparantur ; & dum necis triste mini=
sterium instruitur : undique Christus probis , iniu=

rijsq ; la
male ;
naci
in os ,
ne per
sis en
qui ca
tamen
fieri po
ac pater
cere ; e
quidq
deri po
fulendi
Tanto e
randi
ris hu
ment
instar
re qu
bat ; q
charita
tam ni
sa hom
letiq ;
homine
menti
uandi b
Non sec
ignomi

rijsq; laceffitur: undique tam uerbis, quàm factis
 malè, ignominioseq; habetur. erant, qui capiti te=
 nacijs spineam coronam imprimerent: erant, qui
 in os, faciemq; expuerent: erant, qui caput arundi=
 ne percuterent: & subsannantes genibus summis=
 sis eum salutarerent: non deerant, qui uellicarent,
 qui caderent, qui probris incesserent. nunquam
 tamen tot supplicijs, tot ignominijs, tot probris
 fieri potuit; ut qui norat, quidquid toleraret,
 ac pateretur, saluti humanæ instituendæ condu=
 cere; & in hominis seruandi beneficium cedere,
 quidquā diceret, aut ageret: quod indignum ui=
 deri posset sua in hominem charitate, suaq; con=
 sulendi, benefaciendi que homini propensione.
 Tanto enim studio seruandi hominis, atque libe=
 randi agebatur; tanto desiderio tangebatur gene=
 ris humani ex seruitute eruendi: ut quidquid tor=
 menti subiret, aut ignominie; instar honoris,
 instar que uoluptatis maximæ censeretur. corpo=
 re quidem tam dolorem, cruciatumque sentie=
 bat, quàm qui maxime: sed pro sua in hominem
 charitate, suaq; de homine benemerendi cupiditate
 tam nihil moleste, impatienterq; tulit; quod cau=
 sa hominis se ferre sciret: ut uel libentissime ferret,
 lætoq; animo pateretur. O maximam Christi erga
 hominem charitatem. Quidquid doloris, atque tor=
 menti sentiebat, propter eum, quo detinebatur, ser=
 uandi hominis affectū, loco uoluptatis sibi ducebat.
 Non secus sese habebat in omni genere probri, atq;
 ignominie perferendo; quàm se habere debuerat,

DE DIVI. IN HOMI. BENE.

qui nosset hominem; quem mirum in modum diligere; & quem singulari charitate prosequeretur: tantò plus honoris consecuturum, tantoq; maiorem gloriam sibi relaturum; quanto plus ignominie ipse subiret, maiusq; ludibrium pateretur. Cum nihil tormenti, nihilq; ignominie sibi subiri, tolerariq; sciret, ex quo non pareretur tantundem voluptatis, & glorie ipsi homini: pro eo, quo beandi, gloriaq; afficiendi hominis studio, desiderioq; afficiebatur: tam quod tormenti pateretur, ignominieq; subiret, molestum non fuit, toleratuq; difficile: ut cum perpenderet, quantum ex suo cruciatu, atq; ignominia accederet homini incolumitatis, & glorie: nihil magis optaret, quam cruciari; nihil magis afficeretur, quam ignominia affici. Cuiusmodi fuit hæc Christi charitas in nos ciues; qua fiebat, ut lucro sibi imputaret, voluptatiq; adscriberet, quidquid tormenti, atque iniurie causa nostri subiret; subitumq; sciret nobis fore utilitati, nobisq; pro consequenda salute esse conducturum? Quis est ex nobis, qui sibimet adeo sit amicus, adeoq; suæ utilitatis studiosus: qui si possit patiendo tormenta, quæ Christus pertulit; & subeundo iniurias, quas Christus subiuit; plurimum utilitatis sibimet comparare, & maximam gloriam sibi denique contrahere: eligat tam dura tormenta ferre, constituat tam atroces subire iniurias: quò sibi denique utilitatem compararet, & gloriam? Nò esse quenquā ex nobis, apud què tormentorū horror, et dedecoris, iniuriarumq; aversio non plus polleat, quam futuræ cuiusquam uti-

litatis, aut gloriæ ratio: inde manifestè elici potest: quòd cūm proposita sit nobis salutis æternæ acquisitio, uitæq; beatæ, & immortalis consecutio, si Christū imitemur; Christi q; instituta, atq; documēta custodiamus: nullus tamen inueniatur (quòd sciā) qui Christum ipsum in uiuēd ratione, nedum in tormētis, iniurijsq; ferēdis imitetur. Si quod nostræ utilitatis, nostræq; salutis causa nō ipsi nos præstamus, id Christus nostri gratia præstitit: non ne aptè colligitur Christū sua in nos charitate superasse quācūq; nostram in nosmet ipsos charitatem? Si quæ Christus nostri causa sustinuit, atq; tolerauit; ea nos ipsi nostramet causa nec sustineamus, nec toleraturi simus: quid est cur nō agnoscamus, eam esse in nos Christi charitatem, et beneuolētiā: ut in diligendis, amādisq; nobis nosmet ipsos superet, atq; uincat? O nostrā ignauitiā, nostrāq; ingrati tudinem. Quid est id ignauitiæ; ut quæ nostri causa Christus subiuit, atq; sustinuit; ea ne minima quidem ex parte nostrapte causa subire, sustinereq; procuremus? quid est id ingrati tudinis; ut à quo superari in amādis nobis nosmet ipsos cōperiamus: non studeamus eū amādo nos ipsos superare; aut eius in nos amorī aliqua ex parte respondere? cū præsertim noster amor in eū, et charitas ueram amandi nos ipsos rationē in se cōtineat; et ad nostrā utilitatem, nostramq; salutem uergat. Qui neq; agēdo, neq; dicēdo, neq; patiēdo quidquam operæ, studiij, officiijq; prætermisit; quo patefacta sua bonitate, ostensaq; sua in nos amāti uoluntate, & charitate in sui amorem, atq; charitatem nos æquē prouocaret: non ut ex no

DE DIVI. IN HOMI. BENE.

stro amore sibi quidquā cōmodi, aut emolumēti percipi-
peret; sed ut uitā, atq; salutē, quæ in ipso amādo, colē-
doq; cōsisteret, nobis afferret. hūc quicūq; amare, cole-
re, charitateq; prosequi non curarit, atq; studuerit; is
nō solū insigniter reū ingratitudinis se cōstituet: sed
etiā sui ipsius minus amātem, suæq; utilitatis, atq; sa-
lutis minus studiosum se se ostēdet. Si Christus id subī-
uit ignominiae, idq; tormēti ppeffusus est causa homi-
nis, quod ipse homo sui ipsius causa nō sit passurus:
nemo nō potest intelligere hominē longē maiore Chrī-
sto debere amorē, atq; charitatē, quā sibi metipsi:
quatenus amor hominis in se ipsum sit alius ab eo,
qui sit hominis in Christū, amore. Ea sunt tormenta,
eaq; sunt ludibria, quæ Christus causa hominis per-
tulisse reperitur: ut maiora propemodum excogita-
ri in cōditione humana, & ab homine aduersus ho-
minem inferri nequeāt: quæ cum plurimū enormi-
tatis, atq; indignitatis ex persona patiētis, conditio-
neq; inferentiū accipiāt: nihil est, cur ea pro magni-
tudine explicari, et pro indignitate satis exprimi pos-
se arbitremur. Simulatq; omnia tā instrumēta igno-
miniosæ necis, quā ministeria instruēta, parataq;
fuere: exutum chlamide coccinea, qua ludibrii causa
induerāt, Christum suis uestibus induerunt: indutiq;
humeris crucem, cui affigeretur, ferendā imposue-
rūt. Extra urbē, urbisq; mœnia locus erat in accliuē
collem fastigiatus; in cuius plano uertice de reis sumi
suppliciiū capitale solitū foret: & quicūq; rei mortis
essent, necari solerēt. In hūc itaq; locū adductus unū
cū duobus latronibus fuit Christus, quò cruce suspen-

deretur, p-
huiusmodi
uestibus C-
impositum
nus, quā pe-
spicere trāje-
pedibus, m-
tertia impr-
sui ostende-
crudeleq;
usq; sons-
re spectā-
claus fer-
largo fluen-
latrones, qu-
tie essent: p-
pendensq;
ter, pīcūq;
nere se cōti-
rando studi-
facere. qui
trocinij cōm-
retur, quā
minis, gen-
bertatem
dere speē
si tum to-
re. Quod
sic dirigit
eum sp-

deretur, patibuloq; affigeretur. Ut fuit ad locum
huiusmodi peruentum: protensa humi ingenti cruce
uestibus Christū exuerūt; nudūq; cruci imposuerunt:
impositumq; ita extēderūt; ut clavis ferreis tam ma-
nus, quā pedes eius ligno affigerēt: et tormēti insigni
specie traiciētes applicarent. Crucem mox suffixo
pedibus, manibusq; Christo extulerūt: eamq; sic calce
terræ impressam firmarunt; ut suspensum altē Chri-
stū ostenderet; & spectandū undiq; præberet. O dirū,
crudeleq; spectaculum. Qui nullius culpæ reus, nulli-
usq; sōis criminis erat, ex uasta, proceraq; cruce pēde
re spectabatur ramnis caput cōfixus, manus, pedesq;
clavis ferreis traiectus, & toto corpore lacer, totusq;
largo fluens sanguine. Cum dextra, sinistraq; duo
latrones, quos unā adduxerāt, æquē in crucem subla-
ti essent; spectabatur inter eos cōstitutus, cruceq; pro-
pendens: qui non solū totius uitæ tempore innocen-
ter, pieq; egerat; & ab omni peccati, atq; criminis ge-
nere se cōtinuerat: sed etiā tam monendo, quā ope-
rando studuerat omnibus proficere, omnibusq; bene-
facere. qui tam nihil rapinæ exercuerat, tā nihillat-
rocinij cōmiserat, ut nihil aliud tentaret, atq; cond-
retur, quā rapinas Diaboli dissolvere: & quam ho-
minis, generisq; humani prædā egisset Diabolus, in li-
bertatem uindicare: inter duos latrones de cruce pen-
dere spectabatur: & longē peius, quā latrones ip-
si tum tormenti, tum ignominie causa se se habere.
Quod si is, qui cū innocens, pius, beneficusq; esset,
sic diriter cruciatus, sic ignominiose habitus est: ut
eum spectare horridū foret, atq; immane: cogitetur,

DE DIVI. IN HOMI. BENE.

considereturq; fuisse Deus, Deiq; filius, qui cuncta cre-
asset; cuncta sustineret; cuncta moderaretur: quid fue-
rit id horroris, quod ex huiusmodi spectaculo concipie-
tur? quid fuerit id immanitatis, quod ex spectaculo
id genus deprehendetur? non poterit non multum hor-
roris concipi: non poterit non plurimum immanitatis
coargui: si qui spectetur tam ignominiose habitus,
tamq; diris modis tractatus, consideretur non solum
insons, innocensq; esse: sed etiam Deus, Deiq; filius existe-
re. Sed quid? si causam cogitemus, perpendamusq; qua-
ta ignominiose morti, tamq; immanibus supplicijs su-
biiciatur: qui non solum pius, innocensq; sit homo, sed
etiam Deus, Deiq; filius existat? Non minus sane amoris,
et charitatis, quam immanitatis, et seuitiae ex hu-
iusmodi spectaculo deprehendemus. dum enim qui De-
us, Deiq; filius erat; et qui tam divinitate potens, quam
humanitate innocens fuerat, tam probrosa tormenta per-
tulit; tamq; diram, atrocemq; mortem subiit nostri cau-
sa, causaq; humani generis ex servitute eripiendi; non
minus suam in nos arguit, ostenditq; benevolentiam, et
charitatem, pro quibus passus sit: quam eorum a quibus
tot sit passus, seuitiam, immanitatemq; comprobavit.
Nostrum est sane ciues cur tam dira, tamq; ignominiosa
passus sit Christus animadvertere; et ex indignitate,
atrocitateq; eorum, quae passus sit, aestimare, atq; perpen-
dere eius ingentem erga nos benevolentiam, et charita-
tem. Ad rem nostram maxime pertinet: rei nostrae ma-
xime expedit intueri, atq; considerare, non quam im-
pie, immaniterq; inferendo supplicia se habuerint He-
braei; et quantum immanitate peccarint: sed quam

patient
rit Chr
imma
prestit
minio
incolum
niamus
supplic
sti ip
affectus
fici, et
ret, nos
redderet
do Christi
miseratio
rupam
et ex
benef
Christi
perped
colendi
affectu
amoris
quod f
tur in
nim, q
do hom
no me
existit
ris pa

patienter se se habuerit, & quàm amanter se gesset
 rit Christus in subeundis, tolerandisq; nostri causa tot
 immanibus supplicijs: et quàm se promptū, paratūq;
 præstiterit ad subeunda, tolerandaq; tam dura, igno-
 miniosaq; tormenta: quod nobis proficeret, & nostræ
 incolumitati, atq; salutis cōsuleret. Non expedit, ut se-
 uiamus in Hebræos, inuehamurq; in eos; qui tā diris
 supplicijs Christum affecere: sed ut perpēdamus Chri-
 sti ipsius in nos amorē, Christi q; in nos charitatē: quæ
 affectus nō detrectauit tam crudelibus supplicijs af-
 fici, et tā immaniter cruciari; quod nobis salutē para-
 ret, nosq; incolumes à morte, supplicijsq; lethalibus
 redderet. Nō præterea arbitror expedire, ut perpēden-
 do Christi supplicia cōmoueamur in ipsius Christi cō-
 miserationem, aut in lachrimas commiserationis pro-
 rūpamus: sed potius, ut ex magnitudine ignominie,
 et ex suppliciorū grauitate; quæ nostri causa, nostriq;
 beneficio subiuit, pertulitq; Christus; maximā ipsius
 Christi et singulārē in nos charitatem perpēdamus: et
 perpēdēdo ex aduerso excitemur ad ipsum amādum,
 colendūq;: et congelatum, astrictūq; animi, atq; cordis
 affectū soluamus in amoris, charitatisq; lachrimas; et
 amoris, atq; charitatis ardēti igne liquefaciamus,
 quod frigidi, glaciatiq; in peētoribus nostris contine-
 tur in Deū, diuināq; affectus. Nam præter arcanam
 uim, quam mors Christi, Christi q; supplicia in liberā-
 do homine, instituendaq; salute habere creduntur;
 nō mediocrem quoq; rationem salutis retinere sunt
 existimanda; quatenus homini ipsi exempla saluta-
 ris patientiæ constituunt; & quatenus sua magnitu-

DE DIVI. IN HOMI. BENE.

dine magnam, eximiamq; testantur eius, qui passus
sit, charitatem aduersus eos, quorum causa sit passus:
Et idcirco facile prouocare possunt homines in Chri-
sti, Deiq; amorem, à quo ipsum hominem insigniter
arguatur amari. Quæ cum etiam singularem bonita-
tem patientis indicent, non possunt non allicere ho-
minem ad eum amandum, atque colendum, quem
tanta bonitate præstare intelligat: in cuius quidem
cultu, atq; amore cum ratio salutis humanæ sit consti-
tuta: non ab re magnitudo suppliciorum ipsius, igno-
miniosæq; mortis maximam censeretur habere
rationem inducendæ, afferendæq; salutis. Si dira
Christi supplicia, morsq; ignominiosa nihil etiam ar-
canæ uirtutis in constituenda salute hominis habe-
rent; Et minus constaret, quæ supplicia subiuerit, Et
quam mortem pertulerit Christus, nostri causa, no-
stræq; salutis gratia pertulisse, atque subiisse: adhuc
ea superesset bonitatis in patiando, tolerandoq; à Chri-
sto præstitæ, atq; ostensæ efficacia: ut ea posset facile
quencunq; cogitantem in Christi amorem, atq; cha-
ritatem prouocare, et ad salutis ineundam rationem
deducere. Quem enim in amorem, admirationemq;
sui non prouocaret ea bonitate Christus, quam de-
monstrauit, cum cruci affixus petiuit, rogauitq; patrē
Deū, ut eis parceret, atq; ignosceret; à quibus suppli-
cijs, atque morte afficeretur? A quibus non solum
flagris cæsus, colaphis percussus, ramnis coronatus, in
crucem sublatus fuerat: sed etiam, dum de cruce ad
huc uiuens pederet, subsannabatur, felle potabatur,
conuiuijs incessebatur, Et omni genere iniuriæ impe-

tebatur
ueniam
tem: C
Christu
læsus, q
dēdoq;
fens, in
ris iniuri
periretur.
rie accepit
batur, nec
lum postu
sam, quæ
nes, si Chri
tur, quate
sunt in fen
cijsq; aff
Christu
te parci
ficijsq; af
procurat
menti sui
det, à quo
bemus ne
nesciamq;
benefacie
tem, sal
periretur;
ficeturi
simiamic

tebatur: eos excusat apud patrem, eisq; studet à patre ueniam impetrare. O singularem Christi bonitatem. O plusquàm humanam benignitatem. Exigit Christus à patre, ut eis ignoscatur; à quibus non solùm læsus, offensusq; fuisset: sed etiam in lædendo, offendendoq; p̄sisteretur: et quos non uno genere iniuriæ infensos, inimicosq; expertus esset: sed omnibus numeris iniurios, pernitialesq; t̄a fuisset expertus, quàm experiretur. A quibus nihil nō tormenti, nihil nō iniuriæ accepisset: et à quibus adhuc torquebatur, affligebatur, necabatur; eis parci, eis ignosci postulat: nec solum postulat ignosci; sed adducit etiam, allegatq; causam, qua sit eis ignoscendum. Animaduertitis ne ciues: si Christus præstitit, quod alios docuisse comperitur: quatenus inimicos tradidit esse diligēdos: & qui sint infensi, iniuriq; charitate prosequendos, beneficisq; afficiendos. Non solùm quatenus ad se pertinet, Christus pro sua bonitate, suaq; in hominem charitate parci, ignoscitq; inimicis; inimicosq; diligere, beneficioq; afficere promptum, paratumq; se præstat: sed procurat etiam, ne quid aliundè damni, aut detrimenti sui causa eis inferatur: & eos ei conciliare studet, à quo timeat aliquid damni posse prodire. Habemus ne ciues, cur diffidamus nos, eum benignū, beneficūq; nobis futurum; qui pro sua bonitate, & benefaciendi propensione procurauit incolumitatem, salutemq; eorum, quos capitales inimicos experiretur; et à quibus atroci, ignominiosaq; morte afficeretur? Quem capitales inimici, quē hostes infensissimam amicum beneficū, patronūq; studiosū experti sunt:

DE DIVI. IN HOMI. BENE.

nos, qui sub eius signis militamus: eiusq; authora-
mento continemur: quam spem beneficij obtinēdi cō-
cipere de eo possumus: quā studiosum nostri, & a-
mātem eum esse credere, confidereq; debemus. Nisi
ciues peius, quod vix fieri posse arbitrer, de eo meriti
fuerimus, quā Hebræi; qui eum subsannarunt; ex-
cruciarunt, trucidarunt: nihil est cur suspicemur, aut
credamus eum nobis pro sua bonitate, atque beni-
gnitate defuturum; & à suæ in nos charitatis, & be-
neficentiæ ratione desciturū. Defuturus nobis non
est pro sua bonitate Christus. Christus à sua in nos
exercenda beneficentia nō est desciturus. sed opor-
tet ciues cauere, ne obduratis in peccando cervicibus
abutamur Christi bonitate; & resistamus, quominus
Christi in nos beneficentia exerceatur. Sicut ex eius la-
tronis, qui in cruce servatus est, exēplo intelligere pos-
sumus, quā sit benefica Christi bonitas; et quā
largiter se beneficium in omnes, qui exigūt, permit-
tant'ue, præbeat Christus: ita latronis alterius exem-
plo constare potest, quā Christi beneficentiam non
sentiant, qui nihil minus, quā Christi ipsius boni-
tatem, beneficentiamq; agnoscentes non patiuntur,
nec sinunt se beneficijs affici, beneficentiamq; in se
exerceri. Qui Christus pro sua bonitate, suaq; in ho-
minē charitate eis ignosci petiuit à patre; qui in fen-
si sibi forent, sibiq; necem inferrent: idem suæ benefi-
centiæ largitatem, suamq; beneficam bonitatem ostē-
dit erga eū; qui cum latro, maleficusq; esset; & iuste,
quam mereretur, mortem oppeteret: adscitus est in so-
cietatem, & in paradisi incolatum una' admissus.

Tam

Tam largæ beneficentiæ, tamq; singularis bonitatis
 extitit Christus; ut nō solū bonū, beneficūq; se, dū so-
 spes uiueret, se præstiterit: sed etiā insignia suæ boni-
 tatis, et beneficentiæ argumēta, testimoniaq; ediderit;
 cū supplicijs affectus moreretur, et in mortis collimē-
 nio esset. Cū tertia diei hora in crucē fuisset sublatus;
 & iā triū horarū spacio probris, caullis, iniurijsq; ini-
 micorū abūdē fuisset uexatus: ut nō minus moriēdo
 suæ diuinitatis, suæq; potētiae testimoniū ferret, quā
 uiuēdo tulisset: et ne minora suæ potētiae, quā boni-
 tatis, et beneficentiæ moriēdo argumēta proferret;
 sexta diei hora reslindū fuit solis lumē, & tenebræ
 terrā usquequaq; occupauere: et tāta solitæ, natura-
 lisq; cōstitutionis facta est immutatio: ut nō solū qui
 forēt Hierosolimis, quiq; interessent impio facinori;
 possent rei insolitæ, atq; prodigiosæ causam agnosce-
 re: sed etiā pernibeātur fuisse Athenis, qui tā prodigiosam
 rē admirati in naturā, Deum ue patiētē eam
 retulerint. Cum iā tenebræ id genus per tres horas
 occupatā terrā tenuissent; et iam nona diei (si dies
 appellāda, quæ luce careat) hora ageretur; spiritu
 magna uoce patri cōmēdato Christus mortē obiuit,
 animamq; obiens efflauit. Sic obiuit mortē Christus,
 ut anima prorsus separaretur à corpore, & uirtus
 uerbi, quæ interuētū animæ se corpori humano in-
 diderat; tam animā abeuntē comitaretur, quā cor-
 pori anima casso insideret. quæ uirtus diuina uerbi
 potestatem habebat ponendi animā, rursusq; eā su-
 mendi; sic corpori insedit; ut nihilominus animam
 comitaretur: & sic animā comitata est, ut corpus ip-

DE DIVI. IN HOMI. BENE.

sum nō defereret. Cum anima in cōstituēdo homi-
ne uti forma corpori uniatur; necesse est, ut separata
à corpore anima homo ipse deficiat, mortēq; ineat.
nec prohibet uirtus uerbi, licet corpori separata ani-
ma insideat, quin homo ipse, in cuius cōstitutione ac-
cedēte anima se se indiderat, mortē obeat, mortemq;
patiat. Non minora, quā praecefferant, insecuta
sunt Christi mortem miracula. non minus mortui,
quā morietis Christi diuinitas, atq; potētia insigni-
bus declarata est ostētis. quin lōgē maiora, multoq;
plura rerum miracula, atq; ostenta mortuo Christo,
quā moriente edita cōperiuntur. uelū enim tēpli,
quo sacrorū penetralia ab oculis, prospectuq; uulgi
arcebātur, ab ima parte usq; ad summā totū scisum
fuit: terra ingenti motu cōcussa est: diffissae petrae: de
functorū aperta monumēta: complura mortuorum
corpora excitata. O mira, stupēdaq; rerū signa, quae
mortē Christi sunt insecuta. o admirāda ostēta, quae
ex Christi morte prodire; et Christo mortuo succeffe-
re. Mortuo Christo quidquid ueli, uelaminisq; obten-
sum fuerat legibus, et religioni Hebraeorū, quo sacra
diuinitatis penetralia spectari prohiberētur; diffis-
sum prorsus fuit, et disiectū: et quae diuina, mysti-
caq; minus hominū cognitioni patebāt, discisso uela-
mine, typisq; abruptis aperta, detectaq; fuere. quae
diuina tā Moysi, quā prophetarū monumentis de
Christo, ueraq; Dei religione cōtinebātur inuolucris
rerū obteēta, Christo mortuo patuerūt: et propriam,
genuināq; faciem ostēderūt. motu ingenti, simulac-
Christus obiuit, terrena hominum natio cōcussa est:

Et relicto animorū stupore excitata est ad cultū ue-
 ræ religionis, studiūq; salutis. morte Christi, quæ pri-
 us terreni hominis mens hærebat in rerū corporaliū
 studio; et immota persistebat in uitijs, uanisq; uitæ
 huius uoluptatibus: cōmota fuit ad rerū spiritaliū
 studiū; et à uitijs, uanisq; uitæ uoluptatibus excita-
 ta se se exercuit in cultū uirtutū, futuraq; uitæ feli-
 citate cōparāda. Diffissæ quoq; post Christi mortem
 fuere petreæ: obduratæq; instar petrarū hominū men-
 tes in ratione peccādi, maleq; agēdi studio dissilue-
 re: fractæq; amiserūt illā, qua perstabāt in peccādo,
 maleq; agēdo soliditatē, atq; pertinaciā. Quæ duriz-
 ties humanis animis inerat ad peccādū, persistendūq;
 in uitijs; et quæ obfirmata in rebus corporeis dun-
 taxat curādis, quærendisq; hominū fuerat pertina-
 cia. Christi morte fuit perfracta, et rigore resoluta
 disrupta. Aperta ē et fuere mortuo Christo defuncto-
 rū monumēta; et claustra peccati, tetraq; corruptio-
 nis humanæ ergastula, quibus homo in morte, et te-
 nebris detinebatur; disiecta fuere prorsus, et rese-
 rata. Claustra peccati, quibus homo corruptæ origi-
 nis causa cōcludebatur; et quibus tam morte, tene-
 brisq; oppressus; quā uita, et lucis munere cassus
 continebatur; perrupit, adaperuitq; sua morte Chri-
 stus: cuius mortui beneficio cū sit effectū: ut qui tam
 peccato originis, quā actionis laborantes mortui
 iacerent; et uitæ essent, atq; lucis expertes: excita-
 rentur à morte peccati; et ad uitam beatam, atq;
 immortalem adducerentur: nō ab re dicuntur pluri-
 ma hominum corpora post mortem ipsius excitata

uixisse, uiuēdiq; munia eo defuncto recepisse: quorū sanē corporū facta resurrectio sicut ex sacrae historiae testimonio uerior est, quā ut queat hāsitari: ita nihil prohibet, quin id miraculi unā cū ceteris, quae mortē Christi insecuta memorātur; possit aliquid praeerea referre; quod in animorum potius, quā corporū ratione consistat: et uim, uirtutēq; homini salutarē ex morte Christi prodeuntē repraesentet. Moritur Christus, excitatur homo. mortem obit Christus, mortuus homo uitā init, uitāq; recipit. O mirā mortis Christi uirtutē. O altā, sublimemq; diuini arcani rationē. Quae nam uirtus est haec? qua fit, ut ex morte uitae beneficiū prodeat; & per mortem uita pareatur? quis satis admirari queat uirtutem, qua fiat, ut mors in causa sit, ut uita inducatur; & mors unius efficiat, uti pluribus uita afferatur? Maior arcani huius est ratio: secretior huius rei, effectusq; est cōditio: quā ut queat satis humano intellectu inuestigari, aut ingenio hominis aliquatenus apprehēdi. apprehendimus quidem uim, & efficaciam, quam mors pii, atq; innocētis, qua plurimū sit bonitatis, atq; charitatis ostensum: habere possit in animis hominum erga ipsum pium, atq; innocentem afficiendis, beneuolentiaq; commouendis. possumus quoq; prout alias attigimus, suspicari mortem pii publicē prodesse studentis conducere compescendis uiribus, reprimendisq; conatibus eorum; qui se aduersos praestent operari rectē uolentibus. sed aliud quid arcani arbitror huic rei, siue morti inesse: quod homini innotescere, humanoq; intellectu

apprehendi nequeat: & quod in diuina providen-
 tiæ ratione collocatum non expediat, neq; conueniat
 ab homine, donec in hac sorde corporea degit, agno-
 sci, atq; intelligi. licet comperta Dei ex morte Christi
 in nos charitate prouocemur ad amandum, à quo
 maximè nos amari cõperiamus: & licet iusti morte
 repressis eius, qui aduersari soleat, uiribus facilitere
 cõparadæ animi rectitudinis facultatem consequamur:
 tamè adhuc aliquid secretioris mysterij superes-
 se arbitror; quo factũ sit, ut salutis humanæ institu-
 tio maximè robur, efficaciq; ex Christi morte susci-
 peret, et potissimã sui rationẽ in morte Christi cõsti-
 tutã haberet. Quonam pacto sanguis Christi effu-
 sus delẽdæ noxæ, seruãdiq; hominis rationẽ in se cõ-
 tineat, autumo æquẽ maioris esse arcani, quàm ut sa-
 tis apprehendi, satisq; possit explicari. si ex effuso san-
 guine, pro ut ex morte prouocatio charitatis, aduer-
 santisq; repressio inducatur: euenit, ut non minus
 sanguinis effusio, quàm mortis toleratio certã salu-
 tis cõstituendæ rationẽ retineat. Nã si repressis aduer-
 santis uiribus, & charitate ex deprehensa charitate
 suscitata animi rectitudo in homine constituatur,
 qua salus ipsa cõstet: nõ aliã necesse est esse effusi sã-
 guinis, quàm mortis obitæ in constituenda salute
 rationem. licet mortis obitæ uis uim sanguinis
 effusi in commouendo affectu, suscitandã que cha-
 ritate superare uideatur: tamen si uis obitæ mor-
 tis cũ uim sanguinis effusi in reprimẽdo malas uires
 aduersãtis ex priscis traditionibus, atq; institutis cõpa-
 retur: uideri poterit multo appositius se habere san-

DE DIVI. IN HOMI. BENE.

guinis effusio; & nō nihil maioris cōgruētiae ad id effectus in se cōtinere. si publica gētiū in aliqua re consensio nō carere prorsus ratione censenda est: & si quæ traditio ab incunabulis propemodū mundi tam literatorum hominum, quā uulgi ipsius consensu admissa, custoditaq; fuerit: inanis prorsus, & rationis expers existimāda nō est: qui celebrādis sacris, placādis Deis, cōpescendis inferis adhibitus reperitur sanguis, arguere potest arcanā nescio quā sanguinis ipsius uim, et efficaciam: quæ cōgrua, aptaq; sit tam conciliādis homini superis, quā reprimēdis ab infestando homine inferis. Quod si prisca illa gens mortaliū, nescio qua naturæ arcana ratione permota cēsuerit, tradidereq; publica consensione non solū humano, sed etiā pecuario sanguine tā superos placari, propitiariq; quā malas, nocuasq; inferorum pestes auerti: quid mirū fuerit, si sanguis pī, iusti q; hominis, eiusdē q; Dei plurimū ualuerit, uimq; maximā habuerit in conciliādo, placādoq; nobis Deo: & in reprimēdo punitioso, exitiali q; in nos Diaboli impetu, atq; imperio? Sed qui morti obitæ effusum quoq; sanguinem adiecerit; et mortē sanguine profuso obtam animaduenterit: pro ut uim geminatā in suscitanda charitate deprehendet: ita in cōciliādi Dei, reprimēdiq; Diaboli ratione conduplicatā efficaciam agnoscet. qui uerò ulterius ratiocinādo considerarit eū, qui mortem obiuit, sanguinēq; effudit, nō minus Deū, quā hominē extitisse: et liuore, operaq; Diaboli tā mortem obiisse, quā sanguinem profudisse: is mirē cōgruā in Christi morte, Christi q; sanguine ras-

tionē conciliādi Deo hominis, hominisq; à potestate
 Diaboli eripiēdi cōperiet. quo enim pacto melius, cō
 gruētiusq; Deo poterat cōciliari homo, qui peccando
 mortē incurriisset; mortēq; incurſa Dei gratiā amiſiſ
 ſet: quā Deo ipſo faēto homine, & cauſa hominis
 mortē ſubeūte? Deus immortalis mortalitate homi
 nis aſſumpta, dū mortē ſubit, mortē hominis ſic ſua
 immortalitate curauit; ut participata morte, quæ
 fuerat hominis, ſuæ immortalitatis participē effice
 ret hominē. quō fit, ut homo immortalitatis, quam
 peccato amiſerat, cōpos fiat eo moriente, qui alioqui
 foret immortalis, et nullius peccati ſorde laboraret:
 et ipſa immortalitate, peccatiq; abolitione conſecuta
 Deo cōcilietur Dei ipſius opera, atq; munere. Cū ſub
 iectū, obſtrictumq; ſibi cauſa mortis, atq; peccati
 hominē detineret Diabolus; congruū fuit, ut reſuſ
 in morte ei, qui alioqui foret immortalis, et inſons,
 inferenda uiribus ſe ſe reciperet: et confuſus morte
 immortalis, & innocentis cederet poſſeſſione ho
 minis, quem mortis, atq; peccati ratione poſſide
 ret. conueniens quoq; fuit, ut cū mortem homo, qui
 alioqui fuiſſet immortalis, peccādo incurriſſet: et cū
 immortalitatem, uitamq; quam obtinuiſſet, peccato
 amiſiſſet: eſſet, qui cū immortalis foret, & uitam in
 ſe haberet; moriendo mortē extingueret, & morte
 morte ipſa extinēta uitā, immortalitatemq; reſtitue
 ret. Sed cum ratio reddēde immortalitatis, reſtituen
 dæq; uitæ cōſiſtat in reſtitutione animi inducenda;
 quæ fide, ſpe, charitateq; cōſtans, uerē hominem Deo
 conciliat: ea mortis conditio, quæ maximā morientis

DE DIVI. IN HOMI. BENE.

bonitatem, atq; charitatem arguat: pollere maximè existimanda est ad fidem, spem, charitatem in ipsum morientem excitandā. Cum uerò tantò maior ultrò morientis bonitas, charitasq; arguatur; quanto mors tolerata apparet sanguinolentior, atq; atrocior: confit, ut non solum congruum, opportunumq; fuerit pro conciliando homine ipsi Deo, Christum mori; sed etiam atroci, sanguinolentaq; morte interire. cum enim sanguinolentia, atrocitasq; mortis Christi præter arcanam uim, quam cōtineat, excitādo cōducatur in Christi, Deiq; amorem homini: quæ conciliatio facienda erat ex affectu hominis in Deū conuertendo; nulla Deo ipsi contingente immutatione, non poterat melius fieri, efficaciusq; succedere; quā morte interueniente, atq; ea crudeli, et sanguinolenta: cum huiusmodi maximè expedire possit pio in Deum, Christumq; hominis affectui commouendo: quem tantò magis, tantoq; efficacius commotum iri existimandum est: quanto plus bonitatis, & charitatis ex genere mortis comperit fuisse exhibitum, atque ostensum. Ex genere itaque mortis cruento, atque atroci, quod nostri causa ultrò Christus subiuit, perpendamus ciues Christi, Deiq; bonitatem, et charitatem erga nos: & tantæ bonitati, tantæq; in nos charitati studeamus pio affectu respondere. tantæ bonitati, tantæq; in nos charitati oportet pio nos tripliciter affectu respondeamus; si uolumus eam animi rectitudinem cōsequi: in cuius cōsecutione nostræ uitæ, nostræq; immortalitatis, et salutis ratio constituta est. oportet ex

nim fidei affectu sic respōdeamus, ut quem bonū, be-
 neficiū, amantemq; ex pluribus officijs, muneribusq;
 experti sumus: eū credamus esse pręstaturū, simulac
 hinc exceſſerimus, quidquid beneficij, atq; doni pro
 ſua bonitate, ſuaq; in nos charitate nobis ſpopōderit,
 atq; promiſerit. Quem potētem, quē benignū, quem
 proptū ad benefaciendū eſſe pluribus cōſtat, quā du-
 bitari poſſit, argumētis; in eū firmę ſpei affectū ſic o-
 pus eſt, ut dirigamus: ut ſperemus nos ab ipſo, qui ſit
 potētiffimus, benigniſſimus, beneficiſſimus, cōſecu-
 turos bona, beneficia, munera: quę pro ſua magnitu-
 dine, atq; cōditione nequeāt nec ore humano expri-
 mi, nec mēte, intellectuq; hominis cōprehēdi. A quo
 nos innumeris beneficijs affectos intelligamus; &
 quem nullo non genere officiij, atque beneficij amā-
 tiſſimum noſtri, noſtriq; ſtudioſiſſimū agnoſcamus:
 eum præcipuo amore, ardētq; charitatis affectu, ne-
 ceſſe eſt proſequamur; & in eū diligēdum, colendū,
 ſtudioq; omni amādum incumbamus. fieri nō poſeſt
 ſine inſigni ingrātitudinis nota: ut quę tot præcla-
 ris teſtimonijs comperiamus noſtri amantiſſimum,
 nobisq; conſulēdi, benefaciendiq; ſtudioſiſſimū; in eo
 colēdo, amādoq; aliquid ſtudiij, operę, diligētix præ-
 termittamus, et ſinamus quidquā rei, aut negotij, eſ-
 ſe; quo diſtrahamur ab eius amore, atq; charitate: et
 cuius cauſa noſter in eū amor, et charitas remitta-
 tur, atq; refrigeſcat. Quin ſi noſtrę ſalutis rationem
 habere uolumus; & uitam beatam, atq; immorta-
 lē conſequi optamus: toto ſtudio, toto conatu, totis
 animis oportet eum colamus, atque amemus: in

DE DIVI. IN HOMI. BENE.

cuius cultu, atq; dilectione ratio omnis nostræ salutis, nostræq; uitæ, & felicitatis collocata est. Huius amoris, huius charitati tã nihil à nobis est præferendũ; ut nisi omnia causa ipsius nauci faciamus: & in ipso colendo, amandoq; præcipuũ studium, operamq; colloceamus; non sit cur uideri possimus aliquo pacto ingratitudinis crimen effugere, aut aliquã uitæ, siue salutis rationẽ habere. Cum pro sua benignitate, suaq; proficiendi, et cõsulendi homini cupiditate, atq; cura nihil prætermiserit Deus, quo suã in nos beneficentiã, charitatemq; testaretur: testãdoq; prouocaret nos in sui studiũ, atq; amorẽ; quo felicitatem, immortalitatemq; cõsequeremur: nihil fuerit excusationis, quã prætedamus; nihil exceptionis, quam opponamus; si tot argumẽtis, totq; ualidis testimonijs comprobata, ostẽsamq; Dei in nos beneficentiã, et charitatem minus agnouerimus: & tot, tamq; præclaris beneficijs prouocati nõ cõceperimus in Deum ipsum amorem; & pio charitatis affectu in eum acti, cõmotiq; nõ fuerimus. Si Deus omni genere beneficij comperitur inuitasse, prouocasseq; hominem in sui cultum, atq; amorem; & tã suam insignem bonitatẽ, atq; potentia ostendendo; quã suæ beneficentiæ, et charitatis clara testimonia edendo procurasse eum excitandũ, atq; trahendum in studium, affectumq; salutiferæ religionis: quæ hominis ipsius ignauia est, & stoliditas; qui tot beneficijs, totq; charitatis testimonijs nõ inducatur, non commoueat ad amandum, et amando efficiendum; ut longè pluribus denique beneficijs possit affici; & uita beata, immortalisq; salute do-

uari:
stitit e
charit
tremi
mini t
solu uir
teq; sube
benign
expectat
Deiq; an
nihil rel
in sui am
posset ex
uis ben
modis in
suã offe
sa pro
testi; m
cienã
potent
sue m
& ex
testi; m
trahit;
concili
tem in
uit: u
ritatis
sit u
exerc

nari? si Deus ab hominis origine eum se semper præstitit erga ipsum hominē; ut innumera suæ erga eū charitatis, & beneficentiæ documēta ediderit: & extremò filiū miserit: qui sumpto humano corpore homini traderet rationem salutis consequendæ: et nō solū uiuēdo, docēdo, operādo; sed etiā patiēdo, mortēq; subeūdo testaretur suā, patrisq; bonitatē, potētiā, benignitatē, charitatē: quid amplius exigimus, atq; expectamus, quo possint animi nostri in Dei cultū, Deiq; amorē prouocari? Misso filio, factōq; homine nihil reliquit Deus, quod pro excitādo, cōmouēdoq; in sui amorē, suiq; cultū homine cōducere posset; & posset expedire homini ipsi ad salutis, uitæq; immortalis beneficiū deducēdo. Multifariā, multisq; adeo modis in Christo, filioq; suo bonitatem, benignitatēq; suā ostēdit: ut si quid bonitatis, atq; benignitatis ostē se prouocare amorē, animosq; humanos cōciliare potest; nihil præterea desiderari queat, quod ad id efficiendū pertinere posse uideatur. Suā uirtutē, suāq; potentiam in filio sic demonstrauit: ut si quid ostenti, siue miraculi hominem in admirationem adducere, & ex admiratione in cultū, amorēq; trahere potest: nihil sit præteritū, quo posset tā admiratio contrahi; quā contracta admiratione cultus, amorq; conciliari. Sic se beneficiū, sicq; beneuolū, atq; amantem in hominem filij opera præstitit, atq; comprobauit: ut nulla beneficentiæ officia, nulla amoris, et charitatis specimina reliquerit; quibus in hominem nō sit usus; & quæ in iuuando, tuendoq; homine non exercuerit, atq; præstiterit. Quò fit, ut nullum non

DE DIVI. IN HOMI. BENE.

lapidē cōmouerit Deus; nihil non tētarit, et executus sit: quo posset custodito humani arbitrij iure in sui cultū hominē adducere; suoq; hominē ipsum amore succendere: quo succensus, uitā beatam ageret; & salutē aeternā consequeretur. Cum itaq; ciues tā illustrem, tamq; comprobata Dei in nos beneficentia, & charitatem uideamus: et deprehēdamus nullo non remedio eliciendi amoris à Deo nostri causa nos esse prouocatos ad amādū: nihil est, cur non debeamus rerum humanarum uano amore, & studio deposito, atq; abicēto soli Deo colēdo, amādōq; incūbere: et solius Christi, Deiq; colēdi, amādīq; rationem habere. Non est ciues, nisi desipimus omnino, cur inanibus, uanisq; rerum curis, atq; studijs detineamur: quominus totis uiribus, totisq; animis Deum colere, Deumq; amare contendamus: & conatum omnem, omnemq; uim conuertamus ad eum colendum, atq; amandum: in quo colendo, & amando consistit omnis nostrae felicitatis, atq; salutis ratio. Nō est hic locus ciues nobis destinatus: nō hac fragiliū rerum nobis propria est possessio: hic peregrinamur: hic precario habitamus: aliō nos nostri finis ratio accersit: aliarum rerum preciosior possessio nobis addicta est. Quid in hac peregrinatione curam, studiumq; collocamus? quid in rebus non nostris, momentanea; rerum possessione affectum nostrum, amoremq; constituimus? eō curam, studiumq; conuertamus ciues: eō affectum, amoremq; dirigamus: ubi perpetuū uiuere; ubi perpetua felicitate frui possimus. eō totis animis incumbamus: eō eo-

to studio, atq; affectu feramur: ubi nobis perpetua felicitatis possessio sit futura; & ubi ex ratione nostri finis æternam quietem, felicitatemq; immortalis simus acturi. Vbi perpetuò uiuamus, ubi felicem uitam traducamus, eò perueniemus omnino: si dum hic agimus, atque peregrinamur; proposuerimus cæteris omnibus traductis Deum nobis colendū, atq; amandum: et gestis, institutisq; Christi sic in hæserimus: ut nō minus studeamus uiuendo eū imitari; quā bonitatem, potentiā, charitatem, beneficentiam eius perpendendo, atq; considerādo colere, atq; amare. Ne nobismet ipsis ciues desimus; quibus tanto studio, tantaq; diligentia procurauit Deus cauendū, atq; consulendū: & ne permittamus eorum cura, atq; amore, quæ nihil firmitatis, nihilq; quietis habent; et non minus anxietatis, quā laboris afferūt; animos nostros occupari: sed curam, mentem, affectumq; omnem nostrum ad Deum conuertamus & Dei coleni, atq; ue amandi rationem solum: ineamus: quam tam facilem, tamq; expeditam pro sua bonitate, suoq; benefaciendi studio reddidit: ut undiq; inuitemur, & omni ratione ad eā ineundā prouocemur. Dum igitur tempus habemus ciues: & dum superest nobis occasio: his rerum tricis nosmet explicemus: & uanis corporis, atque mundi affectibus in nobis restinctis, totum animi, cordisq; affectum dirigamus ad Deum obseruandum, atque amandum: quod quidem si fecerimus, nihil est, cur diffidamus nos uitam, salutemque consecuturos: & unā cum Christo, quem moriendo fuerit

DE DIVI. IN HOMI. BENE.

mus imitati, resurrecturos: qui quidem Christus
tam procul abest, ut pro sua bonitate, suaq; in ho-
minē charitate studijs, conatibusq; nostris sit defutu-
rus: ut ex eius promissione, qua excitatus sanxit se
semper adfuturum homini, quousq; perdurarent
tempora, ualidam opem, præsensq; auxiliū sperare
omnino debeamus.

REGISTRVM.

ABCDEFGHIKLMNOPQRSTVXYZ
A A B B C C D D E E F F G G.

VENETIIS

A. P. V. D. ALDI FILIOS

M. D. LII.

Folio .
Fol. 16
Fol. 26
arce.
dam.
sa. lege
institam
lin. 9.
pa. 1. 1.
Fol. 59.
Fol. 78.
causa scuo
gi quo fali
monenapo
legi fropia
legi q. 1.
no. legi
lege effi
ge (uicij
ter. lege
lege affi
abrogan
riura. F
lin. 14.
menda.
Fol. 196.
Fol. 19
Eisdem
Fol. 206
Fol. 210
Fol. 113

ERRATA.

Folio . 12 . Pagina 1 . linea 5 . aut ab . lege ut ab .
 Fol . 16 . pa . 1 . lin . 29 . suisq; . lege suiq;
 Fol . 26 . pa . 1 . lin . 15 . Historiam igitur arcæ . lege Historiam
 arcæ . Fol . 29 . pa . 2 . lin . 10 . est . Dum . lege est:
 dum . Fol . 34 . pa . 1 . lin . 16 . ministranda cau-
 sæ . lege ministranda causæ . Fol . 36 . pa . 2 . lin . 13 .
 iustitiam: quæ . lege iustitiam, qua . Fol . 37 . pa . 1 .
 lin . 9 . qui quocunq; . lege qui quacunq; . Fol . 44 .
 pa . 1 . lin . 22 . Dei benignitate . lege Dei benignitati .
 Fol . 59 . pa . 2 . lin . 15 . e quibus . lege à quibus .
 Fol . 78 . pa . 1 . lin . 2 . corporis secum . lege corporis
 causa secum . Fol . 92 . pa . 1 . lin . 29 . quo facto . le-
 ge quo fato . Fol . 111 . pa . 2 . lin . 12 . morte filius . lege
 morie nepos . Fol . 123 . pa . 1 . lin . 13 . ex scriptorum .
 lege scriptorum . Fol . 128 . pa . 2 . lin . 4 . est, strenue
 lege est, & strenuè . Eisdem fol . & pa . lin . 10 . quæ
 non . lege qui non . Fol . 137 . pa . 2 . lin . 24 . affectui .
 lege effectui . Fol . 143 . pa . 2 . lin . 24 . suscipitis . le-
 ge suscipit; is . Fol . 158 . pa . 2 . lin . 11 . efficacia; præ-
 ter . lege efficacia; ut præter . Fol . 159 . pa . 2 . lin . 6 . effectus .
 lege affectus . Fol . 164 . pa . 1 . lin . 30 . abrogare . lege
 abrogari . Fol . 168 . pa . 1 . lin . 18 . interiora . lege infe-
 riora . Fol . 175 . pa . 1 . lin . 12 . ipsis . lege ipsius . Fol . 182 . pa . 1 .
 lin . 14 . correpta . lege correctæ . Fol . 188 . pa . 1 . lin . 9 .
 uiuendi . lege uidendi . Fol . 192 . pa . 2 . lin . 30 . eò . lege eos .
 Fol . 196 . pa . 2 . lin . 8 . meti iefficax . lege meriti efficax .
 Fol . 197 . pa . 1 . lin . 19 . fuit cœlestia . lege fuit ad cœlestia .
 Eisdem fol . & pa . lin . 21 . excitato . lege excitatio .
 Fol . 206 . pa . 1 . lin . 22 . immunditiæ . lege immunditie .
 Fol . 210 . pa . 2 . lin . 16 . promptum in . lege promptumq; in .
 Fol . 113 . pa . 1 . lin . 17 . requirens . lege requirere .

5818179



